

# **S T E N O G R A M**

**22. RADNE SJEDNICE SKUPŠTINE KANTONA Sarajevo**

**ODRŽANE 27.12.2012.GODINE SA POČETKOM U 10,00 SATI**

## **Predsjedavajuća:**

Dame i gospodo, otvaram 22. Radnu sjednicu Skupštine Kantona Sarajevo.

Uvažene kolege i kolegice poslanike, pozdravljam, kao i članove (ja sam uključena, ne znam šta čujete ili šta ne čujete, sada ćemo pogledati šta se dešava sa tehnikom, ja se izvinjavam, ali.) Izvinite imamo tehničke probleme pa ćemo sačekati sekundu. Da li me sada čujete? Da.

Dakle, otvaram 22. Radnu sjednicu Skupštine Kantona Sarajevo.

Pozdravljam, uvažene kolege i kolegice poslanike, premijera i članove Vlade i uvažene goste. Među uvažanim gostima ja se na nadam da su to i predstavnici; opština, javnih ustanova, preduzeća, predstavnici nevladinih organizacija, Sindikata i Međunarodne zajednice, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a nama želim i uspješan rad i pravu radnu atmosferu.

- 0 -

Dozvolite mi, da prije nego što pređemo na radni dio 22. sjednice Skupštine Kantona Sarajevo, iskoristim priliku i u ime Skupštine Kantona Sarajevo i u svoje lično ime uputim iskrene čestitke u povodu praznika koji su prošli i onih koji dolaze, sa željom upućenom svima za dobro zdravlje, sreću i uspjeh kako na poslovnom, tako i na privatnom planu.

- 0 -

Prema evidenciji Službe, sjednici prisustvuju 33 poslanika, što je dovoljan broj za punovažan rad i odlučivanje.

Nemamo opravdanja, dva poslanika su nam za sada, u ovom momentu. Ne, ne dobro je. Mi imamo trenutno odsustvo od nas 35, jednog poslanika koji je podnio ostavku čiju ćemo zamjenu danas birati, i drugog koji je podnio ostavku a koji nije još uvijek zamijenjen odlukom CIK.-a. Uglavnom svih 33 poslanika koja trenutno imaju mandat su prisutna.

- 0 -

Prije prelaska na utvrđivanje Dnevnog reda, upravo zbog ovog o čemu sam govorila, imam obavezu da vas upoznam, ja čekam da se kolege smire, pa ću nastaviti, da je na osnovu Odluke Centralne izborne komisije BiH, broj: 06-1-07-1-1514/12 od 12.12.2012.godine Hošić Muji, sljedećem kvalificiranom kandidatu sa liste političkog subjekta Socijal demokratske unije Bosne i Hercegovine za Skupštinu Kantona Sarajevo, dodijeljen mandat poslanika u Skupštini Kantona Sarajevo.

Ne moram napominjati da je dosadašnji poslanik gospodin Nermin Pećanac izabran za ministra Ministarstva unutrašnjih poslova Kantona Sarajevo, te stoga je njegovo mjesto popunjeno sljedećim kandidatom sa liste SDU.)

Pozivam uvažnog gospodina Muju Hošića da položi Svečanu izjavu. Molim kolege poslanike da ustanu. Gospodine Hošiću ja vas molim da za mnom ponavljate riječi Svečane izjave.

## SVEČANA IZJAVA

**„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO , PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.**

Hvala vam i čestitam.

Dakle još jedanput, sad s ove pozicije, zvanično i u ime svih nas i dopredsjedavajućih i svih poslanika, još jedanput novoizabranom poslaniku gđinu Muji Hošiću čestitam na izboru i želimo uspješan rad u Skupštini Kantona Sarajevo.

Predsjednik Kluba SDP- kaže da ima neku intervenciju, poslovničku pretpostavljam.

### **Poslanik Nedžad Fazlija:**

Jeste predsjedavajuća, zahvaljujem. Pozdravljam sve prisutne kao i gledaoce koji nas trenutno prate. Ja bih samo da podsjetim da je Klub SDP-a prije Kolegija tražio da se u skladu sa novom parlamentarnom većinom napravi novi raspored u skupštinskim klupama. I također, pošto nam to zbog većine u Kolegiju nije dozvoljeno, i također podsjećam na Zaključak Kolegija da se onda prema svim poslanicima ponašamo isto, također tražim da se poštuje zaključak Kolegija da gospodin Damir Čardžić sjedi u klupama gdje sjede ostali poslanici. Ukoliko to nije moguće, ukoliko ga ne možete zamoliti da to uradi, onda na sljedećoj skupštini Klub zastupnika SDP-a i SBB-a će se formirati onako kako želi, jer i drugi poslanici se tako ponašaju. Hvala.

### **Predsjedavajuća:**

Hvala vam lijepo, dakle vaša intervencija možda jedino nije u najboljem tajmingu, poslije ove svečarske zakletve, činjenica jeste i ja sam pretpostavljala da će svi članovi Kolegija koji učestvuju u radu Kolegija ove Skupštine prenijeti svojim članovima klubova ono što je Kolegij zaključio, a to bi valjda trebalo biti obavezujuće. Dakle, zbog onih, najviše zbog gledaoca koji ne znaju o čemu se radi, ja ću samo reći jednu rečenicu, a to je da je središnji dio ovog prostora predviđen za sjedenje poslanika. Ne može intervencije dok ja ne završim, nemojte biti nepristojni, valjda su vas naučili kod kuće. Dakle jedini prostor koji ima elektronsko ozvučenje pored središnjeg prostora je prva stolica u prvom redu, s lijeve moje strane, zbog toga što ovaj prostor koristi i opštinsko vijeće Centar a to je pozicija za načelnika opštine. Dakle, to sada nije bitno. Činjenica je da je Kolegij donio odluku da svi poslanici sjede na predviđenim prostorima, između ostalog zbog reda i discipline u toku našeg rada. Isto je tako činjenica da Kolegij nije uvažio zahtjev SDP-a i njenog Kluba, s obzirom da više ne predstavlja većinu, ne mora da sjedi u prvom redu, mada je običaj da najbrojniji klub uvijek, i da se tako redaju po veličini. To je također odluka Kolegija i mi ćemo je poštovati. Dakle, ja zaista molim gospodina Čardžića da sjedne na prazne prostore u kojima također može uključiti svoj laptop kao što to uključuju i druge kolege, jer je to bilo opravdanje na samom početku ili negdje u toku. I ja bih vas lijepo zamolila, danas je pred nama veliki

dnevni red, nemojte da gubimo vrijeme na rasprave, to što hoćete da mi kažete reći ćete kasnije, sada prelazimo dalje. Naredna Skupština će valjda biti mjesto gdje će se ispoštovati odluke Kolegija. Ma niste vi stavljeni u negativni kontekst, neću da se raspravljam. I nije mjesto ovdje za ovakve rasprave, ja sam čak naglasila šta je bio razlog vašeg sjedenja zbog mogućnosti kontakta sa električnom mrežom. I nemojte sada da o tome razgovaramo, tako ste baš rekli. Ne znam ko može reći neću. Ajde dajte riječ, kaže dopredsjedavajući Ademović, uključite gđina Čardžića.

**Poslanik Damir Čardžić:**

Hvala predsjedavajuća, dopredsjedavajući, svima prisutnima dobar dan. Hvala što ste mi dopustili. Meni je jako žao što sam ja stavljen u negativnom kontekstu, možda da sam još uvijek u Klubu SDP- a mogao bih cijeli red da zauzmem ovdje i nije razlog da ste vi meni dopustili zato što sam imao laptop predsjedavajuća, nego sam ja zamolio da sjednem tu i svi ste mi vi rekli da ne predstavlja problem da ne mogu da sjedim. Ali pošto je vaša navika da ljude koji nisu sa vama u parlamentarnoj većini vi pokušavate u pogrešnom svjetlu da predstavite, evo ja ću sve učiniti, ko učiteljicu ću vas zamoliti da mi vi kažete gdje ću ja da sjedim, da bi vi izglasali da sam u ovom momentu postupio ispravno. Ne znam šta bih vam drugo ja rekao. Vi mi recite evo ja ću preći sada ovog momenta. Mogu li ja?

**Predsjedavajuća:**

Ne bih ja sa vama na vaš način polemisala, to svako neka odluči o tome šta će reći a vi ćete sjesti tamo gdje hoćete, ja nisam nikakva učiteljica ovdje. Možemo li mi nastaviti sa ozbiljnim radom ovdje.

- 0 -

Prijedlog dnevnog reda 22. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.12.2012 .godine.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, br.41/12), Kolegij Skupštine Kantona Sarajevo, dana 21.12.2012.godine, prihvatio je zahtijev Vlade Kantona Sarajevo, da se Prijedlog dnevnog reda 22. Radne sjednice, dopuni sa sljedećim tačkama:

1. Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period od 01.01. do 31.03.2013. godine; (razmatraće se kao 7. tačka)
2. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2012. godinu; (razmatraće se kao 8. tačka)
3. Prijedlog odluke o davanju saglasnosti na Odluku o privremenom finansiranju potreba JU „Služba za zapošljavanje Kantona Sarajevo” Sarajevo za period od 01.01. do 31.03.2013. godine, broj: 05/1-1925/12 od 13.12.2012. godine; (razmatraće se kao 13. tačka)

- 0 -

**PRELAZIMO NA UTVRĐIVANJE DNEVNOG REDA DANAŠNJE SJEDNICE.**

Na osnovu naprijed navedenog Prijedlog dnevnog reda, današnje, 22. Radne sjednice Skupštine Kantona glasi:

1. Poslanička pitanja, inicijative i odgovori;
2. Prijedlog Zakona o javnim skijalištima;
3. Nacrt zakona o izmjenama Zakona o koncesijama;
4. Prijedlog odluke o privremenom finansiranju potreba Kantona Sarajevo za period 01.01. do 31.03.2013. godine;
5. Prijedlog odluke o davanju garancije u ime KJKP "Sarajevogas" d.o.o. Sarajevo u visini razlike fakturisanog i plaćenog iznosa mjesečne potrošnje prema BH Gasu d.o.o. Sarajevo;
6. Prijedlog odluke o zaštiti i poboljšanju kvaliteta zraka u Kantonu Sarajevo;
7. Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period od 01.01. do 31.03.2013. godine;
8. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2012. godinu;
9. Prijedlog Odluke o davanju saglasnosti na Izmjene i dopune Plana kapitalnih ulaganja Zavoda zdravstvenog osiguranja Kantona Sarajevo u javnim zdravstvenim ustanovama za period 2011-2013 godina;
10. Prijedlozi odluka o izmjenama Odluke o preuzimanju prava osnivača:
  - a) Javne ustanove „Narodno pozorište Sarajevo“
  - b) Javne ustanove „Sarajevska filharmonija“.
  - c) Javne ustanove „Pozorište mladih“ Sarajevo;
  - d) Javne ustanove „Kamerni teatar 55“ Sarajevo;
  - e) Javne ustanove „Sarajevski ratni teatar – SARTR“.
  - f) Javne ustanove „MESS -Međunarodni teatarski i filmski festival Sarajevo“;
  - g) Javne ustanove „Muzej Sarajeva“;
  - h) Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“;
  - i) Javne ustanove „Historijski arhiv Sarajevo“;
  - j) Javne ustanove „Collegium artisticum“ Sarajevo;
  - k) Javne ustanove „Biblioteka Sarajeva“;
  - l) Javne ustanove „Bosanski kulturni centar“ Sarajevo;
  - m) Javne ustanove za organizovanje kulturnih programa i međunarodnu saradnju u kulturi „Sarajevo art“;
  - n) Javne ustanove Muzej „Alija Izetbegović“;
11. Prijedlog odluke o izmjeni Odluke o osnivanju Skupština javnih preduzeća čiji je osnivač Kanton Sarajevo i prijedloge odluka o izmjenama Odluka o usklađivanju statusa Kantonalnih javnih komunalnih preduzeća sa Zakonom o javnim preduzećima u Federaciji Bosne i Hercegovine i to:
  - a) "Vodovod i kanalizacija",
  - b) „Rad“,
  - c) „Park“,
  - d) „Pokop“,
  - e) „Sarajevogas“,
  - f) „Toplane“,
  - g) „Tržnice-pijace“,
  - h) "Kantonalna veterinarska stanica",
  - i) "ZOI84",
  - j) „PD Butmir“,
  - k) Centar "Skenderija",
  - l) „Sarajevo-šume“
  - m) "Gradski saobraćaj "

- n) "Televizija Kantona Sarajevo"
12. Prijedlog odluke o davanju saglasnosti na Poslovník o radu Vijeća nacionalnih manjina Kantona Sarajevo;
  13. Prijedlog odluke o davanju saglasnosti na Odluku o privremenom finansiranju potreba JU „Služba za zapošljavanje Kantona Sarajevo” Sarajevo za period od 01.01. do 31.03.2013. godine, broj: 05/1-1925/12 od 13.12.2012. godine;
  14. Prijedlog odluke o davanju saglasnosti na Izmjene i dopune Finansijskog plana prihoda i izdataka Javne ustanove “Služba za zapošljavanje Kantona Sarajevo” Sarajevo za 2012. godinu;
  15. Prijedlog Odluke o davanju saglasnosti na Program rada Kantonalnog stambenog fonda Sarajevo za 2013. godinu;
  16. Prijedlog Odluke o davanju saglasnosti na Plan rada sa finansijskim planom prihoda i rashoda za 2013. godinu Kantonalnog stambenog fonda Sarajevo;
  17. Prijedlog Odluke o davanju saglasnosti na Finansijski plan Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2013.godinu, sa Planom razvojnih programa – Investicionim planom;
  18. Prijedlog Odluke o davanju saglasnosti na Programa rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2013.godinu
  19. Izvještaj o realizaciji Plana povratka u i iz Kantona Sarajevo za period 01.01.-30.06.2012. godine sa osvrtom na problematiku obezbjeđenja alternativnog – nužnog smještaja;

Molim poslanike da se izjasne o Predloženom dnevnom redu.

Od prisutnih 33, trebalo bi nas biti 34, ko nije karticu dobio, dakle, imamo 32 je glasalo ZA i 1 poslanik protiv. Niko nije bio suzdržan.

Pardon, ja vas lijepo molim, ja ću ponoviti glasanje ako treba, ja sam također glasala za ovaj dnevni red. Meni služba stavi ovdje karticu. Ja se izvinjavam mogla bih cijelo vrijeme biti da moja kartica nije u funkciji.

**KONSTATUJEM DA JE SKUPŠTINA ZA 22. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.**

- 0 -

Uz poziv za sjednicu i u dopunskom materijalu, kao informativni materijal, dostavljena vam je:

- Prijedlog odluke o privremenom obustavljanju izvršavanja pojedinih rashoda i izdataka u Budžetu Kantona Sarajevo za 2012. godinu;
- Informacija o monitoringu i evaluaciji Programa sufinansiranja zapošljavanja pripravnika VSS, VŠS, SSS i KV stručne spreme – 2011;
- Akcioni plan za implementaciju strategije protiv maloljetničkog prijestupništva za BiH u Kantonu Sarajevo;

PRIJE PRELASKA NA PRVU TAČKU DNEVNOG REDA MOLIM DA SE IZJASNIMO O ZAPISNICIMA koji su na preostali sa prethodnih sjednica, a to je SA 19, 20 i 21. RADNE SJEDNICE SKUPŠTINE KANTONA SARAJEVO.

- - - - -  
**Zapisnik sa 19. Radne sjednice dostavljen vam je uz poziv za sjednicu, zajedno sa stenogramom iste sjednice.**

Ima li primjedbi? Ja nemam prijavljenih.

Molim vas da se izjasnite o Zapisniku 19. Radne sjednice Skupštine Kantona Sarajevo, održane dana 19.09.2012 . godine.

Dakle nije glasalo 2, od 31 poslanika koji je glasao, 31 je bilo ZA.

**Konstatujem da je Skupština potvrdila Zapisnik sa 19. Radne sjednice Skupštine Kantona Sarajevo, održane dana 19.09.2012 . godine.**

- - - - -  
**Zapisnik sa 20. Radne sjednice dostavljen vam je uz poziv za sjednicu, zajedno sa stenogramom iste sjednice.**

**Ja elektronski imam verificiranog samo 31 to vam govorim. Intervencija gospodin Čardžić ako se prijavi.**

**Poslanik Damir Čardžić:**

Hvala predsjedavajuća, ja bih zamolio samo da se pokazuju rezultati na monitoru goru da cijelim tokom se pojedinačni pri prikazivanju pokazuju što duže, sada smo imali gore samo se preleti ko je glasao ko nije, samo da kažete stručnim službama. To je u kontinuitetu, jer nam je bitno da znamo ko glasa, ko ne glasa. Hvala puno prijatno.

**Predsjedavajuća:**

Ima li primjedbi na zapisnik sa stenogramom?

**Poslanik Dževad Rađo:**

Hvala vam lijepo. Nema reći ništa, međutim mi bi trebali znati da imamo poslanike koji su tek položili zakletvu pa nisu učestvovali u prethodnim sjednicama, samim tim nisu ni mogli komentarisati, ni glasati za nešto u čemu nisu mogli učestvovati u radu. Tako da kolege koje su malo koji ne prate rad informišemo pa otuda je i ovaj broj delegata odnosno poslanika koji ne glasaju.

**Predsjedavajuća:**

Hvala vam gospodine Rađo na intervenciji. Ja hoću samo da kažem, nas trenutno sa punopravnim angažmanom u ovoj Skupštini ima 34. 33 stalno elektronski imam prikazano. Moja je zadaća, na to ste me čak često upozoravali, mislim da nije loša ideja. Dajte probajte na bilo koji način. Nešto nije u redu sa jedinim poslaničkim elektronskim. Hajte molim vas probajte pritisnuti bilo koji od mogućih tastera samo da vidimo rade li nam sva elektronska mjesta, molim vas. Hajte probajte glasati ako smo svi pritisli neku od varijanti da vidimo jesmo li svi. Sada će nam pokazati prikaz, samo da vidimo kome rade. Evo sada je u redu. Hvala vam najljepša. Sve je u redu. 34 sada imamo napisana. Sada sve radi. Hvala vam lijepo. Možemo ići dalje. Ne, ne , 34 mi je na elektronskom monitoru kartica koje funkcionišu.

**Dakle ako je to bila jedina primjedba u toku rasprave sa 20. sjednice, molim vas da se izjasnite o Zapisniku 20. Radne sjednice Skupštine Kantona Sarajevo, održane dana 21.09.2012 . godine.**

**Nije glasalo 3, od 31 koji su pristupili glasanju, svih 31 su glasali za, nije bilo suzdržanih, nije bilo protiv.**

**Konstatujem da je Skupština potvrdila Zapisnik sa 20. Radne sjednice Skupštine Kantona Sarajevo, održane dana 21.09.2012 . godine.**

- - - - -

**Zapisnik sa 21. Radne sjednice dostavljen vam je uz poziv za sjednicu, zajedno sa stenogramom iste sjednice.**

Ima li primjedbi? Očito je da nemamo.

Molim vas da se izjasnite o Zapisniku 21. Radne sjednice Skupštine Kantona Sarajevo, održane dana 21.11.2012 . godine.

2 nisu pristupila glasanju, 32 jeste. I svih 32 je glasalo ZA, nije bilo suzdržanih i nije bilo protiv.

**Konstatujem da je Skupština potvrdila Zapisnik sa 21. Radne sjednice Skupštine Kantona Sarajevo, održane dana 21.11.2012 . godine.**

- - - - -

**Prelazimo na realizaciju dnevnog reda.**

**Prvo su poslanička pitanja i inicijative.**

**AD - 1.**

## **POSLANIČKA PITANJA, INICIJATIVE I ODGOVORI**

Dio odgovora na poslanička pitanja, dobili ste uz poziv za sjednicu, dio u dopunskom materijalu, a dio odgovora uručen vam je pred početak sjednice.

Prije nego što krenemo sa novim pitanjima, ići ćemo na komentare dosadašnjih dobijenih odgovora. Ja vas samo upozoravam, po elektronskom satu, a i po mom je sada 10,50. Ovaj vladin sat će trajati tačno kako je Poslovnik predvidio do 11,50 i ni minut duže.

Ko se javlja da komentariše ili pravi primjedbe na dostavljene odgovore na poslanička pitanja?

Da li ovi svi što su se prijavili su to? E da vidim sada, gđa Segmendina, gospodin Fazlija, Rađo i gospodin Naser Nabil. Onda idemo redom.

**Poslanik Segmendina Srna:**



Zahvaljujem uvažena predsjedavajuća za riječ. Pozdravljam sve prisutne, podpredsjedavajuće naravno, svima želim ugodan rad. Pa evo, kao jedan od pokretača inicijative koja se odnosi na formiranje Kluba ostalih ovdje u Skupština Kantona Sarajevo a s obzirom na činjenicu da je Prijedlog amandmana na Ustav Kantona prošao Vladu, da je prošao Komisiju za ustavna pitanja, dakle prošao sve procedure, iskazujem nezadovoljstvo da ovu kalendarsku godinu nećemo završiti usvajanje Amandmana na Ustav Kantona, koji bi dakle pored ostalog omogućili formiranje Kluba ostalih u Skupštini i mjesta podpredsjedavajućeg iz reda ostalih. Dakle, da nismo realizirali ono čega su nam puna usta, i da smo započeli novu 2013 s tim. Toliko, zahvaljujem.

**Poslanik Nedžad Fazlija:**

Zahvaljujem predsjedavajuća. Imam nezadovoljstvo nedobijenim ili neadekvatnim dobijenim odgovorima. Prije tri mjeseca sam postavio pitanje vezano za Nezavisni odbor da mi se dostave imena, biografije, datum njihovog imenovanja, koliko su održali sastanaka, zapisnike sa istih, da li su podnosili izvještaje Skupštini o svom radu i na žalost nisam to dobio. Ponovo pokrećem pitanje kada ću to dobiti?

Dalje, dobio sam odgovor vezano za šetnicu Obala Maka Dizdara, od doduše Ministarstva saobraćaja, gospodin bivši ministar Haris Lulić je to vrlo promptno odgovorio, međutim ovdje se navodi da policija treba da radi svoj posao. Radi se o ulici koja je označena kao šetnica a u kojoj ima postoji određeni saobraćaj i parkiranje vozila. Mene interesuje da li se u šetnici može odvijati bilo kakav saobraćaj i da li se pješaci mogu miješati sa motornim vozilima? I tražim da se taj problem na neki način riješi.

Dalje, opet je vezano za parkiranje i rad policije. Parkiranje na svim površinama koje nisu saobraćajnice, znači: zeleno-zemljane površine, trotoari, pred ulazima, pred vjerskim objektima itd. I evo svjedoci smo, da već, ne moramo mi za svaku da tako kažem pokretati pitanja i inicijative, treba neko da radi svoj posao. Ispred Importane centra s njegove strane od Miljacke je formirano jedno divlje parkiralište, odnosno jedna oranica, i vozila koja parkiraju tu, a imaju tamo prva dva sata koliko sam upoznat besplatno, znači ne koriste garažu, prljaju naše ulice sa svojim točkovima, odnosno vozilima koje su parkirali na toj lokaciji.

Također, evo kod Ajfelovog mosta primjećujem da su već nekoliko puta, ne znam ko, stavljaju one žardinjere za prepreku da se parkira, radi se o parkiralištu koje drži JKP Rad, međutim neko pomjeri te žardinjere i opet se stvara jedan nelegalni ili divlji parking. Svjedoci smo također da najveći prekršiooci ovih pravila da tako kažem ponašanja u saobraćaju su upravo korisnici ovih kartica koje jedan dobar dio stanovnika Sarajeva ima. Ja pošto putujem po svijetu, obišao sam ono što kažu pola svijeta, ja nigdje nisam vidio ovakvu karticu, sličnu ni u regionu, a pogotovo ne u svijetu. Ovo nije dozvola da možete raditi šta hoćete i mislim da bi policija trebala da počne kontrolisati i ove kartice.

I na kraju, evo sticajem okolnosti vratio nam se ponovo gospodin Šarić, ja sam postavio pitanje vezano za istaknute umjetnike, da li se planira ova revizija, prozivka ili kako već, dobio sam spisak umjetnika. Tamo ima nekih ljudi koji ne zaslužuju, nije čak ni moralno da budu na tom spisku, a evo radi se konkretno o sinu našeg zastupnika. I između ostalog i drugim nekim ljudima, i tražim da se taj problem stavi u razmatranje i da se napravi jedna revizija tih istaknutih umjetnika. Hvala.

**Poslanik Dževad Rado:**

Hvala vam lijepo. Ja sam i prije tri mjeseca ili možda malo više tražio, jer od skoro 40 postavljenih pitanja, ja sam dobio odgovore mislim na samo sedam. I onda sam zbirno napravio akt, uputio ga preko službi da mi se dostave odgovori i još do dana današnjih nisam dobio, jer ima nekih pitanja koji su stari skoro dvije godine, i mislim da je uz svo uvažavanje

to ipak sasvim dovoljno vremena , makar iz kulture i reda radi da se odgovori na ista. Pa evo ovom prilikom ponovo molim da mi se odgovori na postavljena pitanja. Hvala vam lijepa.

**Predsjedavajuća:**

Gospodine Rađo, sva pitanja koja poslanici uredno napišu skupštinske službe promptno šalju prema adresantu, Vladi ili određenom ministru, i njihova obaveza je da odgovore u roku od 15 dana, plus 15, ako zatraže. Mene samo interesuje da bi mi mogli provjeriti, ako ste to adresirali na nas. Gospodin Rađo ponovo, molim vas.

**Poslanik Dževad Rađo:**

Meni je u potpunosti jasna procedura, u potpunosti sam ispoštovao proceduru, jasno mi je koje mjesto i uloga skupštinskih službi, i ja nisam to pitanje uputio skupštinskim službama, već one ljude čiji je to domen rada i za što primaju plaće.

**Predsjedavajuća:**

Ne, hvala vam lijepo, ja sam samo htjela da vidim, da slučajno mi nismo ostali u neznanju kome sve treba ponovo. Hvala vam puno.

**Poslanik Naser Nabil:**

Hvala gđo predsjedavajuća. Uvaženi dopredsjedavajući, uvaženi sekretaru, premijeru, ministri, uvažene kolegice i kolege zastupnici, dragi gosti, dragi građani Kanton Sarajevo, prije svega toplo vas selamim i pozdravljam. Ja ću se pridružiti kolegici Segmendini Srni s obzirom da sam ja jedan od potpisnika Inicijative vezano za izmjene i Amandmane na Ustav Kanton Sarajevo i zaista sam totalno šokiran da ono što smo uradili tokom prošle godine, donošenje Zakona o zaštiti prava nacionalnih manjima i potom formiranje Vijeća nacionalnih manjina, i sljedeći stepen je bio da se usvoje ti amandmani koji su uglavnom vezani i za nacionalne manjine, pa bi mi mogli imati i dopredsjedavajuće Skupština Kantona Sarajevo u skladu s tim, da je neko to povukao sa dnevnog reda. Ja s ovog mjesta molim premijera Zeljkovića da to ne bude barem stvar koja će biti zaboravljena ili biti stavljena ladicu, i nadam se i očekujem da će bar na sljedećoj sjednici, na narednoj sjednici Skupštine da će ipak to biti na dnevnom redu jer ovo je zaista protiv Kantona i protiv svih naših nastojanja da se usaglasimo sa evropskim zahtjevima i sa odlukom Sejdić – Finci vezano za ljudska prava. I mislim da je ovaj Kanton već dosta toga uradio i prednjači vezano za rješavanje tog problema pa molim da to s Kanton Sarajevo nađe i prioritetno stavi na dnevni red sljedeće sjednice Skupštine.

Druga stvar, ja sam pitao i problematizirao pitanje poklopaca za šahtove. Ja i dan danas ne vidim da je to riješeno. Bila priča da nećemo stavljati, ja sam tražio drvene da se stave, pa je bila priča da će biti plastični, ja evo do dana današnjeg samo vidim da iz tih šahtova samo vire nekakve grane kao znak upozorenja i niko ništa nije po tom pitanju poduzeo. Ja znam da je uvaženi ministar Petrović rekao da će vrlo brzo biti to pitanje riješeno i zaista sam očekivao da će to biti riješeno i molio bih ministra da mi odgovori ima li ikakvog rješenja na pomolu i kakvo je to rješenje?

**Poslanik Sabahudin Hodžić:**

Hvala predsjedavajuća. Selamim i pozdravljam prisutne u sali i građane Kanton Sarajevo. Građanima Kantona Sarajevo katoličke vjeroispovijesti čestitam Božićne praznike. Naime na 19. sjednici Skupštine Kantona Sarajevo ja sam uputio jedno zastupničko pitanje prema Ministarstvu za obrazovanje, nauku i mlade Kantona Sarajevo a tiče se prijema uposlenika u 10. OŠ na Općini Ilidža. Međutim nisam dobijao nikakve odgovore ali ja sam lično napravio proceduralnu grešku, svoje zastupničko pitanje u zadanom roku nisam u pismenoj formi

dostavio skupštinskim službama. Pa vas molim da ne postavljam ovo pitanje sada na Skupštini, već da samo u pisanoj formi ovo svoje pitanje dostavim skupštinskim službama. Hvala.

**Predsjedavajuća:**

Čim vi to dostavite, mi ćemo proslijediti nije nikakav problem. Evo sada je 11. jel imate i vi intervenciju gospodin Mehmediću, maloprije nisam registrovala.

**Poslanik Besim Mehmedić:**

Hvala gđo predsjedavajuća. Pa vidim ja sam se javio da postavim pitanje, al pošto vidim da se na intervencijama postavlja pitanje onda i meni dozvolite. S obzirom da sam na 17. radnoj sjednici a to je 27.juna postavio pitanje Ministarstvu saobraćaja, nisam dobio odgovor ali je vezano za rekonstrukciju pruga, pa ću onda iskoristiti svoje pravo da ponovno postavim pitanje i nadam se da novi ministar neće tako žurno odgovoriti kao prošli. Da će bar za godinu dana naći priliku da mi odgovori.

Postavljam pitanje. Ja sam samo iskoristio priliku kao i drugi zastupnici, komentarisali su i ja isto to radim. Dobro.

Ovako, zašto izvedbena projektna dokumentacija nije odabrana na osnovu javnog poziva? Zašto je ovaj projekat realizovan ugovorom po principu ključ u ruke? Koliko je ponuđača dostavilo ponude na tender za izvođenje radova? I koje su cijene ponude? Da li je naknadnom odlukom ministarstva odobreno svim firmama koje su dostavile ponude na tender učestvovanje u rekonstrukciji pruge, kako se ne bi žalile na proceduru odabira izabranog ponuđača na tenderu? Da li je u toku procedure odabira naknadno izmijenjen uslov iz tendera kako izabrani izvođač ne bi bio eliminiran? Da li je izabrani ponuđač vršio rekonstrukciju pruge još negdje prije nego što je dobio rekonstrukciju u Sarajevu? Koliko stalno ima zaposlenih firma koja je dobila posao? Da li su šine koje su nabavljene u Austriji mogle se nabaviti u Željezari Zenica? Kolika je vrijednost radova projektovanja i nadzora a kolika vrijednost nabavke i ugradnje novih šina? Kolika je ukupna vrijednost radova i sa kojih pozicija u Budžetu za 2012 godinu su se finansirali radovi projektovanja, nadzora i izvođenja radova, i koliko je novca izdvojeno iz budžeta za 2012 godinu kao i sve preraspodjele unutar ministarstva kojima se finansirao ovaj projekat. Da li je novac sa namjenske pozicije budžeta otvaranje novih parkirališta utrošen za realizaciju ovog projekta. I na kraju pošto je ovaj projekat realizovan ugovorom po principu ključ u ruke, koji ne daje ama baš nikakvu zakonsku mogućnost plaćanja ne predviđenih radova, zašto su odobravane građevinske situacije za nepredviđene radove, koje su za krajnju konsekvencu imale da je ovaj projekat plaćen više od 1 milion KM nego što je osnovni ugovor koji je to predviđao. Sada sam ovo iskoristio imat ću kasnije još jedno pitanje. Ako mogu, a vezano je za zaključak koji smo mi kao Skupština obavezali Vladu da za narednu sjednicu tj. Ovu pripremi informaciju o modalitetima o modalitetima implementacije odluke o prihvatanju zaduženja po ugovoru zajma. Pa sada, s obzirom da razumijem da je bio kratak rok da se ova informacija pripremi, sugeriram Vladi i premijeru, da ako je moguće, i resornom ministru, za narednu sjednicu dobijemo ovu informaciju. Pošto sam ja bio inicijator ovog zaključka a svi smo ga usvojili, razumijem da nije se možda moglo pripremiti, ali bi dobro bilo da nam odgovore može li to za narednu sjednicu.

**Poslanik Predrag Kojović:**

Zahvaljujem predsjedavajuća. Pozdravljam sve prisutne, ja nisam sada shvatio da je zamjerka na odgovor kratica za postavljanje pitanja, pa sam sačekao da dođem na red. Prije tačno dvije godine, samo dopustite da ovo kažem, stvarno smatram vrlo neodgovornim i indikativnim, da novi premijer Kanton Sarajevo ne smatra da je prvi sat vladin koji je ovdje održava na prvoj

radnoj sjednici od kako je izabran na tu funkciju, dovoljno važan da bi nas on počastvovao svojim prisustvom ovdje. Znači, prije dvije godine smo pokrenuli inicijativu za ukidanje diskriminacije prema ostalima, na koji su stavljene sve moguće prepreke koje su mogle biti stavljene i ta inicijativa je zahvaljujući mnogim ovdje u ovoj Sali, kolegici Srni, kolegi Brigiću i pogotovo bivšem premijeru Musiću, prošla sve te prepreke, sve komisije, prošla javnu raspravu i trebala je biti na dnevnom redu u ovoj Skupštini negdje u septembru mjesecu. Sada smo znači već na kraju ove godine, ta inicijativa se još uvijek nije našla na dnevnom redu. Neprikladno je bilo da ja ovdje sada iznesem neformalni odgovor koji mi je premijer Zeljković dao prije početka sjednice, ali dopustite da kažem ovo, držati diskriminaciju protiv ostalih, ili Inicijativu za rješavanje te diskriminacije taocem dnevno političkih, usko stranačkih interesa, je ono što onemogućava našu zemlju i ovaj Kanton da napravimo bilo kakav iskorak iz sadašnje situacije. Ljudi moraju početi da razmišljaju da se nekada pravilni zakoni moraju početi primjenjivati i onda kada je to u korist sopstvene štete. Uglavnom moje pitanje je bilo sljedeće, ja sam htio direktno da pitam premijera Zeljkovića da li će ovu inicijativu, znači amandmane koji su potpuno spremni i iz razgovora sa kolegom Brigićem znam da u ovoj Skupštini postoji neophodna dvotrećinska većina da se oni izglasaju da ih stavi kao prvu tačku dnevnog reda na sljedećoj sjednici Skupština Kantona Sarajevo. Hvala.

**Poslanik Elmedin Konaković:**

Poštovana predsjedavajuća, poštovani dopredsjedavajući, uvaženi sekretaru, poštovane kolegice i kolege zastupnici, poštovani ministri Vlade Kantona Sarajevo, poštovani direktori JU, preduzeća, cijenjeni gosti, poštovani gledaoci TVSA, Esselamu alejkum i dobar vam dan. Ja ću dvije inicijative ponoviti. One će biti vjerovatno poznate vama ovdje koji ovdje dugo sjedite a neće biti poznate novim ministrima.

Inicijativa broj 1, da se u što skorijem roku organizuje sastanak predstavnika Ministarstva saobraćaja, Ministarstva unutrašnjih poslova, Kantonalne inspekcije, zastupnika u SKS, taksi udruženja po pitanju rješavanja problema nelegalnih taksista u Kantonu Sarajevo. Sedmi put čitam istu inicijativu.

Inicijativa broj 2. pokrećem inicijativu za uvođenje trećeg časa tjelesnog odgoja ili fizičkog vaspitanja u osnovnim školama. Molim ministra Marjanovića da u skladu sa Prosvjetno pedagoškim zavodom i svojim saradnicima pokrene potrebne procedure te o tome izvijesti Skupštinu Kantona Sarajevo. Drugi put čitam istu inicijativu.

I treća inicijativa, pridružujem se inicijativama kolegice Srne, Fazlije, Kojovića, Nabila, da se amandmani na Ustav Kantona Sarajevo nađu kao tačka dnevnog reda na narednoj sjednici Skupštini Kantona Sarajevo, te ne dozvoljavam da bilo ko manipulise ili govori o tome kako zna da postoji dvotrećinska većina a ne postoji politička volja. Ne želim da amnestiram ili odgovaram u ime Vlade ili resornih ministara, ali želim da preuzmemo svi zajedno dio odgovornosti u dijelu političkog haosa koji kreiramo te nemogućnosti da Vlada, vjerovatno bi to i bivša Vlada uradila, zbog smjena, promjena, imenovanja, to nije bila tačka dnevnog reda, koja je trebala biti u septembru, ali ne postoji ni prostor za manipulacije političke prirode da bilo ko koga ovdje optužuje, a posebno ne postoji da se smatra više zaslužnim zato što će tačka dnevnog reda biti na narednoj Skupštini Kantona Sarajevo, ja se barem nadam. Hvala.

**Poslanik Zaim Backović:**

Zahvaljujem se. Ministarstvo pravde. Pokrećem inicijativu za izmjenu odluke o taksama pri sudskim sporovima koji se vode na općinskom i Kantonalnom sudu u Sarajevu. Obrazloženje, građani Sarajeva su diskriminirani u odnosu na ostale građane BiH tim što u sudskim sporovima materijalne prirode oni koji su u pravu i tuže moraju da plate da bi mogli da vode

spor. Primjer. Nedavno je donesena presuda koja je vrlo čudna, naravno ona ide sada i na druge instance i na VTV pa na dalje u kojem se u preambuli kaže, dostavlja se oštećenim, nabrajaju se imena oštećenih, i obavještavaju se da se obustavlja postupak protiv okrivljenih, kojih je osam. Tih osam je izvršilo otuđenje milion i šesto hiljada KM, i u konačnosti u obrazloženju se kaže da ukoliko ovi ne pokrenu građansku parnicu oštećeni to što su ti lopovi otuđili bit će vraćeno lopovima. Neprimjerena presuda. E sada ti oštećeni građani moraju da plate taksu a znam o kome se radi, oni to nemaju odakle platiti i sada će lopovima biti vraćeno milion i šesto hiljada maraka. Za takvo otuđenje predviđene su zakonske kazne od pet pa na gore godina, a neko je to držao deset godina u ladici i nije riješio spor. Ali nije ni to, nego kada građanin povede običnu parnicu, parnicu u kojoj je recimo za klevetu, mora da plati on a ne onaj koji je oklevetao. I tako redom. Ovo je jedini Kanton koji ima takvu odluku, jedini prostor jer nema ni RS. Samo ovaj prostor to ima. Neki građani će pokrenuti parnicu pred vrhovnim sudom i pokušat će da dođu do nas poslanika da traže da se ide i ocjena ustavnosti takve odluke.

Pitanje, također postavljam pitanje čitavoj Vladi. Obzirom da nesporno, u ovom gradu se sa našom omladinom dešava što šta što nije u redu, prije svega sa aspekta korištenja i konzumiranja opojnih droga, zašto, zbog čega, kako, i koji su to razlozi da se nije pristupilo realizaciji terapijske zajednice za žene? Ovaj Kanton nema terapijske zajednice da spasimo tu omladinu, za žensku populaciju, te iniciram da se o ovome dobro razmisli, i nađu modusi da se krene u realizaciju terapijske zajednice za žensku populaciju u ovom Kantonu.

Sljedeće pitanje, obzirom na to da sam davno dobio odgovor na pitanje o broju vozila u ovom gradu, u ovom Kantonu, bilo ih je tada 136.000, od tada do danas to su skoro dvije godine, vjerovatno je još jedno 10.000 znači preko, 150.000 vozila, da je parking mjesta, odnosno saobraćaj u mirovanju samo oko 40.000 šta ćemo sa onih 100.000 vozila koji nemaju i zašto se ne pristupa realizaciji, napokon više realizaciji izgradnje podzemnih, nadzemnih, više ne znam kakvih javnih parking mjesta, kako bi smo ovaj grad oslobodili od uzurpacije. Postoje naselja kroz koja je više nemoguće proći. Molim ministre da kolektivno sjednu u vozila i provozaju se Koševskim brdom. Da se samo provozaju. I molim ministre da se provozaju Brekom. Molim ministre da se provozaju Ciglanama. Ali ono što je napravljeno u kružnom toku, jer se Ciglanama može prići samo na jednom mjestu a to je na semaforu kod pijace i nikako drugačije. Zahvaljujem se gospodine Ademoviću, to su dva pitanja i jedna inicijativa.

#### **Poslanik Solaković Adnan:**

Hvala lijepo. Pozdravljam cijenjeni skup, svoje kolege, goste. Ja imam dva poslanička pitanja, bit ću veoma kratak i direktan.

Molim vas, jedno se pitanje odnosi na ministra privrede, gdina Hrenovice. A odnosi se na upravo JP Skenderija, gdje od prošle godine Skenderija trpi milion i pol gubitaka zbog elementarne nepogode gubi milion i pol je do sada izgubila KM. Što se tiče ove ledene dvorane. Nisam u situaciji, ustvari jesam u situaciji,ustvari i ne želim da nekoga ja ružim ovdje, samo skrećem pažnju da gospodin ministar malo obilazi objekte koji su od jako većeg značaja, ali ja ipak mislim da je veći značaj Skenderija koja je u jako teškoj situaciji. A sada dolazimo do situacije da je bezbjedonosna situacija za ljude koji rade unutra upitna. Prema tome treba malo alarmantno da se gleda na tu situaciju. A to mu je veoma blizu, mogu ga ja odvesti za ruku ako hoće. Postavljam pitanje direktno ministru Hrenovici kada će doći u posjetu jel su ga nekoliko puta i zvali, nije se odazvao na to. Čak šta više preko medija. Šta konkretno planira uraditi na rješavanju nagomilanih problema za JP Skenderiju i kada će biti isplata uposlenima koji već tri mjeseca nisu dobili naknadu za rad? Ja se zahvaljujem na ovom prvom pitanju, nadam se da ministar neće šta zahaturit.

Drugo moje pitanje se odnosi na obilježavanje Dana državnosti BiH, 25. novembar. Fond memorijala Kantona Sarajevo organizovao je 26. novembra u Narodnom pozorištu u Sarajevu

akademiju povodom 25. novembra Dana državnosti BIH i manifestacije Odbrane BIH Igman 2012, koja je zvanično počela 01. marta 2012 a završila se 26. pa dobro ljudi, jel ja ovdje moram stvarno biti poslanik da bih ja morao dobiti poziv za to? Ja pred ovom binom, a mnogi se busaju iz ove stranke, kako su heroji, a još im se puše tene kako su bježali preko piste, a ja dalje moram ovdje kao poslanik moliti da se pošalje poziv onim ljudima koji su argumentovano odbranili Igman, plato 93 godine. Hoćete li imena da vam dam kao prošle godine. To je ružno. Prema tome to znači neko je uzeo ekskluzivno pravo ja mislim da su ovi ispred mene što su tu, uzeli ekskluzivno pravo da može određivati ko će biti, ko neće biti prisutan. Gospodo draga meni je Lazar poginuo na Igmanu, on nije bio član SDA, braneci Igman. Pazite. A mnogi su bili dole u podrumu. Da se vratim, isto na Dan državnosti delegacija Kantona je polagala i cvijeće ispred Vječne vatre, na Kovačima, ispred spomenika ubijenoj djeci Sarajeva, na Vracama i ispred biste Maršala Tita. Opet, znači šehide su uzele neke stranke, to su Kovači, a nekima su dati Vraca, Maršal Tito, to znači to je totalno klasiranje nekoga po strankama. Ja mislim da ovo nema smisla i samo hoću da postavim pitanje ko je slao pozive za organizirane prijeme. Kome su ti pozivi bili dostavljeni? Da li svim poslanicima ili samo određenim? Da li je to po nekim mjerilima stranke SDA? Jer ni svi borci koji su učestvovali u borbama i odbrani Igmana nisu izgleda bili isti? Pitam Vladu Kantona Sarajevo ko je određivao delegaciju za polaganje cvijeća i ko je određivao gdje će ko i na kojem mjestu biti u delegaciji, po kojem kriteriju? Ja sam maloprije naveo. Hvala lijepo. Ja sam bio kratak. Hvala.

#### **Predsjedavajuća:**

Ja ću biti slobodna gospodine Solakoviću da što se tiče nas ovdje odmah odgovorim. Što se tiče poziva. Ne, ne, osjećam se obaveznom jer je vaše pitanje na mjestu. Oprostite ali pitanje i odgovori mogu biti odmah, neka vam odgovore oni koje ste još prozvali. Ali ja se osjećam prozvana, a pošto je vaše pitanje na mjestu, ja hoću javnosti radi da odgovorim. Dakle, što se tiče rukovodstva Skupštine, pozivi za svečanu akademiju su upućeni vezano za svečanu akademiju Skupštine Kantona Sarajevo, povodom Dana državnosti su upućeni svim zastupnicima. Što nije bila ni trećina to je do zastupnika. A što se tiče onog obavještenja koje je došlo iz našeg protokola, ja sam i bez vašeg pitanja promptno čim sam vidjela kako je raspoređeno, intervenisala kod šefa protokola i rekla da ne stoji zadnja rečenica. Da su u delegacije imenovani poslanici prema odluci Vlade i predsjedavajuće Skupštine. Mene niko nije konsultovao kao ni dopredsjedavajuće. Dobili smo samo kao i vi, jesmo li zaduženi na nekom određenom mjestu ili nije, ali mislim upravo zato sam imala potrebu da odmah odgovorim da bi morali jako voditi računa da u ovoj Skupštini svi poslanici imaju jednaka prava, makar kada se radi o delegacijama i da bi one morale biti kao i do sada uvijek sastavljene i od predstavnika pozicije i od predstavnika opozicije. Do sada je to bila praksa koja je evo povodom Dana državnosti nešto poremećena.

#### **Poslanik Selma Filipović:**

Hvala lijepo. Poštovana gđo Malić koristim priliku da pozdravim vas, zvaničnike u Kantona Sarajevo te građane Kantona Sarajevo. Slažem se sa zastupnikom Peđom Kojovićem po pitanju prisustva odnosno odsustva premijera Zeljkovića na prvom satu Kantonalne Skupštine. Ima niz pitanja koje zastupnici postavljaju premijeru ili Vladi i ne znam šta aje to važnije od pitanja zastupnika odnosno zastupnica, trebalo je premijera upozoriti na važnost ovog prvog sata.

A sada bih prešla na jednu inicijativu i jedno pitanje. Po drugi put tražim od Vlade i resornog ministarstva da u što skorijem roku realizira svoje obaveze i zakone o visokom obrazovanju Kantona Sarajevo i usvoji akt kojim se preciznije uređuju pitanja imenovanja članova visokoškolske ustanove kao javne ustanove, što je preduslov za formiranje UO UNSA po Zakonu o

visokom obrazovanju, a ne po uredbi sa zakonskom snagom o ustanovama i time otvore put za velike budžetske uštede koje bi se ostvarile prestankom rada UO i NO po fakultetima i akademijama koje godišnje budžet opterećuju za preko 570.000 KM. To bi bila inicijativa.

A pitanje, obraćam se resornom ministru za obrazovanje, nauku i mlade, prof. dr. Damiru Marjanoviću sa upitom da mi se da precizna informacija u kojoj je fazi prelazak fakulteta, odnosno akademija članica UNSA na trezorsko poslovanje, kao i dokle se došlo u realizaciji izrade kolektivnog ugovora za oblast visokog obrazovanja u Kantona Sarajevo, kao jednog od temeljnih dokumenata strategije razvoja visokog obrazovanja i elaborata o integraciji UNSA koji su usvojeni na ovoj Skupštini. Na kraju molim premijera Vlade Kantona Sarajevo, gđina Suada Zeljkovića i resornog ministra, prof. dr. Damira Marjanovića da mi daju odgovore za koliko je akademskih novaka, odnosno, asistenata odobreno budžetskih sredstava da bi se dobili poslovi na fakultetima, odnosno akademijama, članicama UNSA, od kada se promoviraju zlatni studenti. Zlatna značka UNSA. A za građane Kantona Sarajevo informacija da se svečana promocija diplomanata i magistranata UNSA održava od 2004 godine i do danas je promovirano preko 200 zlatnih studenata, najboljih u svojoj generaciji? Molim odgovore na ova pitanja. Hvala lijepa.

### **Poslanik Kenan Ademović:**

Hvala predsjedavajuća. Poštovana predsjedavajuća, dopredsjedavajući, sekretaru, premijeru, ministri, kolege zastupnici, mediji, poštovani građani Kantona Sarajevo. Sve vas pozdravljam. Građane Kantona Sarajevo u svoje ime i u ime SBB, želim im sve najbolje u 2013 godini i da nam ta godina bude bolja nego ova na izmaku. Prvo moje zastupničko pitanje. Molim nadležno Ministarstvo da mi odgovori da li je tačno da stanovnici MZ Dobroševići, ulica koja vodi ka MZ Dobroševići pješače 3 km do kontejnera kako bi bacili smeće. Ja znam da je tako, jer sam bio na licu mjesta. Da li je ovo sramota? Da li će nadležno Ministarstvo postaviti uz ulicu na svaki 50 do 100 metara par kontejnera ili ćete dozvoliti da ovi ljudi u 21 vijeku žive u nehumanim uslovima. Ja ću vas podsjetiti da ova MZ nema ni kanalizaciju, ovi ljudi plaćaju odvoz smeća. Molim da mi se odgovori da li smatrate da to treba da rade s obzirom na situaciju gore opisanu?

Prva inicijativa. Pokrećem inicijativu prema nadležnom Ministarstvu s ciljem donošenja odluke o obustavljanju svih izbora nastavnika i saradnika na UNSA i u drugim univerzitetima u onim slučajevima u kojima postoji sumnja na koruptivne radnje prilikom izbora. U tom smislu Ministarstvo nauke, obrazovanja i mladih Kantona Sarajevo treba biti zaduženo da identifikira te slučajeve i postupi u skladu sa odlukom ove Skupštine. Da poništi konkurs i obustavi izbor dok se ne utvrdi pravo stanje i otkloni sumnja u korupciju. Molim Ministarstvo da odmah formira kompetentnu komisiju koja će se na meritoran način baviti ovim problemom i poduzeti aktivnosti koje ova Skupština mu naloži.

I moja druga i zadnja inicijativa, je upućena prema premijeru gđinu Zeljkoviću, prema Ministarstvu pravde i prema Tužilaštvu Kantona Sarajevo. Evidentno je da su građani Kantona Sarajevo pokradeni, da je Kantona Sarajevo pokraden, da je Budžet Kantona Sarajevo pokraden, da su javna preduzeća pokradena, da su javne ustanove pokradene, da je sport uništen, KK Bosna pokradena. Da je pokradeno više od milijardu KM za ovih skoro 20 godina i evidentno je da niko nikada nije odgovorio za ovo. Građani Kantona Sarajevo moraju znati ko ih je pokrao. Građani Kantona Sarajevo moraju znati zašto je Gras u minusu 120 miliona KM, ko je kriv za to? Građani moraju znati ko je uništio Skenderiju? Građani moraju znati ko je uništio sport u Kantona Sarajevo? Ko je uništio KK Bosnu na sramotu našeg glavnog grada? Građani Kantona Sarajevo moraju znati zašto da se zaposlite u domu zdravlja, bolnici, VIK-u, Toplanama, Parku itd morate nekome dati 5, 10 ili 15.000 KM. Građani moraju znati zašto se ne plaća koncesija na iskorištavanje naših prirodnih bogatstava. Mogao bih još nabrajati ali smatram da je i ovo dovoljno. Sve ovo gore se zove korupcija i

mito. Za ovih skoro 20 godina, Vlade ovog Kantona nisu uradile ništa da ovo spriječe, zato u ime građana Kantona Sarajevo tražim od premijera i nadležnih ministarstava i Tužilaštva Kantona Sarajevo da pokrenu istragu protiv sljedećih osoba:

- protiv svih premijera od poslije prvih poslije ratnih izbora do danas,
- protiv svih ministara koji su bili na čelu javnih preduzeća, javnih ustanova od prvih poslije ratnih izbora do danas,
- protiv svih direktora tj ovlaštenih lica koji su bili na čelu javnih preduzeća, javnih ustanova,
- protiv svih članova NO i UO te Skupština na čele gore spomenutih preduzeća,
- protiv svih ministara MUP-a do danas jer nisu uradili ništa po ovom pitanju a javna je tajna ko je šta uradio

Što se mene lično tiče, svi ovi gore pomenuti, pod navodnicima su pokrali ovaj Kanton jer svaki koji je došao na mjesto prethodnika, da li to bio premijer ili ministar ili ostali znali su šta su zatekli kada su preuzimali dužnosti i nisu uradili ništa. Ja ću svaka dva mjeseca obavještavati građane Kantona Sarajevo o rezultatima koje ste ostvarili po mojoj inicijativi.

#### **Poslanik Haris Alić:**

Hvala predsjedavajuća. Uvažena predsjedavajuća, dopredsjedavajući, uvaženi prisutni u ovoj Sali, te građani koji nas prate putem medija, sve vas toplo selamim i pozdravljam. Prije nego što saopštim svoju inicijativu hoću da istaknem apsolutnu podršku inicijativi kolege Konakovića a tiče se uvođenja trećeg časa tjelesnog odgoja u škole jer mnogobrojna istraživanja na FASTO i u cijeloj regiji ukazuju na tu potrebu.

Moja je inicijativa usmjerena prema Ministarstvu za obrazovanje nauku i mlade, a tiče se zapravo školskih odbora za koje je konkurs već odavno završen i ta mogu slobodno reći agonija traje već nekoliko mjeseci. Dakle ja iniciram intenzivnije i ažurnije aktivnosti resornog ministarstva u imenovanju novih školskih odbora u OŠ Kantona Sarajevo, jer problemi u tim školama već se nagomilavaju, i javlja se potreba da se to što prije završi. Hvala vam lijepo.

#### **Poslanik Enes Zeković:**

Hvala puno. Gđo predsjedavajuća, dopredsjedavajući, premijeru, članovi Vlade, kolege i kolegice zastupnici, dragi gosti, građani Kanton Sarajevo sve vas srdačno selamim i pozdravljam. Danas ću postaviti jedno zastupničko pitanje i jednu zastupničku inicijativu.

Zastupničko pitanje prema ministru za urbanizam gđinu Petroviću, da li je tačno da su započeti radovi na lokalitetu Zlatišta na izgradnji spomen obilježja, ne znam već čega tj onoga krsta? Ako je tačno trebalo bi da smo informisani, čak postoji neka priča da je to prostor Kanton Sarajevo. Ako je tačno, ovaj dom, ova Skupština bi trebala da zauzme stav po tom pitanju.

Što se tiče zastupničke inicijative pokrećem prema Ministarstvu za obrazovanje, da se u narednom Budžetu planiraju sredstva za obnovu vrtića na prostoru Pionirske doline s razlogom, zato što imamo objekat koji je u ovih predhodnih 20 godina služi za konzumiranje opojnih droga, s jedne strane, s druge strane imamo zahtjev nekoliko hiljada građana sa tog prostora za otvaranje tj vraćanje u prvobitnu namjenu tog vrtića za djecu. Manipuliše se na ovakve i onakve načine i mislim da bi trebalo podhitno poduzeti sve moguće radnje da 2013 ako Bog da vratimo namjeni taj objekat gdje je bio planiran. Hvala lijepo.

#### **Poslanik Eldar Čomor:**

Hvala. Uvažena predsjedavajuća, dopredsjedavajući, premijeru, članovi Vlade kolegice i kolege zastupnici, gosti, Esselamu alejkum i dobar dan. Ja imam jednu inicijativu koju



upućujem Ministarstvu saobraćaja i Kantonalnom preduzeću Gras Sarajevo da se izvrše sve neophodne pripreme za poboljšanje usluga prevoza učenika u narednom periodu odnosno u drugom polugodištu. Obrazloženje: svjedoci smo u posljednje vrijeme da se često dešava ispuštanja linija, pogotovo u vremenu kada učenici odlaze ili se vraćaju sa nastave. Ispuštanjem linija uzrokuje kašnjenje i u velikom broju nedolazak ili izostanak učenika sa nastave. Kraj je prvog polugodišta, slijedi zimski raspust, pauza te ova inicijativa će dati dovoljno vremena i Ministarstvu i Grasu da se ovakve stvari više ne dešavaju u drugom polugodištu. Znači mogu se izvršiti pripreme kako bi se ove stvari u drugom polugodištu izbjegle. Hvala puno.

**Poslanik Nedžad Fazlija:**

Zahvaljujem predsjedavajuća. Također se pridružujem podrškama ovoj inicijativi kojom sam ono što se kaže svjedočio i potpisao a vezano za amandmane i otklanjanje diskriminacije ostalih i ubijeđen sam da je bi ova inicijativa ugledala svjetlo dana da se nismo mi malo igrali pa izglasavali nepovjerenje Vladi i birali drugu Vladu, ali šta je tu je. I nadam se da u ovoj skupštinskoj Sali neće biti niko ili ne postoji niko ko će biti protiv te inicijative kada ona dođe i nadam se da će doći vrlo brzo i u to uopšte ne sumnjam da će doći na dnevni red. Klub SDP također nije dobio poziv, to je predsjedavajuća, nije svečana sjednica koja je bila povodom 25. u petak nego svečana sjednica 26 koju je organizovao Fond memorijala, tako da za tu akademiju nismo, a vezano je za odbranu Igmana 93. ja imam više pitanja, pročitati ću samo tri a ostalo ću da mi se odgovori pismeno. Pa mogu dostaviti pismeno ne moram pročitati. Ja ću pročitati onoliko koliko mi je dozvoljeno a ostalo ću dostaviti. Znam, to. Ja ću biti vrlo kratak.

Ovo je pitanje već postavio moj kolega Faruk Efendić evo ponovo postavljamo. Tražim da nam se dostavi pregled naknada po osnovu komisijskog rada i prekovremenog rada, sa preciznim iznosima za 2010, 2011 i 2012 godinu i također tražim da nam se dostavi prijedlog dobijenih nagrada i naknada za policijske službenike za gore navedeni period.

Druga, pošto smo ovih dana svjedoci u medijima a evo već smo i dobili neke informacije ali nisu te koje nas interesuju. Zadnjih nekoliko sjednica u medijima možemo vidjeti informacije oko poslovanja JKP Skenderija i ZOI 84 te problema koje ta preduzeća imaju, posebno su ti problemi izraženi kako mediji navode u neplaćanju zakupnina za iznajmljene prostore zbog kojih ova preduzeća imaju ozbiljne probleme. Molim Vladu da mi dostavi spisak i ugovore svih korisnika koji su iznajmili prostore u ova dva JKP, zatim spisak svih dužnika imenom i prezimenom, sa ukupnim dugovanjima, kao i informaciju šta je menadžment ovih preduzeća poduzeo u naplati dugovanja. Ove informacije će pomoći nama zastupnicima a i medijima da imamo pravu sliku stanja u ovim preduzećima. Ko iznajmljuje prostore, pod kojim uslovima, a posebno da znamo ko su dužnici imenom i prezimenom. Neku večer sam kao o kolege šefovi klubova bili na javnoj tribini u Opštini Novo Sarajevo gdje smo imali priliku a odgovaramo na pitanje naših građana a organizovao je Centar civilnih inicijativa. Jedno od pitanja koje nije dozvoljeno gđinu Šefiku da postavi zato što se govori o čovjeku koji tu nije prisutan, ali to zato nije sprječavalo druge kolege da govore također o ljudima koji nisu tu, ali evo ja sam obećao i pozvao sam gđina Šefika u Klub SDP-a da postavi pitanje i nadam se da će premijer na ovo pitanje odgovoriti a da će gospodin Šefik biti zadovoljan. Premijer Vlade Kanton Sarajevo u svom inaoguracionom govoru obećao borbu protiv korupcije. Šta će premijer učiniti u slučaju nepotizma ministra za stambena pitanja gđina Čedomira Lukića koji je nezakonito zaposlio cijelu svoju familiju na ključnim mjestima u raznim institucijama o čemu je opširno pisao Dnevni avaz a gospodin Lukić nije demantovao? U prilogu imam rukopis dotičnog gđina i u prilogu dostavit ću ovih ostalih pet, šest pitanja koji se tiču uglavnom Zakona o održavanju zajedničkih dijelova zgrada. Hvala.

**Poslanik Eldar Čomor:**

Tiče se Poslovnika i inicijativa. Ako već zastupnici mogu postavljati i slati pitanja mimo Skupštine ja postavljam pitanje evo sekretar neka odgovori, da li je to moguće, ako jeste, da li su onda službe odnosno ministarstva obavezni zastupnicima da odgovaraju u roku od 15 odnosno mjesec dana.

**Sekretar Abid Kolašinac:**

Uvažene zastupnice i zastupnici, pitanje je na mjestu i Poslovnik je tu precizan, svaki zastupnik može postaviti najviše dva pitanja i jednu inicijativu. Dakle, nije u pitanju da pročita dva pitanja na samoj sjednici, nego da postavi dva pitanja. On ne mora čak zastupnik odnosno zastupnica ni čitati nego u pisanoj formi dostaviti ta pitanja, to su isključivo dva pitanja razlog je to što resorna ministarstva bit će zatrpana pitanjima i neće ispoštovati onih 15 dana koliko je rok za odgovore odnosno dodatnih 15 dana koliko zatraže da se produži taj rok. Dakle, Poslovnik je precizan. Dva poslanička, odnosno zastupnička pitanja i jedna inicijativa.

**Predsjedavajuća:**

Hvala sekretaru, ja ujedno molim i sve zastupnike da se ponašaju u sklopu sa predviđenim normama u Poslovniku. Ali to jednako molim i članove Vlade da poštuju termine i da u roku do 15 ili izuzetno u roku od 30 dana odgovaraju promptno na poslanička pitanja jer naše iskustvo baš ne govori o tome da su uvijek sva ministarstva poštovala tu dinamiku.

**Poslanik Segmendina Srna:**

Zahvaljujem još jedanput poštovana predsjedavajuća. Ja u skladu sa Poslovníkom imam jedno pitanje i jednu inicijativu. Najprije ću krenuti od inicijative prema Ministarstvu zdravstva, odnosi se na izmjene i dopune uredbe o ortopedskim pomagalicama. I to konkretno u dijelu koji se odnosi na obim, uvjete i način ostvarivanja prava osiguranih lica, tačnije djece s oštećenjem sluha kojoj je operativnim zahvatom montiran tzv kohlearni aparat. Postojeća uredba u Kanton Sarajevo ne osigurava naime niti potreban minimum osnovnih prava za djecu sa ugrađenim kohlearnim implantatom, dok za djecu sa oštećenjem sluha postojeća prava svakako nisu dostatna. Moram pojasniti ako mi dozvolite, a to je nešto što sam i sama tek naučila. Kohlearni implantat je dakle slušno pomagalo koje se implantira gluhim osobama sa velikim oštećenjem sluha kojima obični slušni aparati ne mogu biti od pomoći. Premda ljekari vole kazati da se ovo pomagalo implantira, suština je da se radi o ozbiljnom operativnom zahvatu. Njegovom ugradnjom uništi se ostatak prirodnog sluha koje dijete ima na tom uhu. I smatram važnim reći da se ugradnjom jednog tako skupog aparata u dječiju glavicu djetetu ograničavaju igre koje bi uključivale padanje, igranje, spuštanje niz tobogan zbog statičnog elektriciteta koji bi mogao oštetiti aparat, vožnju liftom plivanje itd. Kada se naime aparat pokvari a roditelj skuplja novac da ga popravi dijete ostaje potpuno gluho i isključeno iz ovoga svijeta. Mjesečni trošak samo za nabavku baterije je od 60 do 70 KM ovisno od starosti korisnika dužine korištenja implantata, starosti aparata. Najjeftiniji rezervni dio za implantat je kabl koji košta 120 KM a kompletan vanjski dio košta oko 25.000 KM. U BIH trenutno ne postoji mogućnost njegovog osiguranja od kvara ,krađe i slično. Dakle predmet moje inicijative je da se implantiranim osobama, djeci tačnije, osigura minimum prava na način da se osigura određeni postotak učešća ZZO u troškovima servisiranja aparata i rezervnih dijelova i refundiraju u cjelosti troškovi nabavke baterija. Za kraj moram napomenuti još da je kohlearni implantat ukoliko djeca nemaju i neke druge poteškoće uz pravilnu rehabilitaciju on garantira veliku mogućnost za gluha djecu da kasnije žive samostalno i rade te tako osiguraju egzistenciju bez da koriste neke socijalne programe. Na žalost, okolnosti su takve da je odgovor uz svaki zahtjev i svačije potrebe da za implementaciju postojećih strategija i konvencija nema novaca, ali ne smijemo zaboraviti da

se dijete sa posebnim potrebama, sa poteškoćama u razvoju može desiti bilo kada i bilo kome. Stoga se nadam pozitivnom odgovoru iz Ministarstva zdravstva u svakom slučaju. Imam jedno pitanje. Kako je moguće da Kantonalna Vlada razriješi dva člana UO KCUS ako je članom 64. Zakona o zdravstvenoj zaštiti propisano da predsjednika i članove UO ovih zdravstvenih ustanova imenuje i razrješava Vlada FBiH na prijedlog federalnog ministra. Toliko i zahvaljujem.

**Predsjedavajuća:**

Hvala lijepo. Mi imamo još sedam prijavljenih poslanika a vrijeme nam curi pa vas molim da makar poštujuemo poslovničke 3 minute koje vam stoje na raspolaganju.

**Poslanik Branislav Crnogorac:**

Pozdravljam sve prisutne. Imam samo jedno pitanje ono je upućeno ministru obrazovanja isto glasi: na temelju kojeg člana Zakona o visokom obrazovanju ili zakona o javnim ustanovama su imenovani prorektori UNSA? Budući da ovaj univerzitet nije integriran i na njega se ne mogu primjenjivati odredbe o integriranom univerzitetu. Hvala.

**Poslanik Naser Nabil:**

Hvala gđo predsjedavajuća. Dozvolite mi na samom početku da građanima Kantona Sarajevo rimo- katoličke vjeroispovijesti da čestitam Božić i Novu godinu i da zaželim im svako dobro u životu.

Vi znate da sam više puta problematizirao pitanje Centra Skenderije i dan danas opet ponavljam Skenderija, Skenderija, na žalost ministar za privredu gospodin Hrenovica ne vidim ga da je tu, mada bi trebao da bude tu, situacija u Skenderiji je veoma alarmantna nakon urušavanja ledene dvorane i nakon što je sada garaža već potpuno nefunkcionalna, mi imamo više od 15.000 kvadratnih metara van funkcije. A isto tako 130 uposlenika Centra Skenderije već tri mjeseca, ovo je treći mjesec kako ne primaju svoje plaće. Dakle, pročitao sam da je već napravljen elaborat koji je koštao 22 ili 23.000 maraka, i neki program sanacije ali ne vidim ništa konkretno da se dešava da se to sanira. Da li mi očekujemo da dođe do ljudskih žrtava, u samom centru Skenderije pa da imamo ne daj Bože dvadesetak, tridesetak mrtvih pa da onda skontamo da treba sanirati Skenderiju. Skenderija je simbol grada, simbol Kantona, nosi ime jednog velikana između ostalog i ja bih vas molio zaista i premijera i uvaženog ministra da podhitno podsjetite tu Skenderiju, eno je preko puta nas, i da vide u čemu je problem i kako se zaista može pomoći toj ustanovi. To je jedna stvar. Druga stvar primijetio sam već dugo vremena mi smo imali ovdje nacrt zakona o održavanju čistoće i upravljanju komunalnim otpadom koji je bio u oktobru 2011 godine na javnoj raspravi i više se gubi svaki trag. I isto tako je bio ovdje Nacrt zakona o izmjenama i dopunama Zakona o imovini Kanton Sarajevo i to je bilo u javnoj raspravi i opet negdje u ladici i nema ga kao u vidu prijedloga na Dnevnom redu Skupštine. Pa ja vas molim šta je sa tim zakonima? Hoćemo li ih imati na dnevnom redu ikada? Hvala vam lijepa.

**Poslanik Hadžem Hajdarević:**

Pozdravljam zastupnike sve prisutne ovdje. Pitanje zapošljavanja i posla je jedno od najtraumatičnijih pitanja kod nas. Da li u kuloarima ili pričama kruže informacije da je dosta osoba zaposleno u ministarstvima u Kanton Sarajevo nakon inauguriranja ove Vlade. Zato pitam koliko je novih uposlenika u ministarstvima, posebno koliko je savjetnika došlo novih ministara, i bilo bi dobro da ta pitanja ne dođu samo meni kao zastupniku nego da dođu svim zastupnicima ovdje prisutnim i da se vidi koliko je koji ministar zaposlio savjetnika i koliko je

na kraju krajeva došlo novih osoba u Kantona Sarajevo u smislu stalnog ili privremenog zaposlenja?

Drugo je inicijativa. Svjedoci smo da u posljednje vrijeme sigurnosna situacija u Kanton Sarajevo je veoma teška. Traumatična, isto tako svjedoci smo sa kolikim se entuzijazmom i energijom sadašnji ministar MUP-a zalagao i kao zastupnik i kao ministar da se to pitanje riješi pa bih ovdje pozvao dao bih inicijativu odnosno podržao bih ono što je ranije govorio ministar Nermin Pećanac kao zastupnik da se u što skorije vrijeme održi vanredna sjednica Skupštine o sigurnosnoj situaciji u Kanton Sarajevo i bojim se da sva ova priča o sigurnosti ne bude samo medijska priča jer na kraju krajeva sa riječi je vrlo bitno preći na djelo. Nekoliko puta bio sam u prilici da gledam ministra Pećanca na TV da čitam njegove intervjuje, dosta ohrabrujuće, u svakom slučaju nešto što treba pozdraviti, ali u svakom slučaju situacija je takva da je u posljednja dva mjeseca urađeno kriminalnih radnji, više napada, više prepada, više nasilničkih ponašanja nego recimo u šest mjeseci ili godinu dana u vrijeme bivšega ministra. U tom smislu smatram vrlo važnim, bitnim, gotovo pa alarmantnim, da se Skupština ovdje organizira u što skorije vrijeme, da se održi sjednica po pitanju sigurnosti u Kanton Sarajevo i nadam se da će u tom smislu uvaženi ministar Pećanac dati svoj puni prilog, na kraju krajeva da nam svima bude ljepše i ugodnije živjeti. Toliko i hvala.

**Poslanik Faruk Efendić:**

Zahvaljujem predsjedavajuća, dopredsjedavajući, članovi Vlade, građani Kanton Sarajevo, sve vas pozdravljam. Ja ću postaviti dva pitanja obadva pitanja upućujem resornom Ministarstvu unutrašnjih poslova, odnosno ministru. Putem javnih medija informirani smo da je policija Kanton Sarajevo, nedavno izvršila akciju u kojoj su uhapšene neke osobe zbog nezakonitoga i nasilničkog ponašanja. Kako smo svjedoci da je sigurnost u Sarajevu danas manja nego prije mjesec dana molimo ministra MUP-a da nas informira protiv koliko osoba su podnesene krivične prijave, koliko je tih krivičnih prijava Tužilaštvo Kantona potvrdilo i prihvatilo kao relevantne i koliko je osoba ostalo do danas lišenih slobode. Mislim da ne smijemo prihvatiti da nam se baca prašina u oči i da Ministarstvo pompeznim akcijama prikriva svoj nerad i neznanje.

Drugo pitanje da li je tačno da je izgradnja objekta za smještaj jedinice za specijalističku podršku u Nahorevu izvršena uz rekordnih devet aneksa ugovora, što izaziva sumnju na teška krivična djela, te da li je tačno da izgradnja objekta koja je trajala od 2005 do 2008 godine izvođena bez propisanih dozvola posebno bez prethodno riješenih imovinsko pravnih odnosa? Te da li je tačno da objekat zbog toga nikada nije ni dobio potrebnu dozvolu? Koristi se još od augusta 2008 godine, što sigurno ugrožava i živote i imovinu. Stoga molim da se dostave ugovori i aneksi ugovora sa svom zakonski propisanom dokumentacijom, te podatke o članovima komisija i firmama koje su izvodile te radove. Hvala lijepo.

**Poslanik Munir Talović:**

Hvala lijepa. Koristim priliku da pozdravim gđu predsjedavajuću, dopredsjedavajuće, sekretara, premijera i ministre, predstavnike javnih ustanova, kolege zastupnike, sve prisutne u Sali, predstavnike medija, posebno gledaoce TVSA. Građanima BiH čestitam nastupajuće praznike, a vjernicima katoličke vjeroispovijesti katolički Božić. Ono što želim da kažem, na početku bih podržao ovu inicijativu uvaženih zastupnika Konakovića, Alića i drugih koji govore o dugo godina pokretanju inicijative za treći čas tjelesnog odgoja koji je već u svim susjednim zemljama borba za četvrti, peti, a kod nas je još uvijek u pitanju da li je neophodan treći čas. Proširio bih je i na akademsku zajednicu jer UNSA sada ima sedam fakulteta koji imaju tjelesni odgoj i svi ostali nemaju obavezu. Samim tim nemaju tjelesni odgoj zato što je to malo teže organizirati, jer trebaju koristiti neku dvoranu i sale. Prema tome to je sastavni dio opće kulture i zdravlja i svega onoga što na kraju nam dođe kao najskuplja faktura.

Na početku ću se zahvaliti trima institucijama, to je Ministarstvo za obrazovanje, nauku i mlade, Dobrinjska gimnazija i zaštitarska agencija Securitas jer njihovim angažmanom i donacijama FASTO ima sada video nadzor, ima sistem za protiv požarnu i protiv provalnu zaštitu, i to je jedan jako dobar primjer saradnje institucija koje su iz sredstava donacije i Securitas iz ličnih sredstava napravili jedan jako dobar projekat, koj i preporučujem i ostalim institucijama. Ono što ću sada reći, kao jednu inicijativu, koja nije nepoznata ovom skupu ovdje, jer prof Vajzović je govorila i ja sam i još neki zastupnici ranije smo govorili, a u nastupima uvaženog ministra Marjanovića vidim da je on spreman za inicijative i konstruktivne prijedloge pa sam siguran da će mu i ovo koristiti kako bi smo mijenjali postojeću praksu koja nije baš, siguran sam, u praksi baš najbolje rješenje kada su u pitanju kriteriji za raspodjelu materijalnih sredstava na UNSA po fakultetima. Imamo činjenicu da fakulteti koji imaju sto i više uposlenika egzistiraju na fakultetima koji imaju manju ili dovoljnu kvadraturu za njih i po tom principu 10% od glavarine. Oni dobiju značajna sredstava. I imamo fakultete koji imaju manji broj uposlenika 10% ili sada nije dovoljno da pokriju djeliće sredstava za materijalne troškove, ne ulazeći u stvarne potrebe. Da ne govorim sada samo kao predstavnik FASTO. Mi imamo 9000 kvadrata koje trebamo grijati, visine u prosjeku 20 metara, što se apsolutno ne može porediti niti sa jednom institucijom koja grije visinu od 2,5 kvadratna metra. Želim da se zahvalim premijeru Zeljkoviću i ministru Marjanoviću koji su došli u posjetu FASTO i sada oni znaju o čemu pričam. Naravno, ministar Šarić je više puta bio i siguran sam sada da će oni u svojoj projekciji praviti bez mojih inicijativa završetak bazena na FASTO. Završit ću sa još jednom nadopunom ove inicijative da ministar Marjanović možda sakupi podatke o opterećenost nastavnika na fakultetima jer na to nas obavezuju standardi koje je Ministarstvo dalo već 2005, 2006 godine i tada ćete imati ukupnu sliku koliko su nastavnici, procentualno opterećeni na fakultetima i imat ćete ukupnu sliku kolika je potreba kojem fakultetu po procentu opterećenosti. Vidjet ćete da neki fakulteti imaju nastavnike koji predaju po 1 čas ili 2 u jednom semestru u drugom semestru nemaju opterećenja i vidjet ćete fakultete koji imaju opterećenost do granice kažnjivosti, preko 100% opterećenja ide kazna od 5.000 KM dekanu do 15.000 KM fakultetu. Prema tome i to je još jedan pokazatelj kako nagrađujemo one koji imaju i na neki način kažnjavamo po dva osnova oni koji su malobrojni i koji nemaju. Ja sam siguran da će uvaženi ministar Marjanović ove činjenice rabiti u svom daljnjem nastojanju da poboljša praksu na UNSA. Ne tražim kao inicijativu da mi se da odgovor nego pokrećem inicijativu da se sastave relevantni činiooci koji mogu da sakupe podatke kako bi smo sigurno izašli bolji iz ove situacije koja je na nekim fakultetima na ivici egzistencije. Hvala vam lijepo.

**Poslanik Edina Papo:**

Dobar dan svima. Predsjedavajući, dopredsjedavajući, kolege, naravno, premijer, ministri, kolege. Pa evo ja bih postavila dva pitanja.

Moje prvo pitanje bi bilo u skladu ovih postavljenih pitanja u toku ovog današnjeg sata koji se odnose na ov zapošljavanje, ko kako gdje, kada, zašto? Pa bih postavila pitanje ministru za obrazovanje nauku i mlade, postavljam sljedeće pitanje. Da li je tačno da gđa Zlata Hašimbegović šefica Ureda za kvalitet Kanton Sarajevo dok je obavljala funkciju predsjednice UO JU Fakultet zdravstvenih studija u tu javnu ustanovu zaposlena njena kćerka, Selma Hašimbegović – Ibrahimović u statusu asistenta na predmetu Primjenjena epidemiologija u okolinskom zdravlju? Ovo pitanje postavljam ministru pogotovo iz razloga što ako je ovo tačno onda je ovo primjer zloupotrebe položaja koja je sukob interesa, pa možda i korupcije na neki način o kojem sam čula neki dan gdina ministra na jednoj TV emisiji da je vrlo lijepo govorio. Dakle, da mi gospodin premijer Kantona i ministar obrazovanja nauke i mladih adekvatno odgovore i reaguju. Za pretpostaviti je da su im ove činjenice bile poznate, da sigurno ne bi ponovno gđu Hašimbegović vratili na mjesto

predsjednice UO fakulteta, kao što je to uradila Vlada na svojoj 4. sjednici održanoj 20.12. o.g. od uvaženog ministra gđina Marjanovića tražim usmeni odgovor ako je moguće. Teška su vremena, teško je dobiti radno mjesto, vrlo dobro znamo koliko naših divnih, zlatnih studenata ne radi.

Još jedno poslaničko pitanje, uvaženog ministra zdravstva gđina Lokmića i uvaženog direktora ZZO Kanton Sarajevo, gđina Gavrankapetovića pitam kako je moguće i ko će snositi odgovornost da nakon nezakonito donesene odluke Vlade Kanton Sarajevo o razrješenju članova UO ZZO, a koje je urađeno 06.12. o.g. razriješeni članovi nisu do 24.12. o.g. primili rješenje o razrješenju. Očigledno je da je u tih 18 dana Vlada na neki način kupovala vrijeme da postavi nove, a dijelom i vrati stare članove, sada sve kao vršioce dužnosti, a istovremeno u tom vremenu onemogućiti pravo na žalbu i pokretanje postupaka zaštite pred nadležnim institucijama nezakonito razriješenim članovima ovog tijela. Od uvaženih tražim i usmeni i pismeni odgovor. Hvala vam lijepo.

### **Dopredsjedavajući Ivan Brigić:**

Ja ću veoma kratko. Pozdravljam sve prisutne naravno i građane Kanton Sarajevo. Iskoristim priliku pošto je se premijer vratio, a nekoliko je zastupnika prije mene govorilo o ustavnim amandmanima, koliko se sjećam Peđa Kojović, Segmendina Srna, Nedžad Fazlija, Dino Konaković, a premijer nije bio čitavo vrijeme prisutan, pa koristim priliku da kažem nekoliko riječi i sugestija kao inicijativu. Sve su predradnje za usvajanje ustavnih amandmana završene. Obavljena je javna rasprava, komisija je napravila izvještaj o javnoj raspravi, naznačila šta je prihvatila, šta nije prihvatila, zašto nije prihvatila, Vlada je to usvojila u starom sastavu, što ne znači da je ova Vlada obavezna to isto da uradi. Ja samo sugerišem premijeru da to stavi ponovo na dnevni red, da se Vlada očituje radi toga što za usvajanje amandmana treba dvotrećinska većina. U pravilu, u ovakvim pitanjima se u svim parlamentarnim demokratijama odlučuje konsenzusom. Takav koncenzus je postojao ranije, ja ne znam da li još uvijek postoji, što se tiče ovih koji su učestvovali u pripremi amandmana, kod njih postoji i amandmani treba da idu na Skupštinu kada se obezbijedi koncenzus, odnosno dvije trećine. A ovo govorim radi toga nema razloga da mi ne ostvarimo onaj cilj koji smo imali, da budemo prvi Kanton u BiH koji će pod firmom provedbe Konvencije o zaštiti ljudskih prava i sloboda, ustvari provesti odluku i Suda u Strazburu u predmetu Sejdić – Finci i pokazati da se to može riješiti na jedan korektan ustavan način štiteći slobode i temeljna prava ljudi koji su garantovani u Konvenciji. Zato se mi u obrazloženju tih amandmana pozivamo i na konvenciju o zaštiti ljudskih prava. Pa samo je ovo inicijativa prema Vladi da to ponovo stavi na dnevni red, da se očituje i da možemo relativno brzo na Skupštini usvojiti prijedloge ustavnih amandmana.

### **Poslanik Amir Zukić:**

Želim da poselamim i pozdravim rukovodstvo Kantonalne Skupštine i sve one koji danas učestvuju u radu i prate sjednicu. Uputio bih inicijativu da Skupština Kantona Sarajevo i Vlada uključe se u humanitarnu akciju pomoći devetogodišnjoj djevojčici Iman Džaki koja boluje od rijetke bolesti. Pozivam i ostale građane Kantona da se uključe u akciju. Informacije mogu pročitati na web portalu TVSA.

Drugu inicijativu bih uputio u razgovoru s ministrom obrazovanja vidio sam da on razumije taj problem, ali evo i kroz javnost da mu pomognemo, a to je da djeci u osnovnim školama, prvo olakšamo školsku torbu i rasteretimo školski program. Udžbenike koji su jako nezgrapno napisani, i imamo djecu kojoj bi trebali da obezbijedimo sretno djetinjstvo i sa ovakvim školskim programom i reformama, mislim da idemo u kontra smjeru. Imali smo jedan dobar obrazovni sistem kroz reforme mislim da idemo u krivom sistemu. Kroz razgovor s ministrom sam shvatio da on evidentira problem. Na ovaj način mu pomažem i nudimo se da svi

učestvujemo u tome da naročito osnovu školu rasteretimo udžbenika nepotrebnog sadržaja, viška predmeta. Nastavni kadar da rasteretimo pisanja nepotrebnih izvještaja jer ne mogu da se posvete dovoljno edukaciji, pripremi djece da saVladaju školski program. I djeca nespremna dolaze kući i imamo praksu da djeci moramo u OŠ davati instrukcije iz određenih predmeta da dajemo da bi mogli saVladati. To nam nešto ukazuje da idemo u krivom smijeru ako djelujemo možemo to ispraviti.

I treće, ja upućujem ovih dana, primijeti se ustvari vidno prisustvo pripadnika MUP-a na cijeloj teritoriji Kanton Sarajevo i želim da uputim pohvale, ja ovih dana na drugačiji način vidim sigurnosnu situaciju u Sarajevu. Ne može se ona za noć riješiti. Ni jedno društvo nije iskoristilo devijantno ponašanje, ali ovaj put na kojim se krenulo, mislim da je odraz dobre aktivnosti, dobre politike i sigurno treba da se nastavi i uvijek treba da je prisustvo policije, ono na taj način sprječava one koji žele da počine krivična djela i nastavite sa tom aktivnosti, normalno uz materijalnu podršku koju ćemo mi kroz budžet i Vlada dati, trebamo da se još snažnije obračunamo sa svim onim koji pokušavaju da unesu nemir u našem gradu.

### **Predsjedavajuća:**

Samo momenat. Mi smo imali šest poslaničkih komentara i 21 poslanika koji su postavljali što usmena što pismena pitanja. Sve oni koji treba da pismeno se obrate nekome sa svojim pitanjem, molim vas lijepo da promptno u toku današnje sjednice sekretaru dostavite vaša pitanja u pisanoj formi. A sada imamo potrebu nekih od ministara da odgovore. Prvo se javio uvaženi ministar kulture i sporta, gospodin Šarić, izvolite.

### **Ministar Ivica Šarić:**

Poštovana predsjedavajuća, dopredsjedavajući, ministrice, ministri, poslanice, poslanici, gosti gledatelji, sve vas pozdravljam. Pridružujem se čestitkama blagdana Božić Katolicima, kao i predstojećim praznicima, blagdanima koji će doći, a htio bih da nešto problematiziram što sam jednom već ovdje na Skupštini govorio, a to je pitanje načina odgovora na postavljena pitanja. Ovdje sam već dugi niz godina. Usmeni odgovor se smatrao validnim odgovorom. Ima par pitanja kojim se proziva Ministarstvo kulture i sporta vezano za neodgovorena pitanja, ja smatram da su ona usmeno odgovorena. Ako usmeni odgovor nije validan, ja molim sekretara da nam kaže, da od sada mora biti pismeni, pa ćemo mi procijeniti hoćemo li kazati u usmeno ili pismeno ili samo pismeno. A obzirom da je danas jedno pitanje bilo vezano za samostalne umjetnike, svi znamo bili smo sudionici i izrade i usvajanja zakona o samostalnim umjetnicima. Također i bliža pravila su napravljena koje je usvojila Vlada, i komisija koju je također verificirala Vlada. Ja bih predložio da komisija odradi svoj posao da ne bi mi o svakom ponaosob davali svoj karakter ko je validan član, ko ne, od samostalnih umjetnika, tako da će to vrlo brzo biti svima dostupno. Hvala.

### **Predsjedavajuća:**

Najljepša hvala ministru Šariću. Sekretara nema da bi vam dao validan odgovor, a najčešće poslanika nema da sačekaju vaše usmene odgovore, ali ima u stenogramu. Dakle, to ih ne pravda, sekretar će intervenisati prema poslanicima u ovom smislu. Gospodin Petrović, uvaženi ministar, izvolite.

### **Ministar Zlatko Petrović:**

Gđo predsjedavajuća, uvažene poslanice i poslanici, mediji, također ja čestitam protekle blagdane i čestitam građanima Kanton Sarajevo Novu godinu i također druge vjerske praznike. Pokušat ću veoma kratko da odgovorim na pitanja uvaženog poslanika dr. Nabila. Imao je dva pitanja. Ja sam govorio ranije prije dva i pol tri mjeseca, vezano az šahtove. I

moram da vam kažem to je veliki trošak za komunalna preduzeća, pogotovo VIK-a i za Direkciju za ceste Kanton Sarajevo, nadležnost VIK-a su slivnici. U ovoj godini je zamijenjeno 120 koji su ukradeni. Mislim da će nam Direkcija odgovoriti za glavne ceste koje su u nadležnosti Kantona. Ja sam nastavio i ranije, tražim i zakonsku mogućnost i tehničke karakteristike, imamo određena iskustava ponavljam ponovo, vezano za neke plastične šahtove koji se mogu postaviti na manje prometnim ulicama, ali koji zadovoljavaju sve uslove i to će se realizirati ako nastavim normalno da radim ovaj posao.

Pitanje oko Nacrta zakona o javnoj čistoći, odnosno prijedloga. Tekst je gotov, dozvolit ćete mi da sam imao pravo kao resorni ministar da zatražim određena poboljšanja tog zakona i taj Zakon će ugledati svjetlo dana najdalje do februara 2013 godine. Imajući u vidu promjene i opet kažem moj stav, moje mišljenje za nužnost određenih promjena u tom smislu, on će biti usklađen i bit će u parlamentarnoj proceduri u februaru. Gospodin Backović je, iako nije direktno moje pitanje, ali pitanje gradnja garaža je i prometa, mislim da je gradnja garaža sada predmet izmjena i dopuna zakona o koncesijama. To će sada biti i opštinska nadležnost. Trebat će se ta procedura uskladiti na jedan pravi način. Što se tiče prostorno planske dokumentacije, postoji dovoljan broj garaža i ono što se sada radi, radi se da se u urbanim sredinama, prije svega u Opštini Novo Sarajevo, Novi Grad realiziraju planirane lokacije i da se nađu nove lokacije. Sada je u Kanton Sarajevo 148.000 vozila. Znači ogroman broj. Ova brojka je veoma bitna i za druge odluke koje ova Skupština treba da donese oko imovnog stanja građana Kantona, zagađenja zraka itd.

Pitanje uvaženog poslanika Kenana Ademovića, za Dobroševiče. Evo direktno da vam odgovorim znači komunalno Rad u skladu sa svojim nadležnostima se sa mjesnim zajednicama usklađuje mjesta gdje se postavljaju kontejneri. Svaka usaglašena lokacija koja je do sada napravljena u Dobroševičima je realizirana. Imamo problem sa građanima koji ne žele na svojim lokacijama, odnosno građevinskim parcelama da se postave kontejneri. I pored postavljanja kontejnera oni ih svuku. Tako da jedan veliki prostor ostaje prazan, odnosno bez kontejnera. Ja javno pozivam i MZ i Opštinu da na licu mjesta izađemo i usaglasimo znači sa građanima prije svega sa građanima (ostatak nerazumljiv). Tako da što se tiče samog komunalnog Rad apsolutno nema nikakvog izbjegavanja obaveza pri prikupljanju i odvoženju smeća.

Za radove na Zlatištu ja stvarno ne znam, znam, provjerit ću i odgovorit ću, u skladu sa mojom nadležnosti. I pitanje je bilo za Nahorevo, za specijalnu jedinicu. Ja znam da je izgrađen objekat na zemljištu koji je bio poligon specijalne jedinice prije. Znam da je izdata dozvola za gradnju i urbanistička i građevinska dozvola je izdata. Dalje detalje ću vidjeti vezano za moguće probleme oko upotrebne dozvole i bit ćete izviješteni.

#### **Ministar Damir Marjanović:**

Uvažene dame i gospodo, da preskočim onaj formalni dio. Hvala vam na postavljenim pitanjima. Postavljeno je sveukupno, koliko sam ja zabilježio 12 pitanja vezano za Ministarstvo obrazovanja, nauku i mlade Kanton Sarajevo. Da ne bih ispao neozbiljna osoba, zamolit ću vas, s obzirom da je bilo i nekih zamolbi da se usmeno odgovori, zamolit ću vas da mi date vremena da analiziram sve činjenice i da vam u pismenom odgovoru dam što iscrpnije detalje vezano za vaše pitanje. Ja se zahvaljujem.

#### **Ministar privrede Emir Hrenovica:**

Ja sam se javio možda i ne bi trebalo, međutim na ova pitanja koja i nisu provokativna, nego su normalna kada je u pitanju situacija oko Skenderije koja je na žalost deset mjeseci nije ni aktivirana. To je možete provjeriti i gospodi zastupnicima dozvoljavam da uvijek kada sam slobodan dođu slobodno na kafu. Oni su i moji zastupnici bez obzira na političke podele ingerencije, da jednostavno se konsultuju, i nije istina da mi nismo u stalnom zasjedanju



maltene, oko Skenderije. Skenderija je i naša i vaša, i to je jedan dugoročan proces, naročito kada je u pitanju najava događaja 2017 godine. Imali smo, baš sam ja jučer htio ponovo posjetiti Skenderiju. Ja pored Skenderije prolazim svaki dan, ne bih polemisao ovdje da me neko vodi, na posao i s posla. Kao što su umjetnici i muzeji naši problem, tako je i Skenderija. Stalnih kontakata imamo, Vlada je već i odlučila, imali smo stalno kontakta i menadžment je stalno prisutan. Čak mislim sada u petak ima najavljen i ovaj sindikat koji treba da dođe na razgovore. Te probleme moramo razriješiti, ne samo ja i Vlada nego i vi, jednim pozitivnim primjerom da ne bude u pet dana petsto strana. Taj problem je opšte poznat odavno Skenderija ali će se on ići na jedno normalno, prvo je izdat nalog da menadžment postupi da zaštiti onu ledenu dvoranu. A sama studija poštovana gospodo, poštovani zastupnici, došla je prije nepunih 15 dana koja se može pogledati u našem Ministarstvu. Znači ja ovim putem vas želim da pozovem da jednostavno sve što imate da pitate vezano za Ministarstvo privrede ja vam stojim na raspolaganju, da popijemo kafu kao ljudi, kao što inače mi radimo i u Vladi i van Vlade. Eto toliko.

Menadžment mora imati neku odgovornost. Kada sam poslao i NO i Skupštini kada je poslat da dostave izvještaj koji, ja vam sada opet kažem, vi ste ta pitanja imali pravo postavljati već duži period. U februaru je pala. Ti problemi oko plata su uvijek prisutni, međutim, menadžment ne može u ovakvoj situaciji koja je na nekoj nuli, jel ona pozitivna ili negativna, ne bih govorio, ne može tražiti tri plate. Ako već pitate onda sačekajte da odgovorim. Svaka stavka ide u ovoj sadašnjoj situaciji vezano za odgovor za plate. Zašto niste pitali kako i ko Vlada Skenderijom. Vi imate svojih prijatelja koji su tamo u menadžmentu i u forumima. Prvo što je otišlo iz Ministarstva je i prema ZOI i Skenderiji da se ponašaju po planu i programu za proteklu godinu, vezano za kulturne i sportske manifestacije. Jer sam ja onako kao čovjek, kao čovjek koji je odrastao i u Domu mladih i u Skenderiji, igrao fudbal, prvo to primijetio da se ne dešavaju razno razni događaji koji ne primjenjuju ovom gradu i ovoj sredini. Platu mora obezbijediti menadžment. Koliko je on uspješan ili ne, i vi morate doprinijeti svojim sugestijama da se organizuju viši sajmovi i ostalo. Situacija je svuda u svijetu teška. U Njemačkoj sajmovi propadaju. Međutim sav taj segment deset mjeseci nije niko postavio. Meni je drago da ste postavili. Meni je drago da smo mi krenuli u rad i u sugestije.

Ja bih volio da vi dostavite pismeno pitanja molim vas, očito je da je ovo jedna tematska sjednica. Ovo sam izašao samo iz nekog prava jer sam prvi put ovdje prisutan.

#### **Dopredsjedavajući Kemal Ademović – poslovnička intervencija:**

Hvala predsjedavajuća. Uvažene zastupnice, zastupnici, premijeru, članovi Vlade, predstavnici javnih institucija i ustanova, građani Kanton Sarajevo sve vas selamim i pozdravljam. I pridružujem se čestitkama koje su ovdje se mogle čuti, za tekuće i nastupajuće praznike. Ja bih zamolio članove Vlade, obzirom da je ova Vlada tek mjesec dana, obzirom da smo probili vladin sat, dakle, predsjedavajuća je rekla do 11,50 i ni minute dalje. Dakle, u samim zastupničkim pitanjima i inicijativama preko 20 minuta smo to probili na šta sam ja upozorio predsjedavajuću na vrijeme, trebalo je dakle na tom vremenu kada je već tako zaključeno reći da zastupnici pismeno dostave sve ono što je ostalo koji su bili prijavljeni za diskusiju. Na samom Kolegiju predsjedavajuća je zamolila da danas sjednica bude zakazana u 10,00 a ne u 09,00. imamo jako važne tačke danas na dnevnom redu koje bi trebali razmotriti, tiču se finansiranja Kantona itd. Obzirom da nije donesen budžet nego se mora donijeti odluka o privremenom finansiranju dakle. Danas se sjednica pretvorila u tačke inicijative i pitanja i ovome nema kraja. I ja hoću da zamolim ministre i premijera da se suzdrže od usmenih izlaganja i davanja nekvalifikovanih odgovora jer većina ministara uključujući i premijera je tu tek mjesec dana. Dakle i ne može objektivno pokriti kompletnu problematiku niti odgovoriti na po deset, petnaest pitanja. Dakle, cijeni ovo što je ministar Marjanović izašao i

rekao. Mi ćemo na to odgovoriti, jer je 12 pitanja. Nije niko kapacitet ovdje sada da odgovori na 12 pitanja. Molim vas ministri uzdržite se, možete to pismeno odgovoriti, ako ima neko kapitalno pitanje na koje treba odgovoriti nek se odgovori, ali uzdržite se da idemo sa sjednicom dalje, jer ovdje očekujem sljedeći scenario. Pauza jedna, druga, treća itd.. dakle, mi bi danas trebali da budemo ekspeditivniji na ovoj sjednici. Hvala.

**Predsjedavajuća:**

Hvala lijepo. A ja imam prijavljene poslanike jer je to dosadašnja praksa dozvoljavala.

**Ministar Hrenovica:**

Vi pitate ono što godinama imate na stolu i što dolazite. Ja vam sada opet nudim prijateljsku ruku kao što ste bivšim ministrima dolazili na kafu, dođite i meni prijateljski dobit ćete i odgovore i prije ove Skupštine, da ne maltretiramo Skupštinu. A toliko ima pitanja koja su vas tištala a na koja su šutili godinu dana. Mi smo spremni da radimo, imamo važnije. Ja čekam Zakon o koncesijama da o njemu raspravljamo.

**Ministar Hrenovica:**

Momenat samo, ja bih htjela da kažem i novom ministru Bandiću u ovoj Skupštini ste mene zadužili da ja dajem riječ. Ja sam samo prije nego što sekretar odgovori na upit koji je postavio uvaženi ministar Šarić hoću da kažem i da nas sviju pošteno podsjetim. Ako se dogovorimo da ćemo poštovati Poslovnik, onda se možemo dogovoriti da ga poštujemo u buduće, ali ja molim i uvaženog dopredsjedavajućeg Ademovića da ne govori ni o kakvoj teoriji zavjere ni o scenarijima pauza, kada do sada nismo probili bilo kakvu uobičajenu praksu. I do sada je bilo da traje vladin sat duže, pored svih naših nastojanja i molbi da se pridržavamo Poslovnika i do sada je bila praksa da jako puno poslanika uzima sebi za pravo da komentariše odgovore ne na narednoj sjednici, nego ako su bili usmeni i na istoj i evo neka prvo gospodin Kolašinac objasni vezano za usmena i pismena pitanja a onda vi sami odlučite hoće li ovih šest.

**Dopredsjedavajući Kemal Ademović - replika:**

Ja bih molio samo onda da se transkript otvaranja ove tačke da nam se te dvije rečenice ovdje pročitaju. Dakle, transkript otvaranja ove tačke šta je rečeno, „i ni minuta više“. Dakle da se držimo onoga što kažemo. Ako se ne držimo Poslovnika da se držimo onoga što kažemo u sjednici.

**Predsjedavajuća:**

Potpuno se ja s vama slažem. Svaki put ja to zamolim, pa provjerite i prethodne transkripte.

**Sekretar Abid Kolašinac:**

Evo ja ću kratko citirati član 212. Poslovnika gdje je rečeno da se može na zastupnička pitanja odgovoriti usmeno ili u pisanoj formi. Dakle, ja koliko sam pratio sjednicu samo jedan je zastupnik tražio da se usmeno odgovori. Dakle, sva ostala pitanja će se u pisanoj formi odgovoriti. Koliko se sjećam, uvažena zastupnica Edina Papo je tražila da joj se usmeno odgovori i niko više. Dakle, molim vas, nema potrebe da članovi Vlade, odnosno ministri izlaze i odgovaraju o zastupničkim pitanjima. Hvala i toliko.

**Predsjedavajuća:**

Gospodine Kolašinac niste bili tu, pa vam ne možemo zamjeriti. Nije ministar Šarić pitao mogu li poslanici postavljati pitanja i tražiti usmeni odgovor, nego da li je dati usmeni odgovor na sjednici Skupštine validan i da li...

**Sekretar Abid Kolašinac:**

..da, da, validan je, normalno.

**Predsjedavajuća:**

Pa jeste, ali mnogi poslanici koji dobiju usmeni odgovor to ne smatraju svojim odgovorom i u tom smislu je bila ..

**Sekretar Abid Kolašinac:**

Smatra se da je pitanje odgovoreno ukoliko je i usmeno odgovoreno.

**Poslanik Nedžad Fazlija – intervencija:**

Hvala vam predsjedavajuća. Ja moram pojasniti, bar ja mogu za sebe govoriti, vjerovatno i drugi poslanici. Ne postavljamo mi pitanja radi pitanja. Mi postavljamo pitanja da se pitanja riješe, a ne da nam se odgovori. Ako nam se odgovorilo i nije se riješilo, mi to ne smatramo da je posao završen, odnosno ono što smo pokrenuli ili postavili pitanje. Eto to. Znači ne treba dalje obrazlagati. Jasno je.

**Predsjedavajuća:**

Ja imam prijavljene; gđina Nasera Nabila, Backović Zaima, Solaković Adnana, Kojović Predraga i Efendić Faruka. Recite mi molim vas jesu li to.. ko još ima poslovničku intervenciju. Gospodin Kojović, izvolite.

**Poslanik Predrag Kojović:**

Zahvaljujem predsjedavajuća. Ja bih vas zaista zamolio da u skladu sa ovim što je podpredsjedavajući Ademović rekao, ko vodi ovu sjednicu? Ako je zaista važno da završimo ovaj dnevni red koji imamo danas, onda ministri ne mogu govoriti kada nemaju riječ, da se ne nadglasavamo. Znači, ja vas samo molim da zaista jednom počnete onako komprimirati ono što vam Poslovnik daje kao mogućnost, da upozoravate i kažnjavate poslanike koji govore kada nisu dobili riječ, mislim da možemo da radimo. Jer ovo postaje da vam kažem, ja ne čujem pola stvari ovdje od komentara koji se daju kada nije uključen mikrofoni.

**Predsjedavajuća:**

Dakle, ostali su mi, neki su se isključili, gospodin Naser Nabil, Backović i Solaković.

Vaša prijava je u vezi s čim? Dobro, onda se gospodine Backoviću isključite.

**Poslanik Naser Nabil replika:**

Ja mislim da je ministar možda imao dobru namjeru, ministar Hrenovica, ali možda nije ga poslužila sreća da malo pojasni stvar. Ne može nama imputirati da mi nismo godinu dana poduzeli pitanje u vezi Skenderije. Ja sam lično postavio pitanje vezano čak i za istragu za bivši menadžment i šta se dešavalo. I molim vas gospodine ministre nemojte nas učiti da trebamo pismeno dostavljati pitanja. Već moja dva pitanja su kod gđe Suade i to svaki put evo, možete vidjeti da su to napisana, nisu plod današnjeg trenutka niti bilo šta. Ono što želim reći, da ne može uvaženi ministar nama kao poslodavcima reći da mi trebamo raditi taj posao. Oprostite, mi smo ovdje poslodavci, mi krojimo politiku, a Vlada je izvršni organ i nemojte molim vas ministre da obrnete ulogu, da ja radim vaš posao. Onda ne trebate mi ni vi, ni vaše Ministarstvo. 130 ljudi sa porodicama nemaju plaće tri mjeseca. Urušava se cijela Skenderija,

garaža zatvorena, Ledena dvorana znamo i kako, i mi smo fino, lijepo, kulturno , na jedan fin lijep način zamolili uvaženog premijera Zeljkovića i vas kao ministra privrede da pokušate nešto uraditi po tom pitanju. Ništa nismo ni tražili od vas, nit smo rekli da ste tek došli, niti da ste mogli uraditi niti ovo i ono. Pogotovo, kada sam saznao da je prije 15 dana imate elaborat i projekat o sanaciji, gdje je bio na Vladi, da Vlada nije htjela o tome da raspravlja. To je bila poenta.

**Poslanik Adnan Solaković:**

Samo da ministru pojasnim jednu stvar, nadovezao bih se na kolegu Nabila Nasera. Pa mogu li da kažem Dino? Šta je sad?

/poslanik Elmedin Konaković govori ali mikrofon nije uključen/

**Poslanik Adnan Solaković:**

Pa šta ćeš sada? Hoćeš li uzeti ili neće? Nemoj da ja ketim, stojim. Pa ja, jel..

**Poslanik Elmedin Konaković – poslovnicka intervencija:**

Maloprije sam odustao jer ste vi uradili ono što sam vas ja htio zamoliti da uradite. Ovo je prva tačka dnevnog reda, zove se pitanja i inicijativa. Članom Poslovnika 212. egzaktno piše kako se mogu davati odgovori na postavljena pitanja ili inicijative. U članu koji uređuje vaše ingerencije, da ga ne tražim jer ga znam, piše da svi koji se udaljavaju od tačke dnevnog reda podliježu određenoj vrsti sankcija i da u svakom trenutku možete oduzeti riječ bilo kome ko se udaljava od tačke dnevnog reda. kada po bilo kojoj od tačaka ministri, dobiju prava, a vi nam oduzmete riječ, ja najglasnije zagovaram da zastupnici imaju pravo reći nešto na ono što kažu ministri. Ali na ovoj prvoj tački da otvarate priču o jednoj, dvije, tri, pet tema ili dozvoljavate kolegama da diskutuju o radu menadžmenta Skenderije ili o radu ministra, to je vaša odgovornost. Dakle, završili smo tačku dnevnog reda, pročitali pitanja. Ako neće niko od ministara odgovarati više usmeno, ja vas molim da poštujete Poslovnik i pređete na narednu tačku dnevnog reda. Hvala.

**Predsjedavajuća:**

Hvala vam najljepša što me podržavate, ja dvije godine pokušavam da se Vladin sat, odnosno poslanička pitanja i inicijative ograniče na sat i ne pretvore u polemiku između poslanika i predstavnika izvršne vlasti, ali evo. Ja opet sada imam još dva poslanika prijavljena. Hoćete li mi dozvoliti da radimo po Poslovniku? Onda molim kolege da odustanu, molim vas.

Gospodin Solaković je bio dobio riječ doduše, pa je samo dobio gospodin Konaković prednost.

**Poslanik Adnan Solaković:**

Da me ne prekine, rekoh. Samo ministru da objasnim. Prvo, jako je ružno da ministar se okrene da govori da smo mi bezobrazni, to je jako ružno. Molim vas, nemojte tako. Izvinite. Gospodine ministre, čovječe od 50 glasova koje ste dobili, ne dozvoljavam da se tako ponašate, okrećete se i nama govorite da smo mi bezobrazni. Zbog takvih kao što smo mi bezobrazni vi morate tako reagovati,. Ja sam insistirao i postavio pitanje da odete i da obidete Skenderiju, koja je sigurnosno, odnosno bezbjednosno nije sigurna. Da neko ne pogine. Ništa više. Molim vas vi drugi put svoje ponašanje gledajte kako ćete.

**Poslanik Zaim Backović – intervencija:**

Da ne ponovim, ja nisam shvatio da je čovjek rekao ovo što je Solaković sada rekao, ja nisam shvatio da je rekao „bezobrazni“. Naime, problem Skenderije nije problem zadnjeg mjeseca, problem Skenderije je puno duži i ništa više.

**Predsjedavajuća:**

Hvala najljepša. Zaključujem i prelazimo na drugu tačku dnevnog reda.

**AD – 2.**

**PRIJEDLOG ZAKONA O JAVNIM SKIJALIŠTIMA**

Prijedlog ovog Zakona dobili ste uz poziv za sjednicu.

Molim uvaženog ministra Šarića da kao predstavnika Predlagača podnese uvodne napomene.

**Ministar Šarić:** uvodne napomene u prilogu

**Dopredsjedavajući Kemal Ademović:**

Hvala ministru Šariću. Pozivam predstavnike radnih tijela ukoliko neko želi riječ. Ukoliko nema, imaju li zastupnici pitanja?

**Poslanik Zaim Backović:**

Gospodine ministre Zakon je naravno neophodan i podržavam donošenja zakona jer je sport nešto što je osnov da ovu mladež. A za ovu vrstu sporta imamo preduslove. Govorim u realnom okruženju oko ovog Kantona ili grada, kako god hoćete. Nekoliko stvari iz zakona mi nije jasno. Recimo u članu tamo gdje se kaže o obilježavanju ali se ne kaže kako i na koji način, ko će i ko će odrediti način na koji će se to označavati. Naime, nije definisano u kom roku će se podzakonoski akti donijeti. To je nešto što je vrlo, vrlo važno da bi se Zakon mogao staviti u primjenu. Podzakonoski akti govorim.

**Poslanik Besim Mehmedić:**

Hvala dopredsjedavajućem. U svakom slučaju da je dobro ovo što je ministar rekao da imamo jedan Zakon koji uređuje ovu oblast, pa i iz bezbjednosnih i zdravstvenih razloga. A prošli put kada smo imali nacrt ili raspravu ja sam pitao da li se namjerava, i da li će Ministarstvo donijeti Zakon koji uređuje i klizališta u Kanton Sarajevo? Pa me samo interesuje da li Ministarstvo vodi računa o tome i da li će predviđjeti ili uredbom ili odlukom, jer također znamo da imamo u Sarajevu nekoliko klizališta koje također, normalno, pretpostavljam kao laik, ne uređuju na ovaj način, ili je ovim (nerazumljivo) ono što se zove skijanje, ja bih volio da znam da li ćemo imati Zakon o skijalištima i njihovoj upotrebi? Hvala.

**Dopredsjedavajući Kemal Ademović:**

Hvala zastupniku Mehmediću. Obzirom da nema više zastupnika koji bi postavili pitanje, pozivam ministra Šarića da odgovori na ova pitanja.

**Ministar Ivica Šarić:**

Na pitanje gđina Backovića u članu 81. stoji rok za usklađivanje općih akata da će se u roku od 6 mjeseci od dana njegovog stupanja na snagu „... preduzeća i druga pravna lica uskladit će svoja opća akta i poslovanje sa odredbama ovog zakona, također i bliža pravila“. Mislim poznato je svaki Zakon, bar koji ja predlažem da bliža pravila budu u rekordnom roku

napravljena. A što se tiče klizališta mislim da se to može urediti pravilnikom. Čak na primjer određena susjedstva nemaju ni zakone nego imaju pravila zakona koje mi sada donosimo, ali mislim da klizališta se mogu regulisati pravilnikom., što ćemo vjerovatno i uraditi. Hvala vam.

**Predsjedavajuća:**

Najljepša hvala. Pošto su pitanja iscrpljena, otvaram raspravu. Vidim već dosta prijavljenih poslanika.

**Poslanik Segmendina Srna:**

Zahvaljujem još jednom. Pa evo, ja naime želim izraziti zadovoljstvo da smo danas pred usvajanjem Zakona o javnim skijalištima. Zahvaliti i bivšem ministru prof Rusmiru Sendiću i Ministarstvu privrede u okviru kojeg su i obavljene predradnje za donošenje ovog Zakona, jer je jedna od strateških razvojnih odrednica Kanton Sarajevo upravo turizam. I zato je, podsjetit ću, Klub zastupnika SDP-a u Skupština Kantona Sarajevo, pokrenuo inicijativu da se Nacrt Zakona o skijalištima razmatra i donese što prije, odnosno prije početka ove zimske sezone. Skupština je za to imala razumijevanja, a punu podršku ovome dalo je KJP ZOI '84, koje je spremno učiniti sve napore u primjeni i definiranju međunarodnih standarda i propisa, što jeste i osnovna sadržina pomenutog zakona, kako bi Sarajevo među ostalim što uspješnije odgovorilo zadacima i izazovima Zimskog evropskog olimpijskog festivala mladih 2017 godine. Moram spomenuti i bivšeg ministra Dubravka Lovrenovića koji je također iskazao poseban interes za ovu problematiku i njeno ubrzano rješavanje, tako da je za očekivati da će i kroz zakonsku regulativu biti omogućeno da Sarajevo ponovno i konačno bude prepoznatljiva destinacija vrhunskog zimskog sporta i turizma. Ja moram reći, možda to kolege zastupnici ne znaju da je na Bjelašnici već i prije ovoga zakona stvoren ambijent i stvoreni su uvjeti za otvaranje zimske ambulante, dakle imat ćemo zimsku ambulantu na Bjelašnici, sa punom ekipom hitne službe. Evo nova je skijaška sezona počela prošle sedmice i sigurna sam da će ZOI'84 zahvaljujući ovoj zakonskoj regulativi, donošenju ovoga zakona još uspješnije nego su to učinili prošle godine organizirati skijanje i skijaški turizam.

**Poslanik Elmedin Konaković:**

Pa imam potrebu da kažem nekoliko riječi o samom procesu donošenja današnjeg zakona. Dakle to je jedan od boljih načina i možda boljih dokumenata koji je prošao i više nego što je potrebno procedura. Dakle, sjećam se da je resorni ministar Šarić baš pustio prednacrt jedan dokumenat koji je obišao sve zainteresovane subjekte, kako pravne, čak i neka fizička lica od onih koji organizuju skijališta do onih koji ih koriste. Znam da su reakcije ljudi iz dijela sporta koji je vezan za te zimske sportove, zaista bile pozitivne.

/poslanik Zaim Backović se obraća nekome ali bez mikrofona/

**Predsjedavajuća:**

Gospodine Konakoviću ja vam se izvinjavam, ja moram intervenisati. Gospodine Backoviću maloprije ste bili svjedokom da se traži od rukovodstva ove Skupštine da uvodi red. Gdine Backoviću, molim vas, novinari i javnost, i građani, imaju pravo prisustva ovdje. Imaju pravo da slikaju šta hoće, ako su akreditirani i prijavljeni da se ovdje dođe. I nemojte molim vas nemojte govoriti dok niste dobili riječ. I još se jedanput izvinjavam gdinu Konakoviću. Gospodin Besim Mehmedić ima poslovničku intervenciju.

**Poslanik Besim Mehmedić:**

..intervenciju i definitivno gđo predsjedavajuća vi morate nešto uraditi da ova sjednica ima svoj tok na način i kodeks ponašanja koji smo usvojili. Nema ovdje niko pravo od zastupnika da prekida zastupnika u njegovom izlaganju. Gospodine Backoviću, ja vas razumijem što ste vi reagirali, ali morate poštovati ovaj dom i ne možete nikome upadati u riječ, bez obzira šta se dešava. Moje je mišljenje da su ljudi koji ovdje rade, snimaju, sasvim slobodni da snimaju šta god se ovdje radi. Ovo je javna sala i javna rasprava. To je jedno pitanje. Ali ovo vas upozoravam i nemojte da to više radite. Imamo kodeks ponašanja, svakoga ko upada u riječ bilo kome od nas , morate sankcionisati.

**Predsjedavajuća:**

Hvala vam lijepo na podršci, još se jedanput izvinjavam. Gospodin Konaković ponovo, samo se prijavite da vas mogu uključiti.

**Poslanik Elmedin Konaković:**

Dakle, ta hronologija donošenja ovog samog dokumenta je zaista nešto što je vrlo pozitivno , da su te reakcije (nerazgovijetno) na nacrtu , u javnoj raspravi, i ovako sublimirano u prijedlogu. On nije sigurno dokument koji rješava sve probleme, ali dobrim dijelom uređuje ono što bi trebala biti normalna praksa ponašanja, upravljanja, gazdovanja skijalištima, čak eto nadam se da će i neke druge nivoe vlasti koji su zakomplikovali malo situaciju oko naše Bjelašnice i eksploatacija tih prirodnih dobara, dakle stimulisati da ovakvim i sličnim dokumentima na još bolji način uredimo naše olimpijske planine. U jednom dijelu, dakle ne bih ulazio posebno u taj stručni dio, dakle možda su ostale neke manjkavosti u dijelu određivanja granica skijališta, određivanja korištenja nekih stvari koje se nalaze konkretno na Bjelašnici, parkinga ili neke druge, međutim smatram da te neke sitne dorade koje će biti naša obaveza u budućnosti će biti manji problem, zaista pozdravljam cijelu hronologiju i sam dokument koji je danas na sjednici dnevnog reda. Hvala vam.

**Poslanik Zaim Backović:**

U ukupnom razmatranju ovog zakona, naravno uz sve što on nosi, koja neophodnost, a sa aspekta realne upotrebe dobra koje posjeduje ovaj Kanton, nadam se da ste konsultovali Zakon o koncesijama, koji će bitno uticati na realnu eksploataciju skijališta obzirom da se zakonom o koncesijama definiše ko i kako je nadležan nad tim dijelom javnog dobra. Posebno ovo ističem zbog toga što najbolje ski staze nisu otvorene u ovom gradu. Padine Bjelašnice sjeverne su otvorene, ali južna strana koja gravitira prema Dugom polju, Šišan polju i prema Konjicu one nisu otvorene. Ti projekti su urađeni još 1980 godine. I te staze su trebale ustvari da budu ukupne skijaške staze za Olimpijske igre, no i tada je bilo nedostatak sredstava. Znači treba malo da vidimo i taj segment otvaranja onih prostora, evo vidim i pomoćnik ministra se slaže sa mnom, onih prostora koji su u korištenju sezone daleko isplasniji nego oni prostori koji su tzv osunčani prostori. Padine sadašnje koje su otvorene na Bjelašnici su dijelovi osunčanih prostora, ne sjenovitih. Sa dugom ekliptikom sunca. A ove padine koje nisu otvorene su sa kratkom ekliptikom sunca i sa malom isplacijom, te dugo vremenskim zadržavanjem snijega. Samo toliko kao jedna sugestija. Hvala.

**Poslanik Branislav Crnogorac:**

Turizam kao strateška industrijska grana u KS posljednih godina bilježi zapažene rezultate, stoga je apsolutno neophodno da imamo i zakonske akte koji uređuju oblast gdje se razvija dobar dio turizma. Da bi smo zadržali pozitivne tendencije u razvoju turizma i obezbijedili još dinamičniji razvoj u narednom periodu, s obzirom na potencijale koje Kanton ima u segmentu zimskog turizma jasno nam se ukazuje da je hitno potrebno usvojiti ovaj Zakon . dokument u formi prijedloga, između ostalog propisuje uvjete za uređenje, održavanje i opremanje javnog

skijališta, pružanje usluga na skijalištima, obilježavanje i postavljanje rasvjete. Zatim jasno su propisani uvjeti korištenja liftova, održavanja sigurnosti i reda na stazama kao i korištenje sredstava, prijevoza na skijalištu. Iskreno se nadam da ćemo usvojiti današnji Prijedlog Zakon o javnim skijalištima, jer isti uzima u obzir gotovo sve što se tiče svih aktivnosti na skijalištima za razliku od ovoga koji se koristi iz 80-tih godina prošlog stoljeća. Hvala.

**Predsjedavajuća:**

Hvala lijepa. Ja nemam više prijavljenih i zaključujem raspravu. Ali prije nego što pozovem poslanike da pristupe izjašnjavanju, ja bih zamolila službe da skoro polovinu poslanika iz hodnika informiše da ćemo glasati, pa ako hoće da rade svoj posao, nek nam se pridruže.

Dakle raspravu o Prijedlogu zakona o javnim skijalištima smo okončali i molim poslanike da pristupe izjašnjavanju o Prijedlogu zakona o javnim skijalištima.

Od 34 prisutna, 32 su pristupila glasanju i svih 32 su glasala ZA, nije bilo suzdržanih i nije bilo protiv.

**Konstatujem da je Skupština donijela Zakon o javnim skijalištima.**

**Ministar Ivica Šarić:**

Ja vam svima zahvaljujem na ovom, ipak ću samo jednu malu opasku da dam. Doslovno sam rekao kako ste svi detaljno upoznati i samim sudjelovanjem na izradi ovoga zakona podijelio sam zasluge za ovaj Zakon sa svima vama i onima koji su na njemu sudjelovali, svojih zasluga se odričem samo u korist dobrobiti ovog zakona za oblast koju on zastupa, pa samim tim smatram da jedna od diskusija nije bila potrebna. Hvala.

**Predsjedavajuća:**

Najljepša hvala ministru Šariću, prelazimo na realizaciju treće tačke dnevnog reda.

**AD – 3.**

**NACRT ZAKONA O IZMJENAMA ZAKONA O KONCESIJAMA**

Nacrt ovog Zakona ste dobili uz poziv za sjednicu.

Molim predstavnika Predlagača da podnese uvodne napomene, pretpostavljam ministar privrede, je li? Gospodine Hrenovica izvolite.

**Ministar Hrenovica:** uvodno izlaganje

**Predsjedavajuća:**

Hvala ministru. Ima li pitanja?

**Poslanik Nedžad Fazlija:**

Zahvaljujem predsjedavajuća. Ja imam pitanje za uvežnog ministra vezano za ovaj iznos 50-50 % da li je traženo prije toga mišljenje, odnosno da li su kontaktirane opštine povodom ovog iznosa, odnosno prije puštanja u nacrt, znam daje nacrt, samo da bi se izbjeglo eventualno opet sporne situacije sa opštinama, onoliko koliko sam ja upoznat oni čak ne



odustaju od kompletne koncesije, a kamo li da je nešto u njihovu korist ili da im neko uzima njihovo pravo za koje oni smatraju da imaju? Eto toliko.

**Ministar Hrenovica:**

Hvala na pitanju. Naime ovo je samo bio prijedlog bivšeg ministra, profesora Sendića, da bude taj 50-50, s tim nije to, ne bi trebalo da kažem zabetonirano jer ide u javnu raspravu. U toj javnoj raspravi normalno da će učestvovati Ministarstvo finansija Kantona koje će obrazložiti koliko Kanton kao što je već obrazlagano koliko ulaže i u komisiju i u kontrolu svega ostalog. To je ono, eto, što vam sada mogu odgovoriti.

**Predsjedavajuća:**

Hvala ministre. Otvaram raspravu.

**Poslanik Elmedin Konaković:**

Nisam baš znao da ću biti prvi. Neću nešto posebno ni diskutovati. Hoću samo da kažem svoj stav, sličan je onom stavu koji sam imao i kada smo donosili prvi put Zakon o koncesijama i sastanke koje smo imali sa lokalnom zajednicom. Odlučili smo se tada i kao Skupština i kao Vlada da idemo u pravcu da donošenje ovako bitnog Zakona jeste bilo ključno za Kanton Sarajevo, međutim te neke tehničke stvari i nedostaci tog zakona su nam se sada vratili da se njima ponovo bavimo. Ono kako ja vidim bilo je zaista neophodno zbog presude Ustavnog suda i rokova koji su dali Vladi, da se ovaj materijal danas nađe na sjednici Skupština Kantona Sarajevo, i ja ću podržati ovaj nacrt. Ono što također jeste bitno i u čemu podržavam i kolegu Fazliju, dakle jeste ta komunikacija lokalne zajednice i Kantona Sarajevo. Mislim da će nakon puštanja ovog dokumenta u nacrt, on doživjeti još neke korekcije. To je također i moj stav, jer i Ustavni sud je u presudi koju sam ja detaljno pročitao, elaborirao dio zakona koji apsolutno štiti lokalnu zajednicu, dakle u onom dijelu prava raspolaganja gradskim građevinskim zemljištem, podzemnim garažama i još nekim predmetima koncesija, ali je ipak u meritumu i u samoj presudi elaborirao samo dio raspodjele. Tako da je bilo jako teško i pročitati pravnicima, ja to nisam vjerovatno tu presudu Ustavnog suda koja ukazuje na kompleksnost same presude i raspodjele. Znam da načelnici opština koji jesu vodili ovaj proces, dakle ponovo insistiraju na cjelokupnom iznosu i pravu da opštine po Zakonu o lokalnoj samoupravi ili po Zakonu o gradskom građevinskom zemljištu raspoložu u stopostotnom procentu i mislim da će ta koordinacija biti veoma bitna. S druge strane, oni bez Kantona u drugim dijelovima zakona koji govore o kvadraturi određenih prostora koji govore da se preko 5000 kvadrata gradnje na nekom dijelu Kantona dakle ipak tretira Kantonalnom nadležnošću i to će biti proces koji će Vlada čini mi se ipak morati voditi u koordinaciji sa lokalnom zajednicom, ali ne mislim da je ključno i da danas ne bi smo trebali dati podršku baš zbog ovih svih informacija, da dokument treba ići u nacrt, a da poslije toga zajedno sa lokalnom zajednicom tražimo u toku javne rasprave dokument koji će biti na opšte zadovoljstvo svih zainteresovanih usvojen na Skupštini Kantona. Hvala.

**Poslanik Naser Nabil:**

Hvala gđo predsjedavajuća. Mislim da je ova izmjena i dopuna u skladu sa presudom Ustavnom suda FBiH nama svima jedna lekcija, da mi pri donošenju bilo kakvog zakona bi trebali vrlo dobro konsultirati i koordinirati zakone i konsultirati općine, odnosno lokalnu samoupravu. Ovo neće biti jedina stvar koja će morati pretrpjeti izmjene. Reći ću vam da ima još određenih zakona, pa održavanje čistoće, upravljanje komunalnim otpadom, pa o imovini Kanton Sarajevo, pa o školstvu itd. Dakle, mi moramo pristupiti toj problematici nekakvom

sveobuhvatnom vizijom i strategijom da nam se to ne ponavlja. Ja naravno, smatram da je Zakon o koncesijama vrlo važan Zakon, koji je već trebao da bude i te kako implementiran i da nam donosi novac. I tada je priča bila ako se sjećate kada sam postavio pitanje i ministru Sendiću, koliko se očekuje da će Kanton od te koncesije moći inkasirati za budžet Kanton Sarajevo. Dakle, pouka da ubuduće i svima nama i ministrima, kada se radi nacrt zakona, da ipak budemo u koordinaciji i da ipak budemo upućeni o Zakonu o lokalnoj samoupravi i da koordiniramo sa svih devet opština i načelnicima opština da bi donijeli Zakon koji opet neće na Ustavnom sudu doživjeti dopune i izmjene. Gubimo vrijeme, mislim bespotrebno. Hvala.

### **Poslanik Eldar Čomor:**

Zahvaljujem predsjedavajuća. Mi smo na Komisiji za privredu prihvatili ovaj Nacrt izmjena i dopuna zakona o koncesijama jednoglasno. Ne zato što su ponuđena rješenja ili ovo rješenje o raspodjeli 50% Kanton – 50% lokalne zajednice samouprave odnosno općine, već zato da se u javnoj raspravi dođe do najbolje mogućeg rješenja kako bi se izbjegle eventualne nove tužbe od strane lokalnih jedinica samouprave. Ja sam već stupio u kontakt sa nekim čelnim ljudima lokalnih zajednica i vidio sam da oni ovim prijedlogom raspodjele 50% Kanton – 50% općine nisu zadovoljni te će najvjerovatnije u javnoj raspravi intervenirati ili eventualno predlagati amandmane preko klubova. Oni su isto tako sugerisali da se prilikom izmjena Zakona o koncesijama Kanton Sarajevo više konsultuje prijedlog Zakona o koncesijama FBiH koji je prošao, čini mi se, predstavnički dom, negdje je to stalo na Domu naroda, ali ono što sam od njih čuo, a evo i kolege ovdje potvrđuju, jeste da su oni puno više bili pitani, konsultovani vezano za donošenje Zakona o koncesijama FBiH nego kada je to bio slučaj kada se donosio Zakon o koncesijama Kanton Sarajevo. Vjerovatno preko Saveza općina i gradova, ali puno više su se pitali, a puno manje imaju zamjerki na prijedlog Zakona na federalnom nivou, nego što su to imali ovdje na Kantonu Sarajevo. Oni su ovdje predlagali i o tome koje koncesije treba da dodjeljuje Kanton i općine. Najvjerovatnije će oni u javnoj raspravi i to poslati. Ovdje u obrazloženju ove presude i ministar je maloprije pročitao gdje Ustavni sud FBiH smatra da raspodjela prihoda mora biti adekvatna samim preduzetim radnjama u postupanju koje su sasvim mjerljive i koje je moguće vrijednovati. Mislim da će to biti teško ali je ipak moguće vrednovati te stvari. Ja sam više puta govorio ovdje i u ovome domu kada su bili zakoni o koncesijama ili bilo čemu drugome o štetama koje se nanose na teritoriji lokalne zajednice kada su u pitanju koncesije. Pa uglavnom sam govorio o tri stvari: imamo štetu nema više onog minerala ili onoga što je bio predmet koncesije lokalne zajednice, vrlo rijetko ili vrlo malo naplaćuju odnosno Kanton vrlo malo naplaćuje te koncesije pa se tako priliv sredstava od koncesija vrlo malo vraća na račune ili budžete lokalnih zajednica, a onda imamo nevolje građana sa uništenom infrastrukturom na tom području i to je sasvim mjerljivo i može se vrednovati i mislim da će Ministarstvo finansija morati naći načina da iznađe mogućnost da se to vrednuje na pravi i adekvatan način. Hvala puno.

### **Predsjedavajuća:**

Hvala najljepša. Kako nema više prijavljenih ja zaključujem raspravu i predlažem Skupštini da po Nacrtu ovog zakona donese sljedeće zaključke:

1. Utvrđuje se Nacrt zakona o izmjenama Zakona o koncesijama.
2. Javna rasprava održaće se u Kantonalnim organima, jedinicama lokalne samouprave, naučnim i stručnim ustanova i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i

mišljenja nisu prihvaćeni u pripremi Prijedloga zakona o izmjenama Zakona o koncesijama.

Ja se nadam da su službe pozvale iz hodnika one kolege koji žele da učestvuju u glasanju i ja vas molim da pristupite izjašnjavanju o predloženim zaključcima.

Molim službe da nam pokaže rezultate izjašnjavanja, a molim poslanike da ne glasaju stojeći i van svojih mjesta.

Dakle, od nas trenutno prisutnih elektronskim karticama 32, 30 je pristupilo glasanju i svih 30 je glasalo ZA, nije bilo suzdržanih i nije bilo protiv.

**KONSTATUJEM DA JE SKUPŠTINA DONIJELA OVE ZAKLJUČKE.**

**Prelazimo na realizaciju tačke 4.**

**AD – 4.**

**PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD 01.01. DO 31.03.2013. GODINE**

Prijedlog odluke ste dobili uz poziv za sjednicu.

Molim predstavnika Vlade, pretpostavljam ministra finansija gđina Kozadru, da podnese uvodne napomene. Uvaženi ministre, gđine Kozadra, izvolite.

**Ministar Kozadra:** uvodno izlaganje

**Predsjedavajuća:**

Hvala najljepša ministru finansija. Predstavnicima radnih tijela ili poslanici ima li nekih pitanja?

**Poslanik Nedžad Fazlija:**

Hvala predsjedavajuća. Imam pitanje koliko uvaženi ministar može da odgovori koliki je iznos sredstava do danas skinut sa računa Kanton Sarajevo po osnovu izvršenja sudskih presuda po tužbama budžetskih korisnika, a uzrokovanih lošim odlukama Vlade iz saziva 2006-2010 godine? I ovo ću vama ostaviti za diskusiju, hvala.

**Poslanik Predrag Kojović:**

Hvala predsjedavajuća. Samo imam jedno pitanje za ministra koje se postavilo i na Komisiji koja je razmatrala ovo a to je da li je formulacija praga iznosa promijenjena od postojeće raspoređenih u utrošenih?

**Poslanik Eldar Čomor:**

Ja se izvinjavam nisam vas čuo kada ste rekli za radna tijela pa samo kratko. Mi smo na Komisiji za privredu imali sugestiju od člana Želimira Bukarića vezano za ovu izmjenu riječi „raspoređenih“ – „utrošenih“ i Komisija je jednoglasno prihvatila njegov prijedlog da stoje riječi „utrošenih“. Uputilo smo Vladi, evo vidimo da je Vlada promijenila i prihvatila sugestiju Komisije za privredu da bude utrošenih sredstava a ne raspoređenih. Pa evo kolega Kojoviću otprilike je to odgovor.

### **Ministar Muhamed Kozadra – odgovori:**

Hvala. Pa evo što je gospodin Kojović postavio, ja sam maloprije znači obrazložio. Imamo u dijelu rashoda tekućeg perioda i dio onih koji nisu iz perioda, a to su tužbe, a moramo ih uknjižiti ovamo. Znači one povećavaju ono što je dozvoljeno budžetom. Tako da smo mi bili stavili ovaj termin „raspoređenih“, znači tako da mi prihvatamo ovo da ne bi diskutovali.

Ja sam rekao ovdje svaki dan se mijenja iznos presuda odnosno koji se skida sa računa. Mi smo prije 15 dana imali jedan zajednički sastanak u Zenici, svi ministri finansija, svi ministri pravosuđa, svi pravobranioци i premijeri vezano za ovu materiju o kojoj sam vam maloprije govorio, ugroženost nižih nivoa vlasti za rad ne primjene ove formule o preraspodjeli ovih prihoda. U svim Kantonima u većini njih ne skidaju banke ovaj iznos, kod nas je jedino bez upozorenja. Ja dok sam bio ja sam zatražio da se do presude Ustavnog suda ne skidaju presude jer ih nismo ni planirali u budžetu očekivali smo pozitivan stav Ustavnog suda jer smo imali apelaciju za Tuzlanski Kanton i očekivali smo da će biti istovjetna i samim tim nije se to desilo. Ali budžetska sredstva po Zakonu o trezoru po Zakonu o izvršenju budžeta i po Zakonu o izvršnom postupku ne može banka skidati ta sredstava bez saglasnosti i bez odobrene cifre u budžetu. U drugim Kantonima to ne rade. Evo mi smo, nas četvero bili na tom sastanku, kod nas se to radilo i ja imam informaciju da kod banaka ima još dosta zahtjeva koji nisu došli, a on će do 31.12. zaista svaki dan se mijenja, preko 13 miliona je sada cifra koja je skinuta. A ona se odnosi na period, znači mi smo 2008 godine imali MMF je potpisao znači Stand by aranžmana sa BIH, međunarodni sporazumi imaju supremacije u odnosu na domaća zakonodavstva. Kako? Tada su naložili i svaki puta nalažu i traže i od FBIH i od države da se određene stvari unesu, ispoštuju kako bi taj međunarodni sporazum bio validan i kako bi se realizovao. Tada je rečeno da plaće moraju ići 10%, mi ih nismo u Kantonu spustili 10% i nisam za spuštanje tih plaća ni danas kada su federalne plaće veće gotovo za 20% od naših plaća po zakonu zvaničnom koji jeste. Tada je rečeno da topli obrok mora ići na 8 KM, i išao je na 8 KM. Tada je rečeno da regres mora ići na 400 KM i išao je. I mi smo sve ove godine ispoštovali to. I čekali smo presudu Ustavnog suda za to. Znači ne odnosi se na period 2007, 08, 09, odnosi se na period 2009, 10, 11 i danas na ovo tekuće vrijeme koje jeste. Znači mi imamo još jedan nonsens, ja mislim da sutra počinjemo sa Sindikatom pregovore, formiran je tim, oko utvrđivanje i zaista utvrđivanja i dolaska do zajedničkog konsenzusa kako bi ostali živi. Govorim živi uvjetno institucija jer neće moći institucije živjeti ako mi ne budemo poduprli ovo sa našim dogovorom, prekinuli tužbe i sve ono što se odnosi na ugrožavanje tekućeg poslovanja. Zaista je preozbiljna situacija. Ja kada sam tražio prije možda manje od godinu dana čak i tematsku sjednicu da zasjedamo i razgovaramo o ovom problemu kako bi ga kanalisali i upravljali procesom tim koji znači ljudski resurs i plaće na to. Imamo jedan broj, oprostite mi molim vas, ovo je jako bitno nama da bi mi odradili i zauzeli pozicije, donijeli politike koje će se odnositi kako prema ljudskim resursima, kako prema komunalnoj privredi, kako prema svim segmentima koji će biti tretirani u budžetu ovdje. Privreda i prihod od privrede ovo ne može izdržati. Definitivno ne može izdržati ovo što nam je nametnuto. I jedan još momenat koji je jako bitan. Za jedan dio uposlenika koji nije tužio. Danas imate sjede po troje kancelariji, dvoje dobilo jedno nije, ili kontra. Naša je obaveza ovdje isto tako prema tim koji nisu to uradili, utužili, da u toj masi koja će biti skupljena da obračunamo i unesemo i onda sa Sindikatom da se dogovaramo kada ćemo to isplatiti. Jer je nekorektno ovdje koristiti ili rabiti bilo koji termin u odnosu na ono što se dešava u privredi, kako privreda živi i od koje treba da dobijemo tu marku za raspored ovdje ne daje nam komoditet da zaista ovo u najkraćem mogućem roku razriješimo, definišemo, jer je neprihvatljivo da Sindikat potpiše na nivou FBIH, imamo te akte, potpiše da se na njih ne odnosi, znači da će

isplaćivati TO po 8 KM, da će isplaćivati regres po 400 KM, a da taj ugovor, dogovor, sporazum kakav je god da ne važi za Kantone i općine i mi na taj način Kantoni i općine su došle u takvu situaciju gdje nekoliko stotina miliona ima tog deficita. Federacija sa MMF pokrit će svoj deficit, a mi ćemo dijelom vraćati taj deficit. 51,8 % učestvujemo u raspodjeli toga i onda Kantoni i općine neće imati šansu da to čine, da to rade. A onda ko treba da ispoštuje Zakon o izvršenju budžeta, mora vratiti kredit i mora platu prvo isplatiti. Ostalog nema. I mi smo u takvoj situaciji sada da ne govorim cifru koja će biti deficitarna da je nemoguće živjeti, vjerujte, mi smo ugrozili izvođače radova koji izvode radove ne možemo im platiti to, a neće moći oni isti ti koji rade javiti na tender. Zašto? Nismo im platili, ne mogu platiti PDV, ne mogu isplatiti svoju platu, javit će se ovdje i zbog formalne stvari ne mogu dobiti potvrdu od porezne uprave da su izmirili svoje obaveze i samo će ih sklanjati, oni kojima smo mi dužni. To je nekorektno, nepošteno i ne znam treću riječ koju bih iskoristio ovdje da bih uozbiljili ovu stvar ja vas molim da svi pridemo na jedan ozbiljan da ne koristim druge riječi, ali je jako teško ovo što ćemo učiniti.

**Predsjedavajuća:**

Najljepša hvala. Otvaram raspravu.

**Poslanik Elmedin Konaković:**

Opet nisam mislio da ću biti prvi. Neću dugo, zaista. Uopšte nije upitno ni stav ni odnos mislim sviju nas o Odluci o privremenom finansiranju. Značaj same odluke, težinu značaja same odluke poznaje svaki od zastupnika, zna šta to znači i za život u Kantonu. Neću komentarisati ni period, i ja bih volio znati, ne bih do 2010, nego bih do danas volio znati broj tužbi, presuda, znači zanima me do dana današnjeg, ne bih amnestirao ove dvije godine. I ono što zaista hoću još jednom da naglasim i svaki put i ja to ponovim i kada ministar Kozadra govori i kada ne govori, to je taj odnos Federacije prema Kantonima, odnos koji bi smo zaista, pogotovo vi koji sjedite u Domu naroda i koji nas predstavljate u federalnim parlamentima morali drastično promijeniti zbog činjenice da se Zakon o raspodjeli javnih prihoda godinama, sistemski uništava Kanton Sarajevo od strane FBIH. Mi finansiramo cijelu Federaciju, na leđima nosimo ne znam koji procenat, ali znam da se radi o milijardi i nešto para i direktnim i direktnim poreza od kojih nam se iz Banja Luke vraća 20% možda svih sredstava. To je politički problem u kom ne bi smo trebali nikada gledati pripadnost političkoj partiji nego pripadnost ambijentu u kom živimo. Nikada nismo ozbiljno po tom pitanju djelovali. Taj problem nam je sve veći i veći. Činjenica da nam danas FBiH duguje i tranšu od MMF-a i da na račun Kantona sanira svoje vanjske dugove. Dakle još jednom pokazuje odnos nivoa vlasti u BIH. Mi ovdje nemamo ni čak taj entitetski problem, ovdje imamo isključivo ljudski problem i faktor, da unutar svojih političkih partija i u klupama u kojima gore sjedite ozbiljnije i glasnije zastupate ovo o čemu smo danas govorili. Hvala.

**Poslanik Mujo Hošić:**

Ja pozdravljam sve prisutne. Ovo je moj povratak nakon šest godina. Nemojte se ljutiti ali imam stvarno osjećam da sam višestruki povratnik na mjesto nečinjenja i neodlučivanja. Gospodine Kozadra, ministre, da li vi to nagovještavate krah Kanton Sarajevo finansijski? Je li stvarno nije bilo moguće napraviti bar nacrt budžeta dok se teferičilo čitavo ljeto? Vi i ja mislim da smo bili u jednom domu prije šest, sedam ili osam godina, čini mi se zvao se Gafov Zakon o pripadnosti prihoda kada smo ga usvajali. Tada sam ja trebao da idem u politički odjel Američke ambasade i prof Ganibegović zato što ga nismo podržali i rekli smo da će Kanton Sarajevo tada platiti nevjerovatnu cijenu. I oni koji su neupućeni ovih dana slušaju najveći uspjeh vlasti na ovim višim nivoima država, FBIH i RS jeste što u novembru usvojili budžete. Ta tri budžeta 6 milijardi i nešto. I niko od zvaničnih političara ne kaže da su

dugovi 2,3 milijarde. Ovo o čemu vi sada pričate. Odluka o privremenom finansiranju, svi koji se bave budžetima znaju ako je ne usvojimo znači od 01.01. nema isplate niti jedne marke. Ja vas molim i dalje tvrdim da je trebalo raditi 16 sati. Situacija u ovoj državi je takva da su sve vlasti trebale raditi 16 sati dnevno. I vi kao ministar finansija Kanton Sarajevo ja vam predlažem, usvojiti ćemo mi ovu odluku, jer nema niko pravo neusvajanjem takve odluke da kaže nema isplate ništa. Od danas popodne sjednite i dobro razmislite šta su nam prioriteti. Ja sam novi u ovoj Skupštini. Svi su od vas očekivali, kažu dolazi Vlada eksperata. Drugi su vas već počeli osporavati prije nego što ste i imenovani. U ovoj državi ne postoje eksperti, postoje manje ili više poštene ili nepošteni. Manje ili više kompetentni ili nekompetentni. Ono što ja kao novi poslanik koji podržavam ovu Vladu očekujem od vas, od danas pa na dalje da počnete izlaziti sa istinom. Ja znam da se poslije te istine gube izbori, da se gube glasovi, ali neko je napokon mora početi govoriti. Hvala.

**Poslanik Naser Nabil:**

Hvala kolega Hošiću na vrlo transparentnom govoru. Izgleda da smo mi ovdje u Skupštini kao zastupnici na jedan način pomalo ovom stalnom pričom dvije godine ne vidimo sebe, izgubili smo kompas i orijentir. A dolaskom kolega Hošiću da neko ko je tek došao može vidjeti koliko mi imamo nerada i koliko zapravo mi nećemo da govorimo istinu. Gospodine Kozadra vi ste izložili budžet za 2012 godinu. I vi ste rekli da ima to i to, i to. I bila ona pink, roza priča. Ovo što sam čuo maloprije je zaista neprihvatljivo i od vas neprofesionalno. Barem sam očekivao da ćete reći budžet će biti tada i tada. Na sljedećoj, na narednoj sjednici. A svi mi uvijek koristimo ta stražnja vrata. Pa koristimo Zakon o proračunima FBiH član 21 da možemo ukoliko budžet nije donešen. Molim vas, prošle godine je budžet 26. decembra donešen. Ako smo imali u julu o.g. dokument o okvirnom budžetu iz 2012 i 2014 godine a ostao je isti ministar finansija, sada se vratio, onda je zaista po mom mišljenju neozbiljno da raspravljamo, zapravo da smo dovedeni pred svršen čin da moramo dići ruku za odluku o privremenom finansiranju. Taj naziv je već postao, ja već ga mrzim, ne podnosim. Imam ako hoćete i alergiju na to. Jer govori da ipak ni Vlada ni Skupština ne radi svoj posao i ipak ćemo. Evo možda će i građani reći da ih držimo u jednoj napetoj situaciji, neizvjesnoj situaciji po ovom Kantonu. Šta se dešava sada. Jel treba nam MMF da kaže imate rok do tada i tada pa trebate donijeti budžet, ukoliko ne budete dobijali onda nemate kreditno zaduženje. Mislim da ovaj Kanton najbogatiji Kanton u cijeloj FBiH i da će ministar sa mnom se složiti i da imamo najveći broj prihoda i doprinosa i svega ostalog. Prema tome, mi ćemo podržati tu Odluku o privremenom finansiranju ali ne prihvatam način izlaganja gospodina Kozadre koji apsolutno već niz godina, ne znam koliko, jel desetak ili tu negdje blizu već potpuno upoznaje finansijske situacije i prihode i rashode unutar ovog Kantona. Ja vas molim gospodine ministre da poradite na tome što prije da imamo na klupama ovdje budžet i nemojte mi reći sada da nećemo imati ni razvojni ni sanacioni, ne ovakvog budžeta nego ćemo imati krah u iznosu od 120 do 140 miliona KM. Hvala vam lijepa.

**Poslanik Fazlija Nedžad:**

Prema informacijama kojima Klub SDP-a raspolaže napominjemo da su predradnje za izradu nacrt budžeta bile izvršene a odlukom Vlade početkom devetog mjeseca od ministarstva finansija je traženo da se resorna ministarstva usklade svoje zahtjeve sa DOB-om koji je usvojen kao što je kolega Nabil rekao u julu 2012 godine. Cilj je bio da se usklade visina zahtjeva sa sredstvima budžetskih korisnika, sa projiciranim prihodima za 2013 godinu. Po našem mišljenju budžet je trebao biti usvojen u skladu sa zakonskim rokovima. Jedini razlog zašto to nije bilo učinjeno je što se nova parlamentarna većina bavila smjenom prethodnog saziva Vlade. Nije nam jasno zašto kada je bilo dovoljno vremena nije ova Vlada učinila napor da predloži Nacrt budžeta i pošalje ga u javnu raspravu. A poslije toga također je bilo

dovoljno vremena da se predloži i budžet. Ovih dana smo vidjeli da su kolege u BPK uspjeli u rekordnom roku predložiti budžet i tamo su građani tog Kantona to sa odobravanjem, odnosno oduševljenjem prihvatili jer mogu odmah od 01.01. sljedeće godine da planiraju svoja sredstva. Po prezentiranju izvještaja devetomjesečnog izvršenja budžeta od Ministarstva finansija je najavilo poduzimanje aktivnosti u skladu sa Zakonom o budžetima u FBiH, članom 22, kojim su definisane mjere privremenog obustavljanja finansiranja pojedinih rashoda. Ova mjera je za cilj trebala imati uravnoteženje budžeta kao predaktivnost za rebalans budžeta Kanton Sarajevo. Jedan od ključnih uzorka za ovu aktivnost je bio neodobranje kredita sredstava MMF-a u iznosu do 35 miliona KM predviđenih budžetom Kanton Sarajevo za ovu godinu, a čija je namjena bila pokriće deficita budžeta iz 2011 godine. Jedini razlog zbog kojeg ova mjera nije usvojena kao što sam maloprije rekao je smjena Vlade što sadašnju Vladu nije trebalo spriječiti da donese potrebnu mjeru, da provede mjeru. Kada je u pitanju deficit budžeta, nedostajalo je predviđenih 94 miliona KM i to neodobreni kredit MMF-a 35, prihodi po osnovu poreza prihoda Federalnog ministarstva finansija, na osnovu kojeg je pripreman budžet za 2012, 40 miliona, neostvareni primici od prodaje zgrada i stambenih objekata misli se na zgradu studentskog doma u Nedžarićima 10 miliona i neostvareni primici od privatizacije preduzeća, otprilike 1,8 miliona KM. Zatim neostvareni primici od javno-privatnog partnerstva u iznosu od 7 miliona. Ukoliko ima nešto što je mimo ovoga nastalo kao zaduženje to je nastalo poslije smjene Vlade. Mišljenja smo da uvaženi ministar Kozadra nema razloga da iznosi svoju začuđenost stanjem budžeta Kantona Sarajevo jer je upravo ministar Kozadra tvorac budžeta za 2012 godinu po kojem Kanton posluje. Da li to ministar hoće da kaže ga je gospodin Kozadra dobro planirao ali je neko nenamjenski trošio novac? Kao što znamo ministar Kozadra je bio odsutan samo jedan kvartal, možemo reći produženi godišnji odmor i savršeno poznaje sve prednosti i nedostatke budžeta koji je kreirao tako da nas čudi način na koji je obrazložio ovu tačku. Kredit MMF se već nekoliko godina unosi u budžet i jedan je od glavnih razloga zbog kojeg je Ured za reviziju institucija u FBiH dao negativno mišljenje na finansijski izvještaj budžeta Kantona Sarajevo za 2011 godinu, ali i za prethodne godine. Iz svega ovoga Klub SDP-a će konstruktivna opozicija, a zbog budžetskih korisnika, podržati ovu odluku o privremenom finansiranju.

### **Poslanik Besim Mehmedić:**

Hvala gospodine dopredsjedavajući. Prije svega, ovo što je gospodin ministar iznio to nije samo njegovo nego svih onih koji su pravili budžete i svih onih koji su ga usvajali. Ministar jeste po onome što iznosi iz svog resora taj koji nas izvještava, međutim sve Vlade su usvajale, prema tome ako je nešto dobro onda ne može samo uzeti sebi ministar, ako je nešto loše ne može se ni njemu to samo. Ono što je dobro i što želim u svakom slučaju da, kako sam ja to razumio, shvatim da je izlaganje gđina ministra tačno i po zakonu i po činjenicama. Ako sam ja dobro razumio, ministar namjerava da kako sam ga tako razumio da ovo ne bude budžet politike nego da se izaberu pravilne politike onoga šta će se u budžetu raditi za 2013, odnosno prioritetne i kvalitetne politike u budžetu. To pozdravljam, i nadam se da njegovo iskustvo koje je on sam rekao da će se to vidjeti u 2013 godini. Najlakše bi sada bilo u svemu ovome prebrojavati ko je od ovdje pozicije i opozicije uzimao sebi za više ili manje prava da ono što jeste deficit ovog budžeta kaže da jeste ili nije kriv. I mislim da nema te finansijske, apotekarske vage koja bi to mogla odrediti. Ono što je dobro i što podržavam je to, ne da se nadam, nego ako je ovo put i način realizacije i analitike onoga što će biti u 2013 godini, da veoma skoro imamo budžet, a ono što bi najgore bilo u svemu tome da imamo budžet za 2013 i da imamo automatskog pilota i da se po njemu vozimo. Ja očekujem od ove Vlade da napravi budžet koji će biti vođen na dobar način, koji će dobro biti planiran, ali ako ne bude

nadzora nad tim što se bude radilo, onda ćemo očigledno doći u istu situaciju u koju smo i danas. Hvala.

**Poslanik Zaim Backović:**

Hvala vam gospodine zamjeniče predsjedavajuće. Ukupna struktura budžeta naravno nije projekcija jednog ministra niti može biti, odnosno to je konglomerat odnosa i projekcija resornih i zbir u početku želja a onda nečega što se svodi prema realnosti, tako da ne plediram na vas gospodine Kozadra, jer vi ste po zakonu serviser. U čitavoj Vladi vi ste onaj ko je dobar serviser. E upravo u tom smislu ja želim nešto govoriti. Pošto vi ne raspolazete kapitalnim ulaganjima, niti raspolazete onim što recimo u zdravstvu, ministri u školstvu, transferima, platama ustanovama od vama, itd, to su nadležnosti nekog drugog ili MUP-a. E obzirom da ste vi serviser i trebalo bi da budete kvalitetan serviser, onda bi tako trebalo da se ponašate i u fazi kada imamo odluku o privremenom finansiranju, jer taj serviser treba ne po svom filingu da određuje šta je, nego da usmjerava po onome šta mu daju oni koji su za to nadležni. A nadležan je resorni, ovdje govorim ministar, tako mu je ime i prezime. Jer onda dolazimo u neku nazovimo tako informacionu disharmoniju dobijajući kojekakve informacije, inpute da se može desiti da u datom trenutku se ne radi ono što je prioritetno i kaže, odnosno ustanovi onaj koji je za to nadležan da je prioritetno, nego je prioritetno ono što kaže serviser. Pa meni ako ne radi vodena pumpa na grijanju ona je meni prioritet a ne kapa na odžaku. Pa će onda ovaj da traži da se radi vodena pumpa. Tako se i vi morate ponašati jer vi ste šef trezora. Ovaj Kanton trezorski posluje, ne posluje drugačije, niti može drugačije poslovati. U ukupnoj strukturi budžeta, ovo što je govorio gospodin Mehmedić nadam se da će projekcija učiniti da mi dobijemo realnu sliku budžeta i budžeta koji ima maksimalan uklon ukoliko je to moguće, kad se kaže feningom uklona prema obezbjeđenju posla. Samo za informaciju ovdje nama poslanicima, pošto pričamo govorimo, u zadnje dvije godine obavljen je prvi tehnički prijem objekta koji je u nadležnosti izdavanja dozvola ovog Kantona za gradnju. Znači pazite, u zadnje dvije godine, prvi prošle nedjelje završen. Ni jedan novi takav objekat nije započet u zadnje dvije godine. Neko će nam kada tada morati odgovoriti zašto je ogroman broj ljudi bez posla a toliko je realnih projekata koji stoje i zašto stoje? A upravo su to izvori za punjenje ovog Budžeta. No, to je tema koja će nadam se doći na red. Također, pošto je ovo jako vezano, molim vas uz projekciju budžeta koju znam da radite, nam dajte, pošto ćete nadam se biti dobri projektanti, ne prejudicirajući na mog kolegu, sada će on da se naljuti na mene, arhitektu, kada ćete dobru statistiku napraviti da to ipak bude održivo, jer po onome što sam ja čuo od vas, gospodine ministre, vi u biti sada ne možete servisirati obaveze. Ako sam ja dobro shvatio. Odnosno da su obaveze već tolike da one prevazilaze ono što se zove input, ulaz. Znači izlaz je malo veći od ulaza, tako da možemo doći u datom trenutku bez obzira kako mi to ružno zvali, dobro zvali djelovalo, možemo doći u problem ukupne likvidnosti Kantona. Što će se odmah odraziti na ostale segmente. Zbog toga je izvanredno pitanje koje je postavio gospodin danas ga puno citiram, ali šta ću, o investicijama investiranju u prugu tramvajsku i gdje, kako, na koji način jer to su naša sredstva. Kao što ni do danas neće niko da mi odgovori šta je sa onim kada sam tražio, ko kontroliše ugovore koje potpiše ovaj Kanton. Pa između ostalog i onaj ugovor na bolnici gospodine Gavrankapetanoviću, niste više tamo, ali ono je već trebalo da bude završeno, ali znate da neće biti ni za narednih 8 mjeseci završeno. Da je već cijena ugovorenih radova davno prošla ugovor. A da je davno prešlo onu ugovorenu sumu. Ja imam sasvim slučajno papire. Znači molim vas sve je to budžet.

**Dopredsjedavajući Kemal Ademović:**

Molim vas zastupniče da ostanete u temi.



**Poslanik Zaim Backović:**

A shodno budžetu, a sve je to ono što se plaća iz budžeta, neophodno je da izvršite provjere potpisanih ugovora sa rokovima i cijenama po kojima se to uradilo. Odnosno dati poslovi izveli. Ako je nešto ugovoreno miliona, a konačna cijena 2 miliona, onda onaj ko je potpisao za miliona je nešto uradio što se zove muševera. Hvala.

**Dopredsjedavajući Kemal Ademović:**

Hvala vam. Ovdje prisutni sastav Skupštine, uključujući sve nas usvojio je budžet koji je u 2012 bio realiziran. Vlada koja ga je realizirala u prvom polugodištu je trebala je negdje na polugodištu kada je vidjela da dinamika priliva sredstava ne odgovara dinamici potrošnje a znam da je Vlada, prateći vladine materijale, znam da je radila kontrolu izvršenja budžeta svaki mjesec dana, trebala je da predloži rebalansiranje budžeta i da ga pokuša uravnotežiti. Međutim nije to učinila. To je istina. Nije to učinila nego je nastavila sve naredne mjesece da troši kao da će novci odnekud doći. A to što je stavila Vlada da će oprihodovati, da će biti priliv budžetu, jasno je bilo već tada da se neće desiti, prodaja hotela 10 miliona, privatizacija dijela hotela Bristol 1,7 miliona itd uključujući ovo što nam dolazi od ovih poreza, što je ministar Kozadra iznosio ko odnosa Federacije prema Kanton Sarajevo. Dakle, ta Vlada nije bila odgovorna prema situaciji. Čak šta više ostavila je ovdje ovoj novo pridošloj Vladi za koju mi imamo vremena, koju ćemo mi u budućnosti sigurno kritikovati, ali sada nije vrijeme da je kritikujemo, sada nije vrijeme, jer oni su tu mjesec dana. Dakle ostavila im je milionske odluke koje nisu unesene u budžet u trezor, aplikaciju koje bi trebalo platiti, izvršiti, pored svih ovih problema koje je naveo ministar, tužbe, ovo ono, što nije planirano uopšte budžetom, dakle što nije planirano budžetom, dakle što nije predviđeno. To su razlozi koliko sam razumio ministra Kozadru što se došlo u ovu situaciju da nemamo nacrt budžeta do nove godine neusvajanje budžeta, nego imamo ovu odluku o privremenom finansiranju koja je neminovnost i ja znam da će zastupnici svoje odgovornosti, znam to, bez obzira na diskusije koje su bile ovdje kroz pitanja i inicijative usmjerene prema Vladi u smislu malo nekakvog negativnog naboja, ali ja znam da će zastupnici podržati ovu odluku jer znaju šta to znači ako je ne podrže. Znaju da nema finansiranja na početku od 2013 godine. Dakle, ipak je odgovornost na ovoj prethodnog Vladi, što naravno ne abolira ovu novu Vladu da još ažurnije učini dodatni napor na aktivnostima u pripremi nacrt i donošenja budžeta onakvog kakav je on realan. Dakle, ja se sjećam, naravno svak se za sebe sjeća, ali ja sam i kod donošenja budžeta bio sam protiv toga da se ucrtavaju prodaja hotela ovog, prodaja studentskog doma itd, ono što nije sasvim izvjesno da će se desiti i da se to prihoduje i da se to stavi u razvojne projekte koji se znači neće desiti jer ta sredstva je sasvim izvjesno neće biti naplaćena. Dakle, naredni budžet će sasvim sigurno biti siromašniji, sasvim sigurno će biti manje razvojan, al on treba biti realan i Vlada mora biti odgovorna spram izvršenja tog budžeta bez obzira ko bude sjedio u toj Vladi, bio on dobar s nekim, ne bio dobar. Dakle Vlada će morati biti odgovorna prema izvršenju tog budžeta. I ja pozdravljam prvi potez ove Vlade, koji je ona povukla, a to je da je donijela odluku o ograničenju izvršenja budžeta u smislu plaćanja. Dakle, ograničila je sama sebe odmah i bila je odgovorna i ozbiljna spram daljeg trošenja budžeta. Dakle to danas treba reći. I treba reći sve što je dobro i loše. Ovo je Vlada dobro uradila. I uradila je još jednu stvar a to je da je zaustavila isključenje plina itd i danas mi imamo na dnevnom redu jednu odluku u tom smislu, u smislu garancija i td. Dakle, Vlada u ovom kratkom vremenu je povukla dobre poteze. Naravno, za sve one loše koje povuče mi ćemo to kritikovati, znat ćemo to ocijeniti, ali je danas treba podržati i treba je podržati i ohrabriti da uradi budžet što prije.

**Poslanik Nedžad Fazlija – replika:**

Zahvaljujem. Replika je gđinu Ademoviću. Rebalans budžeta Vlada nije mogla ni u raditi zato što smo je 21. ovog septembra izglasali nepovjerenje i ne može Vlada u tehničkom mandatu raditi rebalans budžeta a sigurno bi uradila.

**Poslanik Amir Zukić:**

Jedino što je u ovom momentu bilo realno i očekivano da ne bude plod parade je ova Odluka o privremenom finansiranju. Ja uopšte ne podržavam one Vlade ili ona tijela koja usvoje budžet na početku mjeseca a najave njegov rebalans na kraju mjeseca. To je neozbiljno i to je samo pro forme radi i parade. Kolega Ademović je rekao da smo imali budžet koji je usvojen, prošli budžet usvojen u onim zakonskim okvirima, onda smo imali Vladu koja je radila ozbiljno šest mjeseci, imali smo smjenu te Vlade, onda smo citiram kolege imali Vladu koja je radila jedan mjesec, jedan mjesec bila na godišnjem odmoru ali je potrošila jako mnogo sredstava. I sada imamo ovu Vladu. Znači imamo otprilike realno tri saziva Vlade i nije realno od njih očekivati u takoj turbulentnoj godini bilo koji dokumenat. Ovo je ozbiljan dokument i sasvim ono realno ono što mi možemo u ovom momentu zato što smo dobili povjerenje građana da izglasamo. Ja isto tako očekujem u ponuđenom nacrtu budžeta koji će sigurno davati uporedne pokazatelje stepen realizacije i način trošenja para u ovoj godini u svim nivoima i poštujući skupštinske odluke a imali smo mi kolega Fazlija jednu skupštinsku odluku o utrošku sredstava koja se ticala, ja ne želim ništa da prejudiciram ali očekujem od Vlade odgovor na to pitanje. A poseban odgovor i aktivnost očekujem po pitanju 7 miliona KM namijenjenih UNSA od prodaje zemljišta za zgradu Američke ambasade. To je novac USNA i šta je sa tim sredstvima, gdje su ona otišla i zašto se ne prebacuju na žiro račun UNSA, nego mi moramo da se zadužujemo. Očekujemo aktivnost pa i uključivanje organa gonjenja po tom pitanju. Čestitam kolegi Kozadri i Vladi što nam je ponudila ovaj dokumenat i nadam se da će kolege ga podržati i normalno onda u redovnoj proceduri, kako i Zakon predviđa, jer ovo nije ništa nezakonito, ovo je sasvim normalno da u prvom tromjesečju usvojimo budžet po potrebi građana.

**Poslanik Nedžad Fazlija – druga replika:**

Prva gđinu Zukiću. Ponavljam ponovo ova Vlada nije mogla donijeti rebalans budžeta i nije se moglo desiti da u roku od tri mjeseca koliko nije bilo ministra Kozadre, nije se moglo desiti da nastanu ovakva trošenja budžeta kao što je rečeno. 30.09. na računu Kanton Sarajevo je bilo 8,5 miliona viška prihoda nad rashodima. Znači nemoguće je bilo da se desi ovo što je rečeno 120 ili 170 miliona nekakvih deficita ili gubitaka u roku od tri mjeseca, ako je sve bilo planirano kako je rečeno. Što znači da je ona Vlada ili je nenamjenski ili da je neko ukrao pare, mislim nemoguće su se stvari desile. Znači u tri mjeseca je, i bio je godišnji odmor kao što neko kaže, mislim šta hoćete da predstaviti ovdje?

**Dopredsjedavajući Ivan Brigić:**

Kolega Zukiću, ja znam da vi to znate, budžet je u svakoj demokratskoj zemlji poslije ustava najvažniji dokumenat. Zna se i to da je donošenje odluke o privremenom finansiranju jedna tehnička stvar. Zato što nije predložen budžet. I svugdje se zna, evo to je Fazlija već rekao, svi predpostavljati bez ikakve sumnje da će svi zastupnici glasati za tu odluku, jer moraju se suočiti sa svojom odgovornošću kada ne znam desetine hiljada ili koliko hiljada ljudi ne primi lične dohotke i ta će odluka proći. Samo nemojte na nečemu što je tehnička stvar praviti velike zasluge. Evo kako sam ja u Kantonu, Kozadra je uvijek ministar, sa malim prekidima,

praviti veliku neku stvar da je ministar napravio, što je pripremio Prijedlog odluke o privremenom finansiranju, što je obična tehnička stvar. Hvala.

**Predsjedavajuća:** hvala gđinu Brigiću. Ja imam samo jednu intervenciju vezanu za ne prvi put potezanja pitanja 7 miliona sredstava koje je Ambasada SAD trebala da da UNSA. Na žalost i vašu i moju gospodine Zukiću, predmet raspodjele tih sredstava nije bio u dometu niti u nadležnosti bilo koje Kantonalne Vlade, nego Vijeća ministara BIH, koje ministrica finansija u to doba, a vi svi znate ko je to bio, rekla OK, to su sredstva koja se dobivaju na osnovu ugovora između dvije zemlje i ona će biti raspoređena jednog dana. Ja sam sasvim slučajno bila dio Senata i dio te priče i znam vrlo dobro koliko smo mi bili razočarani zašto nam je na državnom nivou uskraćeno to za UNSA, ali to ne možemo niti kao zaslugu niti kao manu, na žalost bilo kojoj Vladi Kanton Sarajevo pripisati. Ja bih voljela da se ne bavimo stvarima koje nisu dio budžeta, ali morala sam to reći jer ste već u nekoliko navrata postavljali to pitanje kao problem.

**Poslanik Amir Zukić – replika:**

Brigiću, znamo da je budžet nakon Ustava, odnosno u toj godini jedan od najvažnijih dokumenata i određuje ekonomsku politiku, pa i možemo reći da je tehničko pitanje, pa onda ni hvalospjevi pa ni kritike spadaju u isti domen, pa očekujem od vas jednaku mjeru. Što se tiče navedenog zemljišta za Američku ambasadu, gđo Malić bio je trojni ugovor između UNSA kao nosioca raspolaganja, Kantona i Vijeća ministara i Američke ambasade o ustupanju zemljišta, obezbijedeno je miliona KM. USNA dao saglasnost da se zemljište može ustupiti Vladi SAD, sa naznakom da ta sredstva budu namijenjena UNSA za popravljnje uvjeta i standarda UNSA. Sredstva su bila deponovana na računu Vijeća ministara BIH do momenta usvajanja budžeta. Usvajanjem budžeta treba da bude njihova namjera usmjerena onako kako je ugovorom predviđeno. Ovo je stvarna suština i činjenično stanje i očekujem od, ne očekujem od vas gđo Malić, očekujem od ministra finansija, Kantonalnog tužilaštva da se pozabave ovim pitanje, da dadnu odgovor, ko je imao pravo i da li je ta sredstva usmjerio tamo gdje nije. Ako nije očekujem da ta sredstva budu data tamo onome kome je namijenjeno da mi ne zadužujemo i Kanton i UNSA, nego da sa tih 7 miliona popravimo i uvjete školovanja naših studenata, rad profesora i sve ono što bi se tim novcem moglo uraditi. Ne očekujem od vas da budete advokat po tom pitanju, nego od onih relevantnih da daju odgovor. Ja ću i dalje istrajavati na ovome pitanju.

**Poslanik Mirsad Pindžo:**

Hvala gđo predsjedavajuća. Pozdravljam sve prisutne u Sali kao i one koji nas gledaju putem malih ekrana, pošto se prvi put javljam. A isprovociran sam da se javim jer slušam nešto što evo već slušam dvije godine. Nismo svi isto odgovorni, jer nismo svi ni glasali za ono što danas imamo kao informaciju koju nam je dao ministar finansija, a nismo se ni zaklanjali iza toga da smo mi kao konstruktivna opozicija pa ćemo mi kao podržati budžet jer je on najvažniji dokument. Pa naravno da je on najvažniji dokument. U njemu se ogleda politika onoga ko ga donosi i Vlade koja ga provodi. Kada čujete ovu informaciju onda vam je jasno zašto je ova Vlada morala otići. Niti je bilo zakona, niti budžeta niti politike. Bar ja to tako razumijem. Jer da je bilo ne bi nam ostavili ovolike dugove. Šta je smetalo Vladi da mjere koje joj propisuje Zakon o izvršenju budžeta svaki mjesec donosi prije nego predloži rebalans budžeta da ne dovodi Kanton Sarajevo u ovu situaciju u kojoj smo danas. Sjetite se prije tačno godinu dana priče ovdje prihoda od koncesija, javno privatnog partnerstva, od prodaje svega i svačega. Mi smo ukazivali da je to nerealno, neostvarivo i danas imamo to što imamo. Jedino mi je ostalo nejasno kolega Fazlija je rekao da bi imali tranšu od MMF-a da nije smijenjena Vlada. Jel to znači da Vlada premijera Nikšića nije htjela prebaciti tranšu MMF-a ako sam ja,

ja se nadam da sam pogrešno to razumio, jel to to znači? Da je ostala stara Vlada imali bi tranšu MMF-a? Ja se nadam da sam pogrešno razumio jer onda smo tek u ćorsokaku. Kada govorim o Odluci o privremenom finansiranju na bazi informacije koju nam je dao ministar finansija ja sam očekivao da ovdje stoji: „vršit će se sredstvima najviše do 1/6 ukupnih prihoda, jer ne znam šta će potrošiti? Jer ne mogu platiti ni ovo što im je dospjelo, što su stvorene obaveze, a ne jednu četvrtinu onoga što je potrošeno u prethodnoj godini. Ali dobro. Ako Vlada misli da tako, jer Zakon dozvoljava najviše do ¼ pa nadam se da neće se ponašati kao i prethodne Vlade koje su doživjele krah u ovom parlamentu da stvaraju obaveze i da troše ono što nemaju. Nego da troše samo ono što imaju i da saniraju ovaj budžet. Da bi mi završili ovu priču jer ona nije nimalo niti naivna niti jednostavna, ali nije tema na odluci o privremenom finansiranju, to je tehnička stvar. Ja predlažem zaključak, odnosno ne jedan nego tri:

1. Da mi usvojimo Odluku o privremenom finansiranju jer nema niko pravo zaustaviti život i ugroziti sistem u Kanton Sarajevo, kako je Vlada predložila.
2. Drugi zaključak ako ga ne stavite na glasanje, ja to onda tražim kao zastupnik da Ministarstvo finansija dostavi cjelovitu informaciju upravo onoga što je govorio ministar finansija samo sa dokumentima pa ćemo tada vidjeti je li bilo namjenskog trošenja, odnosno nenamjenskog, ko je davao odobrenja, ko to nije sprječavao, odnosno ko je kršio Zakon. Moramo jednom početi pozivati na odgovornost.
3. I treći zaključak, da Vlada Kanton Sarajevo u što skorijem roku predloži Nacrt budžeta za 2013 godinu. Ali realan Nacrt budžeta, ostvariv, a ne šarene laže, jer nama ne treba budžet ako ćemo ga usvajati kao što je usvojen za 2012. pogledajte, hajmo. Da je stara Vlada ja bih predložio izmjenu odluke da ova odluka vrijedi za čitavu godinu, jer oni će trošiti kako i ne trošiti. Al evo sreća je nova je, ne zato što je ja podržavam, nego zato što nisu imali priliku da pokažu kako će se ponašati u narednom periodu i prema ovome što su poduzeli kao prvu mjeru u ograničavanju troškova pokazuju da su ozbiljniji od ovih prethodnih. Hvala lijepo.

### **Poslanik Elmedin Konaković – druga diskusija:**

Mislio sam da će biti ta prva dovoljna. I u prvoj sam zaista diskutovao na način da potpuno se slažem s kolegom Brigićem, ne ulazimo u teme koje nisu predmet eto ove odluke o izvršenju budžeta. Vas je ministre Kozadra i vas je ta politička korektnost koštala kritika. Pa smo onda čuli na vas salvu kritika o tome što ste vi nama gore rekli, a niste nam do kraja rekli, evo sada istina druga diskusija, pa su mi kolege dio diskusije već koristile dakle u svojim obraćanjima. Niste nam do kraja dakle, rekli, ja bih također tražio da nije kolega Pindžo tražio sve ovo i podržavam ga naravno u tim, i insistiram da nam dostavite i odluke i ono što je bio vaš zadatak da nam dostavite tu malu inventuru rada ove Vlade u tom tehničkom mandatu. Oni su mogli na dan kada ste vi ovdje polagali zakletvu, održati sjednicu Vlade i imenovati direktore javnih preduzeća, a nisu ko biva u tom periodu tehničkog mandata mogli donijeti odluku o obustavi izvršenja budžeta, dakle voditi računa kako se i na koji način troše pare. Pa smo onda u početku to svi mi prešutili radi političke korektnosti i rekli hajte da glasamo o izvršenju budžeta, a onda su nas kolege iz ovih političkih partija napali vas kako niste dobro planirali budžet za ovu godinu i danas ste za to odgovorni. Ja ću reći nekoliko stvari. Ministar Kozadra je planirao onaj prvi budžet. Dakle, bio je tu kada se kreirao onaj prvi budžet i njega smo čini mi se, i zadnje budžete koje je kreirao, pokazatelji su da ih projicira zajedno sa Vladama u kojima radi, i ono što je jako bitno, neko od kolega je govorio, oni izraze želje a on servisira u skladu sa prihodima želje svih ministara i premijera i uglavnom je to radio do u procenite koji su fascinantni, 0,5% u procjenama prihoda, 0,25% u procjenama nekih drugih javnih prihoda.

Dakle to su bili fascinantni podaci. To što ga sada nije bilo jedan kvartal pa bi on sada trebao kada se vrati imati sve u malom prstu i ova politička korektnost o kojoj sam govorio, doveli su da mi danas ovdje napadamo njega, ustvari ne ja lično, nego moje kolege napadaju njega lično što mi danas imamo situaciju kako kaže kolega Fazlija „nije moguće“, a Boga mi je moguće i tako je, da mi danas imamo stotinjak miliona promašaj u kojem niko nije reagovao na to što nema tranše MMF-a, na to što ne dobivamo svoje pare od Federacije i na to što nismo prodali tu zgradu. A i to ću vas napomenuti, kada smo glasali o parcelizaciji da bi se ta zgrada mogla prodati, vi se sjetite ko je od vas bio protiv te odluke, pa nismo mogli izvršiti parcelizaciju, pa nismo mogli prodati tu zgradu. Pa onda opet recite vi gospodine Kozadra niste dobro to procijenili. To što smo mi najbrojniji, najbogatiji, to je istina, mi imamo i najviše obaveza, imamo najviše ljudi, trošimo najviše para i to je sinergija, dakle to ne znači da mi ovdje možemo zaštekati pare u budžetu i ostaviti za neke bolje dane. Mislim da nam ova tema nije, ovaj način diskusije na ovoj tačci, jer znamo da ćemo svi za nju glasati, nije bila potrebna i činjenica da je ministar Kozadra tim tonom i govorio samo da bi možda predstavio nama dio zaista situacije u kojoj se nalazimo, bez spominjanja imena i odgovornosti i odluka i načina funkcionisanja bivše Vlade, onda je zato istrpio i kritike. Da bi se to rasvijetlilo do kraja, ja zaista insistiram i tražim i od ministra Kozadre i od premijera, i cijele Vlade da nam u što skorijem roku, po ministarstvima dostave stanja u ministarstvima, preuzete obaveze i prema dobavljačima i projektima za koje nije bilo planiranih sredstava i da se u skladu s tim poduzmu zakonske mjere protiv onih koji u skladu sa zakonom nisu radili svoj posao. Hvala.

**Poslanik Nabil Naser – replika:**

Hvala gđo predsjedavajuća. Mogu prihvatiti, ova Vlada što je bila 70 i nešto dana potpuno potrošila cijeli budžet. Ona je odgovorna za haos u Kantonu, ona je napravila komplet administrativni kolaps, ona je sve upropastila u ovom Kantonu. Krasno, divno, imate li argumenata za to? Nemate gospodo ništa. I prihvatam to da gospodin Kozadra napravi inventuru i da nam dostavi do juna šta je potrošeno ta navodno Vlada koja je bila uspješna, i šta je potrošeno za ovih 70 i nekoliko dana kada je ta druga Vlada bila. Pa ćemo pustiti neka brojke govore. Ko šta upropastio, ko šta potrošio i gdje je taj novac nenamjenski trošen itd. Molim vas, pa to je neozbiljno. Ja sam rekao prošli put da je neprimjereno, neprofesionalno da mi imputiramo Vladi koja nije mogla sebi ni doći da ustroji neka ministarstva u kojima se stvarno nije se znalo ni ko pije ni ko plaća, da sada imputiramo da je ona odgovorna što je sada fali 120 miliona. Da je ona odgovorna što MMF, čujete SBB je bio protiv ovog budžeta 2012 i mi smo glasali protiv i kritikovali da nije ni razvojni, nije ni. I sada se nama imputira. Hoću da znam i naravno sada tražim, ali nemojte unaprijed prejudicirati, mi smo zastupnici građana ovdje, da je neko opljačkao, potrošio nenamjenski, sačekajte dok vidimo tu inventuru, dok vidimo te brojke, pa bože moj, onda ćemo reći. Hvala vam lijepo.

**Poslanik Elmedin Konaković:**

Prvo da ne bi bilo u eter nesporeda, niko od nas nije rekao ni da je opljačkao, jer da sumnjamo da je opljačkao potpisala bi odmah i tražili bi od Tužilaštva i ovih drugih organa da odmah vide ko je to opljačkao. Nakon što se dobije kvalitetna informacija vidjet ćemo šta se tamo desilo. Ono što smo mi danas zaista govorili, govorili smo o tome kako se ova Vlada ponašala. Po meni to je jedna Vlada. Dakle, to je jedna te ista Vlada sa malim kolekcijama u jednom dijelu koji je dan dio činio SDA, drugi dio SBB u još manjem obimu sa četiri ministra i tamo je većina u Vladi uvijek skoro, ne uvijek skoro, nego uvijek ista. Ono što ste vi uradili upravo u ovom prvom dijelu diskusije vi ste rekli da za ovaj mjesec ova Vlada nije uradila ništa pa je trebala imati već i nacrt, pa smo već mi sto, pa zašto vi to niste, pa kako to da niste, a onda kažete ova druga Vlada samo tri mjeseca, ova neka i vi je smatrate očigledno

ekspertnom i jako sposobnom da je za mjesec trebala napraviti nacrt budžeta, da dokument, napraviti inventuru i zašto to nije uradila. A mi kada kažemo u ta tri mjeseca ili nešto više od toga su se trebale donijeti jako bitne odluke po život u Kantonu, jedna je osnovna, obustava te odluke o izvršenju budžeta. Kada ne ide taj priliv sredstava onako kako smo planirali, ne može se potpisivati, preuzimati obaveza ići u aranžmane za koje nemate novca. Ovo isključivo posljedica takvog odnosa prema poslu koji su ljudi konkretno iz vaše političke partije radili, tamo je ministar finansija radio sve osim onoga što mu je osnovna zadaća, da nadzire i kontroliše prilive i rashode u budžetu Kanton Sarajevo. Dakle, sve je išlo nonšalantno. Ja zaista neću da prejudiciram ali vidjet ćete da ono što kolega Fazlija kaže nije moguće, da je moguće. Da smo mi bez tih sredstava ostali. Dijelom smo krivi sami kao što sam rekao u ovom dijelu donošenja odluke o parcijalizaciji pa nismo prodali. I kao što kolega Ademović kaže i što smo planirali nešto što je u zraku pa nismo ubrali. Dakle, i mi smo kao većina tada parlamentarna, odgovorni za to, a za ovih 35 miliona MMF, 48 miliona od Federacije naših javnih prihoda i drugih sredstava, jedan jedini način je bio da se donese odluka o obustavi izvršenja budžeta i koriguje se ili eventualno predloži rebalans budžeta Kantona. Hvala.

**Poslanik Enes Zeković:**

Hvala. Mislio sam da se ne javljam, međutim isprovociran većinom diskusija u smislu prozivanja gđina Kozadre kao ministra finansija. Gospodin Kozadra je član Vlade. Član Vlade, jedan od ljudi koji predlaže budžet. Meni je drago, ne gospodin Kozadra, nego ova Vlada koja je nama danas dostavila Prijedlog odluke o privremenom finansiranju puno draže nego da nam je dostavila nacrt, prijedlog, kako god hoćete budžeta. Nakon svega ovoga što smo danas čuli, nakon svih ovih problema koje smo danas čuli, kako i na koji način i ko je to ko bi mogao dostaviti ovoj Skupštini da li prijedlog ili nacrt budžeta? Zato želim da javno kažem da podržavam ali da se ozbiljno treba sjesti i da se ozbiljno treba razmotriti kako i na koji način pristupiti nacrtu, prijedlogu, kako god hoćete budžeta za 2013 godinu uz sve ove poteškoće i probleme koje ovu Vladu čeka. Hvala puno.

**Predsjedavajuća:**

Hvala lijepo. Ja nemam više prijavljenih i zaključujem raspravu. Da, da. Ja ministru mogu da dam riječ samo kada zaključim raspravu. Ministre Kozadra izvolite.

**Ministar Kozadra:**

Neću dugo naravno, svi oni koji me prozivaju imaju pravo da me prozivaju. Ja sam kreator ovog budžeta zajedno sa 11 ministara i premijerom. Znači, da, u svakom slučaju. Ono što smo prije godinu dana ovdje kreirali i donijeli imalo je punu podršku u svemu onome što jesmo radili. Kada smo rekli 35 miliona MMF-a zamolio zadaća poslanika u Domu naroda da učestvuju u učešću ukupnog duga ove države, jer ga mi plaćamo. Znači, Kantoni ga plaćaju sa 51,8% i zamolili vas. Doktore koliko god vam smetalo zaista to ste postavili i ja vam moram odgovoriti. Dalje, internacije Vlade FBiH, resornog ministarstva i što sam rekao, Vlada u kontinuitetu postoji, i ima je, bila tehnička ili ne, ona radi, plaća, život ide, bez obzira, Zakon postoji i on se mora izvršavati u punom kapacitetu. Znači kada je došla pet internacija ima od Federalne Vlade. Kada je došlo za 46 miliona pad prihoda a to se desilo 31.05. ja sam 04.06 otišao odavde, iz ove zgrade, tada je Vlada ima obavezu da uradi, da donese ovu odluku o obustavi izvršenja određenih. Da postupi u roku od 45 dana ili da krene odmah u izradu rebalansa. Znači nije se to desilo. Nije došlo do toga. Kada smo svi, i ova Skupština je podržala, 35 miliona kada smo procjenjivali zgradu studentskog doma i na Vijeću ministara, i ja i premijer Musić, direktno bili gore i obećano 10 miliona i 10 miliona uzeli i unijeli u budžet, nismo 35, trebala samo da od Vijeća ministara dođe. Znači, realna procjena da će biti

prihod taj. Privatizacija koja je bila ne znam ni ja, 7 miliona prodaje ovog hotela, što se nije desila, nije se u procesu desila. Znači onaj ko i napravi auto i ne vozi ga. Politika je ovo što je gospodin Brigić rekao, politika je u izradi budžeta. Kada se budžet donese on je tehnika. Zakon o izvršenju budžeta i Zakon o trezoru izričito daje obaveze i odgovornost Ministarstvu finansija i ministru finansija da izvršava ono što je došlo ovdje, ali po Zakonu o izvršenju budžeta. Obaveze međunarodne broj jedan, plate dva, tekući transferi tri, kapitalni četiri i ostalo pet. Znači, po tim prioritetima da se izvršava. I da se izvršava samo ono što ima u budžetu. Znate. Prema tome, ništa nije. Želeći da predočim situaciju zbog čega nije urađen rebalans, i zbog čega nije urađen nacrt. Nije urađen zbog ovoga. Ovo što tražite ovog trena možete dobiti, pregled ali sa svom dokumentacionom osnovom, znači nisam sjedio u kabinetu. U kabinetu ja što sjedim na sistemu vidim što je ušlo, ušlo 12,5 miliona obaveza koje su unešene a nisu plaćene. Ali na stolu i to svake godine, i po reviziji i po popisu Centralne komisije nađe se po nekoliko miliona što budžetski korisnici ne unesu. 164 budžetska korisnika. Ovo je uradila budžetska inspekcija, otišla u svako Ministarstvo i zatražila sve fakture i situacije privremene koje nisu ušle. Njih je bez MUP-a 47 miliona. 1.302,00 KM je bilo 21.11. znači cash flow nije isto što i stanje. Znači, 21. nije 10 mjeseci završen. Obaveze za 11 i 12 mjesec iznose samo za tekuće transfere, plaće 46 do 47 miliona, puta dva 94. 10 miliona, ovo gđinu Fazliji, 10 miliona posuđenih para voda, šuma, civilne zaštite, posuđenih. Mogu se posuđivati, za tekuću likvidnost, ali se moraju vratiti. 31.12. moraju biti na računu ili ti je nenamjensko trošenje sredstava. Mi nismo u stanju, ja želim da ih vratim, ja nisam u stanju da ih vratim, jer sam vam maloprije rekao da je 20 miliona manji prihod u decembru. Zaista, nisam imao namjeru da izazivam ovdje ni da pravim političku distancu od dokumenta koji je najbitniji i najvažniji, ali sam rekao poteze, kada sam rekao, unutrašnji i vanjski faktori. Unutrašnji nije Vlada postupila u junu mjesecu da donese ovu odluku koju smo mi donijeli i zaista ne bi nastajali ovi rashodi. Obuzdala bi se potrošnja i ne bi nastali rashodi koji jesu. Imamo mi para 15 miliona, namjenskih kreditnih sredstava koje ne možemo trošiti. Oni će se naći na računu. Naći će se i ove namjenske pare, a imat ćemo ovaj deficit, one se ne mogu trošiti za ono što se ne može trošiti. Znači taj unutarnji faktor ne kontrole, e to je doktore ako neko proizvodi auto i da nekome ko ga ne vozi, nije on kriv što je napravio nov auto a onaj ga slupao, ko ne umije da vozi. Ja nisam ne tri mjeseca, pet mjeseci, s punim pravom imate da me prozivate, pet mjeseci nisam upravljao procesom izvršavanja budžeta a to je najbitnija tehnička stvar poslije završene politike i usvojenog budžeta. Da se uravnotežen budžet ima tokom godine ili donijeti ovdje na rebalans Skupštini. To nije urađeno. A vanjski faktori, gdje trebate i vi poslanici svi, 48 miliona nam je manje, manje, evidentno, znači obavještavali nas pet puta Federacija, 35 miliona, 500 miliona će uzeti Federacija a mi ništa. Naša obaveza je da tražimo da učestvujemo u tom dugu. Ja sam član Komisije za dug, odnosno ministar finansija je član Komisije za dug Federacije, svi ministri Kantona i federalni ministar. Nismo učestvovali tražili naše sve ovo od MMF, Svjetske banke itd, to ulazi jer država razgovara oko toga a mi spuštamo dole, a učestvujemo u tom procesu, nas nema nigdje. Nego ono što jesmo direktno ranijih godina, evo i Mehmedić je tu i Musić, dogovarali, činili da to dođe ovdje. Znači 500 miliona Federaciji a Kantonima ništa. Mi odavde moramo tražiti da to ili da se mi direktno zadužimo jer ga vraćamo indirektno ga vraćamo, pa da mi pokrijemo svoj deficit i da ne pričam dalje. Situacija je ovo. Spremna je, dobit ćete nemojmo da kažem u ovoj godini, a može i u ovoj godini. Sva dokumentaciona osnova uz ovo ovdje 178 miliona bez MUP-a, znači MUP nije. Dobit ćete za sljedeću Skupštinu sa dokumentacionom osnovom gdje i koji rashod sa procjenom do 31.12. znači cijenili smo 11 i 12 mjesec za to. Prema tome, bez sumnji, da, ja moram govoriti na osnovu fakta. I zato je trezor i trezorsko upravljanje sa jednog mjesta. Imate pravo da me kritikujete, ja sam uradio sve u skladu sa zakonom i vremenom. Jer bitan faktor jeste ažurnost. Tačka. Zahvaljujem.

**Poslanik Predrag Kojović:**

Hvala vam predsjedavajuća. Sada smo nekako otvorili raspravu o nekom pitanju koje nije u principu na dnevnom redu, ali pošto su svi iskoristili i ja bih iskoristio da podsjetim ministra finansija na neke stvari. Ja sam tada kada smo usvajali budžet za 2012 godinu govorio da bi Ministarstvo finansija trebalo nadrasti iz računovodstvene službe u Ministarstvo finansija, znači u jedno Ministarstvo koje daje određenu viziju i pravila po kojima se uopšte može praviti budžet. I tom prilikom sam na Nacrt tadašnjeg budžeta iznio naš stav da su projekcije na kojima je zasnovan budžet a on je bio sljedeći: 5,5% rast društvenog bruto proizvoda, i 7 do 10% rast indirektnih poreza. Ja sam u tadašnjem izlaganju, evo upravo čitam ovaj svoje izlaganje koje sam tada imao, rekao da je to u odnosu na ono što ja imam informacije od međunarodnih agencija koje se bave time, da je taj rast preambiciozan i da se takvi prihodi neće ostvariti. Ono što je interesantno je da kada saberete ovih 5,5% za koje smo mi rekli da su nerealni i ovih 7 % rasta indirektnih poreza dobijete 13,5% i onda vidite u ovom izvještaju sada da je znači prihodovna strana za 14% bila ispod rashodovne strane i da je to uzrokovalo ovu situaciju u kojoj smo se našli. Pa bih, ne želeći sada da ulazim u autopsiju ovoga što se dogodilo, niti u raspravu o novom budžetu, samo sugerisao ministru finansija i premijeru, da u izradi novog budžeta koriste brojeve i procjene o ekonomskim kretanjima na koje se možemo osloniti a ne one čijim se uklapanjem dobije da formula funkcioniše na kraju. Eto toliko, hvala vam.

**Ministar Kozadra:**

Ja se izvinjavam, Peđa je isto to govorio, znači ja sam tada govorio da mi ove pokazatelje znači na osnovu informacija OMA, OMA je odjel za makroekonomsku analizu u Banja Luci koja donosi na osnovu analiza o izvršavanju budžeta, znači najvećih ovih prihoda koji kod nas čine preko 90%. Znači ovo što sam pričao, prihod na nivou države u 2011 je bio 4.991.000.000, 2012 5.000.000.024, znači porastao je prihod a mi padamo za 48 miliona i na nivou države, a dalje ne govorim ova formula na federaciji, ona nije na državi. Znači mi koristimo informacije, ovo ćete dobiti kompletnu tabelu, koliko ko učestvuje u dijelu ovoga. Znači mi koristimo te pokazatelje i njih se moramo pridržavati u tom dijelu što nam oni kažu odozgo da ćemo dobiti. Znači ništa drugo. Vjerujte.

**Predsjedavajuća:** ja sam raspravu zaključili ali intervencije neke sebi poslanici. Do sada smo uvijek dali pravo nemojte da to uskraćujem.

**Poslanik Naser Nabil:**

Hoću da me čuje ministra Kozadra pošto sada razgovara sa kolegom Kojovićem. Vi se sjećate da za 2011 niste napravili rebalans budžeta, jel tako? Pa bilo je svaki put. A druga stvar, izvinite, a druga stvar drago mi je da je do 30.maja, dok ste još vi bili ministar finansija, da je prikaz da je bio minus 48 miliona, a da ste već tada 04.06. ne, ne ako je to zaključno sa 30. majem onda ste vi bili nazočni i bili upoznati s tim , a otišli ste 04.06. prema tome jeste li tada sugerisali premijeru da treba napraviti rebalans plan. Jeste li sugerisali. Prema tome, nemojte, ja sve što tražim je da budemo objektivni i pravedni. Ja razumijem ministra Kozadru i koji su problemi što ima. Ima unutarnje i vanjske faktore, ali treba ipak biti objektivan i biti pravedan. Hvala vam lijepa.

**Poslanik Besim Mehmedić:**

Molim kolege zbog digniteta ove Skupštine, nas svi i ovih ljudi koji gledaju, ja mislim da ima prostora da raspravljamo, ali ne dozvoljavam u svoje ime da pravite replike sa mjesta



odakle stojite i s ministrima. Nemojte to raditi, imate govornicu, imate to nemojte da diskutujemo preko skupštinskih klupa, imate mikrofoni i diskutujte. Ne može ovako više. I molim vas još jednom, ako ste zaključili raspravu onda da znamo, ako se ministar javi, on odgovori, ne dajte nikome da dalje diskutujete. Ako je to dogovor, ako nije onda ćemo svi. Imam i ja puno toga da dodam ili svako od nas, ne samo ja. Da se dogovorimo kako ćemo raditi.

**Predsjedavajuća:**

Ja vam se još jedanput zahvaljujem gospodine Mehmediću. Ja bih jako voljela da konačno, bez obzira ko je kome poslodavac, zaključak, tačka na i na diskusiju, bude stvarno tačka na diskusiju. Ali do sada nikada nismo raspravu završavali na takav način. Ali evo, sada nema više prijavljenih, zahvaljujem se i poslanicima koji su učestvovali u raspravi i ministru na detaljnim obrazloženjima i opet molim službe da ako ima neko ko je voljan da učestvuje u glasanju bude na svom mjestu jer bih ja molila poslanike da pristupe izjašnjavanju, a li prije toga s obzirom da je ministar rekao da priprema informaciju u kojoj je gospodin Pindžo tražio zaključak, hoćemo li zaključak gđine Pindžo ili je dovoljno što je u stenogram izašla? Ako insistirate da preciziramo zaključak onda bih vas molila da vi napišete da ja svoje zabilješke ne čitam.

Ali u svakom slučaju evo, s obzirom da je ministar upravo na istom fonu sa prijedlogom.. Je li insistira na zaključku? Onda lijepo molim vi ga formulišite jer ja imam uhvaćeno ono što sam pribilježila ili hoćete..

Gospodin Pindžo je rekao da ima tri zaključka.

1. da usvojimo Prijedlog odluke o privremenom finansiranju
2. da se zaduži Ministarstvo finansija da pripremi dokument, odnosno papire ili dokumentaciju ili kako hoćete o namjenskom ili nenamjenskom ukupnom trošenju, ko je trošio i zašto je trošio? (dalje nisam stigla, ali ministar je čak bio precizniji u onome što je rekao da će nam dostaviti).
3. da se Vlada obavezuje da nam što skorije pripremi realan Nacrt budžeta.

Evo ja sam u tom smislu htjela pitati šta sam pored relevantne dokumentacije namjenskog i nenamjenskog trošenja i ko je to trošio, propustila u pribilješkama vezanim za vaš prijedlog. Iako, moram vam reći poslovnički glasamo o zaključcima koje predlože poslanici samo ako su oni ovdje na stolu. Pošto me stalno upozoravate na Poslovnik kojeg svi stalno zaista kršimo. Dakle ako vi dozvoljavate gđine Pindžo da ovo što sam ja sada rekla u tonski zapis je zamjena za ono što ste nam vi trebali ponuditi, onda molim poslanike da se u tom smislu izjasne o prijedlogu gđina Pindže, prije nego što pređemo na izjašnjavanje o privremenom finansiranju.

Molim vas da glasate za ova tri zaključka gđina Pindže, onda će biti suvišno glasanje, jer je prvi zaključak pod broj jedan da usvojimo odluku.

/poslanici govore - nisu uključeni mikrofoni/

**Predsjedavajuća:** molim vas samo sekundu da ne bi smo diskutovali o tome, ja vrlo dobro znam zašto sam stavila prvo zaključke. Zato što je gđina Pindže prvi zaključak da se usvaja privremeno finansiranje. Pa čekajte, ja hoću samo da kažem jednu stvar, dok god nemamo zaključke kod sebe napismeno ovo je sve improvizacija. Imam jedan prijedlog, i da skratimo sve ove nove intervencije. Dajte molim vas, da glasamo o tački dnevnog reda, a zamolila bih gđina Pindžu da na pauzi koju ćemo napraviti odmah poslije izglasavanja ove tačke dnevnog

reda nam napravite prijedlog zaključaka i prije prelaska na narednu tačku dnevnog reda ćemo o tome se izjasniti. Može li to tako. U pismenoj formi.

**Sada glasamo o Prijedlogu odluke o privremenom finansiranju potreba Kantona Sarajevo za period 01.01. do 31.03.2013. godine.**

**Dakle, nas nije 34, nas je 33, i 33 je pristupilo glasanju, i 33 je glasalo ZA, nije bilo suzdržanih i nije bilo protiv.**

**Konstatujem da je Skupština donijela Odluku o privremenom finansiranju potreba Kantona Sarajevo za period 01.01. do 31.03.2013. godine.**

Molim vas lijepo, sada je šest minuta do 3, pauza do 16,00. odnosno krećemo u 16,00 sa nastavkom.

NASTAVAK NAKON PAUZE

**Predsjedavajuća:**

Poštovane kolegice i kolege, ako mi dozvolite nastavili bi smo s radom.

Gdina Pindže nema, ja ne znam da li su zaključci koje je on predložio napravljeni u pismenoj formi ali mi ovdje nemamo to. Pa onda ćemo mi nastaviti sa narednim tačkama dnevnog reda, a kada se on vrati vidjeti šta je napravio s tim.

Dakle, ako se ja ne varam mi smo sada na petoj tački dnevnog reda, a to je

**AD – 5.**

**PRIJEDLOG ODLUKE O DAVANJU GARANCIJE U IME KJKP “SARAJEVOGAS” D.O.O. SARAJEVO U VISINI RAZLIKE FAKTURISANOG I PLAĆENOG IZNOSA MJESEČNE POTROŠNJE PREMA BH GASU D.O.O. SARAJEVO**

Prijedlog ove odluke ste dobili uz poziv za sjednicu.

Molim predstavnika Predlagača da podnese uvodne napomene, dakle to će ipak biti ministar Petrović. Ja sam bila u dilemi hoće li to ministar finansija ili... ministar finansija. Gdine Kozadra izvolite.

**Ministar Muhamed Kozadra:** uvodno izlaganje

**Predsjedavajuća:**

najljepša hvala. Pretpostavljam da je sada uvaženi ministar Petrović? Izvolite.

**Ministar Zlatko Petrović:** uvodno izlaganje

**Predsjedavajuća:**

Najljepša hvala ministru. Imaju li poslanici imaju kakva pitanja?

**Poslanik Predrag Kojović:**

Hvala predsjedavajuća. Ja bih molio samo ministra ako može da nam obrazloži pošto čitamo u medijima svašta, da nam obrazloži prirodu ovoga duga, koji je mehanizam kojim on nastaje i kako ga vi ustvari mislite riješiti? Očegledno je da je ova garancija jedna privremena mjera koja nas eventualno može prebaciti preko ove zime, ali me najviše znači zanima priroda duga i zanima me je li to sada, s obzirom da smo imali jednu takvu sličnu odluku i na federalnom nivou, gdje smo ljudima koji nisu plaćali porez oprostili zatezne kamatne stope, je li ovo dalje sada nastavak te neke politike, ustvari gdje mi onima koji ne izvršavaju svoje zakonske obaveze periodično opraštamo taj dug i preuzimamo njihove obaveze i idemo dalje? Ako mi možete samo strukturu tog duga i kako on nastaje objasniti? Hvala.

**Poslanik Nedžad Fazlija:**

Imam više pitanja predsjedavajuća. Iz ovih materijala što smo dobili ima nekih nejasnoća. Bio sam i na ovim komisijama za budžet i finansije gdje su bila obrazloženja, međutim, evo postaviti ću pitanje da mi se razjasni.

Klub SDP-a će naravno glasati za ovu odluku, ali evo.

Da li će kako je predviđeno ovim dokumentom broj:0205 od 25.10.2012. u budžetu Kanton Sarajevo biti predviđena ova sredstva u iznosu od 5 miliona KM za izmirenje glavnice kredita Sarajevogasa prema Uni Credit banci?

Zatim, da li imamo tačnu spoznaju o visini iznosa koji će Kanton Sarajevo garantovati za Sarajevogas? Prema dostavljenoj dokumentaciji dug je krajem mjeseca 2012 godine iznosio cca oko 30 miliona KM, a prema pregledu priloga razlika između fakturisanog i plaćenog iznosa mjesečne potrošnje gasa prema BH gasu iznose do 10 miliona. Budući da je menadžment Sarajevogasa isti pretpostavljam da neće biti nekog revolucionarnog zaokreta u poslovnoj politici, te da je za očekivati da neće biti u stanju finansirati kompletne fakture prema BH gasu. Garancija će biti aktivirana a sanaciju će snositi budžet Kanton Sarajevo, odnosno građani Kanton Sarajevo. Sudeći o ranijem poslovanju Sarajevogasa možemo naslutiti da se radi o milionima KM, ako ne i o desetcima miliona.

Zatim, uzimajući u obzir odluku o privremenom finansiranju da li će budžet Kanton Sarajevo moći preuzeti obavezu ukoliko dođe do protesta garancije u prvom kvartalu? Da li to znači da i pored ovoga postoji vjerovatnoća da ostanemo bez gasa početkom 2013 godine? Zatim kada se planira pokrenuti rebalans definisan članom 4. navedenom u odluci u davanju garancija u ime KJKP Sarajevogas u visini razlike fakturisanog i plaćenog iznosa mjesečne potrošnje prema Bh gasu? I da li je neophodno postojanje, ovo ja mislim da sve građane Kanton Sarajevo interesuje, da li neophodno postojanje Sarajevo gasa, kada znamo da je BH gas uvoznik? Stanovništvo plaća dvije marže, odnosno duplu maržu za isporuku plina. Jednom BH gasu koji je uvoznik, a drugi put Sarajevogas od kojega mi kupujemo. I ministar Petrović je spomenuo tarifiranje, da li to znači da će stanovništvo Sarajeva plaćati višu cijenu grijanja i na taj način prikrivati slab nesposobnost menadžmenta Sarajevogasa i Toplana? I na kraju, ja mislim da jedan dobar dio građana Kanton Sarajevo interesuje a to je oni koji se griju na plin, jer ovim svim odlukama, svim subvencijama koje se tiču Toplana, na taj način subvencioniramo samo one građane koji se griju na Toplane, a oni građani koriste plin i koji se griju na plin, oni plaćaju punu cijenu, a ona nije baš mala. Nije tačka dnevnog reda, ali ja mislim da je vrlo važno da i građani koji se griju direktno na plin znaju šta im je.

**Poslanik Naser Nabil:**

Hvala gđo predsjedavajuća. Ja ću vezano za tačku 4 ili član 4 Odluke gdje je navedeno da će Vlada Kanton Sarajevo će paralelno pokrenuti postupak izmjena i dopunama budžeta Kanton Sarajevo za 2012 godinu kako bi se obezbijedilo pokriće za izdavanje predmetne bankovne garancije. Nemam ja novog prijedloga odluke, ja imam samo to što imam, što sam dobio od materijala. Znači došlo je do izmjene ipak. Bez obzira na to, moje pitanje hoćemo li prvo

imati rebalans budžeta za 2012, to podrazumijeva da ćemo morati imati rebalans budžeta za 2012 godinu i onda po tome to odobriti da bi poslije toga pristupili izradi i odobravanju budžeta za 2013 godinu? Onda će to nas odvesti negdje do marta, maja 2013 godine da usvajamo budžet ove Vlade. Molio bih objašnjenje. Hvala vam.

**Ministar Muhamed Kozadra:**

Ja ne znam da li je kuršlus, al ta odluka koja je bila, što sam maloprije rekao da smo početkom 12 mjeseca donijeli odluku koju smo trebali da donesemo na osnovu rebalansa. Data je nova i ta je važila do 31.12, trebalo da damo garancije za 2012. nova odluka je kreirana od 01.01. do 30.04.2013. godine. jer znači ta odluka koju smo trebali na osnovu rebalansa donijeti i trebala je i Skupština biti uz rebalans i da prosljedimo tu odluku i ona je bila za 2012. e sada smo mi dali novu odluku koja ide za 2013 ono sve što sam ja maloprije rekao. Ja mislim da bi trebali imati novu odluku tu u materijalu.

**Sekretar Abid Kolašinac:**

Molim vas, 21.12. ste dobili dopis uz taj dopis ste dobili i dopunske materijale ovo što je Vlada tražila po članu 73 Poslovnika, oni imaju pravo da traže četiri dana prije održavanja sjednice dopunu dnevnog reda i u tom dopisu stoji, Vlada Kanton Sarajevo na sjednici održanog 21.12. izmijenila je prijedlog odluke o davanju garancija u ime KJKP Sarajevogas d.o.o. Sarajevo u visini razlike fakturisanog i plaćenog iznosa mjesečne potrošnje prema BH gasu d.o.o. Sarajevo tačka 5. i zamijenila je novim tekstom koji vam u prilogu akta dostavljamo. Toliko i hvala.

Predsjedavajuća: dakle, niko od ministara više neće odgovarati na prethodno dva postavljena pitanja? Ni gđinu Kojoviću i Fazliji? Gospodin Petrović, izvolite ministre.

**Ministar Zlatko Petrović:**

Ja se zahvaljujem da s ove govornice mogu dati pojašnjenja jer mislim da je to u interesu i istine i realnosti u kojoj se nalazimo i mislim da sprječava određene manipulacije oko aktivnosti koje se rade u konkretnom slučaju Vlade Kantona, koje su se radile od početka mog mandata od juna mjeseca pa do danas. Znači radi se, gospodin Kojović je upitao na koji način dolazi do disproporcije, odnosno duga. Dolazi zato što je sama činjenica daje ulazna cijena gasa u Butinama veća od izlazne cijene proizvodnje, distribucije toplotne energije, jer je cijena 1,88 izlazna cijena bez PDV-a, a ulazna cijena gasa 1,36, ja mislim tako. Samom takvom operacijom, zaduženjem za gas koji je skuplji od izlazne cijene, automatski raste dug. U ukupnoj cijeni Toplana cijene koštanja kompletne usluge prirodni gas utiče sa preko 75%, svi drugi troškovi znači i plate i amortizacija i ostali troškovi znači manji od 25%. Organizacija samih Toplana je na dosta visokom nivou u smislu same organizacije rada i pogonske spremnosti, pitanja također i zaštite okoline, odnosno zaštite zraka to nam je i naredna tema, tako da je to jedan od da kažem pozitivne uloge samog ovog preduzeća. Što se tiče samog Sarajevogasa, na bazi cijene koje dobija od BH gasa i na bazi određenog procenta koji se uračunava u sam kubik gasa na bazi tog procenta Sarajevogas uopšte opstaje, odnosno ta distributivna cijena, na bazi toga se održava kompletan gasni sistem i isplaćuju plaće. U zadnjih godinu dana prvi put je Sarajevogas postao gubitaš imajući u vidu da sama ta distributivna cijena gasa ne dozvoljava pozitivno poslovanje. Tako da je u jednom manjem iznosu otprilike oko 4 miliona KM u odnosu na njihov ukupan obim Sarajevogas u 2011 godini iskazao gubitak. Moram da kažem da svako preduzeće i ova dva preduzeća sigurno mogu bolje da rade i da se bolje organizuju. Mnogo je bilo i povika u ovom konkretnom kontekstu da su kolektivni ugovori komunalne privrede, pa i ovih preduzeća možda visoki, da nisu realni itd, taj kolektivni ugovor važi već punih sedam godina taj kolektivni ugovor u samo broju preduzeća se ispunjava sto posto i to predstavlja u budućoj tarifnoj politici,

namjerno ovo govorim, budućoj tarifnoj politici jedan od elemenata tarifne politike. Mi i razgovaramo i dan danas i sa sindikatima imamo veoma aktivan odnos, nemamo ni jednog štrajka, nemamo nesporazuma sa sindikatom, meni je to izuzetno drago, a operativku čitavu koju ćemo provoditi i koju smo provodili, će dovesti do toga da prije svega usluga JKP bude u redu, odnosno da bude na nivou zadatka i zakonom propisanih uslova s jedne strane, a također dozvolit ćete mi da radnici komunalne privrede dobiju adekvatnu naknadu za svoj rad. Mi ćemo sigurno kao što će se desiti, sada ću preći na VIK da bi bila jedna slika potpunija i informaciju koju ćete dobiti na idućoj Skupštini vezano za kredit EBRD-a, znate da je zahtjev EBRD-a bio da se cijena vode poveća 20%, mi smo prihvatili s jedne strane, ali je izričit zahtjev EBRD-a da samostalni nezavisni konsultant na bazi pravila struke i optimalne organizacije provjeri i predloži novu organizacionu strukturu VIK-a kako bi čitav sistem samog tog JKP bio takav da bi bio samoodrživ, odnosno da sa svim ovim ulaganjima sa svim intervencijama koje radimo, da dovedemo do pojeftinjenja u smislu cijene koštanja te komunalne usluge, da bude kvalitetna i da bude samoodrživa da bi se u krajnjoj liniji normalno i taj kredit mogao i vraćati. Što se tiče pitanja gđina Fazlije, ja se također zahvaljujem, pogotovo se zahvaljujem na pitanju, ako bude nekih nedorečenosti s moje strane. Recite?

**Poslanik Predrag Kojović:**

Hvala. Znači dug o kojem govorimo je isključivo ili najvećim dijelom rezultat neusklađenosti nabavne cijene plina i one koja se naplaćuje krajnjim potrošačima? To znači špekulacije o tome da je dug rezultat neplaćanja usluga grijanja od strane građana i preduzeća nisu tačna?

**Ministar Zlatko Petrović:**

Dug postoji i na bazi tog duga se ukupan dug, odnosno gubitak Toplana enormno povećava.

**Poslanik Predrag Kojović:**

O tome sam vas ministre i pitao. Znači, zanima me koliki je dug potrošača prema ovima i struktura potrošača.

**Ministar Zlatko Petrović:**

/... nerazumljivo jer i poslanik i ministar govore istovremeno/. Ukupni dugovi s tim da moram da kažem da dio tih dugova je iz odmah poratnih godina, iz segmenta zapečaćenih stanova, odnosno promjena korištenja ne vlasnika, nego korisnika stanova, gdje se nije plaćalo uopšte grijanje i bio je tu pokušaj zadnjih pet godina da se iz budžeta pogotovo na bazi zapečaćenih stanova iz budžeta nadoknađuju troškovi Toplanama. To je do sada naplaćeno ako se ne varam, nisam vadio te podatke ali mislim negdje 1,5 do 2 miliona KM iz budžeta plaćeno samo po tom osnovu. Moram da kažem da ni jedan predmet što se tiče samih Toplana nije ostao da nije utužen, odnosno da je zastario da bi se reklo da je sama administracija neažurna odnosno da nije postupala u skladu sa zakonom, postupala je. Imamo izuzetno puno sudskih predmeta, imamo izuzetno puno predmeta izvršenja, ja vas sada izvještavam također da uz pomoć VSTV kroz krajnje organizovanu aktivnost se pravi jedan centralni registar korisnika usluga pravi se, pravimo napore na usklađivanju zakona o komunalnim djelatnostima, a također sam informisan na zadnjem sastanku da se priprema i tu ćemo također aktivno učestvovati i Zakon o naplati komunalnih usluga, gdje će se tražiti modaliteti jednostavniji za samo izvršenje, odnosno naplatu s jedne strane, a s druge strane gdje se apsolutno utvrdi da postoje elementi za otpis, da postoje elementi za umanjenje cijena itd na zakonit način će se predvidjeti mogućnost da se ti i takvi prije svega domaćinstva legalno i zakonski oslobode. Mi smo do sada imali situaciju da neovisno od samog sporazuma koji se potpiše sa dužnicima ova komunalna preduzeća su morala plaćati i PDV i sudske

troškove. Mi smo ih do sada i u većini slučajeva i oslobađali tih i takvih troškova, ali samim tim smo uvećavali troškove samog komunalnog preduzeća. I mislim da ovo rješenje o kome govorim uz pomoć VSTV i normalno vas u konačnici usvajanja tih akata da ćemo imati čisto normativno - pravno stanje, odnosno imat ćemo mogućnost da i ova preduzeća i građani na jedan legalan način rješavaju svoje probleme.

Ovo što se tiče pitanja gđina Fazlije prije bih se zahvalio da i to sam želio da kažem svima da je do sada realno da su korisnici grijanja u zgradama kolektivnog stanovanja bili u izuzetno povoljnijem položaju nego što su direktno korisnici gasa u individualnim objektima imajući u vidu da se kroz direktno ili indirektno subvencioniranje preduzeća ili direktno korisnika cijena grijanja održavala na tom nivou da se nije povećavalo, dok je svako povećanje cijene gasa odmah bilo rezultanta povećanje cijena gasa i krajnjem korisnika. Ovom metodom, odnosno novim tarifiranjem ne samo grijanja nego i prirodnog gasa i odvajanjem adekvatnih finansijskih sredstava koje smo govorili u budžetu za 2013 godinu mi ćemo biti u situaciji da odnosno Ministarstvo za socijalnu politiku će biti u situaciji da subvencionira kao nadležno Ministarstvo veći broj porodičnih m+domaćinstava. Mi smo imali neku pretpostavku da je to maksimalni iznos od nekih 20.000 i trebamo vidjeti na bazi procedure prijavljivanja koje će nastati u 2013 godini, januar i februar ove godine, vidjet ćemo koje su to realne potrebe za finansijskim sredstvima. Predviđamo da oni neće biti veći od 11 miliona KM u 2013 godini i da ćemo prvi put konačno moći da kažemo da imamo utvrđenu ekonomsku cijenu komunalne usluge. Da zahtijevamo od tog JKP da radi i u skladu sa zakonom i da radi efikasno, da radi ako ne s profitom, onda da radi na nuli, na pozitivnoj nuli, a s druge strane da će svi oni slučajevi ne nulte grupe socijalnih slučajeva, nego da kažem blaži socijalni slučajevi uz pomoć i intervenciju ove Skupštine, ove Vlade, biti subvencionirani, odnosno da im se neće narušiti uslovi života koji do sada imaju.

Protestovanje garancija također pitanje sam rekao da je po projektovanju cijenama koje su sada po postojećim cijenama koje sada postoje i prema planiranim količinama gasa koje trebaju se povući do 2014 godine postoji disproporcija i to je dobro pitanje, disproporcija između sredstava koje će se namijeniti kao garantni fond za ovu garanciju i ukupnog mogućeg duga, ali primjeni svih ovih mjera koje smo govorili i uz smanjenje cijene gasa za prvi kvartal koji sam najavio, mislim da će se taj iznos moći uskladiti tako da neće doći do protesta garancije odnosno da ćemo uredno i na vrijeme izvršiti sve svoje obaveze.

/ POJAVILI SU SE IZRAŽENI ŠUMOMI, POSLANICI PRIJAVLJUJU DA NE ČUJU NIŠTA/

**Ministar Zlatko Petrović:** ne znam da li da govorim da li ne govorim..

Predsjedavajuća: otišao je sekretar u tehniku da vidi može li se već davno otkriveni kvarovi na našoj elektronici ponovno nekim resetovanjem urediti. Tamo pokušavaju to, ministre znam da i vama smeta kao i nama, ali samo završite izvolite.

**Ministar Zlatko Petrović:**

Pitanje da li postoji potreba da postoji i Sarajevogas i BH gas i da BH gas može u potpunosti vršiti funkciju distribuciju gasa. Znači Sarajevogas je distributer i to za područje Kanton Sarajevo, a BH gas je naručilac gasa zajedno sa Energoinvestom. On može u određenim momentima biti distributer nekim velikim postrojenjima kao što je Mital Zenica ili Birač Zvornik, ali je radi tehničko- tehnološkog procesa, sigurnosti snabdijevanja gasom, imajući u vidu karakteristike korištenja i distribucije gasa u sadašnjem momentu je neophodno da postoji adekvatan i odgovoran distributer za ovu oblast. To nije izmišljeno sada. Pitanje je ranije bilo da li se može fuzionisati Toplane i Sarajevogas. To je pitanje politike, pitanje jedne

adekvatne analize ekonomske koja bi mogla ukazati da je to opravdano ili ne. U sadašnjoj situaciji ne namjeravamo odnosno ne planiramo takve izmjene odnosno korekcije u sistemu organizacije JKP. Ja mislim da sam odgovorio.

**Predsjedavajuća:**

najljepša hvala ministru. Ja vas molim samo za dvije minute strpljenja. Idem da vidim šta kažu ljudi iz tehnike. Jer kao što vidite koristio se ili ne koristio mikrofoni, mi mikrofoniju imamo stalno, pa vas lijepo molim za malo strpljenja.

Dakle, ja vam mogu samo prenijeti samo ono što su meni sada rekli. Da su neki dan dolazili na njihov zahtjev naših tehničara i inženjeri da pogledaju šta je. Problem je u tome što su ovo sve u jednom kolu uvezani svi mikrofoni i ne znaju koji je u kvaru. Ne mogu na ovakav način kako smo do sada radili, da otkriju šta je kvar, sada su u oni u pauzi rekli da su resetovali cijeli sistem, evo nešto su uradili dok trenutno nema, pa evo ja otvarajući raspravu nakon pitanja i adekvatnih odgovora resornih ministara dajem sada riječ prvom prijavljenom zastupniku, a to je gospodin Backović, izvolite.

**Poslanik Zaim Backović:**

Zahvaljujem se gđo predsjedavajuća. Naravno o ovoj temi može se razgovarati na jedan, drugi, peti i uvijek će ljudi naći krivca zašto se taj dug gomila, zašto on raste, ali neće niko da se upusti u realnu problematiku kada je u pitanju energija inače Kanton Sarajevo. Znači građani moraju znati da oni plaćaju četiri puta neku maržu. To građani moraju znati. Znači građani prvo plaćaju transport kroz cjevovode u Srbiji. Znači na osnovnu cijenu. To je nekada bio Naftagas, ja ne znam kako se danas zove jer su ga Rusi kupili. Pa onda ide plaćanje cjevovoda, odnosno distribucije i transporta provizija BH gasu, pa onda naravno marža i Sarajevogasa, ali na sve to je nešto što nikada nije u javnosti dato i neće da se da, osnovni ugovor. Nosilac osnovnog ugovora je firma Energoinžinjeri. I nema tog predsjednika ove države koji može otići gore ako ne dođe Energoinžinjeri i ne potpiše, iako mi solidarno svi za taj plin odgovaramo. E sada se ja vraćam. Znači ja iniciram gospodo ministri, premijeru, jer je sistem energije u Sarajevu vezan, nije to gas pa gas, nego gas, toplane, i sve se onda jedno na drugo kalemi. Proizvodni pogoni, ništa ne može da funkcioniše jer smo se bazirali na osnovni energent kao primarni energent plin. Shodno zakonu da se zahtijeva direktna nabavka plina, ali direktna. Naime niko neće da nam kaže osnovnu cijenu, ugovornu cijenu po kojoj mi plaćamo gas Rusima jer je prosto nevjerovatno koje su disharmonije u cijenama u našem okruženju. To je isti gas koji mi trošimo i troši Glinica. Potpuno isti. To je isti gas koji trošimo mi i stanovnici u Visokom, u Kaknju sada u Zenici, to je potpuno isti gas, to nije neki drugi gas. U čemu je kvaka? E sada dolazimo na ovo, pa se nadam da će mi replicirati neko. Hoće, replicirati će mi. Kada je falilo mjesta direktora, 2001 godine formirao se BH gas. Nije bilo, jeste, jeste, nemojte me ništa gledati. Znači nisu mogli da se usklade Telecom, Elektroprivreda i falilo je mjesto i formiran je BH gas kao međusprega sad između lokalnih distributera i on je čega vlasnik, preneseno mi je cjevovoda. I njegova uloga je održavanje cjevovoda. To je vrlo zanimljivo. Znači jedna vještački stvorena međusprega. Ali niko ovo ne može da uzme. E sada ja pitam na koji način onda ako je to ne lokalnog karaktera, nego direktno državnog karaktera kako onda sada izjavljuje, ovo je vezano za lokalnu politiku bez obzira što ću ovo ja sada reći da Dodik direktno sada hoće da uvozi plin? Nema više Energoinžinjeri. Znači sada ćemo mi sami taj teret snositi. Nema više, neće on da plaća proviziju. Ili možda to hoće proviziju na neki drugi način da reguliše ali neće više ovdje da je plaća. Znači moramo vidjeti o čemu se radi. Te vam preporučujem da pokrenemo tu, ovo meni nije prvi put da o ovome govorim, o ovome sam govorio na skupu energetičara ono što mi je struka, da vidimo shodno zakonu, naše pravo je da možemo direktno uvesti, mi potpisati ugovor sa onim ko taj plin prodaje. Što mi moramo imati posrednika? Mi ćemo platiti

transport. Vi znate da Molu plaćamo transport, dio se plaća MOL-u Mađarskoj, dio Rumunima, dio se plaća Srbiji, pa onda ovdje. Ali nećemo imati svoje provizije unutar, iz lijevog u desni džep nego ćemo direktno plaćati koliko nam je na ulazu u Sarajevu cijena plina sa provizijom da bi mogla funkcionisati firma koja mora infrastrukturu da održava. Ona mora da živi. I na taj način početi malo da razmišljamo o stabilnosti energetskog snabdijevanja. Drugo, obzirom da se ide u gradnju novog bloka Termoelektrane u Kaknju, neophodno je početi razmišljati i zato mi nije jasan autoput. Bez obzira na pisma koja sam pisao i ovdje prethodnom ministru saobraćaja i federalnom ministru i premijeru, mi smo jedini autoput koji uz autoput ne gradi transportni kanal, za kablove za cjevovode, za sve ono što sutra će infrastrukturno trebati ovoj državi. Autoput se bez toga gradi. Ide do Kaknja. Samo treba položiti vrelovodne cijevi i to je drugi alternativni izvor snabdijevanja samo za grijanje i potrošiti tople vode jer se ta energija danas baca u vjetar. U vazduh, to je ona para u Kaknju što je vidimo što ide u zrak jer se mora pothlađivati. Umjesto da je neko koristi energetski vrlo isplativo za grijanje ovog grada recimo. No tada je bila politika kakva je bila jer taj je projekat čak nekada i rađen i puno je isplativiji od projekta gasa. Znači i o tome razmišljati da se da ta ideja reaktivira. I još jedan mali prijedlog, vi znate šta je ukapljeni plin, početi razmišljati o tome da se transportnim sredstvima odnosno željeznicom ukapljeni plin, ako budemo ovako ucjenjivani počne dovoziti u ovaj grad. To je nešto što je moguće i rješivo i u svijetu poznato. Na tu temu se razgovaralo već 98 godine sa Lukserbužanima. Gradnju sistema za ukapljeni plin i njegov transport za luke Ploče do Sarajeva. I na kraju je cijena ispala 1/3 cijene koju danas plaćamo. Taj plin je bio alžirski plin. Šta je, gdje se tu stalo? O čemu se radi? Dajte da se i ta ideja vrati i da se na tu temu počne razgovarati. Da rasteretimo malo namete na vilajet građanima ovog grada. Hvala.

**Poslanik Mujo Hošić:**

Ja bih samo mogao ministru Petroviću mogao postaviti pet pitanja?

2002, 3, 4 smo plaćali 5 miliona subvencije Toplanama, tada se nije znalo ko je u stanju socijalne potrebe, ova priča o zapečaćenim stanovima može proći. Promet nekretninama, ti stanovi koji su prodavani a mi smo izdvajali sredstva za subvenciju tih stanova, bilo prošlo. Kažem mogu postaviti sada deset pitanja ovo što gospodin Backović priča koliko je karika u distributivnom lancu i zašto nam je cijena plina ovdje tolika, neću to da pitam, gospodine Petroviću, ova odluka koju predlažete danas Skupštini, cilj ove odluke je da prezimimo zimu. I tu se priča završava. Sva ova priča možemo je otvoriti 2013.

**Poslanik Besim Mehmedić:**

Predsjedavajuća, ja pitam možda nije po Poslovniku može li se ograničiti diskusija zastupnika. E zato ja sada pitam gđina Backovića, sve što ste vi rekli zaista ima u osnovi nešto što je diskusija. Samo diskusija. Ja hoću i tražim ako već nemamo šta drugo reći i paušalno pod navodnicima i bez navodnika da ubuduće svaki zastupnik traži od ministra da ovo što ste vi ispričali na narednu sjednicu Vlade donese informaciju kako bi se svi mogli uključiti relevantno sa podacima. Ja vam ne sporim ni jedan podatak koji ste rekli, a znate zašto, zato što nemam ovdje pred sobom ni jedan papir ni argumenata. U buduću ako hoćemo da raspravljamo o odlukama koje su važne onda se ograničimo na ono što stoji, ono što nije u redu, onda neka zaključkom ova Skupština kaže pripremite informaciju i donesite za narednu Skupštinu. Ovako možemo još do ujutro diskutovati.

Predsjedavajuća: h

Hvala vam lijepo. Poslanici imaju pravo da govore do deset minuta. Do sada u raspravi niko nije vrijeme prekoračio, ne 8,5 min. Mi ovdje tačno vodimo računa kada je ko počeo i kada



završava. Drugo je što u kontekstu diskusije je slobodna procjena koliko je ko otišao od teme, a jeste ipak u priči.

Ja nemam više prijavljenih. Dajete li mi za pravo da zaključim raspravu i molim poslanike da prvo uđu u salu, oni koji to nisu, a onda da pristupimo izjašnjenju o PRIJEDLOGU odluke o davanju garancije u ime KJKP "SARAJEVOGAS" D.O.O. SARAJEVO u visini razlike fakturisanog i plaćenog iznosa mjesečne potrošnje prema BH GASU D.O.O. SARAJEVO.

Dakle, nas više nema 34 kao na početku rada Skupštine. 32 su prisutna. 31 poslanik je pristupio glasanju i svih 31 je glasalo ZA, nije bilo suzdržanih i nije bilo protiv.

**KONSTATUJEM DA JE SKUPŠTINA DONIJELA ODLUKU O DAVANJU GARANCIJE U IME KJKP "SARAJEVOGAS" D.O.O. SARAJEVO U VISINI RAZLIKE FAKTURISANOG I PLAĆENOG IZNOSA MJESEČNE POTROŠNJE PREMA BH GASU D.O.O. SARAJEVO.**

**Prelazimo na realizaciju tačke 6.**

**AD – 6.**

**PRIJEDLOG ODLUKE O ZAŠTITI I POBOLJŠANJU KVALITETA ZRAKA U KANTONU SARAJEVO**

Prijedlog odluke ste dobili uz poziv za sjednicu.

Ima li potrebe da Predlagač podnese uvodne napomene? Ne vidim ministra tu. Odluka je jasna.

**Poslanik Besim Mehmedić:**

Ja imam nekoliko pitanja za predlagača. Član 31. prostornim i urbanističkim planovima obezbijediti će se koridori za provjetravanje područja Kantona te utvrditi područja u kojima se one mogu graditi novi tačkasti, pojedinačni izvori. Ovo govorim sada u svoje ime. Ja koliko znam Sarajeva nigdje ga više i niko neće moći napraviti koridor. To nije greška ove Vlade, prethodne, zadnjih 15 godina, nego u zadnjih 60 godina. Zašto? Od Marin dvora pa do Ilidže u zadnjih 50 godina je napravljeno toliko objekata koji ne postoji božanska ruža vjetrova koja može to urediti, od naselja Otoka, Alipašina, pa do Centra grada. Ovo što sam kao negativno htio da kažem ja hoću da kažem Predlagaču da ne sporim da on želi da uredi ovu stvar koju smo vidjeli jučer u Sarajevu, ali bih ja htio i zapravo sugeriram i nemam ja protiv ove odluke ništa, ako već donosimo odluke. I još nešto paralelno imamo zakone u FBiH koji uređuju oblasti. Onda hajmo ih bar napraviti logično. Ako ne može bar da popravimo stvari koje su urađene u zadnjih 60 godina. Zato što sumnjam da po članu ove 31. tačke može iko to realizirati a pogotovo što bi svaka od ovih stvari koja ovdje određuje materijalnu i fizičku stvar trebalo da stoji rok. Neograničeno i to je rok. 20 godina i to je rok, ali ovdje nema nikakvog roka. Tako da mi se čini da ovaj član 31 jednostavno neće moći nikada realiziran biti. Drugo, u članu 47. govori se o tehnički ispravnim vozilima i tu se spominje MUP, da upućuje vozila na vanredni tehnički pregled. Imamo li mi tih instrumenata koji to kontroliraju? Ja bar to u Sarajevu nisam vidio, ja lično nisam vidio. A s obzirom da je sam ministar ili neko od ministara danas rekao da imamo 145 hiljada vozila u Sarajevu, 150 hiljada, da imamo dva takva mjerna instrumenta, to je ništa. Kap u moru. U članu 53 nejasno

mi je zaista „ne smiju se ispuštati neprijatni mirisi iz malih pogona“. Čega? Pogona jel to neka norma koja se stavlja, možda sam ja pogriješio, ja nisam pravnik pa ne razumijem kojih malih pogona? Restorana, to razumijem. I ono što me uvijek zbunjuje u svakoj odluci u svakom zakonu „i drugih izvora“. Nema drugih izvora. Ili ovo prvo dvoje pa eto mali pogon bit će mi nekako jasno, nisam maliciozan kada kažem malih pogona, nego treba da stoji kojih pogona, čega, industrije ili bilo čega. Ne može svako svezati zakonu logiku između pogona i restorana. Ja mogu, meni je jasno. Ali ne može niko svezati logiku da kaže i drugih izvora. Koji su to izvori? I ono što je za ovo sve također najbitnije nadzor i sankcionisanje. Poslove inspekciskoga nadzora obavlja KUIP inspekcije zaštite od požara. Pošto je tu direktor Kantonalne inspekcije, ima li on, ne prozivam njega, onom Predlagaču govorim, koliko ima ljudi obučenih da ovo rade? Ima li naznake da ćemo te ljude zaposliti za 2013 godinu, nema. Ja Predlagaču zaista nemam zamjeriti ništa u njegovoj namjeri, pogotovo što živimo danas u ovom smogu koji je eto jučer bio takav. Svaki napor da se to popravi je ok. Ali ova odluka po meni je nešto što neće riješiti problem zagađenja, neće riješiti ni ministar da ima sada budžet od 2 milijarde, znamo mi. Ali mi se čini da uz zakone postoje koje imamo o zaštiti da je trebalo ovo bar svesti na mjeru gdje je logika realizacije takvih stvari bitna. Kao što na primjer pohvaljujem to što ste rekli oko objekata dimnjaka, dimnjačarske službe. Onda neka ona bude samo predmet toga. I odmah da kažem, ja ću glasati za ovu odluku. Ja u njoj ne vidim ništa što je suprotno onome što može bar malo pomoći, ali ne vidim ono što svaka odluka Skupštine trebala bi da gleda i vizijom i računicom da je ostvarivao i ono što je u svemu tome za mene jako bitno ima li rokova da će ova odluka doprinijeti za 001% sumpornog gasa iduće godine da u Sarajevu će biti manje? Eto toliko.

**Predsjedavajuća:**

Hvala lijepo. Dozvolite mi, prije nego što dam drugim kolegama riječ, pošto ministar Petrovića kao resornog ministra nije bilo u momentu kada smo prešli na ovu tačku, imate li vi možda potrebu da nam date neke uvodne napomene, da bi poslanici imali manje dilema ili ćete da dozvolim da vodimo raspravu do kraja pa ćete onda komentarisati.

**Poslanik Naser Nabil:**

Hvala gđo predsjedavajuća. Zaista čestitam ministru Petroviću na ovako hrabrom potezu. S obzirom da u dokumentu samom piše da je Ministarstvo prostornog uređenja i zaštite okoliša je u 2012 obezbijedilo izradu registra emisija u zraku za područje Kanton Sarajevo, i tom izradom registra stvorili su se preduslovi za utvrđivanje cjelovitog sistema upravljanja kvalitetom zraka u Kanton Sarajevo. Mi smo u julu 2012 godine kada smo razmatrali kao Komisija za zaštitu javnog zdravstva i sanitarnu zaštitu analizirali studiju o zdravstvenom stanju stanovništva, higijenskim prilikama i zdravstvenoj djelatnosti u Kanton Sarajevo za 2011 godinu uputili inicijativu Ministarstvu prostornog uređenja gdje se tražilo da se što hitnije vrši izrade pravilnika o kvalitetu zraka koje bi bile u skladu sa zahtjevima EU i tražili smo da se pokrene inicijativa da se nabave dvije mjerne stanice kvalitete zraka i to na Stupu i na području Općine Stari Grad. Ovdje gđine ministre, vi ste naveli na kraju dokumenta, citirat ću: „da provođenje ove odluke ne zahtijeva značajna dodatna finansijska sredstva, međutim ukoliko se Kanton u narednom periodu opredijeli za daljnji razvoj monitoringa kvaliteta zraka, nabavkom dodatnih novih mjernih stanica bit će neophodno obezbijediti dodatna finansijska sredstva. Sada ja postavljam pitanje. Zašto tada niste podržali našu inicijativu i niste tada kao predlagač ste jednostavno glat odbili a vidim sada ovdje na kraju da ipak postoji potreba. Mi ne možemo na žalost bez obzira na postojanje registra o tim emisijama itd ako nemamo adekvatnog monitoringa, odnosno adekvatne stanice koje će monitorirati zrak unutar Kantona, mi ne možemo pustiti te podatke u javnost. A vi ste naveli kada se skupe svi podaci za monitoring da ćete napraviti sve to i da će to biti dostupno javnosti, što je jako

lijepo. Sada moje pitanje, sada ste za mjerne stanice a bili ste u julu protiv. Šta je se u međuvremenu promijenilo? Hvala. Pa ću ja kasnije.

**Poslanik Branislav Crnogorac:**

...naravno malo prodiskutirao sve ovo. Dakle, na početku želim da kažem da podržavam prijedlog odluke koja se nalazi pred nama jer bi sprovedba iste predstavljala jednu novu notu u poboljšanju kvaliteta življenja svih žitelja KS. Svi znamo da u najvećoj mjeri na području Kanton Sarajevo parametar koji narušava kvalitetu zraka u Sarajevu je velika količina čestične materije odnosno prašine a pri tome ne postoje pragovi upozorenja koji su definisani zakonom o pitanju tog parametra. Poznato je da lebdeće čestice ulaze direktno u pluća. Ljudski organizam ih ne može profiltrirati jer su premalene. Djeca su posebno ugrožena grupacija jer im je respiratorni sistem još uvijek u razvoju te je osjetljiviji na štetne uticaje okoline. Na žalost kako sam upoznat trenutno nema dovoljno sredstava da se izgradi laboratorij koji je prije i postojao u Federalnom hidrometeorološkom zavodu da bi se u njoj vršila analiza tih čestica i bilo poznato šta se tačno udiše. Koji su to teški materijali i kakvi spojevi. Zbog nepodesnog položaja u uskoj kotlini i klimatskih prilika sa slabim provjetranjem grad Sarajevo je već 1965 godine se susreo sa problemom zagađenosti zraka, jednog od posljedica nagle urbanizacije i industrijalizacije, da bi vrhunac zagađenosti bio 70-tih godina. Sarajevo je već 72 godine donijelo odluku o zaštiti zraka od zagađivanja od kada počinje organizirana borba za čistoću zraka- međutim, do danas se nije uspjela smanjiti razina zagađenosti. Lično smatram da odluka koja se nalazi pred nama sadrži mnoge novine u odnosu na prethodnu odluku iz 2006 jer skoro i potpuno promijenjena, te kao takva definiše postupke i procedure vezane za kontrolu, monitoring svih potencijalnih zagađivača u Kanton Sarajevo. Također se djelimično uređuje i dimnjačarska djelatnost. Prema odluci koja je pred nama po prvi put će se urediti kategorizacija kvaliteta zraka na području svih devet općina u Kantonu, svrstavanjem u tri kategorije. Što je zasigurno neophodno prilikom davanja urbanističke saglasnosti za gradnju objekata koji bi mogli biti potencijalni zagađivači zraka. Na kraju još da kažem da se rade studije širom svijeta o povezanosti kvaliteta zraka sa modalitetom. Prema zadnjim podacima procjenjuje se da tri miliona ljudi umire u svijetu od posljedica zagađenosti zraka što predstavlja oko 5% od ukupne smrtnosti godišnje. Mnoge epidemiološke studije pokazuju direktnu povezanost stope mortaliteta sa povećanom koncentracijom lebdećih čestica. Vrlo bitno je konstatovati da je kvalitet zraka ugrožen tokom cijele godine a ne samo tokom hladnijeg dijela godine što je sveopšte mišljenje. Hvala.

**Poslanik Naser Nabil:**

Hvala vam lijepa. Ja ću opet uvaženi ministre vratiti se na okolinske dozvole. Vaše Ministarstvo u širokom luku se zaobilazi i Federalno Ministarstvo isto kroz prijave raznih, određenih manjeg broja i kapaciteta za određene namjene da bi se izbjegla okolinska dozvola. Vi ste ovdje već naveli pitanje okolinske dozvole i čestitam na tome. Ali ja bih vas molio da ipak u tom segmentu da isto tako odredite da vaše Ministarstvo da bude direktno nadležno za izdavanje okolinskih dozvola a ne samo da su opštine odnosno lokalna zajednica da bude ona koja će izdavati razne dozvole i građevinske i urbanističke i na kraju od toga kao Ministarstvo imate svezane ruke gdje ne možete ništa poduzeti. Jedan od primjera što imamo već nama poznato farma u Dejčićima gdje se gradi bez potrebne dokumentacije, bez okolinske dozvole, kapaciteta 30 – 40 hiljada brojlera itd. Čestitam isto tako vezano za stav vezano za emisije neugodnih mirisa. I način rješavanja te problematike itekako je važno. Znači nije samo važno sumpor niti ugljen dioksid niti čvrste čestice ni itd.. i te kako neprijatni mirisi mogu uticati i na zdravlje i na okoliš i na sve ovo drugo. Ja ću još jednom pokušati proći kratko kroz motorna vozila i kroz koridore za provjetranje da zaista je to neophodno ovog Kantonu. Da mi imamo strožije kontrole. Ne znam hoćete li vi to moći u saradnji sa MUP-om ali smo

svjedoci svakog dana motornih vozila koja iza sebe ostavljaju maglu, ne možete ni disati morate isključiti grijanje u autu ako mislite da vozite za njima. A to ne jedan auto, ne dva, ne tri, nego vjerujte mi više od 40% tih vozila. Postoji li mogućnost kada se vrši taj navodno tehnički pregled da taj podatak, odnosno izvještaj vezano za emisiju izduvnih gasova da vam dođe da vam na jedan način bude dokumentirano jer ljudi ne šalju vozila na tehnički pregled i dobivaju saobraćajne dozvole kao da je vozilo bilo na pregledu. Dakle, ne samo slike, nego bi trebalo taj izvještaj. Kada mašina detektuje da vi imate uvid zaista u svemu ovome. Jer džaba nam je sve ako ćemo raditi i dalje imati nekvalitetno gorivo, nema tu neke velike kontrole, da ne govorim o kvalitetu plina. I to je upitno, ne znam ko će vršiti nadzor na tom kvalitetom plina koju mi uvozimo s vana i to je druga priča, ali najviši problem mi imamo više od 130 hiljada vozila, nadzor nad emisijama zaista izduvnih gasova iz neispravnih tehničkih motornih vozila na području Kanton Sarajevo. Hvala vam lijepo.

**Predsjedavajuća:**

Hvala vam lijepo. Evo rekle su mi moje kolege da je gospodin Mehmedić za repliku, izvolite.

**Poslanik Besim Mehmedić:**

Evo ja bih iskoristio poslovničku mogućnost da se prijavim za repliku, a ustvari je pitanje za gđina Nabila, a ko je izdao gđine Nabile ako ste već tako argumentirano tu općinsku dozvolu za taj objekat i gdje se to nalazi i volio bih da čujem, načelnik koji? Pa recite koje opštine? Hoću da znam zbog istine.

**Poslanik Naser Nabil:**

Meni je drago što je gospodin Mehmedić pitao ali njegovo pitanje ne proizilazi iz onoga od neke brige za područje Igmana i Bjelašnice iako SBIH nekako pokušava preuzeti primat da ona je ta koja vrši nadzor nad Opštinom Trnovo. Ali kada sam ja tražio od njih pomoć ta je pomoć potpuno izostala. Radi se o općini Trnovo i žao mi je što nisam dobio podršku kolega iz SBIH koji tamo imaju itekako dobro glasačko tijelo, gdje su mogli uticati, kada su mogli uticati, bez obzira što načelnik pripada ovoj ili onoj političkoj opciji, ali imaju ljude i građane koji su mogli izaći u proteste i mogli su blokirati tamo gdje se pravi i moglo se puno toga uraditi na inicijativu građana. Na žalost ljudi su se obratili meni. Ja sam prvi postavio gđinu Petroviću poslaničko pitanje u vezi s tim. Evo ministar je tu, ja sam taj prvi koji sam pokrenuo to pitanje jer gore imamo čist zrak, i to je na kraju krajeva istorijsko i prirodno naslijeđe Kanton Sarajevo, a ne mjesto za neke piličare ili nešto slično što može biti samo zagađivači čistog zraka na području Kanton Sarajevo.

**Poslanik Besim Mehmedić:**

Ovo što je gospodin Naser Nabil u svakom slučaju nisam htio da stavim u bilo kakav stranački kontekst ali pošto je spomenuo i SBIH on ne mora biti informiran ali ja lično sam izašao iz SBIH svojom ostavkom, ali sam za istinu. Ja sam samo za istinu. Ja ovo nisam postavio kao zastupnik SBIH vama pitanje. Ja samo hoću zbog istine i zbog puta koji treba i ministar i svaki načelnik da se zna, jer u ovom galimatijasu kada pitate nekog ko je od tih načelnika niko istine radi, radi svog interesa neće da kaže ime. Ja sam vas samo pitao da vi kažete gdje je ta opština ko je taj načelnik, a to što ste mene spomenuli htio sam samo da vam repliciram i jesam i tada i danas tražim istinite podatke i relevantnu diskusiju. Znači to je načelnik opštine Trnovo koji se zove Berilo kako ne znam više ni ja.

**Poslanik Adnan Solaković:**

Hvala lijepo pošto sam ja predsjednik ove komisije gdje je ova tema bila na komisiji, ja bih se složio sa svojim kolegom Kemom Ademovićem da je ovo izuzetno kvalitetno napravljeno

samo što će to biti jako teško sprovesti i sporo, i uz svu dužnost i poštovanje prema Ministarstvu i ministru, ja samo želim da ga pohvalim jer je uzeo sve segmente zaštite i okoline i stanovništva koji žive na ovom Kantonu. Ovo sve dodatno, vjerujte mi svaki segment je uzet od pumpi, goriva, koncentracije sumpora, filtera, samo što će, bilo je tu mnogo i vozila, da samo kažem kolegama da možda neko nije ni pročitao pa samo da mu skrenem pažnju samo što će to biti jako dug put da se to realizuje, u svakom slučaju odluka je izuzetno kvalitetna. Još jednom ja čestitam i zahvaljujem se. Hvala lijepo.

**Poslanik Zaim Backović:**

Dosta iz moje diskusije su rekla dva prethodna diskutanta, odnosno gospodin Mehmedić i gospodin Nabil s tim što oko proizvodnih pogona se možda ja i on nećemo složiti jer brojlere uvozimo umjesto da imamo svoje. E sada druga je stvar ako neko tamo ima kuće i ovako pa mu sada smeta. Znači treba realno govoriti, ne znam ko sve ima, ali druga je stvar ako neko ima. Znate i ja imam negdje pa mi smeta, ali mi moramo razgovarati i malo drugačije. Naime ova odluka je bezdilemno dobro strukturirana i kada je u pitanju ukupno ispitivanje kakvoće ili kvaliteta zraka mi u ovom trenutku kada bi smo samo uspjeli da objedinimo u okviru institucija koje djeluju na ovom Kantonu instrumentarija i opremu koja bi bila u funkciji mjerenja ukupnog onečišćenja zraka mi bi mogli da napravimo i ispitne stanice i mjesne ispitne stanice i tako redom. Otiđite do Mašinskog fakulteta pa pogledajte kakva je ispitna stanica na Mašinskom fakultetu. Čiji je Mašinski fakultet? Mašinski fakultet UNSA, UNSA Kantona Sarajevo. Treba je samo pogledati kako ona izgleda. Pa onda dio opreme koji posjeduje Federalni hidrometeorološki zavod stacioniran na Bjelavama. Pa dio opreme koji posjeduje Higijenski zavod itd, pa na kraju dolazi vjerovali ili ne do onoga što se zove Institut za poljoprivredu na Ilidži, Butmiru. Sticajem okolnosti znam za opremu. Ukupna oprema. To vam je jedan od puteva gđine Petroviću je možda u nekoj brznoj varijanti možete nešto uraditi. Drugo, kao jedan od najvećih zagađivača to su automobili, sjetite se moje inicijative i da sam računicu ovdje pa s mi se smijali poslanici šta znači upaljeno svjetlo danju u gradskoj sredini sa aspekta potrošnje i produkcije i izračunao sam koliko hiljada tona goriva je više samo zbog svjetala. To je odluka Kantonalna mi je donosimo. I za to toliko hiljada tona sagorene nafte i raznih vrsta benzina smanjimo. Međutim, smijali se ljudi tome. Sada kada o tome razgovaramo kažu odlična odluka, i treće ulasci i prolasci kroz grad, to je ono o čemu sam govorio i ranije. Ne može da voziš kroz grad kao što ne možeš da uđeš u centralni London. Ne možeš. Auto ostavljaš parkiraš i koristi naš gradski saobraćaj. Auto kroz centralne dijelove ulaze samo oni koji izlaze iz centralnih dijelova idu negdje van grada. Jer tu žive, imaju stambenu jedinicu, imaju garažu i parking mjesto. Ako ga nemaju ne mogu ući. Ili plaća 30 funti ili 90 KM, plus parking po 15 funti čini mi se. To je samo malo gđine Petroviću pa pogledajte ovo oko opreme, nisam ovo bezveze rekao gdje postoji oprema.

**Poslanik Nedžad Fazlija:**

Vjerovatno je gospodin Backović napravio grešku, ova odluka o korištenju svjetala nije Kantonalna odluka, nije Kantonalni nivo pa evo samo toliko.

**Predsjedavajuća:**

Zaključujem raspravu jer nema više prijavljenih. Zamolila bih sada uvaženog ministra da u najkraćim crtama odgovorite.

Ja se izvinjavam uvaženom ministru Petroviću, gospodin Backović ima intervenciju.

**Poslanik Zaim Backović:**

Ja tačno znam šta je čija nadležnost i ko je koji zakonski propis donio, to tačno znam. Ali ja sam ovdje precizno rekao, svojim Kantonalnim propisom na ulasku u i izlasku iz Kantona ga

pali, ali ga u gradu ne koristiš zato što ovaj grad ima takav i takav zrak, zato što ovaj grad ima takvu i takvu kakvoću onoga što mi dišemo i zato što se sprži toliko i toliko hiljada tona manje goriva u tom periodu kada je ugašeno.

**Ministar Zlatko Petrović:**

Ja ću samo kratko uvažavajući vaše vrijeme da se zahvalim na pozitivnim kritikama na tekst predložene odluke. Znači radi se samo i o kvalitetnom materijalu i mislim da je obrazloženje bilo adekvatno, tako da ste mogli imati apsolutno sve upute. Kratko ću samo odgovoriti na određena pitanja, prevashodno vezano za sam sadržaj, odnosno cilj odluke i da informišem ovaj doma je Ministarstvo prostornog uređenja već do sada u smislu postupanja sektora okoliša faktički taj registar i ustrojio. Mi nismo imali mogućnost da zakonski taj registar koristimo u operativne svrhe kao alat. Tako da smo imajući u vidu da ima nekih malo skeptičnih izjava da li ćemo mi to moći uraditi masa je posla već tu urađena i ono što je suština ove odluke da imamo ulazne parametre instrumente kako bi moglo kontrolisati ovu situaciju. Imajući u vidu također da je prostorno planski aspekt ovdje bio veoma izražen u smislu diskusija, želim da istaknem da je jedino Ministarstvo u nadležnosti Kantona jedino nadležno za izdavanje okolinskih dozvola, što podrazumijeva sve velike objekte, što podrazumijeva industrijske objekte, ložionice, kotlovnice itd. A odluka se bazirala na prostorno planskom aspektu za manje pogone koji nisu u sistemu i kvoti izdavanja okolinskih dozvola gdje se propisuju uslovi na koji način se može izdati odobrenje. Pitanje gđina Nabila vezano za postupanje na teritoriji Opštine Trnovo, isto mogu da kažem isto i načelno, da ako se ne izda okolinska dozvola, svako onaj ko izdaje dozvolu, znači urbanističku saglasnost mora u urbanističkoj saglasnosti propisati urbanističko tehničke uslove koji se odnose na zaštitu okoliša. U konkretnom slučaju, ta situacija nije bila i ja evo vas izvještavam da je od strane ministarstva zatraženo postupanje inspekcije u tom predmetu. Stvarno vam se zahvaljujem, molim poslanike da usvoje ovu odluku. Mislim da je ona jedan kvalitetni početak i realizacije ovih Zakona o zaštiti zraka i daje mogućnost da mnoge stvari u Kantonu Sarajevo uradimo na pravi način, prije svega u smislu gasifikacije saobraćaja, prije svega Grasa, gdje se daje input da se te i takve aktivnosti podrže, s jedne strane, da se forsiraju ekološka goriva, da se vrši analiza, odnosno ovlaštenje za vršenje analize čvrstih goriva i prije svega mazuta da bi se obezbijedio manji udio sumpora u tim gorivima a samim tim zaštitili ljudsko zdravlje. Hvala puno.

**Predsjedavajuća:**

Najljepša hvala ministru Petroviću. Ja sam svakako zaključila raspravu. opet molim službe da ako ima poslanika u hodniku ih pozovu jer bi trebali pristupiti izjašnjenju o Prijedlogu odluke o zaštiti i poboljšanju kvaliteta zraka u Kantonu Sarajevo. Elektronski ja imam 31 poslanika u Sali, kada budemo glasali vidjet ćemo koliko kartice odgovaraju stvarnom broju živih ljudi.

Molim vas da se izjasnimo.

Dakle 28 nas je prisutnih i 28 su glasali ZA, 4 nisu glasala. Nema suzdržanih i nema protiv.

**KONSTATUJEM DA JE SKUPŠTINA SA 28 GLASOVA ZA DONIJELA ODLUKU O ZAŠTITI I POBOLJŠANJU KVALITETA ZRAKA U KANTONU SARAJEVO**

Prije nego što pređemo na realizaciju tačke 7. ja vas sada molim za malo pažnje trebat će mi i vaša pomoć, odnosno vaše izjašnjenje.

Poslanik Mirsad Pindžo je donio za naš sto pisani prijedlog zaključka 1 i 2. ja vas pitam jeste li ovo dobili? Ako hoćete da mi vjerujete na riječ, ja ću ovo pročitati a vi ćete se izjašnjavati. Ako hoćete da dobijete to onda ćemo samo zamoliti službe da ovo umnože a mi ćemo glasati nakon neke naredne tačke. Nemam ništa protiv ako hoćete ja ću tečno pročitati. Ako imam vašu saglasnost, ja čitam. Uostalom čuli smo šta je gospodin Pindžo predložio.

Ma ne procedura je da se umnoži, ja ne bih htjela samo da gubimo vrijeme i da čekamo umnožavanje, nemam ništa protiv da se umnoži i da svi dobijete i da se onda izjasnite. Imam li vašu saglasnost da čitamo zaključke?

**Poslanik Nedžad Fazlija:**

Klub SDP-a traži da se njemu dostavi, ako neko neće njegova stvar.

**Predsjedavajuća:**

Vrlo jednostavno rješenje. Niko ga ja ne mislim svojim prijedlogom. Molimo službu da umnoži i dostavi svim zastupnicima.

Mi prelazimo na dalju realizaciju. Čim završimo narednu tačku dnevnog reda, a vi u međuvremenu dobijete prijedlog zaključaka na klupe, mi ćemo se o njima izjašnjavati.

Hvala vam lijepo. To je upravo bilo ono što sam ja htjela da čujem šta ćemo raditi. Prelazimo na realizaciju tačke 7.

Mi smo duboko u nekom petom, šestom satu realizacije našeg rada. Pred sobom imamo tri tačke koje se odnose na Odluku o privremenom finansiranju Zavoda ZZO Kanton Sarajevo, Plan izmjena i dopuna finansijskog plana ZZO i Saglasnost na izmjene dopuna plana kapitalnog ulaganja ZZO. Imamo li saglasnost Skupštine da zamolimo ministra da nam uvodnim napomenama objedini tačku 7, 8 i 9? Nesporno je da ćemo se o svakoj tački pojedinačno izjašnjavati.

Sve te materijale ste dobili u dopunskom, dodatnom dijelu dnevnog reda a ja bih sada zamolila ministra zdravstva dr. Lokmića da nam da uvodne napomene uz ovu sugestiju da probate objediniti sve tri tačke da bi smo bili malo ekspeditivniji.

**Ministar Eldan Lokmić: uvodno izlaganje**

**Predsjedavajuća:**

Najljepša hvala ministru. Ja molim kolege zbog racionalizacije, a povezanosti odnosno ne molim nego pitam jeste li za to da i diskusiju objedinimo da se ne bi smo vraćali svaki put, a sve je ovisno jedno od drugog. Hvala vam na razumijevanju. Ko ima pitanja ili potrebu da diskutuje.

**Poslanik Naser Nabil:**

Hvala gđo predsjedavajuća. Mislim da smo mi imali u utorak vrlo interesantnu sjednicu komisije za zaštitu javnog zdravstva i sanitarnu zaštitu, gdje su bili i uvaženi ministar Lokmić i bio je direktor Zavoda uvaženi prof Gavrankapetanović i predstavnici Zavoda i ministarstva zdravstva Kanton Sarajevo, naravno i članovi komisije. Dozvolit ćete mi da iskoristim svojih deset minuta vezano za ovu raspravu iako imam po svakoj tački po 10 minuta gdje bi trajalo 30 minuta. Reći ću prvo da većina, odnosno da komisija nije podržala niti izmjenu i dopunu kapitalnih ulaganja, niti rebalans plana zavoda ZZO, niti odluku o privremenom finansiranju ZZO Kanton Sarajevo. I to obrazložit ću iz prostog razloga. Molim vas od 2005 do 2013 godine kada se uzme i kada se sabere zbir kapitalnih ulaganja ZZO Kanton Sarajevo, to iznosi oko 142 miliona KM. Dakle, tačno je 141.800 i nešto hiljada KM. Mi smo prošle godine,

odnosno ova Skupština iako je moj stav i SBB bio protiv ulaganja u KCUS ova Skupština je ipak donijela tu odluku o kapitalnim ulaganjima. Pa je bilo predviđeno 15 miliona, 10 miliona itd za 2011, 20 miliona. Mi smo suočeni sa ovom godinom da se povećava plan kapitalnih ulaganja za skoro 20 miliona, a za sljedeću godinu povećava se plan kapitalnih ulaganja za 10 miliona. Dakle 30 miliona KM više predviđeno za 2012 i 2013 godinu. Ako ćete uzeti koliko je Klinički centar od 2011 zaključno sa 2013 koliko će uložiti para u KCUS to je više od 82 miliona, tačnije 82.502.000. to su kapitalna ulaganja. U KCUS 77.504.000. ono što je osnov u svemu ovome zašto komisija nije podržala i naravno SBB BIH neće to podržati, zato što to nije posao ZZO. Zato što je to protuzakonito djelovanje jer Zakonom o zdravstvenom osiguranju i Zakon o zdravstvenoj zaštiti koji je stupio je na snagu 2010 godine jasno i decidno kaže ko može vršiti kapitalna ulaganja, odnosno investicije. A to može Federacija, Kanton ili opština. Dakle, zavod nema ama baš ništa u vezi kapitalnih ulaganja, pogotovo što je situacija u KCUS veoma upitna. Dakle, ne postoji osnivački akt, nemamo ugovor sa suosnivačima, imamo nakaradnu situaciju gdje imamo UO, gdje ima i predstavnika sa federalnog nivoa koji odlučuju u tom KCUS šta će i kako će biti, a Federacija ne plaća i zapravo nije uključena u preuzimanje prava i obaveza koje proističu iz toga. I sve je palo, komplet knjiga je pala na jedno slovo. Dakle, Kanton Sarajevo pored što se izdvaja godišnje 110 miliona KM na ime troškova i plaća itd imamo još situaciju unutar tri godine da moramo još po kapitalnim ulaganjima uložiti još 77 miliona KM. A mi nemamo ama baš bilo šta što može zaštititi našu imovinu. Dakle, nemojte da neko pogrešno nešto shvati, ja nisam protiv Kliničkog centra, niti su članovi komisije protiv Kliničkog centra, dapače, mi smo za razvoj Kliničkih kapaciteta, mi smo za poboljšanje komplet zdravstvenog segmenta unutar Kanton Sarajevo ali ne na protuzakonit i jedan netransparentan način. Dakle, ovo što se dešava da KCUS prije rata je bio planiran da bude referalni centar visokodiferencirane zdravstvene zaštite za komplet BIH, na žalost nakon rata, evo 17 godina nakon rata, KCUS nije ni referentni centar ni za Federaciju BIH, sveden na nivo eto da tako kažem možda malo više nivo gradske bolnice, a to nije što Klinički centar zaslužuje, nije ni ono što FBIH zaslužuje. Dakle ako će se izdvajati za kapitalna ulaganja onda treba da se izdvaja kroz budžet i to je jedini zakoniti način gdje osnivači će finansirati ta kapitalna ulaganja. ZZO zbog toga ogromna sredstva, milioni. Dakle 142 miliona su išli u kapitalna ulaganja nauštrb sljedećih stvari: na uštrb primarne zdravstvene zaštite, na uštrb standarda zdravstvenih radnika, na uštrb kvalitetne usluge pacijentima, na uštrb kvalitetne esencijalne liste lijekova i puno tih stvari. Dakle, ono što želim reći da ne razumijem uopšte ko insistira da i dalje nastavljamo kršiti Zakon . ja bih molio premijera Zeljkovića i zamolio bih uvaženog kolegu Lokmića da zaista što hitnije da se stavi na red pitanje osnivačkog akta KCUS i da se to riješi i da znamo koliko smo mi vlasnici odnosno suvlasnici tog KCUS i na osnovu toga da mi možemo preuzeti svoja prava i obaveze. Volio bih ja i da KCUS bude i na nivou komplet BIH pa da Ministarstvo civilnih poslova ako treba da to finansira i da bude suosnivač a da preuzme i dio obaveza. dakle, mi ne možemo kroz naš sistem zdravstvenog osiguranja priuštiti sebi izdvajanje ogromne svote novca vezano samo za kapitalna ulaganja. Ono što je jako važno po ovome što smo uvijek mi ovdje dovedeni kao Skupština pred svršen čin što me jako ljuti. Dakle ovdje je provedena komplet procedura, izvršen izbor banaka ,ja ovdje pitam, s obzirom da ovdje imam odluku, zašto nije izabrana jedna banka,. Ovdje su tri banke izabrane, Raifaisen banka, Unicredit banka i Šparkase. Zar nije se mogla naći jedna banka koja daje veoma povoljne uvjete vezano za kreditiranje. Ne razumijem zašto se išlo na tri banke? I ne razumijem zašto uvijek mi moramo dati saglasnost da bi mi pokrili nešto što je završeno. Razlog što je ovo danas na dnevnom redu, gospodo draga, što treba odobriti rebalans Finansijskog plana za 2012 i odobriti izmjene i dopune kapitalnih ulaganja, što naravno ne može zavod da potpiše sa ovim bankama dok nema saglasnost Skupštine Kantona. Šta smo mi ovdje, jesmo li mi ljudi ovdje koji su podcijenjeni? Jesmo li mi ljudi ovdje koje neko smatra na jedan način



neinteligentnim gdje ne znamo o čemu se radi. I ne razumijem zašto ZZO uvijek leti i uvijek nekako mu je poslastica postala vezano za kapitalna ulaganja, što je veoma simptomatično i veoma indikativno. To su ogromne svote novca, to su milioni gdje su građevinski radovi, gdje je nabavka opreme, razgovori sa dobavljačima itd. I ne razumijem ko je dao Zavodu pravo da može opremiti da može pregovarati i da može kupovati tu opremu. Gdje su ljudi koji su kompetentni koji mogu to raditi. I zašto to Zavod mora to raditi. I reći ću vam jednu istinu. KCUS godina od 98 pa do danas je tražio po 15 miliona KM na ime troškova amortizacije. Da je zavod samo to redovno uplaćivao Kliničkom centru, njemu ne bi trebala nikakva pomoć jer bi sam mogao finansirati kapitalna ulaganja itd. Ali na žalost ZZO nikada nije izvršio uplate na ime amortizacije ne samo Kliničkom centru, nego i JU Dom zdravlja itd. I svi smo mi dovedeni da mi nemamo opremljenu primarnu zdravstvenu zaštitu, nemamo reagense, nemamo filmova, nemamo ovoga, nemamo onoga, nemamo ni recepata, a razmišljamo i pričamo o 80 i nešto miliona maraka kapitalnih ulaganja. Molim vas ja sam pobornik da mi završimo centralni medicinski blok i da stavimo tačku na to. Ali istovremeno tebe to ne zanima Damire, ali to su milioni, moji i tvoji, građana ovog Kantona, i molim vas je ne pričam to radi sebe nego zbog uvaženih kolega tu, da mi zajedno, ja hoću da se to riješi, ja sam tražio od uvaženog direktora prof Gavrankapetanovića koji je imao razumijevanje na našoj sjednici i ministra Lokmića da nađemo način kako možemo to riješiti da bude to zakonito i transparentno. Ali da ulažemo u nešto što nije naše, i da sami preuzmemo odgovornost a da naš standard zdravstvenih radnika i kvalitet usluge u primarnom nivou i u drugim zdravstvenim ustanovama da trpi zbog toga godinama onda to nije u redu, onda nešto nije u redu. Na kraju evo s obzirom da neki ljudi ne vole da slušaju tu priču, ja ovu priču nisam danas govorio, to nije plod ovog trenutka, to je naš stav od samog početka našeg mandata znači od početka 2011 iznio sam i zamolio premijera Musića i ministra Vukovića da nešto poduzmu po tom pitanju i evo ja vas ovdje molim da isto u tom pravcu da počnemo drugačije razmišljati. Ipak uzeti 20 miliona eura duga to će naša djeca vraćati i to ćemo mi vraćati. Ima drugačijih načina kako se može to sve odraditi. Zašto Federacija ne želi da se uključi, zašto ostali Kantoni koji sebe smatraju na papiru da su suosnivači ne žele da preuzmu obavezu koju treba da preuzmu. Izvinite kada se neko razbili od onih VIP ljudi je na federalnom nivou onda se i predsjednički apartmani i ne znam nekakvi se otvaraju, najbolji nivo zdravstvene njege i usluge to rade. Ali treba to i platiti. KCUS ima sjajnog kadra. Također ZZO je jedan od najboljih zavoda u FBiH sa budžetom više od 330 miliona, sa jednom bogatom listom esencijalnih lijekova ali na žalost veoma siromašni zdravstveni radnici i ljekari specijalisti koji rade dan i noć i koji zaista nisu adekvatno plaćeni i koji ne mogu se priuštiti da barem jedan dio nekakvog lagodnog života, da ne kažem život koji je dostojan ljudskom biću. Hvala vam lijepo.

### **Poslanik Mujo Hošić:**

Hajde probat ću da budem kratak koliko je uopšte moguće. Deset godina ja pričam ove stvari koje kolega Nabil priča. 80% njegove diskusije ću podržati i apsolutno za prve dvije godine neću glasati, treću kolega ću glasati da oni o kojima ste pričali ne bi ostali u januaru bez ličnog dohotka. Pravno da razjasnimo. Suosnivači KCUS su četiri Kantona i FBiH. Ovo su poražavajuće činjenice da 2011, 2012, 2013 predviđeno 82 miliona kapitalna ulaganja, od toga KCUS čiji smo samo suosnivači 77, 14 institucija iz oblasti zdravstva na nivou Kantona 5 miliona. Hoćete li broj zaposlenih otprilike 50% - 50% od tih 7 hiljada i nešto zaposlenih. Pa najmanje dvadeset puta sam u prethodnih 6, 7 godina probao da zainteresujem one koji su dužni bili poslije raznih diskusija izvještaja ući u pojedine institucije da urade nešto. Očito nisu ušli. Zar je moguće, ja mogu razumjeti da je ministar novi, da i poslije zadnjeg izvještaja, evo neću da kažem 8, 9, 10 ali zadnji izvještaj Federalnog ureda za reviziju 2011 isključivo kaže 19 miliona koje ste potrošili u kapitalna ulaganja nisu u skladu sa zakonom i sve ovo što

planirate više se ne može planirati tako jer kapitalna ulaganja i investiciono održavanje može ići iz budžeta nikako iz Fonda zdravstvenog osiguranja. Zašto su se tamo neki ljudi otudili igraju se bogova i misle da se mogu ponašati kako hoće? Meni je drago da je gospodin Gavrankapetanović ovdje, hoću da demantujem ako je tačno, neka nam potvrdi ono što sam čitao prošlih dana, da je specijalistička plata 3.000. gospodo Mujo Hošić je specijalista, moja plata je 1.400 KM. Tačka. Za ovih deset godina pogrešnom politikom u zdravstvu odnosno nepostojanjem politike u zdravstvu uništili smo ono što je nenadoknadivo. Ljudske resurse. 2002 za ovom govornicom bio je podatak da je specijalistička služba u primarnoj zdravstvenoj zaštiti starost 54,5 godine. Tada sam tražio šaljite ljude na specijalizaciju i nije trebalo biti pametan da se izračuna da za pet do deset godina ta služba nestaje. Nisu me htjeli slušati. Na mojoj Ilidži neko će vam reći 50.000 stanovnika. To su one laži koje se poturaju iz Federalnog zavoda za statistiku, živi 80.000 stanovnika koji koriste svu infrastrukturu počev od zdravstva, školstva, sve ostalo i sve što čini infrastrukturu. Tamo radi jedan radiolog iako po standardima koje nisam pravio ja trebaju tri. Hadžići kao vangradska općina, vi nemate ni jednog. Ako je vama normalno u 21 vijeku ultrazvučna dijagnostika da se čeka 6 mjeseci, meni nije. Ali da me je neko tada poslušao ne bi bili u ovakvoj situaciji. Danas možete platiti radiologu 50.000 više ga nema. I sada možete jedino da pravimo sanacioni plan. Najlakše je izaći narodu koji je bolestan generalno ova je nacija bolesna, preživjeli smo što niko nije preživio, izaći u Ferhadiju i pitati hoćemo li svemirske brodove na kliničkom centru. Svako će reći hoćemo. A kada ga pitate a kako to održavati to će vas koštati 100 KM onda će reći nećemo. Dalje, KCUS nisu tri klinike do kojih se pravi bar u javnosti ti centri bez kojih se ne može, slažem se, ali tamo je još 30-tak klinika za koje vi niste iz oblasti zdravstva niste čuli. I one su potpuno zapostavljene i ja kao ljekar hoću da imamo najsavremeniji KCUS ali da znamo ko ga i u kom dijelu finansira. Vi odlično znate izlazi se u javnost nevjerovatna količina novca u ZZO, nije to je jedan prosječan budžet jedne prosječne bolnice. Izađu ljudi u medije počev od ove esencijalne liste o kojoj ne bih sada da pričam i pričaju o pravima iz zdravstva. I narodu kažu imate sva prava. Niko neće da kaže koliko sva ta prava koštaju, koliko ta sva prava na koja imate uopšte su moguća da se ostvare i ono što je još najporazavajuće ovo o čemu je kolega govorio, protiv zakona ulažemo u građevinsko investiciono održavanje. Ima li iko od vas u porodici u komšiluku u zadnjih pet godina nekoga kome je trebao onaj nesretni humanitarni telefon? Je li se iko pita zašto ta naša djeca ili odrasli moraju da prose za liječenje? Ne pita. I danas ćete imati nove te humanitarne telefone. Probali smo da budemo humani 97 ne više ovaj 2010 kada je usvojen Zakon zdravstvenog osiguranja i o zdravstvenoj zaštiti pa je osnovan i Federalni fond solidarnosti, pa je rečeno svi Kantonalni zavodi će izdvajati 8% i koliko god to bude finansijski toliko će se izdvajati iz Budžeta FBiH. Kanton Sarajevo na ovu cifru i sada izdvaja 30 miliona. HNK ne izdvaja ništa iako je država, ne izdvajaju ništa. Federacija nikada za 10 godina nije ispoštovala taj Zakon i zato taj Federalni fond solidarnosti ne može da isfinansira ono što smo obećali da ćemo pomoći i nerazvijenim Kantonima. Da ne dužim dalje, zadnje ono što me je mučilo ovih dana. Primarna zdravstvena zaštita je rudnik. Bilo je prozivanje ljekara da nema recepata. Ljekari koji najviše rade nemaju recepata. Jedino u Kanton Sarajevo jedan ljekar koji radi može pregledati dnevno 60 pacijenata. Ja tvrdim da ih ne može pregledati, može ih primiti, pregled je nešto drugo. I niko iza tih ljekara neće stati. Izaći će vam sa nevjerovatnim podacima ovi koji se igraju sudbina ljudi i prozvat će doktora iz Hadžića s Ilidže, petog, desetog zašto je napisao toliko recepata a neće reći koja je struktura pacijenata kod tog doktora, koliki je broj pacijenata bio, koje su dijagnoze, ne o tome neće raspravljati. I zato vas molim ja kao ljekar ponavljam neke stvari deset godina, jednom da izađemo sa istinom. Hoćemo najsavremeniji Klinički centar. Evo vidimo ovih dana intenciju da Sarajevo postane i osnivač. Prvo moje javljanje danas sam rekao Sarajevo će platiti nevjerovatnu cijenu pogrešne politike u svim oblastima. Ja se uporno trudim da Klinički centar bude državna

institucija ili u najmanju ruku Federalna institucija. I tu se priča završava. I zamolit ću kolegu kao predsjednika komisije, promijenite stav oko one treće odluke o privremenom finansiranju, jer kako god usvajamo budžet naš, u paketu treba da idu i vanbudžetski fondovi. Ako ne usvajamo odluku u privremenom finansiranju danas, vaše i moje kolege, njih sedam ili možda i devet hiljada zaposlenih, ne znam koliko ih je u međuvremenu zaposleno neće primati plaću. Hvala.

**Poslanik Elmedin Konaković:**

Ja sam imao potrebu i prije nego što je kolega Hošić govorio da kažem da se i ja također sa kolegom Nabilom u dobrom dijelu njegove diskusije slažem. U nekoliko segmenata. Hoću da kažem i to da bi smo ovdje ponovo trebali postaviti jedan sistem vrijednosti i odgovornosti. Da ponovno trebamo osjećati odgovornost prema nečemu što sami kreiramo, a reći ću u kom dijelu. U ovoj državi u kojoj mi živimo ja bih bio presretan da se u pun o segmenta života bitne institucije zovu državne a u najmanju ruku federalne. Na žalost zbog specifičnosti života u BIH to često nije tako. Često mi kao Kanton Sarajevo nosimo odgovornost i govorio sam to i kada smo pričali o raspodjeli javnih prihoda, u stvarima u kojima po zakonu ne bi smo trebali ali kao glavni grad ili kao najodgovorniji ili najzainteresovaniji za normalan život u BIH mi to radimo. I ja pratim naravno sa zadovoljstvom i sa zanimanjem ovu trakavicu i ja ipak mislim da se taj dio osnivačkih akata i nadležnosti mora riješiti i da je dobro što se o tome polemizira i što se nadziru i predlažu neka rješenja. Da mi to koji to finansira, da u najmanju ruku možda je grubo reći i kontrolišemo. Dakle oni gore koji upravljaju, koj su upravljački mehanizam u KCUS budu odgovorni prema nama koji jedini iz tog kruga odgovornih ispunjavaju, izvršavaju svoje obaveze i finansiraju u najvećem dijelu i kroz zavod i onaj dio koji mi to ne bi smo trebali i po zakonu ne bi smo čak ni smjeli. Dakle, taj status KCUS kao što su kolege koje su iz branše, naravno puno bolje to znaju od mene, ja se apsolutno slažem da je put ka rješavanju statusa neminovan, evo počeo je i da ga treba intenzivirati i što prije završiti. Druga stvar u kojoj se također slažem sa kolegama je status zdravstvenih radnika da ti ljudi budu adekvatno kao u svim normalnim civilizovanim zemljama kao jedna od najodgovornijih najozbiljnijih profesija u životu svakog građanina u BIH budu adekvatno plaćeni, te na taj način vrjednovano ono što oni za sve nas rade. Također se slažem i često o tome govorimo, pogotovo moje kolege koje su iz opština koje nisu gradske, ne čine gradske opštine, o tom dijelu primarne zdravstvene zaštite, o tim domovima zdravlja ili onoj primarnoj zaštiti koju svi građani Kantona najčešće, ili uglavnom na dnevnoj nekoj bazi imaju potrebu, i mi kada smo ušli tu i borimo za status te primarne zdravstvene zaštite i status unutar tih domova zdravlja. I onda ću sada krenuti argumentima, mi smo ovdje evo dvije godine. Kada smo došli zatekli smo u tim istim domovima zdravlja situaciju u kojoj je bilo čini mi se preko 500 ljudi nekog nepriznatog kadra, da ljudi ono tamo što dobiju na budžetu 99% ili 100% tih sredstava koriste isključivo na plate. Da tamo ne mogu kupiti ni ona najosnovnija ni najjeftinija sredstva na rad. Znači ne možete doći tamo, da ne govorimo o nekim zahtjevnijim aparatima, rendgenima, nekim drugim stvarima, ne mogu vam ljudi dati injekciju, nema feninga za finansiranje tog dijela jer smo mi smijenili bivši menadžment zato što su tamo radili takve stvari, primali ljude koji nisu bili potrebni, neke stamotologe kojih ima 70-tak u određenim institucijama u kojima ne trebaju. To je bilo ne mogu reći ali barem na granici kriminala. Pa smo rekli mi ćemo kao Skupština i Vlada povući poteze, promijeniti menadžment, tamo sada sjede neki novi ljudi i ništa se nije tamo promijenilo ni za jedan milimetar. Kada je riječ da li to treba raditi kroz ZZO ili na neke druge načine ili modalitete to je tema za nas, to mi kreiramo ovdje. Mi ne možemo reći nećemo prihvatiti ove planske dokumente potrebne za rad jedne institucije, tamo je novi menadžment i sada je novi ministar, zato što mi i kolege koje su ovdje sjedile prije nas nismo njima stvorili ambijent za rad. Mi smo njima rekli ovako ćete raditi, mi ćemo kroz taj zavod finansirati i ovo što nam nije ni

zakonska obaveza, ali jeste ljudska, moralna Sarajeva kao glavnom grada da ima vrhunski i kvalitetan klinički centar i na taj način možda presipamo više novca na finansiranje tog dijela pa se onda slabi položaj zdravstvenih radnika i govorimo o mizernim platama ljudi koji tamo rade. Ja se i s tim slažem ali je to naša odgovornost i naša obaveza na kreiranju te politike i tog ambijenta treba da radimo i trebamo da radimo svaki dan. Sada isključujući potpuno politiku iz tog segmenta mi smo naime tako i bili složili smo se da i skupštinska komisija koja tamo radi, složili smo se da njom predsjedava dr. Nabil kao eto najkvalifikovaniji od nas da se o toj branši izjašnjava, govori ili kreira. Pa smo s ministrom uspostavljali tu vrstu dijaloga, pokušavali naći rješenja. Ali nismo ni mi svi skupa ovdje puno pomjerali u tom segmentu, ne puno, nego nismo pomjerali ništa. Nego se bavim ovom suhom matematikom da ono što po zakonu ljudi plaćaju u dijelu ZZO pa se slijeva u kasu ZZO i iz njega smo mi našli modalitet da se finansiraju jedna i primarna i sekundarna i tercijarna zdravstvena zaštita pa se danas ovdje bavimo problemima koje sami kreiramo, ja se plašim da za njih optužujemo pogrešne ljude. Da bi smo mi podhitno u dijelu rješavanja KCUS trebali otvoriti malo prostora za poboljšanje statusa zdravstvenih radnika, kroz to i dio sredstava za poboljšanje primarne zdravstvene zaštite i to je naš zajednički posao. Mi ćemo naravno danas glasati za sve ove dokumente jer se smatramo odgovornim i ovome što svaki put kažemo u kreiranju te političke turbulencije u kojima u velikom broju institucija ima pa nema NO ili nema pa su novi, ili ih ima pa su smijeni pa su v.d. pa v.d. nemaju vremena da naprave, pa ovi novi što dođu nemaju vremena da predlože. Znači ja zbog toga smatram sve nas skupa odgovornim i u ovoj instituciji i mi ćemo kao Klub naravno glasati za ove dokumente.

**Poslanik Naser Nabil – replika:**

Ja ću prije svega zahvaliti kolegi Hošiću zaista na vrlo objektivnom izlaganju i tek sam šokiran što je gospodin sa ove govornice već od 2002 godine uočio i ponavlja priču koju ja ponavljam u posljednje dvije godine. I zaista zahvaljujem od srca sve što je rekao je ono zapravo se potpuno slažem s tim. A isto tako zahvaljujem kolegi Konakoviću koji je prihvatio barem većinu naših primjedbi i kroz komisiju i kroz moje lično izlaganje. Ja vjerujem da smo svi mi ovdje legalisti. Ova Skupština ne bi trebala niti smije da krši Zakon niti zakonske propise. Ja poštujem kada gospodin Konaković kaže Poslovnik nalaže to i to onda svi mi to prihvatimo i niko ne može ništa govoriti. Ovdje se ne radi o kreiranju ambijenta gospodo draga, ovdje se radi da li mi kršimo Zakon ili ne. Nisam ja Zakon napravio. Zakon je donešen na federalnom nivou i jasno član 11 stav 2 i 3. i član 13 kaže ko može vršiti kapitalna ulaganja odnosno investicije. Ukoliko ova Skupština i uvaženi zastupnici budu glasali za, onda zaista svi mo mi učesnici i nezakonitim radnjama. Zbog toga ja imam jedan prijedlog, prijedlog da se ne usvoji prijedlog za izmjene plana kapitalnih ulaganja niti naravno za rebalans finansijskog plana i da se umjesto toga donesu odluke kojim će se ZZO Kanton Sarajevo obavezati da sredstva koja ostvaruje iz obaveznog zdravstvenog osiguranja usmjeri za finansiranje rada zdravstvenih ustanova i da se u okviru tih sredstava planiraju i finansiraju troškovi amortizacije. A zdravstvene ustanove će iz tih sredstava finansirati kapitalna ulaganja. To je pravo rješenje i to je valjano rješenje i to je u skladu sa zakonom. bilo koji drugi način donošenja ili aminovanja na ovo što je predloženo to je gospodo draga kao što je rekao kolega Hošić ja se s njim slažem, to je protuzakonito djelovanje. Hvala vam lijepa.

**Poslanik Elmedin Konaković – odgovor na repliku:**

Ja hoću samo da kažem svoj lični stav i jedan lični primjer. Dakle, ja zaista eto već dvije godine uporno zagovaram i zakonitosti legalista sam i čitam i citiram Poslovnik i druge zakone, a u jednoj sferi života sam sebe uhvatio kako nisam baš u potpunosti primjenjivao zakone. Naime prije nekih godinu dana sam imao poziv od prijateljice čiji je muž imao

saobraćajnu nesreću i čija knjižica nije bila ovjerena. I prvo sam mislio da se šale ljudi da u nekom slučaju u kom je takva vrsta povrede od koje on i danas ima posljedice. Nije imao ovjerenu knjižicu i nije imao adekvatnu zdravstvenu uslugu, pa sam lično kod bivšeg direktora zavoda intervenisao da se to ipak desi. U sferi u kojoj je život ili zdravlje u sukobu sa Zakonom e ja tada uhvatim sebe da ne bih baš u potpunosti primijenio tu vrstu zakona niti bih naravno stimulisao bilo koga ko će tamo nešto na tenderu namjestiti u bilo kojem segmentu života ali ovdje gdje je možda njegovo zdravstveno osiguranje nije bilo adekvatno regulisano a bilo je pitanje života i smrti, ja zaista da ne govorim imena tih ljudi, sam u tome direktno učestvovao. Kada je riječ o ovom finansiranju nekih kapitalnih stvari koji sutra znače neku kvalitetnu zdravstvenu uslugu, ja ću i zato dići ruku. Ako mi do tada, ja cijenim ovaj prijedlog kolege Nabila, mi trebamo to da uzmemo u ozbiljno razmatranje, sad za to ja nemam vremena, nemam opciju nemam mogućnost da ja danas prije glasanja razmotrim jednu, drugu, treću opciju konsultujem nadležne institucije, organe, kvalitetne ljude iz te brašne pa kažem ovo prvo ima smisla, da vidim šta su prepreke da se to desi, pa da mi mijenjamo. E o tome sam ja govorio da mi kreiramo tu vrstu ambijenta i da ne dovodimo ljude koje smo 26 ili 27 decembra zbog političkih turbulencija doveli u situaciju da nam i sada kao i prije godinu i dvije donose čak i plan, finansijske planove smo mi usvajali u septembru ili oktobru zato što smo se mijenjali, rotirali, izglasavali nepovjerenja. Zbog toga ja nisam u situaciji da to radim danas, ali jesam u situaciji da od danas to radim kad god hoćete i svaki dan da razgovaramo da tražimo rješenja, da kreiramo i predlažemo. Dakle, zbog toga mislim da i ovaj način finansiranja i ulaganja kapitalnih investicija ima smisla jer on u konačnici garantuje kvalitetnu zdravstvenu zaštitu. Da treba poredati stvari kako kolege govore i s tim se slažem, primarna, sekundarna i tercijarna i posebno status zdravstvenih radnika. Hvala.

**Poslanik Mustafa Hošić – replika:**

Kolega Konakoviću meni bi bilo drago da jednom uzmete, pogledate način finansiranja zdravstva u FBiH pogotovo u Kanton Sarajevo. Došli bi ste do nevjerovatnih podataka. Ovog momenta teret 500.000 stanovnika Sarajevo po pitanju zdravstvene zaštite snosi 115.000 uposlenih. 2006 kada sam napustio ove klupe na službi za zapošljavanje bilo je 69.000, za ovih 6 godina potrošeno je 6 milijardi i sada imamo 72.000 nezaposlenih. Imamo najveće samodoprinosu u Evropi. Mogu vam ih iznijeti, ne moram ponavljati. Ova država ne može naprijed dok se ne smanje ti samodoprinosi, ali imamo kršenje zakona, ja to kažem kriminal. Imate Zakon koji kaže za svakog penzionera federalni penzioni fond mora izdvajati stopu doprinosa za zdravstvo 13%. 12, 13 godina po odluci ne zakonu, kršeći Zakon taj fond izdvaja 1,2 % to je 11 puta manje. Da vam dočaram slikovito šta to znači, ovog momenta 7.000 uposlenih zdravstvenih radnika u Kanton Sarajevo za zdravstveno osiguranje godišnje izdvoji nepunih 20.000 miliona KM, 7000 uposlenih u zdravstvu. 72.000 prijavljenih na birou, od toga 51.000 direktnih nosioca osiguranja, pod navodnicima nosioca osiguranja i 22.000 članova, služba za zapošljavanje uplati 4,5 miliona. Za 70.000 penzionera FMIO uplati isto toliko. Znači milioni, desetine miliona ili stotine miliona nestaje i ovih dana ste pratili neko sebi uzme za pravo halalit ćemo milijardu i šesto miliona onima koji nisu uplaćivali doprinose eto i penzioni fond, zdravstveni fond službe za osiguranje, pa to je katastrofalna poruka, vi svi koji ste uplaćivali prethodnih deset godina bile ste budale, a mi ćemo sada nagraditi te koji su pokrali tu 1,6 milijardi i zato se dešava ono o čemu ja pričam. Mujo Hošić bi najviše volio na svijetu da imamo najbolji Klinički centar samo recite odakle.

**Poslanik Elmedin Konaković – replika:**

Koliko god ja ponavljao da cijenim to što vi govorite, radite, informacije kojima Vladate, ipak ste me malo zbunili. Zašto nam sada taj federalni fond koji ne obavlja svoj dio posla, ili druge organe ili nivoe vlasti gdje se potpuno identično razmišljamo i slažemo, dovodite u kontekst

rada ZZO KS? Znači, ja se slažem, ja sam maloprije govorio da ne radimo ni izbliza dovoljno na tome da kao glavni grad i kao Kanton koji finansira na leđima nosi FBIH, ljudi nas svakodnevno propisima demoliraju i smanjuju povrat svega što mi odavde pošaljemo i u one Kantone gdje u domovima zdravlja ili u organima vlasti ljudi ne plaćaju doprinose, ni zdravstveno ni penziono ni socijalno. Dakle, to se dešava. Država ne plaća državi ni doprinose ni penziono ni socijalno ni zdravstveno, mi smo toga svjesni. Samo mi pojasnite ko j i je to kontekst sa ovom temom koju mi sada. Ja se slažem i volio bih da mi svi skupa odavde skinemo političke dresove i odemo u Federalnu Vladu i razgovaramo o tome zajedno sa ministrom koji to već radi, ja znam da radi po pitanju statusa, po pitanju raspodjele sredstava, po pitanju onda poboljšanja statusa zdravstvenih radnika u KS, sve se to slažem. Ali mi smo ipak Skupština KS. Dakle, mene zanima koja je sada to veza između ovog Federalnog fonda koji ne izdvaja, i naravno to šteti na štetu zdravstvenih radnika u Sarajevu, ali to je tako, oni nama ne daju naše pare koje mi izdvajam iz direktnih i indirektnih poreza, pa šaljemo u Banja Luku, pa finansiramo čak i RS. Dakle u drugim segmentima u finansijskoj politici države BIH mi finansiramo skoro cijelu državu. To je naša realnost. I ovdje se dešava slična stvar. I samo me zanima da li to znači da smo mi spremni da kažemo nećemo ima KCUS jer ga ne možemo zakonski finansirati, nego ćemo poboljšati onda status zdravstvenih radnika i onda će nam jedina opcija biti humanitarni telefoni koji će u svim segmentima zdravstvene usluge morati ići ili u Zagreb, Ljubljani ili neke druge države, onda nećemo imati KC. Ja vas razumijem, ali evo ta rješenja, dijelom se slažem, moramo nekako ih malo kompletirati i reći kako i ko će nam to. Hoćemo li naći donatora ko ji će reći evo ja ću vam finansirati i izdržavati taj KC, jer ja ipak mislim da Sarajevo ne može egzistirati ni živjeti bez KCUS. Hvala vam.

#### **Poslanik Nabil Naser – odgovor na repliku:**

Kolega Konakoviću, vi ako nećete da vjerujete meni i kolegi Hošiću koji smo zdravstveni radnici, ja vam savjetujem da se držite samo zakona. Ako zakon kaže da Zavod nema ništa sa kapitalnim ulaganjima onda nema ništa. Ne može biti da ima ili da nema ili da u ovom slučaju možemo, ili u ovom drugom slučaju smijemo ili ćemo primijeniti zakon i poštovati zakon ili nećemo ga primijeniti. Dakle, upozorenje koje kolega Hošić i koje sam ja uputio vrlo je jasno i decidno. A sada je drugo pitanje da KC ja vam kažem, pitajte evo kolega uvaženi Prof. Gavrankapetanović će vam odgovoriti da je Zavod plaćao 15 miliona godišnje kao sredstva za amortizaciju KC sada bi bio završen i još bi imao i pozitivno poslovanje. Ja vam nudim rješenje ja ne želim da idemo u neku dubiozu gdje komplet posao FBIH treba da nosi samo isključivo KS. Pa ja ću vam reći kolega Konakoviću, dom zdravlja Ilijaš već godinama traži rendgensku jedinicu, nema je. A sve je to 200.000 KM u odnosu na one milione to je stvarno vrlo smiješna stvar. Idu na snimanje u Vogošću, čitanje nalaza je u Centru itd. Da vam ne pričam šta se dešava u Vrazovoj u Starom Gradu, na Ilidži itd. Mi bi trebali da se bavimo našim građanima. Mi bi trebali da se bavimo našom primarnom zdravstvenom zaštitom i opremanje tih ustanova i naravno usavršavanje kadrova. Mi već gubimo za pet šest godina nećemo imati onog kadra kojeg smo imali ranije. Tražit ćemo neurologa kojeg nemamo. Evo sada ću vam reći odmah. .. otišlo iz doma zdravlja u penziju pet , šest neurologa, mi ne možemo ih nadoknaditi. Isto tako radiologa, isto tako ovoga i onoga. Mi bi trebali se pozabaviti ne samo kapitalnim ulaganjima, mi bi trebali se pozabaviti prioritetima koje nama nalaže svakodnevna praksa šta trebamo raditi vezano za zdravstveni sistem unutar KS.

#### **Poslanik Elmedin Konaković – odgovor na repliku:**

Kolegi Nabilu druga i nemam njemu više pravo po ovoj temi, neću sigurno isprovocirati ništa samo polako privodimo ovu priču kraju. Kolega Nabil je dao jedan interesantan prijedlog ali ja ipak mislim da je on u koliziji s drugim stavom koji je iznio. On kaže super stvar, nema Zavod ništa s kapitalnim ulaganjima, poboljšavamo status zdravstvenih radnika, finansiramo instituciju, institucija vrši kapitalna ulaganja, oni to rade time kroz ovo što je on govorio to zvuči odlično. A vraćamo se na ono što je rekao da ne valjda. Evo KC mi poboljšavamo, oni gore imaju pravo na kapitalna ulaganja a nama UO KCUS postavlja Federalna Vlada ko god njom upravljao i Vladao. Dakle opet se vraćamo na to, koga mi stimulišemo ili finansiramo ili ko je nadležan. Ja sam zato govorio da se slažem i imate pravo evo dvije godine ste tu, imali ste pravo kao zastupnik po Poslovniku kreirati i zakon koji čak to uređuje, predložiti ga i dati ga u parlamentarnu proceduru. Predložiti bilo koji vid onoga što zaista to uređuje i rješava. Evo ja predlažem da od sutra krenete s tim, imat ćete punu podršku našu, punu podršku u dijelu kojem ste vi govorili, nemate mi pravo replicirati, dva puta ste mi replicirali, možete nekom drugom replicirati, vidim da ste se prijavili. Dakle, po Poslovniku meni imate pravo na dvije replike. Ja se slažem, ali vi bi ste trebali biti konkretni a ne danas da kažemo nećemo tu instituciju ispoštovati zato što mi nismo uradili svoj dio posla. Hvala.

**Poslanik Naser Nabil:**

... a pitanje osnivačkog akta KC je sasvim nešto drugo. Ja pričam o sistemu finansiranja zdravstvenih ustanova kroz amortizaciju i da oni mogu i zadržati opremu i mogu opremiti i mogu razvijati svoje kapacitete. A osnivački akt KC i prisustvo članova unutar UO sa područja FBiH. To je druga stvar, a ja mislim da je uvaženi ministar Lokmić je svjestan toga da je to nešto sasvim drugo do onoga što je sistem finansiranja zdravstvenih ustanova. Hvala vam lijepo.

**Dopredsjedavajući Kemal Ademović:**

Hvala. Ja ću ipak govoriti o tome iako uzimajući u obzir kompletnu diskusiju sve ono što je rekao gđin Naser Nabil i zastupnik Hošić, uzimam kao da je istina potpuno. Dakle, činjenice koje vi kao ljudi zaposleni u zdravstvu sasvim sigurno imate. Ali ja ću ipak da govorim o tome zašto bi trebalo da imamo mi KC, zašto treba ulagati. Svakako sva problematika koju ste vi iznijeli, konglomerat od kadrovanja pa ana dalje zaslužuje jednu tematsku sjednicu razgovora o kompletnoj politici u zdravstvu u KS, dakle o kompletnoj politici od vrha do dna, šta bi to i kako trebalo restrukturirati. I to se ne može prelomiti večeras, niti jedna odluka zamijeniti drugom. To se ne može večeras napraviti, večeras možemo da usvojimo odluku ili da ne usvojimo. Sarajevo je od 92 talac BiH, u raznim aspektima segmentima života pa i u zdravstvu. Dakle, od naplate poreza od 96 godine kada je počeo zaživljavati prikupljanje poreza Sarajevo je izdržavalo FBiH. Sarajevo je izdržavalo FBiH dok je u Hercegovini najveći broj tajkuna uvoznika roba široke potrošnje su to izbjegavali na razno razne načine, između ostalog i sa preko 400 nelegalnih prelaza, što sam to jednom ovdje govorio, kojima su ulazili šleperi robe koja nije bila registrovana i koja se prodavala po tržnim centrima, tome se nije moglo stati u kraj, inspekcija to nije mogla kontrolisati itd. Do ovog našeg zdravstva u kojem se ista priča dešava, dakle Sarajevo kao najveći potrošač i konzument, i ona jedinica uprave koja najviše poreza uplaćuje, dakle koja bi trebala danas najviše da participira onim što Kozadra danas reče 5,020 milijardi je ponovno oštećen čuli smo vrlo kvalifikovano od Kozadre na koji način. Dakle izdvajamo toliko i toliko, a vraća nam se toliko i toliko. Pod jedan smo tu oštećeni i to je pitanje politika svih viših nivoa, a mi treba da podignemo svakako svoj glas nekim skupštinskim odlukama, inicijativama, apelovanjem na zastupnike na

višim nivoima itd. Ali Sarajevo je talac te politike. Ali Sarajevo je najviše zainteresovano za BiH, znate ja čujem ovdje, trebao bi biti KC državni federalni, vi svi ovdje koji sjedite u ovoj Sali da državni centar to ne može biti, kada bi bio da bi propao za jednu godinu dvije ne bi od njega ništa bilo, jer bi uvijek bilo pitanje ko će ga finansirati, ko će ga podržavati i završio bi kao muzej dole. Ali dozvolite da ima nas koji ne želimo da se liječimo na VMA u Beogradu, na Rebru u Zagrebu, koji ne želimo da skupljamo preko humanitarnih telefona. Hoćemo da imamo svoju kliniku u kojoj ćemo da se liječimo. Ja sam više puta bio pacijent KC i znam da su neke klinike gore u jadnom stanju. Kada dospijete gore u onu kliniku koja je u jadnom stanju, austrougarska građevina u kojoj prozor se ne može zatvoriti nego kada radite rendgen, znači radiš rendgen, napolju -7, u prostoriji plus 5 ili plus 1. Prehladite se za onih deset petnaest minuta jer se treba skinuti. Možda ne vjerujete ja sam to doživio. Smrzneš se i prehladiš se za 10, 15 ili ako možda čekaš doktora koji je na nekom drugom pregledu ili na nekom sastanku, kasni 10 minuta smrzneš se potpuno. Dakle, uvijek kada se nađem u toj situaciji priželjkivao sam ma daj da imamo dobar aparat da imamo tu dobru prostoriju, suhu, u kojoj će se izvršiti ovaj pregled, pa nek košta šta košta. Ja jesam legalista i sve ono što su rekli gđin Nabil, i gđin Hošić, dakle oko toga da je to protuzakonito, potpuno to podržavam. Ali ovdje se radi o sljedećem, započet je jedan investicioni ciklus u kojem su već potrošene grdne pare, pitanje je kolika bi šteta nastupila u slučaju da se taj investicioni ciklus ne dovrši. Pitanje je jel veća šteta od koristi, dakle da se to sada zaustavi i kaže sve što je izgrađeno u fazi raubau stop do daljnjeg. Pa vidjet ćemo ko će dati, dat će Hercegovina za to, neće nikada dati marke. Hercegovina gradi KC u Mostaru, gradi univerzitetski centar u Mostaru u kojem sam ja bio prije mjesec dana koji kampus. Ima deset, petnaest objekata. Ne pada im na pamet ni jednu marku da izdvoje, neće nikada izdvojiti. Dakle treba se pomiriti sa činjenicama na način da mi sami sebi, ako nam treba KC, ako hoćemo modernu kliniku da se u njoj mogu liječiti građani BiH, mi je moramo izgraditi, neće je niko izgraditi, manje je sada važno jesu li to sredstva ZZO, jel to iz ministarstva, hoće li se porezati sva ministarstva mene lično to nije briga. Naravno neka nađu zakonit put, ali me apsolutno nije briga ko će to i kako da uradi iz ove naše Kantonalne bulumente i budžeta koje mi imamo. Nekada neko je našao recept koji je očigledno formalno pravno pogrešan i on traje godinama. Nemojte tražiti večeras da ga presiječemo na ovakav način neusvajanjem, što povlači za sobom posljedice, ne usvajaš ovo povlači za sobom posljedice, a nemamo drugog rješenja. Jer ovo rješenje gđina Nabila ne može se pretočiti sada u odluku koju ćemo mi usvojiti da bi domovi zdravlja kao primarni centri primarne medicine, privatne prakse, da bi sada oni bili bolje opremljeni imali više kadra itd. Mislim da u ovome svemu treba jedna tematska sjednica. Istina je da je zdravstvo ne samo u KS vjerovatno i šire ako što je to u nekim drugim firmama, sve je to postalo familijarno. Dakle, problem je u tome što se u školuju nekvalitetni kadrovi, čast izuzecima, kako? Obično su to gore djeca od doktora, bez obzira kakvi su kapaciteti, specijalizacije, sve ostalo, dakle to je nešto što je politika u zdravstvu što bi trebalo kroz tematsku sjednicu. Kroz iza toga donošenje smjernica u toj oblasti itd početi rješavati, al u dužem vremenskom periodu to se ne može riješiti jednom odlukom, niti preko noći, niti za mjesec dana, itd. Dakle, ne može se to riješiti. Ja apeliram da ovu odluku večeras ipak usvojimo, možda evo ako je moguće da pokrenemo inicijativu oko tematske sjednice, evo ja je pokrećem inicijativu oko tematske sjednice da planiramo u narednoj godini, nismo još usvojili plan, da planiramo tematsku sjednicu u zdravstvu, dakle da sve te stvari stavimo na sto i da pokušamo to da poredamo ukoliko je to moguće i da se ukoliko je moguće isprave nepravde koje se mogu ispraviti. Ali vjerujte mi, ove nepravde ala KS podržava u svakom pogledu Goraždanski Kanton, to će tako ostati, jer mi ako ih ne budemo podržavali tog Kantona neće ni biti. On se iseljava i svakako će se iseliti i svi će se sliti u Sarajevo. Dakle i polako se svakako svi slijevaju u Sarajevo i ovo što ima obradive površine neće imati ko obrađivati. Svi će doći u Sarajevo da stanuju i onda ćemo samo donositi ove odluke o onečišćenju zraka itd koje su uz to teško provodite isto kao i



zakon o zaštiti pasa lotalica od kojeg smo napravili veći problem nego što bi bio da nismo donosili nikakav propis. Dakle, ponovo podvlačim, dajem za pravo i zastupniku Nabilu i zastupniku Muji Hošiću koji su ljekari, koji ove probleme sasvim sigurno znaju i iz mikro i iz makro perspektive puno bolje od nas. Ali se vraćam na ovu našu tešku političku situaciju koja traje evo već dvije decenije u kojoj je Sarajevo u jednom neravnopravnom položaju u odnosu na sve druge više daje manje dobija i ko zna koliko će se to dugo tako nastaviti. Nastavit će se sve dotle dok ne bude BIH imala na nivou BIH stabilnu parlamentarnu većinu koja će moći da donosi odluke. Isto tako na području FBIH. Dakle, dok budu išli aršini koji su bili primjenjivani nekada i kod ministarstva odbrane dok on nije ujedinjen na nivo BIH, što je Međunarodna zajednica isforsirala 2:1,3 sredstva su dijeljena tako bez obzira kakvi su projekti, čiji su bolji, niko te to ne pita, samo daj mi moje pare i završena priča. Tako se desilo i s ratnim priznanjima, i s ovim i s onim. Mi smo morali svoja ratna priznanja morali pomnožiti sa nekim drugim, nisam ja to uradio, možda ne bih nikada to uradio, ali pomnožena su s nekim drugim koja su emitovana u Zagrebu. Nema tu pameti, tu nema logičke veze, ali je to tako. Tako je to danas.. dakle, ja vas molim da ne potrošimo vrijeme, imamo još tačaka ovdje i trebalo bi ovu sjednicu dovršiti da je ne prenosimo naravno u sljedeću godinu. Evo vidim ovdje prijavljenih desetak, znam da vi svi imate šta reći, da ima među vama još ljudi koji zaista oblast zdravstva jako dobro poznaju. Ali mi večeras tu oblast nećemo riješiti. Ja predlažem tematsku sjednicu da stavimo u program rada za narednu godinu Skupštine, da tom tematskom sjednicom u jednoj čitavoj sesiji otvorimo sve segmente u zdravstvu da zacrtamo neke dugoročne ciljeve, da donesemo neku strategiju, ako treba razvoj oblasti zdravstva da je usvojimo u 2013 godini koju će morati svaka naredna Vlada da poštuje, u protivnom morat će da prođe istu tu proceduru. Da ne lomimo večeras preko koljena, jer sredstva koja se planiraju u KC jesu za dovršenje započetog i ja ne bih volio da niko od vas završi u klinici gore u austro-ugarskom stilu, gdje ne možeš otići u toalet u kupaonicu zato što je hladno, zato što se smrzavaš, zato što ne možeš ni okrećiti sobu jer curi kanalizacija, da vam ne nabrajam. Neki od vas su sigurno gore bili, ali zato je onaj dio koji se gradi i tamo ono što je kapacitirano, tamo čovjek odmah se bolje osjeća čim dođe. Odmah malo ozdraviš kada vidiš kakvo je stanje, bijeli čaršafi, fini kreveti itd. Mi ne možemo nikako reći mi nećemo u to da ulažemo, ne možemo to izdržavati, pa šta to mi mislimo da ćemo sutra biti gore, da će za dvije tri godine biti gore i da našim generacijama ostavljamo da oni riješe to da će imati KC, ili da forsiramo ovo da narednim 10,20 itd godina da radimo an humanitarnim telefonima, da izdvajamo za liječenje vani i da idemo samo vani da se liječimo. Dakle i zdravstvo je usluga koja se prodaje, zašto da mi ne prodajemo. Hvala.

**Poslanik Predrag Kojović replika:**

Hvala predsjedavajuća. Ja sam samo htio zaista da repliciram podpredsjedavajućem Ademoviću jer ja zadnjih godinu dana slušam raznorazne motive i razloge zbog kojih je neko prinuđen da krši ustave i zakone. Nekome se žuri ili neko čak ima ovako pozitivne motive, o kojima su govorili kolega Konaković ili kolega Ademović. Znači, ja razumijem vi pokušavate da opravdate hajte da prekršimo još jednom zakon da postignemo jedan dobar cilj. Ja bih razumio kada bi ste vi govorili na UO KC ili Zavoda koji su ograničeni nadležnostima ali sada imaju neki zakonski problem. Ali vi to govorite u skupštini, pazite. To je kao da vas zaboli zub u zubarskoj ordinaciji. Ako mislite da zakon vas sprječava da uradite nešto dobro, ovo je odlično mjesto da promijenimo taj zakon i da ovo što hoćemo da uradimo, ja se slažem da je to jako dobro, i da nam treba KC i da ga mi trebamo napraviti sami, ali hajmo ga napraviti po zakonu. I ne samo to, nego hajmo stvoriti sistem koji će nam omogućiti da nikada više kada hoćemo da napravimo nešto dobro u KC ne moramo da kršimo zakon, znači ovo je idealno mjesto, nema boljeg mjesta za rješavanje problema o kojem vi govorite od ovoga

ovdje. E sada, možda ja ne razumijem, šta će se dogoditi za mjesec dana. Mislim šta će se dogoditi ako mi usvojimo odluku o privremenom finansiranju večeras, tako da ljudi ne ostanu bez plata, a ovu odluku o kapitalnim ulaganjima idemo, evo možemo za deset dana pripremiti izmjene i dopune tog zakona, i reći, pronaći načina kako da mi kao osnivači krenemo u ta kapitalna ulaganja. Ali zaista mislim da je neprimjereno mjesto na Skupštinama i parlamentima govoriti, ja znam da je ovo protiv zakona, ali... mislim za mene je to zaista ne primjereno. Jer ja znam vi često govorite o važnosti države BIH i o važnosti svega toga. I vjerujte danas je puno važnije i veće se poštovanje iskazuje prema državi BIH ako slijedite njene zakone nego ako ih kršite. Valjda je takav moj stav.

**Dopredsjedavajući Kemal Ademović replika:**

Hvala zastupniku Kojoviću. Ja se u potpunosti slažem s vama ukoliko neće nastupiti štetne posljedice i ukoliko u nekom kratkom roku možemo da donesemo zakon o preusmjerenju tih sredstava u potpunosti se slažem. Ali samo ću se pozvati na prisjećanje na jednu od tačaka ovdje koju sam ja pokušavao tri sjednice da skinem, a radilo se o Hidrogradnji, dakle prenosili smo imovinu onog što je KS na FBiH, a danas mi pričate danas o FBiH se razdvajamo, prenosili smo i prenijeli smo imovinu vlasništvo KS na FBiH koju će FBiH prodati sutra i Kanton neće dobiti ni jedne marke. Samo mi se nemojte pozivati na to, jer se to desilo ovdje i ja sam tri Skupštine kao pozicija bio protiv pozicije, dakle tri Skupštine za redom sam uspijevao tu tačku da skinem sa dnevnog reda da se to ne bi baš desilo da KS bude obeštećen za jednu marku i na kraju se to desilo. Dakle ovdje se to ne dešava, taj novac neće nikud otići iz Sarajeva, otići će u našu kliniku u kojoj ćemo se liječiti mi i naša djeca a u potpunosti se slažem ukoliko se to može riješiti na zakonit način za 30 dana, ja sam za takav pristup.

**Poslanik Elmedin Konaković:**

Pa nekako po tome vjerovatno neću, ja sam rekao sve što mislim, ali po ovom insinuiranju kako sam bio od onih koji kažu žuri nam a ne bi smo zakon, to ne mogu zaista nikome, pa ni uvaženom kolegi Kojoviću, kojeg jako cijenim, pa ga kao pravnika pitam, da li on poznaje propis u kojem ovo što ja govorim jeste kontra zakona i koji je to propis. Kao pravnik on bi vjerovatno trebao znati pošto me zato optužio ili samo u ovom trenutku više vjeruje dr Nabilu nego meni?

**Predsjedavajuća:**

Dopredsjedavajući interveniše s jednom sugestijom koja nije apsolutno, možda bi u ovom momentu obraćanje ministra zdravstva moglo otkloniti neke naše.

**Poslanik Naser Nabil replika:**

Hvala vam lijepa. Ov je vrlo ozbiljna rasprava i ja se slažem s tim i naravno da možemo naći legalan zakonski okvir i da nastavimo sa finansiranjem KC. Gdine Kojoviću hvala vam lijepa što ste nas sviju ponovno podsjetili da je ovo mjesto gdje trebamo donositi zakon i rješavati ono što nije zakon. Moram ponovno istaći, politika i praksa koji je Zavod zdravstvenog osiguranja prakticirao od 2002 do danas je pogrešna i protuzakonita. Hoće li ova Skupština i ova Vlada jednom za sva vremena riješiti pitanje kršenja zakona, to mi treba da odlučimo i to ministar treba da odluči, i još jedna stvar mi nismo rekli da smo protiv kliničkog centra, on godišnje dobiva od Kantona 110 miliona, plus 30 i nešto miliona od FBiH, i zarađenih direktno cca 150 miliona. Neće KC stati, naravno da zgrada stare hirurgije ili stare zgrade interne da to više nije za medicinu od 21 vijeka, ali ono što sam vam nudio da kroz odluku da se ta sredstva uplaćuju zdravstvenim ustanovama i da im se prizna amortizacija, vi ste riješili problem. Šta mi imamo od toga ako za mjesec ili dva održimo tematsku sjednicu i večeras odobrimo kapitalna ulaganja koja su za 2012 i 2013, 35 + 25 koliko je to miliona? 60 miliona.

Oprostite, onda mi nećemo moći ništa napraviti. Ako ćemo večeras odobriti 60 miliona kroz, ali mi možemo kroz prijedlog o toj odluci da umjesto tih 60 miliona da napravimo nešto što će biti legalno i što će funkcionirati. Molim vas evo kolega Lokmić je tu, i kolega Gavrankapetanović je tu, što će biti dugoročno a ne samo tri četiri godine kapitalnog ulaganja, jer kroz amortizacije svake godine će KC dobiti i ostale ustanove će dobiti redovna sredstva za znavljanja i opremanja i proširenje kapaciteta. To je pravna stvar i mjesto gdje mi možemo razgovarati. To je dakle jedino rješenje koje možemo uraditi. Hvala kolegi Ademoviću što je rekao da je zaista spreman da to razmotrimo ukoliko mi možemo za mjesec dana, mi možemo i za 15 dana dovesti u zakonske okvire.

**Poslanik Mujo Hošić replika:**

Ja sam se javljao za repliku kolegi Ademoviću. Nevjerovatno poslije diskusija ispada da smo nas dvojica ljekara protiv KC. Slušajući sve ove diskusije, ovdje nas dvojica ljekara sjedimo i ispada da smo protiv KC. U zabludi je svako ko misli da smo mi protiv KC. Da ne dužim, mogu da kažem svašto, ja predlažem da izađemo iz ove krize, ministar Lokmić može prve dvije tačke da povuče, treću da prihvatimo pošto je urgentna zbog plaća, za sljedeću Skupštinu može provjeriti tačno kako se može izaći iz ovoga, ako ne može sam, sugerisat ćemo mu kako se može izaći iz ovoga, neke se stvari mogu provjeriti za tih 15 ili mjesec dana, ništa propasti neće. Znači evo, da završimo sa ovom tačkom, ukoliko ministar prihvata, to je njegova, dvije tačke povuče sa dnevnog reda, a o Odluci o privremenom finansiranju se izjasnimo.

**Predsjedavajuća:**

Kolege dajte li mi saglasnost da zamolim ministra Lokmića da sada interveniše da bi i kolege koje čekaju još za svoju diskusiju se opredijelile u svojim pitanjima ili diskusijama u nekom boljem svjetlu.

**Ministar Eldan Lokmić:**

Meni je drago da i dr i Nabil i dr Hošić znaju za ovu problematiku i ovo što smo mi danas, odnosno večeras o čemu smo razgovarali u ovoj skupštini se razgovara dugo. A u Sarajevu od 92 godine. Ova Skupština je tri puta pokretala inicijativu ovu koju je sada rekao dr Hošić o preuzimanju suosnivači prava KCUS i bili su i tada u dilemi da li ostaviti KC da propada ili naći rješenje da se investirao i da se popravi i dovede u red, dovede na nivo onakve institucije koja treba našim građanima, posebno KS. Ovo sve govorim zato što ta tri pokušaj promjene nisu naišla na razumijevanje niti Federalne Vlade niti bilo kojeg od ostalih kantona, to je po zakonu iz 97 godine bilo jedino rješenje. Da nije baš ovdje sve nelegalno u ovom finansiranju, da nije ovdje baš sve kršenja ovoga ili onoga, nisam baš sto posto siguran da li je i bilo koji izvještaj od strane revizora do utančine tretirao i vlasništvo KC odnosno njegov pravni status i pravni status ostalih institucija koje su učestvovala u njegovom finansiranju. Ovo sve govorim zato što trenutni pravni status nije forma odnosno , znači mi ne tražimo preuzimanje suosnivačkih prava da bi neko u UO imao neku vlast, vodio neke podjele, radio neke stvari, zdravstvo nije preduzeće, zdravstvo je ustanova, ustavna je kategorija zdravlje ljudi. Znači mi ne možemo na zdravstvo primijeniti nešto što primjenjujemo na ostale institucije. Našlo se jedino rješenje, znači ova Skupština je našla, mi ovdje razgovaramo o odlukama i promjeni finansijskih planova koje je ova Skupština donijela , ne zavod, znači nije zavod donio finansijski plan, nego ova Skupština je tačno dan prije današnjeg, 26.12. prošle godine mislim da je tako bilo, donijela je ovaj finansijski plan o kojem sada razgovaramo. Kada bi se forma napravila, znači forma koju mi tražimo da postoji osnivačka prava trenutno to nemamo, ne zbog toga što se ne može upravljati, dr Nabil nemoguće je platiti amortizaciju nekome kome niste vlasnik niti suvlasnik. Trenutno vlasništvo nad KC ima predsjedništvo BIH i

predsjedništvo Skupštine Grada Sarajeva. To je iz jučerašnjeg izvoda iz sudskog registra odgovorna osoba je prof Damir Aganović, vršilac dužnosti. KC se ne zove KCUS nego se zove Klinički centar Univerziteta u Sarajevu u državnoj svojini sa potpunom odgovornošću. Ja znam kada je to donešeno, to je bilo 92, odnosno 93 godina. Znači mi 20 godina imamo pravni vakum, ne godinu, ne dvije, ne tri, nego 20 godina. Znači ova Skupština je mogla, bilo je ovih dilema i prije sedam i prije deset godina u istoj skupštini ovdje, mogla je da kaže, ne mi ne možemo finansirati mi ćemo preko amortizacije. Ne može se dati amortizacija nekome ko nije vaš. Evo da vam pojasnim, KC se finansira tako što KS, ZZO KS otprilike kalkulira tih 105, odnosno 100 miliona na nivou godišnjeg udjela koji ide u nekim redovnim tranšama u omjeru na 90% urgentnih pacijenata KS njih je prošle godine bilo oko 23.000 i kada podijelite investiciju koju je Kanton dao KC jedan pacijent građanin KS je koštao naš zavod 8.400 i nešto maraka. Ne košta on toliko ali je to način da se kroz tog pacijenta da i dio dodatnih materijalnih troškova i participiraju obaveze i pokriju razlike u cijenama sa ostalim kantonima. Ostali Kantoni plaćaju 900 KM po usluzi urađenom 1:1 ne paušalom. Odgovornost može da bude na nekoj drugoj strani. Gdin Ademović je rekao da mi imamo obvezu i da smo odgovorni ljudi, evo ja sam pokrenuo odmah kada sam došao na ovo mjesto pokrenuo sam inicijativu o preuzimanju suosnivačkih prava KC. Vlada je na jučerašnjoj sjednici usvojila informaciju o KC i donijela zaključak da u roku od 60 dana se krene zajedno sa Federalnim Ministarstvom zdravstva i svim ostalim kantonima u rješavanje statusa KC. Jer i formalno pravno bez obzira što ova Skupština preuzela suosnivačka prava KC nisu se usaglasili sa novim zakonom o zdravstvu iz 2010 godine i taj rok je istekao 2.08. o.g. znači od 2.08. o.g. i suštini i pravno, ja nisam pravnik, ali u svim stvarima imate jedan ogroman vakum i ne treba niko da manipulira da Kanton hoće da preuzme KC, ne Kanton hoće da da svojoj ustanovi u svojoj kući, ustanovi koja nije samo KC, nego je ona naša Kantonalna bolnica, po zakonu o zdravstvenoj zaštiti KC može biti i Kantonalna bolnica u onoj sredini u kojoj egzistira. I ona je naša Kantonalna bolnica. Znači način koji smo mi sada pokrenuli sa zaključkom Vlade znači sa današnjim učestvovanjem mojim na sjednici UO KCUS ja vam odmah mogu reći na kraju je bila izuzetno dobra atmosfera i drago mi je da ti ljudi koji gore rade imaju neku nadu da ne rade u vakum. Nije jednostavno ni direktoru koji treba da 200 miliona u toku godine potroši a nema apsolutno nikakvog pravnog osnova. Ovdje se razgovara, ove dvije tačke, Odluka o rebalansu, usklađivanju prihoda i rashoda, i Odluka o promjeni kapitalnih ulaganja koja proizilazi iz tog rebalansa, je promjena skupštinske odluke znači ovo je Prijedlog promjene skupštinske odluke donesene otprilike prije godine prošle godine. Ja se potpuno slažem da revizori već godinama upozoravaju što je rekao dr Nabil, oni upozoravaju na trošenje sredstava ali niko od revizora nikada nije dao alternativu kako to da napravimo. Ova Skupština se dovodila u dilemu da li uopšte krenuti u ozdravljenje KC ili ne krenuti. Mi smo došli u takvu situaciju da je trenutno zavod taj preko kog se ide ali da je bilo koja institucija bila opet bi bilo da je ona tako i tako uradila. Slažem se da su najogodovornije osobe koje su u zdravstvenim ustanovama, slažem se da su druge institucije u SK možda dijelom zanemarena ali pokušava se i ja ću pokušavati da taj disbalans uradio, ja sam 92 godine bio direktor opšte primarne zaštite ovdje u KS i tada zdravstvena zaštita je bila u jednom maćehinskom odnosu na nivo sekundarne ili bolničke tercijalne zdravstvene zaštite. Ali to je sasvim logično, pazite, vi kada govorite o bilo kakvim specijalnosti. Evo kada pitate običan svijet, hirurk je na prvom mjestu, na žalost to je tako, ali nije u suštini tako. Ove sve gužve koje nastaju, nastaju od strane gužvi u porodičnoj medicini, nastaju kod problema u ambulantom našim gdje su ogromne trijaže, ogromni redovi ljudi koji pokušavaju da dođu do neke usluge u KC, a isto tako s obzirom na naš mentalitet, naš merhametluk i na naše odnose između nas samih, recite mi molim vas u KC ko od nas ode u porodičnu medicinu ili ode direktno u KC? Vjerujte mi svi idu redom u KC i onda se stvara i gore takva gužva. Ali da ne bi smo, mi smo dakle pokrenuli inicijativu oko preuzimanja osnivačkih prava. Dat je 60 dana

rok za pokretanje, druga tačka tog zaključka jeste da ukoliko svi ostali se ogluše da u programu rada ministarstva za narednu godinu je napravljena jedna korekcija, a korekcija je do kraja aprila mjeseca usvojiti zakon o zdravstvenoj zaštiti KS koji bi mogao apsolutno da reguliše ovu oblast i tada bi smo došli u situaciju da faktičko stanje koje sada imamo i de facto, imamo ga i de jure. Znači imamo ga u jednoj klasičnoj varijanti. Mi sada u ovakvoj situaciji kada niko drugi ništa, kada bi svi digli ruke od KC bilo bi isto kao danas. Znači KC ne da se finansira 60, 80 ili 100%, KC KS finansira ovaj Kanton i ZZO i osiguranici u Kantonu 120%. Znači to je naše trenutno naše stanje. To stanje uvažavajući sve potrebe, sve usluge, sve prohtjeve i sve obaveze koje mi imamo, naravno treba ga usaglasiti ne bježeći ni od jednog dijela koji nas očekuje, da li od federalnog, da li od državnog da li od bilo kog drugog. Ali uvijek će ova Skupština i Kanton biti najodgovorniji i bit će sigurno najviše zainteresiranih da uslugu koju pruža KC našim prvenstveno građanima i građanima u okruženju, a ovo nisam rekao bez razloga, KS čini mi se sada da po nekim zadnjim ima 500 i nešto hiljada stanovnika. Vi imate u KS blizu 800.000 osiguranika trenutno. Vi imate kompletno Kreševo, Fojnicu, Kiseljak, Visoko, Olovo, Pale, Praču, Jablanicu, koji su ovdje u KS. Zašto? Zato što su naša prava ogromna. Zato što su prava ljudi koji žive u KS izuzetno velika. Zato što su naše esencijalne liste najbogatije u BIH, zato što je naša zdravstvena zaštita izuzetno dobra, i tu zdravstvenu zaštitu mi imamo sada dilemu, da li je održati i da li je ne održati. Da li je dalje finansirati ovako, ja ću vam odmah reći, ovo što sada, ove dvije odluke, ovo su odluke koje su već urađene, to je poštovani kolega Nabil rekao, znači ovo su odluke koje su mene sačekale i ja sam taj koji sam odgovoran i mislim da od mene niti počinje niti sa mnom završava jedan proces, jedan život kada je u pitanju zdravlje i ja sam se i ova Vlada kao odgovorna Vlada pokušali smo da iznađemo rješenje. Evo ja vam s ove govornice obećavam da ću svo vrijeme i sve svoje napore usmjeriti u pravcu da se riješi prvo status KCUS, a trenutno je u toku usaglašavanje i preuzimanje suosnivačkih prava po novom zakonu svih ostalih 11 plus 1 zdravstvena ustanova u KS, koje je ova Skupština isto donijela u martu mjesecu a ne znam zbog čega nije do sada usaglašen. I mi idemo sada u usaglašavanje i tih ustanova. I mi ćemo biti jedini dio BIH koji će imati legalno postavljene zdravstvene institucije, koje moraju da daju jednu adekvatnu uslugu našim građanima. I zato su ove dvije tačke, znači rebalans i kapitalna ulaganja izuzetno bitne tačke, one su bitne tačke za sve nas, ne zato što to treba ili ne treba zaustaviti, nego zato što je ovo proces koji nas čeka sada u narednoj godini treća faza. U trećoj fazi možemo staviti apsolutno sve uvjete ovakve kao što je poštovani kolega Nabil rekao i naravno tada treba tražiti legalitet i ako smo ga mogli tražiti prije, tražili su ga neki poslanici ovdje, na žalost u svim tim stvarima se išlo, vrijeme koje nam je curilo, i na drugoj stranici potrebe i zahtjevi naših građana koji su bili sve veći i veći. Mi hvala bogu sada imamo ja mislim preko 85% završene sve investicije u KC, u opštoj bolnici imamo modernizaciju objekata, u domovima zdravlja imamo uvođenje mreže i hardverskog i softverskog sistema kada je u pitanju funkcionisanje E recepta i elektronske knjižice i to su sve projekti koji idu iz ovih kapitalnih ulaganja. Znači to su sve projekti koji su naši. To su projekti mi možemo se ljutiti jel ga neko drugi troši a nismo mi, nisu u skladu sa ovim dijelom, ali to je bio tada jedini modalitet da se KC modernizira. Niko ni ti FBIH niti jedan Kanton, apsolutno niko nikada nije dao ni jedne marke. 95 godine je prvi Saudijski kredit od 25 miliona dolara Federalno Ministarstvo uzelo dalo garancije za taj kredit, taj kredit potrošen u klinički centar, otprilike je negdje 6 godina je stajao onako u nekom vakuumu, svi ministri finansija, vi savršeno dobro znate ko su bili ministri finansija u federalnoj Vladi su to gurali na stranu, a u isto vrijeme su zdušno svake godine, od 40 do 50 miliona KM finansirali KC bolnice u Mostaru, odnosno Kliničku bolnicu u Mostaru i na kraju je tih 25 miliona dolara je bila prva faza Saudijskog kredita koja je hvala bogu povoljna, koja je došla na ovu Skupštinu i ova Skupština preuzela od FBIH koja je zadužila tu obavezu kod sebe. Tako ide druga faza, tako ide treća faza. Sve to što se radi Saudijska Arabija radi najsretnije su kada

rade s Kantonom, jer s Kantonu ima apsolutno najčišće varijante. I mi smo isto tako, evo tu nema ministra finansija, godina Kozadre, balans zaduženja i način koji ima ovdje po kreditu, kad aje u pitanju ovih 15 miliona je izuzetno povoljan, to je mislim 10 godina grejs perioda, 25 godina otplate sa 1, nešto % kamate, to su u finansijskim okvirima poklonjenja sredstva. To su vam otprilike kao grant sredstva i ta sredstva ne smijemo propustiti. Kako će se ona trošiti, neko je donosio odluke oko ovog trošenja, Skupština je usvojila te planove oko ovoga trošenja i Skupština sada je taj rebalans pred vama ovdje da te tzv pozicije na tom finansijskom planu, odnosno kapitalnim investicijama vi preimenujete odnosno povećate ili umanjite. I zato je po meni vrlo bitno da ljudi koji žive u KS da KC nije neka eksteritorijalna ustanova, nego da je KC Kantonalna bolnica naših građana a tek onda eksteritorijalizovana. I ja se duboko nadam da će KC s obzirom na nekoliko odjela koje ima i ako bog da i buduću transplantaciju i kardiokirurgiji i dijagnostiku i novo porodilište i novo ginekologiju i ambijent koji je sasvim drugačiji i naravno uz jednu reorganizaciju. Pa čak možda i neko upravljanje koje će biti puno agresivnije nego što je ovo sada doći kako to naš narod kaže doći na zelenu granu i doći u takvu poziciju da može da odgovori ne samo potrebama naših građana u KS, nego puno i šire kako je u principu i zamišljeno. On i sada ima negdje oko 2,5% naplaćenih usluga van BIH. To nije puno ali u BIH je to izuzetno puno. Evo zato vas još jednom pozivam bez obzira što ste me pozvali da se skine ovaj dio, mislim da formalno pravno je odluka koja stoji dvije, to je klasični rebalans budžeta koji mora u toku ove godine usvojen ili neusvojen, pazite, koje su posljedice, ja stvarno ne znam. Tu nema ministra Kozadre ali mislim da je odgovornost ne prema ovim odlukama ne prema Zavodu, ne prema Ministarstvu, nego prema ljudima u KS da ovaj posao i ovaj dio koji je dr Nabil dobro rekao i završen, dovedeni smo pred svršen čin, ali nije otišao u havu nego je napravljen urađen i tačno po definicijama stavkama Saudijskog kredita po četiri stavke on se tako može i prazniti. Znači, suština ovih odluka jeste sa ovog mog stanovišta formalna i svako prologiranje ne znam koju bi posljedicu izazvalo ali znam da svako sljedeće i svaki sljedeći ulazak koji je predviđen ovim finansijskim planom on je oko 173 miliona za cijelo zdravstvo KS, svako sljedeće zaduženje ja ću prvi insistirati da dobije legalitet i legitimitet kako bi jednostavno mi ovdje razgovarali o puno vedrijim temama i kako bi smo mi ovdje mogli vidjeti rezultate našeg zajedničkog rada na ovom pitanju. Zato vas stvarno molim da ovo što sam iznio ništa nemam ličnu varijantu, ja sam tu tek mjesec dana, znači imam odgovornost i imam jedan kontinuitet institucije koju zastupam da se ove dvije, odnosno 3 odluke zajedno sa privremenim finansiranjem evo i dr Hošiću ja vas stvarno mogu zamoliti da ovo prihvatite a ja se potpuno , potpuno slažem s vama kada je u pitanju legalitet. Dr. Nabil zna da su moje diskusije s njim prije ovoga mog mjesta bile upravo na ovom fonu, ja sam bio jedan od većih kritičara upravo takvog netransparentnog trošenja od strane. Ali kada uđete u meritum, ali kada uđe nije bilo drugog načina. Ne možete dati amortizaciju nekome ko nije vaš ni formalno ni suštinski, možete mu platiti pojedinačnu uslugu i to je napuhati osam puta i to je naša stvarnost. I zato što ej naša stvarnost ja vas stvarno molim da dobro razmislimo svi zajedno o ovome bez obzira i koja je politička opcija i koji je odnos. Stvarno vas molim da budemo prema ovome odgovorni ne zbog nas nego zbog ljudi koji očekuju od nas da budemo stvarno maksimalno bar prema ovom dijelu, zdravstvo. I ja vam se stvarno zahvaljujem i ako imate još nekih pitanja, ja vam stojim na raspolaganju.

### **Poslanik Besim Mehmedić poslovnička intervencija:**

Gospođo predsjedavajuća normalno svi smo umorni i ja predlažem i slažem se sa svakom diskusijom večeras, ali ova sjednica se večeras treba završiti, neću reći kako u Bosni svi govore, mora, ne iz simboličnih razloga, nego zato što je Nova godina, pa ako išta drugo možemo uraditi, onda možemo završiti jednu sjednicu. Prema tome nema prekida sjednica,

pauza, koliko god. Ne upozoravam nikoga na pauze nego insistiram na tome ako treba zaključak, da večeras trebamo sjednicu završiti.

Predsjedavajuća: ja vas zato molim vi ste čekajući da dobijete priliku za poslaničku intervenciju previdjeli šta sam ja zamolila. Pitanja ne mogu biti diskusije. Pitanje se može postaviti u 60 sekundi jer je pitanje jedna rečenica.

**Poslanik Zaim Backović:**

Poštovani gđine ministre, naravno tri odluke, i ja se slažem i ja ću s aspekta prve odluke bezdilemno glasati ali zanima me je li stvarno kasno recimo na sjednici u januaru da razgovoramo to je treća odluka 2011-2013? Pa da onda mi to možemo fino pročešljati i vidjeti o čemu se radi? Naime ja sam ovdje pred ovom skupštinom tražio ko vrši kontrolu i ko će nam dati odgovore na do sada realizovane stvari, pa mi je Fikret Musić ustao i rekao pa naravno da ćemo vršiti kontrolu. Pa naravno da je niko ne vrši, nek mi kaže šta je roku urađeno do sada, samo to, ne finansija, nego u datim rokovima, potpisanim ugovorima sta je urađeno. Jedan posao po datim cijenama, pa da to vidimo. Zato kažem zašto treća ova, ne vidim razloga da ne možemo raspravljati i da možemo malo više razgovarati, znači to piše vrlo precizno. Prijedlog odluke o davanju saglasnosti za izmjene i dopune plana kapitalnih ulaganja zavoda 2011 -2013. Pa možemo pomjeriti za narednu sjednicu, ništa drugo, ne mijenjamo ništa samo da možemo pričati, nećemo više diskutovati, dajte nam tu priliku, jer ima tu ja neću da govorim, ovo se dostavlja iz KC ja ne znam ko dostavlja, to stiže na mailove, kao odgovoran poslanik ja sada trebam da ovo analiziram, čitam, ne želim, nego dajte vi sada da ono što je neophodno, pa ćemo možda malo poslije razgovarati i o Zavodu i vlasništvu i uloženim sredstvima, o legalnosti uloženih sredstava itd.

**Poslanik Naser Nabil:**

Uvaženi ministre, ako mi ne možemo vršiti uplate na račun amortizacije za KC kako mi uplaćujemo 110 miliona, na račun plaća i materijalnih troškova? To je jedno pitanje. A kako onda mi možemo daleko veća sredstva milionima više dati za kapitalna ulaganja i nema osnivačkog akta? Koja je onda to logika. Nikako nema ni logike. Ne možemo dati manje para redovno svake godine a možemo dati 80 miliona, a opet nema osnivačkog akta. To je jedna stvar, i druga stvar da li vi se slažete s tim, ja moram ustati jer hoću da me slušate zaista i stalo mi je do vašeg mišljenja da li vi se slažete s tim da mi sada budemo stavljeni pred svršen čin, da legaliziram ko je njih natjerao da oni odrade, opreme sve završe i na kraju se sjete da ima Skupština da aminuju da bi na kraju mogli potpisati to kreditno zaduženje. Oprostite, oni su prvo trebali doći ovdje pa tražiti izmjene i dopune pa onda poslije toga krenuti u realizaciju svega ovoga drugog. I ono što je uvaženi kolega Backović rekao, ja nemam uopšte nikakvog uvida šta je kupljeno i šta je ugrađeno i koliko je koštalo ni kako je koštalo, ja nemam uvida, ja sam vam rekao, zašto su izabrane tolike banke i koji je razlog da nije jedna banka nego su tri? Oprostite, jel ovo mi raspravljamo o nečem što je legalno i sa pravnog aspekta ili ćemo mi pokrivati nečiji javašluk, moram tako biti otvoren i iskren. Ja ne želim da učestvujem niti SBB neće učestvovati u takvim nečistim radnjama. Hvala vam lijepo.

**Poslanik Adnan Solaković – poslanička intervencija:**

Apro-po izlaganja koje je izuzetno kvalitetno ministra zdravstva, čitavo vrijeme ovdje izgleda poslanici su pročitali ovu tačku pa ko je pametniji međutim gospodo, mi koliko god dali novac zdravstvu, ljudi su nezadovoljni, otidite pitajte ljude na ulici, oni su nezadovoljni, znači ima neki razlog, novac odlazi, znači ne realizuje se ono što smo mi uplatili. Ja predlažem da se ovdje da mi napravimo, što kaže Lokmić da ne gledamo političke strane da se napravi jedna komisija, evo gđin Pećanac je tu kao policajac, ja mislim neće jedno godinu dana izaći

kada bude hapsio, to će mu biti najbolji posao vjerujte mi, pa da fino napravimo komisiju da vidimo kontrolu novca, gdje odlazi novac. Mi stvarno ne znamo gdje odlazi novac. Možemo ovdje palamuditi do jutro, zakon ovaj, zakon onaj, jednostavno novca nema. Toliko hvala, komisija je neophodna.

**Poslanik Amir Zukić:**

Da budemo načisto ništa mi danas ne usvajamo što nismo ranije usvajali, od tri predložene tačke dvije su prijedlog izmjena i dopuna postojećih odluka koje je ova Skupština usvajala. Funkcija zdravstva je prevashodno za obezbjeđivanje kvalitetnog liječenja njenih građana, da bi to postigli moramo imati kvalitetne zdravstvene ustanove, dobro opremljene, moramo imati educirane ljekare koji moraju biti zadovoljni. Mislim da sva ova ulaganja koja su predviđena idu u tom fonu da građani dobiju kvalitetne zdravstvene usluge, da ne moraju ići diljem svijeta da operišu oči u Beogradu, srce u Sloveniji, jetru po Zapadnoj Europi, nego da to stvorimo ovdje. Evidentno je da imamo, ja sam slušao nečije replike 50 puta isto ponavljano a ti isti su više puta glasali za iste ove odluke i za isti način finansiranja i svi se divili ulaganju u KC i trčali gore da se slikaju kada je vrpca otvarala pojedine klinike a tek su ušli u skupštinske klupe. I kada su kamere gore svi trčimo, a onda po nekim odlukama držimo pridike a iste takve usvajali dva puta u ovoj godini. Pa malo strpljenja, pa ako smo mi imali strpljenja da saslušamo 50 replika može i ovo. Evidentno je da imamo svi isti cilj, da imamo kvalitetno zdravstvo, da li ima tamo promašaja propusta, evo i kolega Ademović još je neko govorio pa napraviti ćemo tematsku sjednicu o politici zdravstva i opredjeljenja ovog Kantona. Imamo dio zdravstvenih ustanova koje Kanton 100%, ustvari sve zdravstvene ustanove u KS Kanton finansira u 100% iznosu, KC imamo u upravljačkoj strukturi sve one koji bi ga trebali finansirati, oni sjede u UO, kada se dođe do finansiranja onda nemamo. Jedni to ne žele jer prave ne drugom mjestu unutar BiH i neće nikada htjeti uložiti dinara a drugi nemaju. I to je ta situacija. Treba to kroz ovu inicijativu koju je pokrenula Vlada regulisati sa tim suosnivačima i precizno i jasno reći ako ne učestvujete sa novcem može se liječiti onako kako se liječi i u Tuzli onda ćemo mi upravljačku strukturu imati 100% i donijeti odluku i onda u sudskom registru napisati onaj ko ga finansira da je vlasnik. Sigurno je da ćemo to imati u narednom periodu, za dva tri mjeseca. Ali sada imamo dva prijedloga izmjena i dopuna odluka i jednu odluku o privremenom finansiranju, koja se normalno usvaja dok se budžet ne usvoji. Sada trošimo pet sati. Mi usvajamo izmjene i dopune postojeće odluke. Ulagali prošle godine milione u KC, svi mi ovdje sjedili, isto diskutovali, ne znam šta glumimo i sada najednom nešta ovdje zakeramo a ta sredstva su nama potrebna. Gore ćemo svi mi tražiti usluge, prvi sam ja deset puta išao i dijelom vrlo zadovoljan sa kvalitetom usluge, dijelom nisam, nema opreme, nema lijekova, nema ovoga, morate otići kupiti lijek, tabletu u bolnici da bi pacijent bio saniran, sve to kroz svoju porodicu proživio, hajmo to popravljati. Hajmo tematsku sjednicu i prekontrolisati gdje je do sada utrošeno da li je na najbolji mogući način da li je najjeftinija a najkvalitetnija oprema nabavljena. Hvala.

**Predsjedavajuća:**

Prije nego uzmete riječ, rekli ste mi maloprije pa bih vas zamolila da kažete navodno je pao sistem u jednom momentu bio pa se taj redoslijed pretumbao. Meni je gđin Zukić bio prije vas, i to vi ste još dva diskutanta pa tek onda vi. Ali tada mi je rekao gđin Ademović da je pao sistem, ja ne mogu čitati drugačije nego što ovdje piše. Gđine Ademoviću, izvinite.

**Dopredsjedavajući Kemal Ademović – replika:**

Istina je kada je bila odsutna predsjedavajuća sistem je pao na oba monitora tri minute, i nije bilo ništa, samo je bio signal, kada je došao ponovo redoslijed se promijenio, mi ga nismo mogli promijeniti nikako jer je bilo osam imena. Dakle ako to šta izvinjenje znači, to je to.



Ali ja sam imao repliku zastupniku Solakoviću da to ne prođe baš ko neprimijećeno, koji je otprilike rekao novac nestaje. Znači to je vrlo ozbiljna stvar. Novac nestaje, znači neko novac krade. Taj novac aludirali ste na novac iz kapitalnih ulaganja da nestaje, jel. Ja tražim da Ministarstvo za neku od narednih sjednica dostavi informaciju o dosadašnjim kapitalnim ulaganjima sve koliko je bilo, sto i nešto miliona neka se napiše u šta je to uloženo. U izgradnju, dogradnju, nabavku onog, po godinama, po svemu da vidimo vrlo je ozbiljna stvar kada jedan zastupnik, u protivnom treba odgovarati tako, to je ogroman novac. Kaže novac nestaje. Dakle stvara se utisak da je 10 miliona potrošeno i da je nestalo i ništa nije napravljeno, dakle ja tražim da to uslikate gore i sve specifikaciju napravite šta je nabavljeno za to. Hvala.

**Poslanik Adnan Solaković replika:**

U pravu ste, vi ste malo bili precizniji gđine Ademoviću, slažem se. Sada zahtijevam da Agencija za zaštitu zakonitosti uđe u KC i da se ispituju svi navodi o radu u KC. Da to uđe u zapisnik ovdje, u stenogram i da se podnese izvještaj. U pravu ste, a ne samo u kapitalna nego za sve ja sam mislio kontrolu novca, za sve vrste novca. Činjenica je, ja sam vam rekao opet, otiđite ljudi na ulicu, pitajte ljude, pitajte nanu, djecu, ženu bilo koga, većina nisu zadovoljni sa zdravstvom. Ja to tvrdim, znači nešto nije u redu. A mi dajemo novac, onda nešto nije u redu. Samo sam to htio. Hvala lijepo.

**Poslanik Enes Zeković:**

Hvala puno. Ja ću samo ponoviti šta sam govorio kako sam čuo maloprije na isti dan samo prošle godine. Većina diskusija večeras je bila ista kao i prošle godine. Problem svih problema je rješenje statusa KC. Ja ću podržati ovo sve iz razloga zato što sam ubijeden da resorni ministar je poduzeo sve već korake da se to pitanje riješi. Ovako stanje u KC je neodrživo u smislu, ministar nije htio možda da kaže da su tamo naša dva člana oba doma u upravljačkoj strukturi bila danas izbačena, pa vraćena itd. Članovi bili izbačeni, a daju 120% novca za održivost ovog centra. KC nama treba više nego ikada. Ovo što imamo gore sada je katastrofa, one stare zgrade, nema prozora, nema vrata, nema ništa. Ali ne ovakav kakav sada imamo. Podhitno treba riješiti status upravljačke strukture KC. Ali bih zamolio i ministra ne bih se složio u jednom. Mora se posvetiti pažnja primarnoj zaštiti. Ne bih se složio iz razloga, nemaju svi građani ovog Kantona mogućnost da dođu direktno u KC. Vjerujte mi da 90% građana prvo mora proći tu primarnu zdravstvenu zaštitu. Mora otići u ambulantu, mora otići u dom zdravlja a ono što je najgore imamo dosta građana koji nam umiru zato što nemamo hitnu zdravstvenu zaštitu, na kompletnom KS. Zamolio bih vas u 2013 godini da se posveti pažnja naši doktori u domovima zdravlja pišu na običnom papiru recept. Da ne govorim u kakvim uslovima rade. Zamolio bih vas ovaj odnos 23 miliona i 500 hiljada, ogromna je razlika. Ogromna razlika. Zamolio bih vas u 2013 godini da malo posvetite više pažnje primarnoj zdravstvenoj zaštiti i Zavodu za hitnu medicinsku pomoć kako bi smanjili, ja sam prošli put govorili, imamo /... ?/ na prostoru Ilijaša, Srednjeg, pa Hadžića, svih opština oko grada, / ... ?/ posto nama ljudi umire dok dođe u mogućnost da mu dođe hitna medicinska pomoć. To moramo promijeniti. Hvala puno.

**Poslanik Segmendina Srna – replika:**

Zahvaljujem za riječ još jednom. Izvinjavam se što ću ostati da sjedim. Meni se čini, nisam se mislila uključivati kada je u pitanju ova tačka jer imamo tu kompetentnije kolege, ali moram čini mi se naglasiti da kada je u pitanju, odnosno podcrtati još jednom osnivanje univerzitetsko kliničke bolnice, odnosno kliničkim centara da je zakon decidan, u smislu da se ulozi osnivača može pojaviti jedan ili više Kantona i FBiH zajedno. Navedeno znači da nema

mogućnosti da jedan Kanton ili više Kantona budu osnivači kliničkih centara bez FBIH. I dao mi je šlagvort kolega Zeković dakle nasuprot akcentuirajući važnost primarne zdravstvene zaštite dakle nasuprot osnivanja kliničkih centara, važno je ukazati da se Kantonalnim propisima može bliže odrediti osnivanje samo zdravstvenih ustanova na primarnom nivou zdravstvene zaštite i mene raduje zaista ovaj zaključak Vlade KS koja se želi pozabaviti stanjem u KC Sarajevskom ali želim isto tako reći pošto sam ja i delegatkinja u Domu naroda da je Vlada FBiH već razmatrala i usvojila novi Statut KC te isti uputila na saglasnost Parlamentu FBIH kao jednom od osnivača ove zdravstvene ustanove. Procedura usvajanja statuta je istovremeno i na nivou Kantona koji su osnivači ovoga centra. Dakle usvajanjem novog statuta i u parlamentarnoj proceduri navedena osnivačka prava će biti formalizirana. Još samo nešto, ako mi dozvolite, ovo je nekoliko replika u jednoj. Kolegi Amiru Zukiću evo ja kao što sam i prošle godine podržala kapitalna ulaganja ja ću učiniti i ove godine, dakle neću promijeniti svoj stav iako eto nisam bila prošle godine na otvaranju Centralnog medicinskog bloka. Možda kolega Zukić jeste, a ja nisam, meni slikanje nije važno. Toliko. Hvala.

**Poslanik Nedžad Fazlija:**

Konačno da i ja dođem na red. Zahvaljujem dopredsjedavajući. Izgleda da je sve značajne odluke vrlo teško donijeti. Ja ću podsjetiti da je Skupština ova usvojila Finansijski plan kapitalnih ulaganja sa opredjeljenjem da se napokon završi ovaj Centralni medicinski blok a ova promjena je u potrebi nedostajućih sredstava za završetak kompletnog Centralnog medicinskog bloka odnosno objekta i opreme. Ovdje se radi o javnom budžetskom novcu i on se može naravno kontrolisati ako se eventualno ima neka sumnja neka Skupština uvede kontrolu trošenja ovih sredstava. Naravno treba riješiti status KC a isto tako KS mora pokazati primjerom kako se treba ići naprijed i ne stajati u mjestu i imati kakav takav priključak sa europskim trendovima. Također ako sam dobro shvatio kolegu, pošto sam ulazio nisam sasvim dobro čuo, da je on predložio da istražni organi istraže sve eventualne nezakonitosti u KC i ZZO, ja također podržavam ako tu ima nešto naravno neka istražni organi urade svoj posao. I ako eventualno ima nekih propusta ili nezakonitosti da onaj koji je odgovoran da odgovara za to. I jedna opaska, odnosno komentar kolega Ademoviću što ste rekli da je Sarajevo talac BIH. Možda i jesmo, ali u Sarajevu ima najviše BIH, ako Sarajevo i za milimetar počne odustajati od BIH, onda će BiH biti sve manje i manje. Na kraju, ono što nije dobro i što mi se ne sviđa. I ovom prilikom, a očekivao sam da će to kolege čija je to struka reći, nije dobro da neko ko nije iz te struke da bude predsjednik UO ZZO, odnosno nova parlamentarna većina, to smo jutros i čuli na pitanjima i inicijativama je nelegalno smijenila ovaj UO i postavila nešeg kolegu Eseda Radeljaša za predsjednika tog UO. To ja smatram da je uvreda za sve zdravstvene radnike i također smatram da zakon o sukobu interesa treba podhitno mijenjati jer mi je nelogično da neko ko sjedi u ovoj skupštini i treba da glasa za sve ove tri tačke on ujedno je i predsjednik UO od 340 miliona KM. To je ono što nije dobro i to jednostavno ne mogu da prihvatim. Hvala.

**Poslanik Damir Čardžić:**

E hvala predsjedavajuća. Ja bih samo malo kolegama ovdje u skupštinskim klupama skrenuo pažnju na sljedeće, u biti mi smo ovdje dvije godine i nešto. Moje iskustvo u ovim klupama je hajde da kažem, u ovoj situaciji sada vezano za KC je sljedeće da sve stvari koje smo htjeli da nekako podvedemo pod neke pravne okvire da nađemo neki titular, u vlasništvo, uvijek ne nalazimo na nekakve otpore i uvijek se prebijalo po principu ko je opzicija ko su ti ko su trenutno na vlasti u parlamentarnoj većini. Ja mislim da je ovdje ministar, a imao sam priliku u nekoliko navrata da pričam baš o ovoj problematici, previše srčano ušao u ovaj proces, i

mislim da je iskreno ušao u ovaj proces. Po skorim pokazateljima finansijskim ko finansira taj KC, tu ne treba čovjek biti puno pametan i da vidi na čija su to pleća najveći teret. Mi smo u nekoliko navrata, čak i prošle godine sjećam se dobro baš u ovo doba, polemizirali to stanje u KC. Vodile su se nekakve rasprave nadugo i naširoko, ali sve je bilo na kraju kada se podvede cijela priča, sve što se pričalo nije imalo uporišta u daljem radu i rješavanju tih problema. Mislim da bi u ovom momentu sada, ja bar mislim da sam dobronamjeran trebali svi da pomognemo ministru zdravstva da jednom za svagda se riješi pitanje KC, tj vlasništva, a mi ćemo koji smo u Domu naroda FBiH kada bude priča o tome što je kolegica Segmendina rekla, mi ćemo svakako što se kaže na ovu vodu navoditi kolo, jer mislim da je jedino pravo rješenje da titular taj bude gdje je matična kuća. Hvala.

**Poslanik Amir Zukić replika:**

Nisam se ni ja išao slikati ali znam koji su išli a nisu učestvovali ni sekunde u donošenju odluka, ali nisam mislio na vas kolegice Bajramović, ali bih htio da se vratimo malo na odluku. Prijedlog izmjena i dopuna plana jasno definiše razloge zbog čega je ta odluka ovdje. Imamo u 2011 utvrđivanje završnog računa, usvajanje završnog računa u 2011 i 2012 imamo 5 miliona viška prihoda nad rashodima, imamo okončan postupak realizacije Saudijskog kredita, imamo javni poziv odabira tri banke koje su se prijavile, sve u okviru pozitivnih zakonskih propisa, iz tih razloga je ova tačka dnevnog reda danas na sjednici. To su činjenice i ona je u okviru nadležnosti Skupštine Kantona i u okviru prakse koja je ova Skupština Kantona imala i ranije. Predugo i preširoko raspravljamo o onome što nije ni tačka dnevnog reda.

**Poslanik Branislav Crnogorac:**

Ja sam par puta problematizirao neke stvari, primjera radi mi nabavio aparat koji košta više miliona primjera radi, PT aparat, koji je nezaobilazan u liječenju malignih oboljenja i do dana današnjeg taj aparat još uvijek nije u funkciji. Dakle, platili smo ga, dali smo određena sredstva ali ga ne koristimo., kupimo aparat za koji nemamo osposobljene kadrove. Dakle sve je to na određen način primjer kako ne treba raditi.

**Poslanik Mujo Hošić:**

Stvarno sam vas slušao gdine ministre, ovih 25 miliona kredita za sljedeću godinu oni koji su prije vas odlučili da to treba pozivajući se na član 103. Ja pozivam vas da bih promijenio svoje mišljenje da pročitate član 108, jer ako sve propadne svakako će Kanton preuzeti te dugove. Slažem se sa zaključkom kolege Solakovića, i teška srca, a li poslije pojedinih diskusija, sada imate podršku za sve tri odluke. Probajte zbog digniteta ministarstva da vratite politiku u Ministarstvo zdravstva i ovdje, ne u onaj otuđeni centar moći koji je shvatio da je to njihova sehora i da ne moraju ništa da vas pitaju, i ja ću onda biti spreman da progutam sve ovo što se radi deset godina u ime onoga što će ostati nama.

**Poslanik Naser Nabil:**

Hvala vam lijepa. Ja ću i dalje ostati apsolutno dosljedan ovom stavu sa početka mog mandata. Oprostite nezamislivo je da mi možemo odobriti nešto što smatra se nezakonito djelovanje ZZO KS. To nije nadležnost zavoda niti može biti. I još jednom ponavljam donošenje i potpuno odobravanje takve odluke je sasvim protuzakonito. Ovdje je mjesto i ovdje je sada i vrijeme da se nalazi jedan legalan način. Ja sam vam predložio i rekao sam, obustaviti to i dati odluku o načinu finansiranja zdravstvenih ustanova plus amortizacija i time ćete riješiti stvar za sva vremena. Nema zakona koji kaže da se ne mogu vršiti uplate na ime amortizacije, ne postoji taj zakon. Druga je priča KC i osnivačkog akta. Mi imamo dvije

velike priče o ovome samo, ja neću odgovarati i ne želim odgovarati za 142 miliona koja su utrošena a koje nemam apsolutno uvida gdje su utrošena i u šta su utrošena. Apsolutno se slažem sa kolegom Solakovićem da treba to apsolutno pretresti, i na kraju krajeva da mi imamo ovdje apsolutni sveobuhvatni izvještaj vezano za ovaj novac. I još jedna stvar molim vas, nije samo KC i nije samo kapitalna ulaganja najvažnija stvar u sistemu zdravstva. Nama je na prvom mjestu pacijent. A pacijent polazi prvo od ambulante od primarne zdravstvene zaštite, a treba prije svega obučiti taj kadar koji će mu pružiti uslugu, dati mu sredstva za život, koja jednostavno odlikuju tom profilu i tom obrazovanju, pa onda poslije toga krenuti dalje kako treba stvari uraditi. Mi smo tek nakon godinu i pol dana borbe uspjeli smo dobiti jednu listu lijekova za koju se može reći daje kvalitetna i koja se može reći, oprostite molim vas, ja moram završiti moju diskusiju, možete pričati šta hoćete ali nemate zaista o ovome nećete imati tu podršku. Mi ćemo ovako ako budemo večeras podržali tu odluku na jedan način zataškati nezakonite radnje, reći drugima bravo što ste nas pravili budalama, što ste nas doveli pred svršen čin, što ste sve uradili, pa na kraju se sjetili da treba Skupština da vam da saglasnost da možete potpisati sa bankama, bravo odlično neka bude tako.

**Predsjedavajuća:**

hvala vam lijepo, ja zaključujem raspravu jer nema više prijavljenih. Ja ću zamoliti ministra da bude jako kratak da ne bi sada izazvali salvu dodatnih pitanja. Gdine ministre samo da pitam koja vrsta intervencije gdine Solakoviću?

**Ministar Eldan Lokmić:**

Evo ja stvarno ne bih.. uglavnom sa svim diskutantima ja se potpuno slažem. Znači odluke koje su večeras ponuđene na ovoj skupštini ispred Vlade KS, odnosno koje su prošle mišljenje ministarstva zdravstva ne amnestiraju nikoga, ne sprječavaju ništa, ne daju nikakav legalitet nikome ko je bilo šta pogrešno napravio ili uradio. Gdin Solaković, dr. Nabil, dr. Hošić, gđin Ademović, Zeković, Zukić, gđin Fazlija, gđa Srna svi su diskutovali na istom fonu i meni je stvarno drago da se napravi ovakav jedan koncenzus oko pitanja koje je vjerujte goruće pitanje ovog ministarstva. Goruće pitanje ovog Kantona sa ovako velikim investiranjem. Znači ove odluke su odluke koje potpadaju pod domen, možda je direktorica finansija ZZO KS bila kompetentnija da kaže suštinu odluke koja je trebala da bude ali one nikoga apsolutno ne amnestiraju. Zahvalio bih se doktoru Hošiću na podršci i na promjeni mišljenja a ne znam da li će me shvatiti pozitivno ili ne, to je za mene jedna velika odgovornost i ono što sam vam rekao ja ću stvarno se potruditi da vi imate pravovremenu informaciju koja će, ne zadovoljiti, nego koja će biti kvalitetna adekvatna u onom dijelu utroška il ne. Ovaj vakum i neinformacije, poluinformacije, insinucija nikome ne odgovara, niti onome ko daje, niti onome ko prima. Evo ovdje su gđin Ademović i Solaković rekli ispade da je to negdje otišlo. Nije otišlo nigdje. Jel otišlo ovako ili onako, to je sada druga stvar, jel otišlo ispravno ili nije, otišlo je prema ustaljenom planu finansiranja kapitalnih investicija odluka i plana koji je donešen da se to uradi. Jel on dobar vrijeme će nam pokazati i imamo vremena da ga promijenimo. Ja ću sigurno se truditi da se promijeni. Al bih se samo na kraju na jednom dijelu pošto je suština svih ovih odluka gđa Srna je rekla i pročitala je član zakona o zdravstvenoj zaštiti. Slažem se, taj član zakona o ZZ koji definira kako se reguliše KC je nas doveo u pravni vakum 20 godina. Taj član je ostavljen i napravljen zato da nama, da mi nemamo legalitet, da nemamo legitimitet, i nikada, evo sigurno zapamtite ja bih volio da se varam, neće niko preuzeti obaveze, a svi će preuzeti prava. Znači ovaj član ako nam je zakovao KC, dajte da se promijeni. Vjerujte mi bez obzira ja sutra mogu biti u tom federalnom Ministarstvu ili ne znam ni ja federalnoj vladi, ili neko od vas, znači ne zbog nas, nego zato što je ovakav član bio 97 godine, 97 godine je bio ovakav i dan danas je preslikan, neće se po njemu ako se ne iznađe drugi modus, neće vjerujte mi ni Goražde, a da ne govorim

Mostar, preuzeti prava , hoće, ali obaveze neće. I stvarno mi je drago da svi raspravljamo na ovakvu, neko ima informaciju, neko ima poluinformaciju, dr Hošić i dr Nabil imaju i jednu dodatnu obavezu, posebno prema primarnoj zdravstvenoj zaštiti i ja ono što mogu obećati i dr Zekoviću i dr Nabilu i dr Hošiću, nisu me možda dobro shvatili kada sam rekao u ovom dijelu primarne zdravstvenu zaštitu ne ida idu na KC , primarna zdravstvena zaštita, ja znam moja je supruga u primarnoj zdravstvenoj zaštiti, preko 60 pacijenata je svaki dan u ordinacijama ljekara u svakom domu zdravlja u svakoj ambulanti i u svakom dijelu.. jel to selektivno, jel to dobro, jel nije, ne znam. Tu treba poraditi da ne dolaze baš ljudi tako, ali neće dolaziti ako ne budu morali dolaziti svaki dan ili svaka tri mjeseca po recept hroničnog pacijenta ili dolaziti po špric ili neke osnovne stvari i po doznake. Mi imamo toliko praznog hoda koji ćemo kasnije na nekim drugim stvarima rješavati. Još jednom bih se stvarno zahvalio na konstruktivnim diskusijama i ja to shvatam podršci ovom Ministarstvu, a ovo Ministarstvo će preuzeti obaveze koje ste mu dali i ove poslove koji su pred njim će sigurno odgovorno i kvalitetno rješavati a ova odluka apsolutno nikoga niti može niti će ga amnestirati od bilo kakvih radni koje su možda bile na tom dijelu. Gdin Solaković je tražio konkretnu, ja lično nemam apsolutno ništa protiv bilo kakvog dijela ni protiv mene niti protiv bilo koga drugog. Znači ali ovaj dio je naša odgovornost prema trenutnom stanju koje u promjeni odluke Skupštine koja je dva tri puta donesena ovdje. Dr Nabil je potpuno u pravu kada je ovaj dio finansiranja ovakav ali postoji i taj jedan viši interes koji ne amnestira naravno evo mi pričamo stalno o zakonu, to je revizorsko mišljenje, nije revizor nikada izvukao zakone i rekao po članu tom i tom nisu se smjeli investirati novci tu, nego je dao svoje tumačenje zakona koji definira kako se novci finansiraju. To se može osporavati ili ne osporavati to bi možda i ja ili neko drugi mogao osporavati, možda ga čak i osporimo, ali sada tako kako jeste, mišljenje je takvo i mišljenje je negativno za finansiranje odnosno izdvajanje kapitalnih investicija iz ZZO u bilo koju zdravstvenu ustanovu ako ne podliježe na način koji je dr Nabil rekao amortizacionog dijela, odnosno budžet ali nisam vam rekao budžet je u zadnjih pet godina ovog Kantona 18 miliona imao kapitalnih investicija u svoje zdravstvene ustanove, nije ni ona malo uradio, plus sve ostale ove stvari. Koliko je to ozbiljno, puno je novca , para, ali stvarno ja ću vam se još jednom zahvaliti i sve vaše sugestije prihvatiti maksimalno ozbiljno i od jučer početi ih rješavati.

**Poslanik Adnan Solaković intervencija:**

Manje najmanje pominjete, nemojte sada mene, Backović je to, ja najmanje pričam. Ali samo ću jedno reći, mi ne trebamo da se bojimo ovdje ni kontrola ni Agencija koja će ići jer mi dajemo i građani daju taj novac, prem atome da mi malo promijenimo i način života i rada ove Skupštine i ovih organa. I treba da bude kontrola u svim organima i svim ustanovama draga gospodo, dragi građani. Prema tome ja opet govorim mi i dalje stanovništvo nije zadovoljno sa zdravstvom a novaca ima. Prema tome, molim vas tražim da se izjasne poslanici o mom prijedlogu da se ispita poslovanje KC i ZZO. Hvala lijepo.

**Predsjedavajuća:**

Prijedlog formulišite, napišite u pismenoj formi i kada dođe na poslaničke klupe o njemu ćemo se izjašnjavati kao i sa prijedlogom gdina Pindže.

Dakle, zaključili smo raspravu, pretpostavljam da svi poslanici sjede na svojim mjestima.

**AD – 7.**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM**

**FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD OD 01.01. DO 31.03.2013. GODINE.**

Dakle, od 31 poslanika koji su glasali, 27 je ZA, nije bilo suzdržanih i 4 su bila protiv.

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD OD 01.01. DO 31.03.2013. GODINE.**

**AD – 8.**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2012. GODINU.**

Nas je prisutno 30, nije 32, od toga je 26 glasalo ZA,, 1 poslanik suzdržan, 3 protiv.

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2012. GODINU.**

**AD – 9.**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE PLANA KAPITALNIH ULAGANJA ZAVODA ZDRAVSTVENOG OSIGURANJA KANTONA SARAJEVO U JAVNIM ZDRAVSTVENIM USTANOVAMA ZA PERIOD 2011-2013 GODINA**

Glasalo je 31, od toga 25 je glasalo ZA, 2 suzdržana i 4 protiv.

**KONSTATUJEM DA JE SKUPŠTINA USVOJILA ODLUKU O DAVANJU SAGLASNOSTI NA IZMJENE I DOPUNE PLANA KAPITALNIH ULAGANJA ZAVODA ZDRAVSTVENOG OSIGURANJA KANTONA SARAJEVO U JAVNIM ZDRAVSTVENIM USTANOVAMA ZA PERIOD 2011-2013 GODINA**

**Predsjedavajuća:**

Pred nama je još ravno deset tačaka dnevnog reda, ja vas lijepo molim prije neg što nastavimo s radom htjela bih konsenzus ove Skupštine ako ćemo proći kroz sve tačke, a imam osjećaj da smo svi za to, da onda ograničimo diskusije na maksimum 5 minuta. Skupština na to ima pravo. Niko neće biti uskraćen da kaže svoj stav a moći ćemo završiti u neko vrijeme koje je

prije zore. Ja nemam namjeru da predložim bilo šta što umanjuje prava poslanika ali onda su ovo i proceduralno prava koja možemo.

Jesmo li saglasni? Ja kao predsjedavajuća imam pravo da obezbijedim funkcionisanje normalnog rada i učešća svih poslanika ako smo iscrpili na prethodnoj polovni dnevnog reda vrijeme koje je racionalno, a imamo namjeru da ostanemo da završimo ovu Skupštinu danas, onda poslanici imaju odgovornost da svoje pripremljene diskusije svedu u mjeru koje će nam to vrijeme koje nam teče biti. Ne vidim razloga. Predsjednik Kluba SDP-a ima protiv da čujem.

**Poslanik Nedžad Fazlija:**

Predsjedavajuća, prvo ne možete i ne prihvatam da neko može u ime nekoga reći da li je on fizički, psihički ili bilo kako zdravstveno sposoban da prati cijeli tok Skupštine kao što je recimo neko, prema tome ja vas molim da kažemo jel to do 10 sati i ako kažemo da je do 10 onda ćemo raditi do 10 sati, a poslije 10 toga nema stvarno potrebe da nas zamarate. Cijeli dan smo radili bez ijedne pauze osim one za ručak. Niko nije tražio ni jednu pauzu, bili smo vrlo korektni, važne su tačke bile, važne diskusije i molim da se to uvažava. Eto.

**Predsjedavajuća:**

Gdine Fazlija ja to potpuno razumijem da niste rekli nećemo, čuli bi ste drugi dio mog prijedloga. Ako se ne slažete da ograničavamo vrijeme diskusije, ja imam u konsultaciji sa sekretarom sam potvrdila imamo li tu mogućnost, imamo. Ima ovdje tačaka kao što je privremeno finansiranje ZZO za zapošljavanje od kojih oni koji su u socijalnoj potrebi također zavise da kažemo koje su to tačke koje mi danas skupa sa ovim privremenim finansiranjem ZZO i cijelog budžeta moramo završiti a da onda neko kaže koje ćemo. Nije racionalno, ako ćemo raditi do 22, nemam ništa protiv ali vas molim da ovaj moj prethodni prijedlog ograničenih diskusija na pet minuta ostane jer nam to daje šansu da stignemo što više. Kamere su izašle davno. Slažem se ja da ćemo mi vjerovatno raditi do nekog normalnog vremena. Sada je 20,20 . od nas sviju zavisi koliko ćemo posla obaviti na današnjoj sjednici.

**Poslanik Elmedin Konaković:**

Ja bih samo zamolio kolege kada su ovdje u Sali malo mirniji, kolege Rađo ja vas to zaista od srca molim. Kolega Rađo. Predsjedavajuća ja se načelno s vašim prijedlogom slažem ali iz poštovanja prema kolegi Fazliji i stavu SDP-a imam drugi prijedlog. Da radimo dok ne iscrpimo tačke i ako to bude trajalo do tri ujutro, do tri ujutro. Da mi ovu sjednicu završimo. Oni koji imaju bilo kakve obaveze ili važnije aktivnosti mogu bez ikakvih problema otići. Ko bude imao namjeru da opstruira ili mu nešto smeta ili se ne osjeća sposobnim i to su neke dozvoljene stvari. Prebitni su materijali niti ima političkih konotacija ni političkih interesa, potpuno su izmješani i vrlo je bitno da ovu sjednicu s aspekta zakonitosti rada tih institucija dovedemo do kraja. Nismo jedno radili do 12. Radit ćemo ponovno do 12. Pogotovo zato što ćemo objediniti. Kolegice Papo ja sam jednom reagovao na vaše takvo ponašanje, upozorio sam vas da ću opet reagovati na isti način ako se tako budete ponašali. Prenervozni ste, dobacujete. Evo ja zbog kolege Fazlije neću više ništa pričati.

**Poslanik Nedžad Fazlija:**

Klub SDP-a traži pauzu od pola sata.

**PAUZA NA ZAHTJEV KLUBA SDP-a POLA SATA.**

**Predsjedavajuća:**

Poštovane kolege ako imamo kvorum dajte molim vas da nastavimo.

Peđa jeste li izbrojali koliko nas je. Dobro, imamo kvorum.

Prije nego što nastavimo, a nastavljamo, predsjednik Kluba SDP-a je tražio pauzu, ako ima potrebe da je obrazlaže, izvolite, ali molim vas kratko.

**Poslanik Nedžad Fazlija:**

Zahvaljujem predsjedavajuća. Imao sam potrebu da tražim pauzu da se smire strasti, ja se ovom prilikom izvinjavam svim poslanicima što sam tražio pauzu, a ovom prilikom obavještavam da ću pokrenuti prijavu kod nadležnih organa za izrečene prijetnje od Damira Čardžića, poslije kada smo tražili pauzu i kada smo tražili pauzu. Hvala.

**Predsjedavajuća:**

Hvala lijepo. Prije nego što pređem na tačku 10. Nama su ostala. Ne može sada poslovnička intervencija sada ništa. Poslovnička ima na kršenje Poslovnika, nismo počeli kršiti Poslovnik. Čovjek je rekao šta je rekao, prelazimo na izglasavanje prijedloga zaključka vezano za budžet KS kojeg nam je gđin Pindžo, kojeg trenutno nema, dao u pisanoj formi prije tri sata. Zaključke ste dobili. Molim da se poslanici izjasne o zaključcima koji stoje na vašim poslaničkim klupama.

Molim službe da nam pokažu rezultate izjašnjavanja.

**Od nas 22, dakle 10 nema, 20 je glasalo ZA, 2 su bila suzdržana, nije bilo nikoga protiv, prema tome prijedlog zaključaka je usvojen. On je potpuno identičan onome o čemu nam je i ministar Kozadra govorio, prema tome to ide.**

Imamo i prijedlog poslanika da se izjasne o inicijativi, koliko ja znam po proceduri inicijative idu prvo na Vladu. Gđine Solakoviću ja ću vašu inicijativu proslijediti vladi, Vlada će se o njoj očitovati, pa ćemo drugi put.. ima veze, inicijative po proceduri idu na Vladu, a da je zaključak čitala bih odmah. Prelazimo na tačku 10.

**AD – 10.**

**PRIJEDLOZI ODLUKA O IZMJENAMA ODLUKE O PREUZIMANJU PRAVA OSNIVAČA:**

- a) Javne ustanove „Narodno pozorište Sarajevo“
- b) Javne ustanove „Sarajevska filharmonija“.
- c) Javne ustanove „Pozorište mladih“ Sarajevo;
- d) Javne ustanove „Kamerni teatar 55“ Sarajevo;
- e) Javne ustanove „Sarajevski ratni teatar – SARTR“.
- f) Javne ustanove „MESS -Međunarodni teatarski i filmski festival Sarajevo“;
- g) Javne ustanove „Muzej Sarajeva“;
- h) Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“;
- i) Javne ustanove „Historijski arhiv Sarajevo“;
- j) Javne ustanove „Collegium artisticum“ Sarajevo;
- k) Javne ustanove „Biblioteka Sarajeva“;
- l) Javne ustanove „Bosanski kulturni centar“ Sarajevo;
- m) Javne ustanove za organizovanje kulturnih programa i međunarodnu saradnju u kulturi „Sarajevo art“;
- n) Javne ustanove Muzej „Alija Izetbegović“;



Obzirom da se u osnovi svih odluka radi o mijenjanju ili usklađivanju dosadašnjih šifri djelatnosti i klasifikacije djelatnosti javnih ustanova iz oblasti kulture u skladu sa važećom Odlukom o klasifikaciji djelatnosti Bosne i Hercegovine 2010, predlažem da obavimo jedinstvenu raspravu i da u načelu glasamo o svim ovim izmjenama? Ali ovo što ja predlažem ću zamoliti da se izjasnimo tek nakon uvodnih napomena uvaženog ministra.

Inicijative moraju ići, sada sam ja rekla, niste slušali. Glasali smo za zaključak, a inicijative ne mogu ići na glasanje prije očitavanja Vlade.

Zaključak je bio poslanika Pindže, a ovo je napisano i formulisano kao inicijativa.

Gospodine ministre, gdine Šariću, izvinite izvolite.

**Ministar Ivica Šarić:** Uvodno izlaganje.

**Predsjedavajuća:**

Hvala najljepša uvaženom ministru Šariću.

Dakle prije toga da ja pitam jesmo li saglasni a barem objedinimo diskusiju? Hvala vam lijepa.

**Poslanik Elmedin Konaković:**

Pa ja ću samo kratko u ime radnog tijela komisije za kulturu i sport. Dakle zaključke koje smo uputili vladi i ovaj dio još da pojasnim zaključka broj 1. Da Komisija uslovno podržava prijedloge, mi smo u nekoliko navrata javnim ustanovama davali vremena da onaj dio prijedloga na koji su imali primjedbe formalizuju pa smo jednom zbog toga skinuli tačku dnevnog reda, sada smo na Komisiji za kulturu i sport imali ponovo prisutne sve direktore javnih ustanova koji su ozbiljno pristupili ovom dijelu posla i eto još jednom smo ostavili priliku da eventualno još u nekoliko dana, ukoliko bude, pošto se radi zaista o specifičnom dijelu administracije u kojem u koliko izostavimo neku od djelatnosti koje ove javne ustanove obnašaju i ne stavimo je u registar onda im otežavamo posao i ustvari limitiramo jedan dio njihovih aktivnosti. Pa smo zbog toga još jednom uz puno razumijevanje ministarstva za kulturu i sport dakle dali vremena ovim javnim ustanovama i ja koliko znam nije bilo dodatnih dopuna. Ministarstvu se još jednom zahvaljujem na razumijevanju i toleranciji onih koji su eto malo bili inertni i nisu na vrijeme dostavljali svoje primjedbe, tako da u ime Komisije za kulturu i sport kažem a smo naravno podržali materijal, da ima svoju i suštinu i formu i ovo što stoji uslovno, da ne bi nekoga zbunilo, dakle bilo je samo s najboljom namjerom da eventualno stignu još neke dopune. Hvala.

**Predsjedavajuća:**

Hvala lijepa, otvaram raspravu. Zatvaram raspravu jer nema više prijavljenih.

Ja molim poslanike da sjednu da bih ja mogla nastaviti dalje da vodim ovu sjednicu.

Hoćemo li se izjašnjavati 17 puta, ili ćemo s obzirom da se radi o tehničkim dopunama, nema sekretara mi u principu o jednoj tački možemo da se izjašnjavamo i zajednički ali za to moram zaista moram dobiti evidenciju glasanja, pa vas molim da se samo izjasnimo sada glasanjem hoćemo li za ove mjere usklađivanja dosadašnjih šifri klasifikacija glasati zajedno za sve javne ustanove iz oblasti kulture?

Od 28 prisutnih, 28 je podržalo.

**Prema tome sada vas pozivam da se izjasnimo zajednički o svim prijedlozima izmjene odluke o preuzimanju prava osnivača od tačke a do tačke n javnih ustanova iz oblasti kulture.**

**Ja se izvinjavam jeste li nam pokazali izjašnjenje. Dakle od 31 prisutnog 30 je glasalo, 29 je glasalo ZA, 1 je bio suzdržan, nije bilo protiv i konstatujem da smo izmjene i šiframa djelatnosti i klasifikacijama usvojili za ve javne ustanove iz oblasti kulture.**

Prelazimo na tačku 11. Ja lijepo molim kolege ovo je 12-ti sat i ja vas lijepo molim koji hoćemo da radimo sa ovim restlovima snage makar nesmetate stalnim pričanjem, lijepo vas molim.

**AD – 11.**

**Prijedlog odluke o izmjeni Odluke o osnivanju Skupština javnih preduzeća čiji je osnivač Kanton Sarajevo i prijedloge odluka o izmjenama Odluka o usklađivanju statusa Kantonalnih javnih komunalnih preduzeća sa Zakonom o javnim preduzećima u Federaciji Bosne i Hercegovine i to:**

Ja ih moram pročitati zato što se ona odnose na više resornih ministarstava. Dakle:

- a) „Vodovod i kanalizacija“,
- b) „Rad“,
- c) „Park“,
- d) „Pokop“,
- e) „Sarajevogas“,
- f) „Toplane“,
- g) „Tržnice-pijace“,

pretpostavljam da je to sve u ingerenciji Ministarstva za prostorno uređenje

- h) „Kantonalna veterinarska stanica“,
- i) „ZOI84“,
- j) „PD Butmir“,
- k) Centar „Skenderija“,
- l) „Sarajevo-šume“

u Ministarstvu privrede

m) „Gradski saobraćaj“ - Ministarstvo saobraćaja

n) "Televizija Kantona Sarajevo" – u domenu ministarstva pravde

Bez obzira na to, pošto se svi prijedlozi odluka odnose na usklađivanje statusa Kantonalnih javnih komunalnih preduzeća sa Zakonom o javnim preduzećima u Federaciji Bosne i Hercegovine, odnosno na smanjenje broja članova Skupština preduzeća sa „četiri člana“ na „dva člana“ zbog efikasnijeg i ekonomičnijeg rada preduzeća, predlažem da obavimo jedinstvenu raspravu za sve podtačke, a potom se izjašnjavamo za svako preduzeće posebno.

Dakle imam vašu saglasnost da objedinimo.

E sada sve prijedloge odluka ste dobili uz poziv za sjednicu. Amandman Kluba poslanika SDP-a po ovom Prijedlogu ste dobili u dopunskom materijalu.

I ja sada samo imam problem, naime mi smo imali u pripremi ovog podsjetnika problem, da li će predlagač i koji će predlagač podnijeti uvodne napomene s obzirom da imamo četiri resorna ministarstva, ali ja pretpostavljam da će premijer u ime Vlade, jer je Vlada predlagač uz uvodne napomene odmah se izjasni, iako smo to dobili u materijalu, zbog zapisnika o podnesenom amandmanu Kluba poslanika SDP-a-

### **Premijer Suad Zeljković:**

Hvala lijepo gđo predsjedavajuća, dopredsjedavajući, uvaženo predsjedništvo, uvaženi poslanici. Dakle ova Vlada je u svojoj nakani da u svom radu uradi stvari koje sam ja obećao u svom ekspozou i pokušavajući da se ponašamo onako kako govorimo a ne onako kako ne bi trebalo u nizu svojih aktivnosti došla i do ove aktivnosti. Naime svi znamo da su javna preduzeća koja su u ovom slučaju u tri resora, opterećena NO, Skupštinama, odborima za reviziju, internim kontrolama i u prosjeku se u tim firmama nalazi od 11 do 15 ljudi koji su eksterno angažovani, plaćaju se u firmi i to su veliki izdaci. Analizirajući učinkovitost onoga što te službe rade, odnosno organi upravljanja na izvjestan način svi kako rade, zaista se otvara pitanje na koji način se može osigurati efikasnost u radu, racionalnost i sve ono za što smo ubijeđen sam svi zalažemo. Onog momenta kada je od CIK-a došlo da Vlada KS ne može vršiti funkciju Skupštine u smislu sukoba interesa došlo je do izmjene propisa i formirale su se Skupštine u preduzećima. Prvobitno je to iznosilo tri, a kasnije je promjenom išlo na pet i ono što se iz života pokazuje da taj broj od pet članova Skupštine ničim bitnim se ne razlike od onoga što mogu uraditi tri člana. Dakle, mi ovdje nismo raspravljali ni o imenima ni o porijeklu ni o načinu na koji ljudi dolaze, nego smo samo pokušali da sa ekonomskog aspekta razmotrimo šta bi to značilo da se taj broj smanji za evo u ovom slučaju 14 preduzeća u prosjeku za po dva člana, to bi iznosilo 28 ljudi. Odlukom Skupštine naknada za te ljude je definisana za predsjednika 330 KM a za članove 300 KM, kada to izmnožite dobijete jednu racionalnu cifru od nekih 100 – 110.000 maraka. Dakle, motiv ove Vlade je bio izričito u nakani da pokušamo poslati poruku da se i na ovaj način, pogotovo u ovom javnom sektoru dovode stvari naravno e ugrožavajući funkcionalnost ali se stvari dovode u ja bih rekao neku normalu. Poznati su slučajevi da funkciju Skupštine čak u našoj zemlji i na federalnom nivou može obavljati jedan čovjek. Dakle imajući to u vidu mi smo naravno odlučili se na ovakav prijedlog, donijeli odluku na vladi i ta odluka je danas ovdje.

U međuvremenu smo dobili amandman Kluba poslanika SDP-a sa obrazloženjem da neke stvari ne bi bile u redu kao što su racionalizacija, visina iznosa efikasnost, transparentnost, demokratičnost itd. Vrlo savjesno smo razmotrili svaku od ovih stavki i u ovom obrazloženju koje vi imate u pisanoj formi obrazložili smo šta to znači s aspekta ekonomičnost, efikasnosti rada, čak u onom dijelu kada nisu svi na sjednici od pet ljudi, dvotrećinska većina je četiri, kako osigurati četiri kada imaju tri člana. Dvotrećinska većina je 2.

I na kraju zaključili smo da ovaj Amandman se ne prihvati jer nema ni jednog obrazloženja koje bi išlo u prilog da se ostane na ovih pet članova.

Dakle mi ovdje ne govorimo niti o imenima, niti po porijeklu niti o bilo čemu što bi definisalo personalni karakter ljudi ko ji se tamo nalaze. Mi govorimo o principu. Ako na ovaj način nećemo poslati poruku da želimo racionalizaciju, onda gubi smisao i sve ostalo što bi smo eventualno radili. Dakle ovo je samo jedan od načina. Ja dolazim iz jedne takve firme i vjerujte mi kada imate 14 ljudi na platnom spisku i ne utičete ničim a ta izdavanju su znatna, onda to zaista predstavlja opterećenje za poslovanje firmi. Na ovaj način dali bi smo dobar signal da ova Vlada se odnosi prema i firmama i novcu ko ji novac poreskih obveznika na

jedna ja bih rekao racionalan i korektan način. Dakle, to bi bilo evo ukratko obrazloženje ovoga što smo mi predložili. Hvala vam lijepa.

**Predsjedavajuća:**

Uvaženom premijeru hvala na objašnjenjima. Ima li pitanja ili da otvorim raspravu pa da u tom smislu?

Ko ima pitanja? Gdin Fazlić, Kojović i Naser Nabil. Dakle, sva trojica pitanja. Onda idemo redom kako ste se prijavili.

**Poslanik Predrag Kojović:**

Zahvaljujem predsjedavajuća. Meni je žao što je premijer, vjerovatno je umoran sada, ali mogao je uzeti zapisnik sa 4. Sjednice na kojoj se povećao broj članova ovih Skupština i pročitati to nekako. Čini mi se ja sam to nekako bolje argumentirao ovu odluku tada, koju ste vi sada donijeli. Ali na 4. Sjednici, tadašnja Vlada ko ju su činili SDP i SDA donijela odluku da se broj ljudi u Skupštinama poveća. Naša stranka je tada iznijela stav da to predstavlja dodatno i nepotrebno trošenje poreskog novca i nije efikasan način da se kriminalu u tim preduzećima stane u kraj. Tadašnja Vlada je međutim svoj prijedlog branila argumentima da će povećani broj članova značiti veću demokratičnost, transparentnost i posebno smanjiti mogućnost da dva ili tri čovjeka defakto upravljaju javnim dobrima ogromne novčane vrijednosti. Danas Vlada na čelu sa premijerom iz SDA, koristeći argumente Naše stranke, traži da se broj članova ovih Skupština smanji. Znači ili je prethodna odluka ona o povećanju broja članova bila motivirana željom da se zatečena upravljačka struktura nadjača novim članovima, ili je jednostavno broj kadrova koje su stranke u tadašnjoj vladi morale uhljebili zahtijevale da se broj članova u Skupštinama poveća. Kada jedna stranka traži povećanje, a par mjeseci kasnije smanjenje članova, u jednom sektoru u kome se ništa nije suštinski promijenilo, onda naravno takvi motivi su ostavljeni slobodnim kuloarskim interpretacijama. Zato bih zamolio predlagача da mi objasni, zašto argumenti koji su iznosili onda kada su povećavali broj članova u Skupštinama u ovom trenutku ne važe?

**Poslanik Nedžad Fazlija:**

Hvala predsjedavajuća. Ja imam pitanje, treba Vlada da mi odgovori, koliko su bile naknade u vrijeme mandata kada su bile prethodne tri člana Skupštine, znači prije nego što smo povećali na pet? Znači koliko su bile naknade? A onda kada se promijenilo sa tri na pet, evo rečeno je 330 i 300 KM, onda da mi se kaže kolike su uštede bile jer je razlika, sigurno je razlika bila, bez obzira što je povećan ovaj broj sa tri na pet, sigurno su urađene uštede jer je Vlada u prethodnom sazivu to smo mi i napravili u našem obrazloženju, napravila uštede smanjivanjem ovih naknada an 35% od prosječnog ličnog dohotka u KS. I evo kažu 100 – 110 hiljada, znači to su te da tako kažem uštede. I zašto Vlada nije, ali ozbiljno, stvarno ozbiljno prihvatila primjedbe tri komisije koje su nadležne za ovo pitanje, pa su tu bile čak i kolege, članovi SDA , čak i ugledni privrednici u ovom Kantonu, bili su protiv smanjenja članova sa pet na tri. Znači tražim od Vlade da vidim koliki su bili prije izdaci godinama, i onda koja je razlika kada se povećalo sa tri na pet?

**Poslanik Naser Nabil:**

Hvala velika. Kolega Kojović je dotakao ono što sam ja htio da pitam i vrlo dobro znam da sam tada pitao premijera, otprilike isto pitanje i hoće li ako budemo pošto je tražilo tada naše razumijevanje hoćemo li dobiti kao opozicija jedan dio te Skupštine, na šta je tada rečeno, pa ima konkurs, ima kriterij itd , pa će to izabrati. I na kraju krajeva zna se kako je to izabrano.

Gdine premijeru molim vas da mi odgovorite da li vi kroz ove promjene, odnosno šahovske poteze pokušavate stvoriti ambijent i doći do pravnog osnova da možete izvršiti smjene postojećih članova Skupština i onda postavljanje novih. Hvala vam lijepa?

**Premijer Suad Zeljković:**

Hvala lijepa uvažena predsjedavajuća, evo pokušat ću odgovoriti. Dakle, teško je odgovarati u ime nekoga kada niste bili tu. Dakle to je da pokušam ovako reći racionalno, a mogu čak i emotivno, zato što sam bio na onoj strani koja je morala da plaća to. Dakle, i tada i prije i sada moj stav je da sve ove upravljačke strukture koje su određene zakonom i ne možemo ih izbjeći, treba racionalizirati. Dakle, odbor za reviziju 3 člana, interna kontrola, imenovanja direktora interne kontrole po zakonu koji ne odgovara ni upravi ni bilo kome, a vi ga plaćate, on je neki eksterni satelit i morate mu osnovati i službu unutar vas. Pa ona imate NO, pa imate skupštini. Dakle u prosjeku imate najmanje 11, a to ide i 14 ili 15 ljudi, to je puno, nije racionalno i nije dobro, bez obzira koja Vlada i kada uradila. Možda bi bilo nepošteno da za bilo koju Vladu prethodnu ili bilo ko ju da kažem da je uradila nešto što nije bilo dobro. Ali moj lični stav je da ta odluka nije bila dobra. Evo sada iz ove perspektive, u ovoj vladi su ljudi koji su nekada bili u opoziciji, oni su tada imali isti stav da treba da bude 3. Tako da zašto pitanje ne važe argumenti, važe, argumenti, argumenti su uvijek isti, tada je odluka većine koja je tada bila da se ide na pet. Dakle stav i odluka i mišljenje jeste da je 3 optimalan broj iz razloga, elaborirati možemo. Naravno, izvolite.

**Poslanik Predrag Kojović – dodatno pitanje:**

Ne premijeru, da se razumijemo, ja podržavam vašu odluku, ja sam se za ovo što ste vi sada odlučili zalagao na toj 4. Sjednici, mene samo zanima, jer tada su kao argumenti za povećanje broja navedeni, veća demokratskost, transparentnost, i kontrola eventualnog kriminala. Znači, pazite ja znam da to nisu bili. Ono što je moja želja ovdje, da budem potpuno iskren je da na neki način ukažem i samo pozdravim promjenu u razmišljanju koja se dogodila kod kolega poslanika iz SDA, koji su nakon evo, trebalo im je samo godinu dana da shvate da su argumenti koje smo mi tada izlagali bili pravilni i meni je drago da je do toga došlo.

**Premijer Zeljković:**

Ako dozvolite ja mogu govoriti u ime Vlade Kantona i u ime ministara koji dolaze iz Vlade Kantona. Poslanici koji znaju svoje razloge i način kako su organizovani će vjerovatno dati svoje obrazloženje. Dakle stav ove Vlade moj lični stav i stav svih ministara jednoglasno je bio da je smanjenje broja članova korektno pošteno i racionalno. Dakle ja znam na šta se aludira i na šta će se ići, ali pokušat ću dati i svoj stav prema tome. Drugo, pitanje uvaženog zastupnika Fazlije je bilo, kolike su naknade bile prije kada je bilo? Dakle, naknade za Skupštinu Kantona onog momenta kada to više nije bila Skupština, Vlada Kantona su isključiv bile u nadležnosti Vlade. Pošto Vlada nije dala decidno akti kojim određuje visinu naknade Skupštinama, onda je naknada članovima Skupštine bila ostavljena na individualno izjašnjavanje sa nekim konsenzusom da u svim firmama to bude ujednačeno bila je na nivou prosječne plate prethodnog mjeseca firme. To ne znači da ovo što ja kažem da se odnosilo na sve. Dakle, svaka firma je pojedinačno donosila odluke, ne zbog svog htijenja nego što nije imala određenu visinu naknade. To je u periodu kada Skupštinu preduzeća nije više činila Vlada Kantona. Vlada Kantona kada je imala tu funkciju ona nije imala naknadu za to. Dakle, to se odnosi na period od 2009 godine pa na ovamo, čini mi se. Možda čak i 2008. Stavovi komisija koje ste vi spomenuli nisu bili negativni. Ono tamo što smo mi vidjeli je da je glasanje bilo 2 ZA, 2 protiv i 2 suzdržana. Dakle, to je neka pat pozicija nije jednoglasno ali je izražavala određeni stav. Ovdje se usko veže i ovo što je dr Nabil rekao, pokušat ću da ovo vežem, da se šahovskim potezima smjene postojećih članova Skupštine pokušavaju, dakle ide

se korak dalje pa se ide na to da će ovi članovi Skupštine biti smijenjeni pa će biti imenovani neki novi na način da to nisu iz ovih partija i sada ulazimo u suštinu da se ustvari štiti partijski interes a ne ovo. Dakle, mi imamo dvije realne stvari, imamo realnost onoga što sada imamo, da je ovaj saziv Skupština napravljen na osnovu parlamentarne većine, odnosno onih koji su sačinjavali u momentu kada su oni imenovani, i imamo želju da neke stvari uradimo po cijenu rušenja i takvih principa. Mi možemo da se dakle, šta imamo na sonu. Možemo da se odrekemo principa, pa pod navodnicima da kažem razloga veće demokratičnosti da kažemo da to nije pet, zašto ne bi bilo sedam, ako se brojčano povećava stepen demokratije, onda je to nešto što ja ne razumijem, dakle ja vam govorim samo ono što je racionalno, u firmama nema potrebe da Skupštine čine više od tri člana. Čak šta više u nekim momentima predlagali smo da funkciju Skupštine čine ministri. Pa su rekli da ne mogu zato što je i to sukob interesa. Ima slučajeva u svijetu, čak i na federalnom nivou gdje funkciju Skupštine čini jedan čovjek. Dakle ne radi se ni o kakvoj netransparentnosti, skrivanju itd. Posebno mi smeta kao čovjeku mi smeta označavanje da se štiti kriminal tamo neki. To su paušalne ocjene, one mogu biti takve ali sve ono što nije dokazano. Dakle, ja mogu za određene segmente reći da je više fame i priče nego što toga stvarno ima. Ako imate dokaza bilo ko, gledaoci neka se to kaže. Dakle, ja mogu evo ovdje odgovorno reći da ima firmi koje su čiste kao Sunce, za druge ne znam. Ali generalno se ne može dati ocjena da se štiti kriminal tako što će tamo biti tri ili pet ljudi koji će to sakriti. Kvalifikujemo čitave upravljačke strukture na način kako to nije dobro. Ako ima onda one treba da se dokumentuju, da se argumentuju i da se time bave organi koji su zaduženi za to. Zato vas molim da kod korištenja vokabulara se ipak koriste umjerene riječi koje mogu dati isti efekat. Dakle, nema nikakvog razloga da se o ovome ne diskutuje, ali na jedan način koji je argumentovan, pristojan i koji može samo iza sebe dati argument. Dakle, ovdje nema šahovski poteza. Moja nakana nije te vrste, dakle sve što bi ukazivalo na to i ostalih članova Vlade, ja vas uvjeravam da se uvjerite na način i ponoviti ću još jednom, molim vas i građane nemojte suditi po onome što govorim, sudite po onome što radim. Dakle, mi znamo da nam stanje u društvu u nije dobro. Kada god pokušamo nešto izmijeniti naiđemo na niz nekih otpora koji uvijek imaju neke hipotetske razloge da se to radi zbog ovog ili zbog onoga. Može li se jednom u Sarajevu raditi nešto iz čiste savjesti ili iz racionalnog razmišljanja? Ne mora pripadnost ili boja dresa biti uvijek presudna u donošenju nekih odluka. Dakle, najiskrenije govorim i pokušavam evo dati odgovore na ova pitanja. Hvala vam.

**Predsjedavajuća:** hvala vam lijepo.

**Poslanik Besim Mehmedić:**

A iskreno ja se ne šalim ovakve izjave, boja dresova, Željko, Sarajevo ja ne bih ovdje u Skupštini da imamo jer mi smo ovdje zastupnici i navijači Sarajeva zato što živimo u Sarajevu, nemamo o tome šta razgovarati. Nisam hito poslovnički intervenisati, gđinu Kojoviću sugestija on je postavio pitanje i diskusiju a buduće iako je pet minuta. Zato sam i ja mogao postaviti pitanje ali evo pošto me je sada red da diskutujem, konzistentno onako kako smo nas četvero u vrijeme kada se donosila odluka s tri na pet, tada smo imali argumente i rekli smo da je to neracionalno, i da nije u povećanju broja Skupština kvaliteta rada. To je politička odluka tadašnje pozicije bila i mi znamo svi ovdje, ja neću nabrajati zbog čega, ali zbog zapisnika i istinitosti onoga što smo tada rekli iza toga stojimo i danas. I mislim da je ovo što je Vlada predložila s pet na tri, vraćanje što smo i mi prije otprilike godinu dana govorili. Prema tome nema nikakvih razloga da ovdje objašnjavamo je li to racionalno ili nije, pa normalno da je racionalno, jer je nemoguće da isto bude plaćeno pet ljudi i tri čovjeka. Ali ovdje se ne radi o plaćanju, nego se radi o kvalitetu da će ova Skupština sa članovima Skupština preduzeća uspjeti da radi kvalitetno i transparentno u ime nas preko Vlade. To je

mnogo važnije nego da raspravljamo o tome da li je neko plaćen 360 KM i onda zbirno za godinu dana nego je mnogo važnije ono što nas očekuje u narednom periodu da te Skupštine zaista budu Skupštine vlasnika i da zaista iniciraju ono što treba da se rješava u svakom KJP. Hvala.

**Poslanik Damir Čardžić:**

Pa dobro ja ću biti kratak. Hvala predsjedavajuća. Ja ću samo da napomene kada je prošla parlamentarna većina bila kada smo izglasavali sa tri na pet ja sam bio za tih pet. Ja sam bio tu malo instruiran od ljudi koji su malo više i duže od mene u politici i oni su meni objasnili da je to po nekom principu, da će biti bolja varijanta da će se zaštititi zakonitost rada i svega, međutim ja moram biti iskren da sam napravio jednu veliku pogrešku iz razloga što sam na kraju shvatio da je ta parlamentarna većina koja je bila ovdje apsolutnu vlast uzela u vladi i samim tim upravljačkim strukturama svih tih firmi koje su nadležnosti KS. Ovom prilikom želim samo da naglasim da je u vladi koja je trenutno sada nisu svi ljudi politički orijentisani, tu ima ljudi van političkih partija koji su izabrali zastupnici i ova parlamentarna većina da uđu u Vladu i mislim da je jedan kvalitet u svemu zato što je tu šest političkih partija i četiri samostalna poslanika da će biti realniji u cijelom procesu ovom vezano za postavljanje tih upravljačkih struktura pa mislim da je ovo jedna odluka ne samo uštede nego da će biti puno kvalitetnije, samim time što je za te odluke potrebna dvotrećinska većina, a mi znamo da je dvotrećinska većina od pet, četiri ne može biti nikako tri, tu bi veoma teško došlo do rješenja. Hvala vam puno.

**Poslanik Elmedin Konaković:**

Pa žao mi je samo što nema kamera da javno čestitam vizionarima mom kolegi Kojoviću, Klubu SBB, i onima koji su tada kritizirali prijedlog odluke da se poveća na pet. Žao mi je zaista što nemam priliku, a to javnost ali vjerovatno će neki medij prenijeti. Dakle, mi smo tada bili dio sada govorim kao oni koji su promijenili stav, vidim da su svi konzistentni i to mi je drago. Mi smo ovdje promijenili stav. Dakle, imali smo Vladu, parlamentarnu većinu koju su činili SDP i SDA, premijera koji je došao sa dobrim namjerama da dobro i časno radi svoj posao i jedan od prijedloga mjera je bio povećanje broja članova Skupština, ali evo zaista da vam ja kažem s aspekta i evo poznavanja jednog dijela te materije, postoje i drugi modaliteti kada hoćete da promijenite određene organe u okviru zakona, bez da to završi na sudu. Moglo se to i drugačije. Nije ovo nikakva loša poruka. Žao mi je također što nema kamera, jer je ovo prva jasna poruka nove parlamentarne većine da ovdje nisu baš ovako kako nas predstavljaju lični interesi u prvom planu i pogotovo ovaj dio ko ji je kolega Kojović koristio kao termin uhljebljavanje nekih stranačkih kolega kao naša primarna želja. Dakle, u ovoj matematici i oni koji su lično zainteresovani istrpit će sigurno određene korekcije i ovdje nema toliko mjesta za uhljebljenje ako to neko interpretira kao namjeru. To koliko su bile naknade je naravno interesantno pitanje. I to što su prije bile veće i uštedama i povećanjem na pet i to smo pozdravili, to je bio dobar potez. A sada još više štedimo, dakle ne povećamo naknade, smanjujemo na tri i ono što je operativno i u šta nas je također nova Vlada sa vizijom malo drugačijeg odnosa prema ovoj sferi djelovanja Vlade i Skupštine Kantona ubijedila i predložila. Naravno mi smo to prihvatili, i sada ćemo sigurno za to glasati. Dakle to je samo novi pogled novog premijera nove Vlade na ono što se tamo dešava a vjerovatno je najosjetljiviji i najbitniji dio života u KS. Dakle u sferi ove komunalne privrede. I to što su naknade bile manje na pet, to je dobro, sada je još bolje, još manje naknade imamo tri člana i tu operativniju mogućnost donošenja određenih odluka. Pozdravljam također i epitete i pohvale uglednim privrednicima iz SDA, a o kojima do sada nisam baš slušao ta pohvalna izražavanja. Dakle ugledni privrednici iz SDA ko ji su glasali za ostanak ovih pet drago mi je da su se eto još neki stavovi promijenili unutar ove naše Skupštine. Što se tiče ovog zadnjeg

dijela koji sam napisao a već sam o njemu rekao, dakle stvaranje tog političkog ambijenta da se nešto sada promijeni, pa da drugi dođu. Postoje zaista zakonske procedure tipa neusvajanja izvještaja, tipa nekih drugih procedura koje vam odmah omogućavaju mogućnost nekih promjena, to bi bilo da je ovo jedina mogućnost pa da se tako traži i žao mi je što nismo mogli ovu ozbiljnu poruku, ozbiljnog rada Vlade, ušteda racionalizacije, operativnijeg odnosa tih Skupština, NO prema poslu, pokazati javnosti u direktnom prenosu, ali eto imat ćemo prilike sigurno o tome govoriti. I još jednom čestitke vizionarima, bili ste u pravu.

**Predsjedavajuća:**

Zahvaljujem gđinu Konakoviću, prije nego što prozovem sljedećeg poslanika ja imam samo obavezu da vam saopštim da sam ja zamolila dopredsjedavajućeg Ademovića da nastavi voditi današnju sjednicu, ja zdravstveno više nisam u stanju.

Hvala vam unaprijed.

**Dopredsjedavajući Kemal Ademović:**

Hvala predsjedavajućoj.

**Poslanik Naser Nabil:**

Hvala dopredsjedavajući. Ja ću biti pravi vizionar pa ću pročitati šta je gđin Konaković izjavio na 4. Sjednici od 5. Septembra 2011 godine da vam osvježim vašu memoriju. Kaže: „Sljedeći u raspravi Elmedin Konaković, konstatuje da komunalna privreda u KS predstavlja gorući problem koji je posljedica lošeg kontrole, komunikacije Skupština ovih preduzeća sa osnivačem, neshvatljivim ističe da direktori komunalnih preduzeća koji imaju višemilionske gubitke u poslovanju imaju enormno visoka primanja. Poslanik cijeni da su predložena rješenja mudar i racionalan potez Vlade Kantona i da će omogućiti izmjene zakonskih rješenja u smislu da Skupština Kantona kao osnivač ima veću kontrolu utroška finansijskih sredstava koja se iz budžeta Kantona izdvajaju za ova preduzeća“. Završen citat. Ok sada je nije konzistentan više tom stavu. Sada je to druga priča. Razumijem. Znate šta, ja razumijem dođe nova parlamentarna većina pa skida postojeći, mijenja postavlja svoje ljude, ok i to je meni već iako već dvije godine u tom zanatu postalo normalno, šahovska rješenja, kadrovska rješenja. Ali ako pitam kao što sam pitao tada premijera Musića i sad sam isto tako htio isto od gđina Zeljkovića da čujem zaista iskreno šta je svrha i šta je pisac htio da kaže, jednostavno vi to pokušavate zaobići pa kroz stražnja vrata. Gospodo draga vi želite da promijenite članove Skupština ovih svih firmi, počevši od VIK-a završavajući sa TVKS. Ja to razumijem i kako ćete iz 5 odnosno 4, koja su vaša kriterije da izaberete dva i da ostane dva, to je nemoguće. Izbacit ćete one iz SBB-a pa ćete ubaciti iz nekih drugih političkih partija i to je to. Ili nešto treće. Molim vas ovo je napad jednostavno na moju bazičnu, prebazičnu i inteligenciju. Recite otvoreno, mi smo nova parlamentarna većina. Mi hoćemo da dovedemo svoje ljude u Skupštine, da ih udomimo i završena priča. To razumijem. Ali pričati o racionalizaciji, ekonomizaciji, to je izvinite bacenje prašine u oči. Ja to ne mogu prihvatiti., hvala vam lijepa.

**Poslanik Elmedin Konaković – replika:**

Da ih udomimo je ponovo bio termin udomljavanje. Da smo to zaista htjeli ili da je to ova Vlada htjela, evo ja pitam zašto onda mi ne bi smo predložili sedam kao još jedan demokratičniji odnos, ili još jedan odgovorniji odnos prema tom poslu, imamo tu mogućnost, mogli smo predložiti po sedam i onda demonstrirati da je to segment uhljebljavanja. Žao mi je što nije bilo kamera, doživio sam da me citira gđin Nabil i meni to laska. S druge strane, ja što kažem da ste vizionar i da ste bili u pravu i hvalim vas, vama se to ne sviđa. Vi hoćete da ja kažem nešto drugo. Ja ponavljam vi ste bili u pravu, ja nisam konzistentan, pogriješio sam u



toj procjeni i danas imam drugačiji stav. Ja danas mislim. Eto pola ste mi vi oprostili, dobacujete mi , a nemojte mi dobacivati kada govorim. Dakle, ova Vlada je to predložila kao jednu od mjera, premijer nas je ubijedio da je to dobra stvar i mi smo za to glasali. Bili ste u pravu kolega Nabile, ja danas imam stav koji sam promijenio. Nadam se da vi imate stav koji niste promijenili.

**Poslanik Branislav Crnogorac:**

Apsolutno ne sumnjam u dobre namjere premijera. Međutim, o čemu se u suštini radi mi ćemo tek vidjeti kada se završi ova racionalizacija i kada budemo vidjeli ko je ustvari iz ovih Skupština ispao iz igre, jel. Dakle, sačekat ćemo to. Sada nećemo biti vizionari nego ćemo sačekati pa ćemo se onda moći uvjeriti o čemu se radi. A ono što je krucijalan problem do sada bio kada su u pitanju javna preduzeća, nije to apsolutno bilo u tome da li Skupštine broje pet, ili broje tri, nego je suštinski problem bio u tome što smo mi kao Skupština primali k znanju izvještaje ovih javnih preduzeća a nismo ih razmatrali. Dakle, nebitno je li tri ili pet, ono što je najbitnije to je da smo se mi opredijelili da ćemo ubuduće razmatrati izvještaje javnih preduzeća i tek na taj način mi ćemo stati u kraj nekim nečasnim radnjama u JP. Hvala.

**Poslanik Fazlija Nedžad:**

Zahvaljujem dopredsjedavajući. Ja se izvinjavam što ću ovaj put sjediti jer cijeli dan ustajem, pa nemojte mi zamjeriti. Ja ću krenuti od komentara koje je premijer dao vezano za ove komisije i glasanja. Komisija za budžet i finansije nije podržala, odnosno nije donijela stav o podržavanju ove tačke. Komisija za privredu također. I Komisija za prostorno uređenje. Najveći poraz ova odluka je doživjela na Komisiji za privredu 5:1 je bio odnos i čak je ova komisija išla dotle da je predložila vladi zaključak u kojem se kaže da Skupština javnih preduzeća čiji je osnivač KS, čini pet članova, znači ostaje isto, a da se naknada članovima isplaćuje u iznosu sredstava planiranih za tri člana. Znači i na taj način se moglo uštediti, odnosno ostvariti uštede za ono što se planiralo ako je to bio razlog, a ja mislim da nije to bio glavni razlog uštede ovih sredstava jer ako su se već trebale tražiti uštede onda su se trebale tražiti u onom segmentu direktori, izvršni direktori vi svi dobro znate da generalni direktori tih preduzeća imaju mnogo veće plate čak i od samog premijera. Ja mislim da to premijer vrlo dobro zna, i mislim da to nije u redu. Drugo, rečeno je da su prosječne plaće, i ja imam tu informaciju, odnosno naknada u prethodnom sazivu kada su oni članovi bili 2,5 godine v.d. je bila prosječna plaća LD-a u tom preduzeću. Vi znate da ima nekih firmi koje imaju prosječni LD negdje oko 1.000 KM a ima bogami i onih koji imaju i veći. Pa za one u kojima je veći prosječni LD znači ta je naknada bila možda negdje oko 1.500 KM, znači tri člana su koštala to preduzeće 4.500 KM. Dolaskom nove Vlade dolaze i nove vizije u tim Skupštinama i onda pet članova po 300 KM koštaju 1.500. znači njih petorica koštaju kao što je jedan u prethodnom sazivu. Toliko o navodnim uštedama. Ja znam a postoji prostor i da se još dodatno ušteduje i štedi ali može se uštediti na kraju nemojte ljudima ništa plaćati i onda je to najbolja ušteta. Ne smatram da je naknada od 300 KM kao što kolege kažu uhljebljenje. Ako neko može živjeti od 300 KM, na žalost penzioneri jedino oni znaju sami kako sastavljaju kraj s krajem ali mislim da se ovaj termin uhljebljenje ne može koristiti. Ako već kolega Kojović kaže uhljebljenje, kolega Kojoviću i vi ste ovih dana, odnosno zadnjih 15, 20 dana prodali dušu pa ste i vi svoje kadrove pokušali uhljebljavati na razna mjesta koja su vam se otvorila prilikom formiranja opštinskih vijeća i gradskog vijeća. Također sam mislio da će se kolega Backović, a ja nisam pripremio kao što su kolege i Kojović i Nabil pripremili zapisnike sa 4. Sjednice Skupštine ali evo pozivam kolegu Backovića da se i ovaj put i uključi i da kaže kao što je i onda govorio da se radi o živim ljudima i da se poslanici igraju sa ljudskim sudbinama. I ja ću na kraju iskoristiti priliku da se kasnije ne javljam da pročitam samo obrazloženje na amandman Kluba SDP. Mi smo tražili amandmanom da ostane nepromijenjeno kao što je

bilo, 5 članova i imamo četiri naša argumenta koji pobijaju argumente Vlade da je ovdje najprioritetnije smanjenje troškova. Racionalizacija i smanjenje troškova je već postignuto utvrđivanjem visine naknade za rad u ovim upravljačkim strukturama jer je Vlada donijela odluku da se maksimalna visina naknade 35% od prosječne plate ostvarene u KS za prethodni mjesec. Znači to je ovih od 300 do 350 KM. Ozbiljnost ove tematike, ovo posebno naglašavam, Vlada KS nastala u pripremi zakona kojim bi se ova oblast definitivno uredila i za upravljačku i za menadžersku strukturu. Znači za Skupštine a bogami i za ove direktore ovih javnih preduzeća. Vlada je na svojoj 89. Sjednici od 04.10.2012 godine utvrdila nacrt zakona o plaćama i naknadama članova organa upravljanja i drugih organa i institucija i KJKP. Znači ova Vlada u prethodnom sazivu je dodatno. Imam još samo jednu tačku gdine dopredsjedavajući, ja znam ad vi samo mene, jedino mene kada vi sjednite za predsjedavanje, ja ne znam zašto mene stalno opominjete. Znači dodatne uštede su se tražile u ovoj upravljačkoj. Također smatramo da će ovo biti uzrok tužbi članova sadašnjeg saziva Skupština KJKP i JKP protiv KS zbog njihovog razrješenja prije isteka mandata na koji su imenovani na 13. Skupštini KS 28.03.2012. godine. Znači oni nemaju ni nepunu godinu dana. I na kraju ovim činom bi se smanjila efikasnost, transparentnost i demokratičnost a stvorili uslovi za koruptivnost. Lakše je upravljati s tri čovjeka nego sa pet. Hvala i izvinjavam se za probijeno vrijeme.

#### **Poslanik Zaim Backović:**

Zahvaljujem se gдинu Fazliji što vrlo često citira što kažem. Šteta što ja nemam šta citirati što on kaže. Iz praznog se ne može i nema se šta citirati. Pošto su mu diskusije vrlo često prazne i naravno napisane neko ih donese i vi ste mene citirali gdine Fazlija. A obzirom da ste me citirali onda budite toliko hrabri i strpite ono što ja kažem. Jer da vi uvijek prozivate a da vas niko ne proziva ne ide to tako.

No da se vratimo na temu. Ja lično i stav političke opcije je bio apsolutno protiv povećanja zajedno sa kolegama koji su ovo govorili. Također bio sam protiv načina imenovanja. I bez obzira na sastav parlamentarne većine opet ću biti protiv ukoliko se ovaj put za svakog po na osob poimenice što prošla parlamentarna većina nije uradila, i nije htjela da uradi, ne dostavi puna biografija sa radnim karakteristikama i onim što mora posjedovati onaj u smislu moralnog digniteta koji će biti imenovan eventualno u neku od Skupština. Prema tome, podržavam ovo u što je krenula Vlada, s tim što opet napominjem, ne znam koga će i kako predlagati ali parlamentarci moraju imati an uvid koga predlažu sa punom biografijom i svim onim što ej normalno. Da tamo kaže da je priložena potvrda o nekažnjavanju da nema sukoba interesa, itd. Nemojte mahati glavom. Kada sam prošli put nabrajao ovdje i govorio da su imenovani kriminalci, smijali ste mi se. Kada sam rekao ovdje da se ljudima prijeti zbog toga smijali ste mi i imenovali ste ljude. Da ne bude to i ovaj put. Hvala.

#### **Poslanik Efendić:**

Zahvaljujem dopredsjedavajući. Ja ću prije nego evo postavim pitanje i dam osvrt po ovoj tački dnevnog reda zaista zamoliti uvaženog poslanika Zaima Backovića zaista da ne vrijeđa kolege u skupštini. Dakle mi smo svi ovdje izabrani i treba da poštujemo jedni druge. Je li sada neko prazan ili nije, dakle da se suzdržimo od takvih konstatacija, to je za mene zaista na neki način neprihvatljivo. Mislim da Backović nije prvi put nije ovo uradio ali evo ja ga uljudno molim da to više ne radi. Nisam advokat ni Fazlijin, ovo govorim za sve ostale kolege koje ovdje ravnopravno učestvuju u radu, dakle to ne zaslužujemo.

Ja bih sada samo iznio svoj stav po pitanju ove tačke dnevnog reda, on je sljedeći. Mi smo i na komisiji za prostorno uređenje i Kemo i Adnan Solaković također učestvovali u radu te komisije. Ovaj prijedlog je odbijen, nije se prihvatio. Ja sam tada rekao, a reći ću evo i sada zaista ovo je malo ponižavajuće slušati da se Vlada odredila u svojim postupcima kroz

argumentaciju uštede dakle da treba kroz ovaj segment izvršiti uštedu od 100.000 KM. Dakle bilo je tu raznih drugih segmenata gdje je ova Vlada mogla odrediti da uštedi ako je to bilo promptno i ako je to trebao biti jedan od prvih koraka. Zašto ušteda 100.000 KM i zašto kroz ova preduzeća. Dakle, Vlada u prethodnom sazivu je na papiru i na gorivu uštedila više milionske iznose. Ne 100.000 nego višemilionske iznose. Na papiru i na gorivu, mi to svi znamo. Dakle ovo samo govori koliko se slaba ova argumentacija kada su u pitanju izmjene i dopune članova Skupštine. Zaista ne mogu da vjerujem da možemo po ovom pitanju ovako raspravljati. Dakle donosimo uštedu KS od 100.000 KM kroz kao smanjenje članova Skupština preduzeća i to kroz suštinska preduzeća koja nose ovaj Kanton. To je dakle samo po pitanju argumentacije i zaista ovo je klasična odluka koja će politički usmjeriti i kadrovirati novu parlamentarnu većinu i zaista to nam recite da znamo da su to prvi prioriteti Vlade KS. Hvala lijepo.

**Poslanik Hajdarević:**

Poštovane kolege zastupnici pa ta dilema tri ili pet djeluje tragikomično ako se ima u vidu u kakvom su stanju JP. Naravno da se radi o političkoj odluci kao što se najvjerovatnije radilo o političkoj odluci septembra 2011 iz jednostavnog razloga što je to bio jedini način da i drugi kadrovi pored kadrova SDA u to vrijeme budu članovi Skupština jer se SDA svo ovo vrijeme na neki način samu sebe tumačila vlasnikom svih naših sudbina, života, svih materijalnih dobara, a samim tim i stravičnih gubitaka u kojima na neki način svi sudjelujemo. Ja bih volio da uzmete najozbiljnije u razmatranje ono što je rekao zastupnik predsjednik Kluba SDP kada je spomenuo da komisija za privredu 5:1 nije prihvatila ove argumente da se radi o uštedama, da stvar bude na neki način smješnija jeste to da je u medijima procurilo 300.000 i govorimo se sve vrijeme 300.000 odjednom je to spalo na 105.000 ali i te su uštede smiješne u odnosu na mogućnosti da se na kraju krajeva taj planirani novac koji eto treba da dobiju ljudi koji rade u Skupštinama moraju se rasporediti tako da to ne bude 35% od prosječnog dohotka u Kantonu, može se to na neki način smanjiti, ono što bi se dalo trojici može se dati isto tako i peterici, ali što je najvažnije jeste transparentnost demokratičnost i još jednom insistiram, transparentnost demokratičnost i smanjenje koruptivnosti. Ovako možemo na neki način pomisliti da zapravo bi tri čovjeka trebala samo da zaštite kriminal u onim preduzećima gdje zaista ima kriminala. Drugog načina i drugo neke, drugačije ja to nikako ne mogu razumijeti. Toliko i hvala.

**Poslanik Predrag Kojović:**

Zahvaljujem dopredsjedavajući. Pretpostavljam da ste vi mislili da sam se ja javio za repliku poslaniku Fazliji, ali neću odgovarati na ovaj njegov intelektualni promašaj. Ja razumijem, mene je zaista dotakla.

**Poslanik Nedžad Fazlija – poslovnička intervencija:**

Dopredsjedavajući ja vas stvarno molim ako Klub SDP-a ovdje smeta ili ako predsjednik Kluba SDP-a smeta onda da mi napustimo Skupštinu ii da nas pokušate zaštititi od ovih uvreda. Mislim ako mi nanosimo nekome duševnu bol sa našim i ne mogu to da otrpe pa nemaju nikakav drugi argument nego nas počnu vrijeđati, stvarno to ne dolikuje ni ovoj skupštini, a pogotovo poslanicima. /ostatak govora se ne čuje/

**Dopredsjedavajući Kemal Ademović:**

Nadam se da imam. Vi ste sami izazvali i repliku i prethodno u vašoj diskusiji imali ste tako nešto slično itd. Ja sve zastupnice i zastupnike upozoravam sada mi smo evo iza 22 sata. Koncentracija je opala, nervoza se povećala. Ja vas molim da imate strpljenja, ja ću koristiti svoje ovlasti i poštovati ću Poslovnik i zaista ću ga koristiti sve ono što stoji u Poslovniku ja

ću to koristiti. Zamolio bih vas da se uzdržite od neprimjerenih komentara, neprimjerenih riječi u svojim diskusijama, svakako možete sve reći da ne upotrijebite neku grubu riječ. I nemojte odmah reagovati jedni na druge, molim vas.

**Poslanik Predrag Kojović:**

Zahvaljujem predsjedavajući. Ja ne vidim zaista, moj odgovor na komentar poslanika Fazlije da sam ja prodao dušu koju sam ja nazvao intelektualnim promašajem, ja mislim da je to disproporcionalan odgovor na to što je on rekao. Da se ja vratim na ono što sam hito da kažem. Ja razumijem premijerovu poziciju, to je nešto s čime se mi srećemo i na drugim nivoima vlasti. Stanje ne valja ali kada neko pokuša nešto da promijeni postojeće stanje onda se pripisuju različiti motivi, ide se u stvaranje hipotetičkih situacija. S druge strane ja zaista razumijem i sumnjičavost koju iskazuju poslanici prema ovoj promjeni u upravljačkim strukturama u ovim preduzećima. Jer iskustvo nas uči da su ona do sada isključivo služila kao mjesta gdje su stavljeni stranački kadrovi. Ovaj problem bi bio vrlo jednostavno riješen premijeru, da ste vi sa ovom odlukom izašli također sa kriterijima po kojima ćete smanjivati broj članova u skupštini. Da ste rekli, znači oni koji su posljednji izabrani u Skupštine bit će skinuti ili napraviti ću to tako da nemaju određene stranke preferencu itd. Znači kada ste se odlučili da smanjite broj sve što ste trebali uraditi je izaći sa kriterijumom po kojem ćete izvršiti to smanjivanje i onda bi smo mi potpuno imali uvid u to zašto se neko izostavlja iz Skupštine, sklanja iz Skupštine i po kojem kriteriju. I ako imate tako neku ideju po kojem kriteriju to mislite raditi, onda nam to iznesite, mislim da ćete nam uštediti mnogo sati diskusije ovdje.

**Dopredsjedavajući:**

Hvala zastupniku Kojoviću. Obzirom da nema prijavljenih zastupnika, zaključujem raspravu. Pozivam zastupnike da zauzmu svoja mjesta prije nego što pristupimo izjašnjanju. Pozivam Klub SDP-a da li ostaje pri svom Amandmanu koji je uložio a Vlada ga odbacila?

Onda ćemo prvo pristupiti izjašnjanju o ovom Amandmanu. Prije nego što započnem čitanja zamolio bih vas da zauzmete mjesta.

**Amandman 1**

U Odluci o osnivanju Skupština javnih preduzeća, čiji je osnivač Kanton Sarajevo („Službene novine Kantona Sarajevo“, br. 25/09 i 22/11), član 2. stav (1) ostaje **nepromijenjen**.

Molim poslanike da pristupe izjašnjanju o ovom Amandmanu.

**ZA OVAJ AMANDMAN GLASALO JE 11 ZA, UZDRŽAN 1 I PROTIV 18. OD UKUPNO 30 KOJIH JE GLASALO, 2 NISU GLASALA.**

**KONSTATUJEM DA SKUPŠTINA NIJE PRIHVATILA AMANDMAN.**

Prelazimo na izjašnjanje po tačkama dnevnog reda pojedinačno kako slijedi.

Pitam sekretara da li je moguće ove tačke objediniti?

**Sekretar Abid Kolašinac:**

Obzirom da se radi o istoj stvari, dakle od 14 JKP ista je materija, odluka je jedinstvena sa pet na tri, može se glasati za sva preduzeća jedinstvo, da ne ide pojedinačno radi racionalnosti a napraviti će se pojedinačne odluke za sva preduzeća.

**Dopredsjedavajući Kemal Ademović:**

Nakon pojašnjenja sekretara molim zastupnike da se izjasne o Prijedlogu da se o svim prijedlozima glasa o odjednom a ne pojedinačno.

Od ukupno 31 glasanju je pristupilo 27, za je glasalo 20, uzdržanih 0, protiv 7. Konstatujem da je ovaj Prijedlog dobio većinu te ćemo pristupiti izjašnjanju zajedno za sve tačke dnevnog reda, radi stenograma:

**Prijedlog odluke o izmjeni Odluke o osnivanju Skupština javnih preduzeća čiji je osnivač Kanton Sarajevo i prijedloge odluka o izmjenama Odluka o usklađivanju statusa Kantonalnih javnih komunalnih preduzeća sa Zakonom o javnim preduzećima u Federaciji Bosne i Hercegovine i to:**

- a) "Vodovod i kanalizacija",
- b) „Rad“,
- c) „Park“,
- d) „Pokop“,
- e) „Sarajevogas“,
- f) „Toplane“,
- g) „Tržnice-pijace“,
- h) "Kantonalna veterinarska stanica",
- i) "ZOI84",
- j) „PD Butmir“,
- k) Centar "Skenderija",
- l) „Sarajevo-šume“
- m) "Gradski saobraćaj "
- n) "Televizija Kantona Sarajevo"

Molim poslanike da pristupe izjašnjanju o navedenom Prijedlogu.

**Od ukupno 31 prisutnih po karticama ukupno je glasalo 30, 1 nije glasao, od toga je ZA glasalo 19, uzdržan je bio 1, protiv 10.**

**KONSTATUJEM DA JE OVAJ PRIJEDLOG DOBIO POTREBNU VEĆINU.**

**Prelazimo na 12. tačku dnevnog reda.**

**AD – 12.**

**PRIJEDLOG ODLUKE O DAVANJU SAGLASNOSTI NA POSLOVNIK O RADU VIJEĆA NACIONALNIH MANJINA KANTONA SARAJEVO**

Prijedlog odluke ste dobili uz poziv za sjednicu.

Molim sekretara ispred Predlagača da podnese uvodne napomene.

**Sekretar Abid Kolašinc:** uvodno izlaganje

**Dopredsjedavajući Kemal Ademović:**

Da li predstavnici radnih tijela žele riječ? Ima li pitanja zastupnica i zastupnika?

**Poslanik Naser Nabil:**

Ja hoću samo još jednom da čujem od sekretara, da li se radi o cijelom članu 5 ili je zadnja rečenica znači da se briše sa pravom glasa? Ili šta? Nisam razumio decidno.

**Sekretar Abid Kolašinc:**

Dakle u zakonu o zaštiti nacionalnih manjina stoji da je to Vijeće nacionalnih manjina stalno skupštinsko radno tijelo, savjetodavna i da oni imaju dva člana u Komisijama, Komisija za pravdu i ljudska prava i građanske slobode i Komisiju za ustavna pitanja, bez prava, oni imaju stalne članove ali nisu članovi sa pravom glasa. Oni su u svom Poslovniku napisali sljedeću rečenicu možda niste pažljivo slušali pa niste evo ja ću je ponoviti. Dakle: „stalni predstavnici Vijeća u Komisijama za ljudska prava i građanske slobode, i Komisiji za ustavna pitanja imaju status vanjskih članova, komisije sa pravom glasa. Dakle, to u zakonu ne stoji, on je direktno u suprotnosti, ova rečenica koja stoji u Poslovniku je direktno u suprotnosti i sa zakonom i sa našim Poslovnikom. Dakle, treba da ti saglasnost na ovaj Poslovnik uz uslov da se briše ova rečenica gdje stoji da imaju pravo glasa i da imaju status vanjskih članova. Eto toliko. A sve ostalo ostaje. Da ne čitam kompletan član 5. Sve ostaje u članu 5 osim ove rečenice u stavu 1 člana 5.

**Dopredsjedavajući Kemal Ademović:**

Hvala sekretaru Kolašincu. Otvaram raspravu.

**Poslanik Naser Nabil:**

Hvala vam lijepo. Ja sam jučer u razgovoru sa v.d. gđinom Davorom Ebnerom zaista moram prvo preneti pozdrave svih članova Vijeća nacionalnih manjina zastupnicima u SKS, i obradovan sam zaista činjenicom da već sada na pomolu da će imati Poslovnik i nakon toga da će izabrati predsjedavajućeg i zamjenika predsjedavajućeg koji će biti za stalno za Vijeće nacionalnih manjina. Istovremeno molio bih pri izradi budžeta i za narednu godinu da se ne desi ono što se desilo prošli put sa ovim propustom da se ne predviđaju budžetska sredstva za Vijeće nacionalnih manjina s obzirom da smo mi sada u obavezi da trebamo obezbijediti sredstva za rada tog Vijeća. Vezano za Poslovnik evo prvi put tu izmjenu ona je ok, jer ona samo predstavlja savjetodavna tijelo pri SKS a ne ništa više od toga. Toliko od mene. Hvala vam lijepo.

**Dopredsjedavajući Kemal Ademović:**

Hvala zastupniku Nabilu. Obzirom da nema više prijavljenih diskutanata, zatvaram raspravu i riječ dajem sekretaru Kolašincu ispred Predlagača. Izvolite sekretaru.

**Sekretar Abid Kolašinc:**

Htio bih da kažem jednu informaciju vezano za ovo Vijeće nacionalnih manjina. Dakle oni su od strane predsjedavajuće i od strane premijera primljeni, obavljen je razgovor i oni su izrazili izuzetno zadovoljstvo. Jedino je KS obezbijedio sve uvjete za rad Vijeća nacionalnih manjina, dobili su prostorije i sve ono što ide od kompjutera, telefona itd jedini smo mi u FBIH, ne

znam u RS-u, ali obezbijedili uvjete, dakle nije ni na nivou FBIH Vijeće nacionalnih manjina nemaju svoj prostor, mi smo im obezbijedili budžetska sredstva također za ovu godinu, 10.000 KM. I ne znamo kakav će budžet obzirom da je po zakonu Skupštinska služba zadužena za saradnju sa Vijećem nacionalnih manjina da im pruža usluge planirali 30.000 KM, ne znam da li će to ostati 30 više ili manje, vidjet kakvo će biti stanje u budžetu. Eto toliko i hvala.

**Dopredsjedavajući Kemal Ademović:**

Hvala sekretaru Kolašincu, prije nego što pređemo na izjašnjavanje po ovoj tački dnevnog reda zamolio bih zastupnike da zauzmu svoja mjesta.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA POSLOVNIK O RADU VIJEĆA NACIONALNIH MANJINA KANTONA SARAJEVO, UZ PRIMJEDBU SEKRETARA KOJA PREDSTAVLJA BRISANJE ODREDBE ČLANA 5.**

OD UKUPNO 31 GLASANJU JE PRISTUPILO 30, 1 ZASTUPNIK NIJE GLASAO, ZA JE GLASALO 30, UZDRŽAN NEMA, PROTIV NEMA.

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA POSLOVNIK O RADU VIJEĆA NACIONALNIH MANJINA KANTONA SARAJEVO.**

**Čestitam zastupnicima i zahvaljujem.**

**AD – 13.**

**PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JU „SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD OD 01.01. DO 31.03.2013. GODINE, BROJ: 05/1-1925/12 OD 13.12.2012. GODINE**

Prijedlog odluke ste dobili u dopunskom materijalu.

Molim predstavnika Predlagača da podnese uvodne napomene.

**Ministar Muamer Bandić:** uvodne napomene

**Dopredsjedavajući Kemal Ademović:**

Zahvaljujem ministru Bandiću.

Da li predstavnici radnih tijela žele riječ? Ima li pitanja od strane zastupnika?

Nemam nikoga prijavljenog.

Otvaram raspravu. Obzirom da nemam nikoga prijavljenih zatvaram raspravu. Molim zastupnike da zauzmu mjesto da se pripreme za izjašnjavanje.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JU „SLUŽBA ZA ZAPOŠLJAVANJE KANTONA SARAJEVO”**

**SARAJEVO ZA PERIOD OD 01.01. DO 31.03.2013. GODINE, BROJ: 05/1-1925/12 OD 13.12.2012. GODINE.**

OD UKUPNO PRISUTNIH 31, GLASALO JE 30, ZA SVIH 30.

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JU „SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD OD 01.01. DO 31.03.2013. GODINE, BROJ: 05/1-1925/12 OD 13.12.2012. GODINE.**

**AD – 14.**

**PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA PRIHODA I IZDATAKA JAVNE USTANOVE “SLUŽBA ZA ZAPOŠLJAVANJE KANTONA SARAJEVO” SARAJEVO ZA 2012. GODINU**

Prijedlog odluke ste dobili uz poziv za sjednicu.

Ima li ispred Predlagača potrebu da podnese uvodne napomene? Ministre izvoli. Obzirom da su zastupnici vratili ministra. Ima li pitanja? Otvaram raspravu.

**Poslanik Mujo Hošić:**

Ja mislim da je ovo jedina ustanova koja u 2012 ima 6,3 miliona viška. Ja nikada ne bih aplaudirao. U normalnim država manjak i višak se smatra da neko nije znao napraviti procjenu. Neću sada da govorim kako je nastao taj višak. Mladom direktoru ove ustanove sugerišem ovaj višak ako bi se malo više angažovali na povratu sredstava koja su prethodnih godina davana tako kako jesu ovaj višak ovog momenta ne bi bio 6,3 miliona bio bi negdje 26.300 miliona. Podržat ću ja ovaj prijedlog. Ali sugerišem kada budem pravljen izvještaj o poslovanju da se obratimo ovome o čemu sam rekao da bi taj višak mogao biti puno puno veći.

**Dopredsjedavajući Kemal Ademović:**

Hvala zastupniku Hošiću. Obzirom da nemam prijavljenih zastupnica niti zastupnika zaključujem raspravu i molim poslanike da se pripreme za glasanje.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA PRIHODA I IZDATAKA JAVNE USTANOVE “SLUŽBA ZA ZAPOŠLJAVANJE KANTONA SARAJEVO” SARAJEVO ZA 2012. GODINU.**

**OD PRISUTNIH 31 GLASALO JE ZA 30, 1 NIJE GLASAO, NEMA UZDRŽANIH I PROTIV.**

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA IZMJENE I DOPUNE FINANSIJSKOG PLANA PRIHODA I IZDATAKA JAVNE USTANOVE “SLUŽBA ZA ZAPOŠLJAVANJE KANTONA**



**SARAJEVO” SARAJEVO ZA 2012. GODINU.**

**Mi pred sobom u tački 15 imamo:**

**AD – 15.**

**PRIJEDLOG ODLUKE O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2013. GODINU**

**16 tačka je PRIJEDLOG ODLUKE O DAVANJU SAGLASNOSTI NA PLAN RADA SA FINANSIJSKIM PLANOM PRIHODA I RASHODA ZA 2013. GODINU KANTONALNOG STAMBENOG FONDA SARAJEVO**

**Predlažemo da ove dvije tačke objedinimo u diskusiji a u glasanju da glasamo za svaku ponaosob.**

Molim da se zastupnice i zastupnici izjasne o ovom prijedlogu ko je za?

Od ukupno 31 prisutni ZA je glasalo 23, uzdržani 1 , protiv 1, 6 nije glasalo.  
Konstatujem da smo objedinili ove dvije tačke.

Pozivam predstavnika Predlagača da podnese uvodne napomene ukoliko ima potrebe a zastupnici su dobili materijale. Nema potrebe niko ispred predlagača. Da li predstavnici radnih tijela žele riječ? Ima li pitanja? Otvaram javnu raspravu. Zamolio bih zastupnika Solakovića da se malo još..

Obzirom da nema prijavljenih zastupnica niti zastupnika zatvaramo raspravu. Molim zastupnike da se pripreme za izjašnjanje.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2013. GODINU**

**OD UKUPNO 30 ZA JE GLASALO 18 UZDRŽANIH 4, PROTIV 2 NIJE GLASALO 6.**

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2013. GODINU**

**Prelazimo na izjašnjanje.**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PLAN RADA SA FINANSIJSKIM PLANOM PRIHODA I RASHODA ZA 2013. GODINU KANTONALNOG STAMBENOG FONDA SARAJEVO.**

**OD UKUPNO PRISUTNIH 30, ZA JE GLASALO 18, UZRŽANIH 6, PROTIV 3, NIJE GLASALO 3.**

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA PLAN RADA SA FINANSIJSKIM PLANOM PRIHODA I RASHODA ZA 2013. GODINU KANTONALNOG STAMBENOG FONDA SARAJEVO.**

**Prelazimo na tačku 17.**

**Tačka 17 i 18 odnose se na ovaj drugi Fond i ja ću sada pročitati predlažem da se ove dvije tačke objedine i da se obavi jedinstvena rasprava.**

**AD – 17.**

**PRIJEDLOG ODLUKE O DAVANJU SAGLASNOSTI NA FINANSIJSKI PLAN FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU, SA PLANOM RAZVOJNIH PROGRAMA – INVESTICIONIM PLANOM**

**AD – 18.**

**PRIJEDLOG ODLUKE O DAVANJU SAGLASNOSTI NA PROGRAMA RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU.**

**Molim zastupnike i zastupnice da se izjasne o objedinjavanju ove dvije tačke.**

**Od ukupno 30, glasalo je 26, 4 nije glasalo, za je 26, nema uzdržanih i protiv.**

Konstatujem da smo objedinili ove dvije tačke.

Pozivam predstavnika predlagača da podnese uvodne napomene ukoliko to želi.

Obzirom da ne želi, da li predstavnici radnih tijela žele riječ? Ne žele. Ima li pitanja? Nema. Otvaram raspravu. Obzirom da nema prijavljenih za raspravu zatvaram raspravu i predlažem da pristupimo pojedinačnom izjašnjavanju prvo za tačku 17.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU, SA PLANOM RAZVOJNIH PROGRAMA – INVESTICIONIM PLANOM.**

**OD PRISUTNIH 30, GLASANJU JE PRISTUPILO 28, 2 NISU GLASALA. ZA JE BILO 27 I 1 UZDRŽAN.**

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA FINANSIJSKI PLAN FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU, SA PLANOM RAZVOJNIH PROGRAMA –**

## **INVESTICIONIM PLANOM.**

**Prelazimo na izjašnjavanje po tački 18.**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAMA RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU.**

**OD PRISUTNIH 30, IZJAŠNJAVANJU JE PRISTUPILO 24, 6 NIJE GLASALO, ZA JE GLASALO 23, UZDRŽAN 1, PROTIV NIJE BILO.**

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA PROGRAMA RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2013.GODINU.**

**Prelazimo na tačku 19.**

**AD – 19.**

**IZVJEŠTAJ O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-30.06.2012. GODINE SA OSVRTOM NA PROBLEMATIKU OBEZBJEĐENJA ALTERNATIVNOG – NUŽNOG SMJEŠTAJA**

Izvještaj ste dobili uz poziv za sjednicu. Molim predstavnika Predlagača da podnese uvodne napomene. Ukoliko Predlagač ne želi da podnese uvodne napomene da li predstavnici radnih tijela žele riječ? Ima li pitanja? Otvaram raspravu. Obzirom da nema prijavljenih zastupnica ni zastupnika, zatvaram raspravu.

**MOLIM POSLANIKE DA PRISTUPE IZJAŠNJAVANJU O IZVJEŠTAJ O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-30.06.2012. GODINE SA OSVRTOM NA PROBLEMATIKU OBEZBJEĐENJA ALTERNATIVNOG – NUŽNOG SMJEŠTAJA.**

**Od prisutnih 30, ukupno je glasalo 27, nije glasalo 3, za je glasalo 24 uzdržanih 3, protiv nije bilo.**

**KONSTATUJEM DA JE SKUPŠTINA USVOJILA / NIJE USVOJILA IZVJEŠTAJ O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-30.06.2012. GODINE SA OSVRTOM NA PROBLEMATIKU OBEZBJEĐENJA ALTERNATIVNOG – NUŽNOG SMJEŠTAJA.**

Obzirom da smo iscrpili Dnevni red današnjeg zasjedanja zaključujem rad na 22. Radnoj sjednici i zahvaljujem se poslanicima. Odmorite se, lijepo se naspavajte i svima vam želim sretne predstojeće praznike. Živi bili.